

X. 56. A. 15




A.15



In motto chi legge  
mo di conpuzureli  
viri senza qua  
dumque dico homin  
dum.

mo di conpuzure  
libri sena <sup>veria</sup> l'ultima  
e un di conpuzure  
vi andonati puzure  
amici / notici / e  
per libri  
amici / e



# THEOLOGIA SCOTI

A prolixitate , & subtilitas eius ab  
obscuritate libera & vindicata:

*Revised* SEV *ad* *condemnationem*

OPVS THEOLOGICVM

*St* STUDENTIBVS *Manz*

Sic attemperatum , vt in illo habeant ad manus

Theologiæ Scolaſticæ integritatem breuem,

*Gratia* profunditatem planam. *rum*

*vally* AVTHORE *Cus. R.*

V.P. IOANNE GABRIELE BOYVIN

In Prouincia Franco-Parifina ſtrictioris Obser-  
uantix Lectore Theologiæ Iubilato.

Et apud FF. Minores Virienses emerito Profefſore ,  
ex eadem vrbe oriundo .

IN QVATVOR PARTES DIVISA.

QVARTA PARS.

*And. & C.* Sexta Editio correctior. *Canal*



VENETIIS, M. DC. XC.

Apud Gaſparem de Stortis .

Superiorum Permiſſu , & Priuilegio.

Comptroller

PAID TO ORDER

for

to

for

for

for

for





# PRÆFATIO.

**Q**uia promiserat huiusce Operis dispositio aliqua, quæ pati non potuit tripartitæ nostræ Theologiæ breuitas, ut pote Tractationes de Peccatis, de præceptis Decalogi, de Ecclesia, de Pontifice, & de Concilijs: Ideò nè promissis desit effectus, tribus præcedentibus partibus quartam subiungere necessarium duxi; quæ agit, non quidem de peccatis, nec de præceptis Decalogi ( hæc enim materia communiter habetur apud Canonistas ) sed de virtutibus Theologicis, de Ecclesia, de Pontifice & de Concilijs: vnde, ut cum breuitate coniungatur ordo, duplicem reponimus in hac vltima parte Tractatum. In primo agitur de virtutibus Theologicis, cum præambulo quodam succincto de virtutibus in genere & de Cardinalibus in specie. In tres Disputationes diuiditur ille Tractatus: quarum prima, quæ est de Fide, quatuor habet Capita, de natura Fidei scilicet, de obiecto Fidei, de actu Fidei, & de vitijs Fidei oppositis. Disputatio secunda est de Spe. Tertia denique de Charitate agit in tribus Capitibus. in quibus examinantur natura Charitatis, effectus Charitatis, & vitia Charitati opposita. Quantum ad secundum Tractatum de Ecclesia; tribus Capitibus



absoluitur, de Ecclesia nimirum, de Pontifice & de Concilijs. Prima subdividitur in tria Capita, quæ de Ecclesia in se considerata loquuntur, de Notis Ecclesiæ, de Oppugnatoribus, & Propugnatoribus eiusdem; Vbi habentur hæreses cuiuslibet sæculi, & Patres seu doctores qui illas extirpare conati sunt. Secunda Disputatio agit de Summo Pontifice; in qua, per duodecim amplissimas Quæstiones & totidem Quæstiunculas videntur, ni fallor, cuncta, quæ in hac materia scitu digna sunt, Tertia denique Disputatio est de Concilijs, in quatuor Capitula digesta, vt videamus primò, quid dicendum sit de Concilijs in genere; secundò agitur de Concilijs generalibus; tertio de Concilijs particularibus cuiuslibet sæculi; quartò denique subiungemus, breuem & accuratam Pontificum Chronologiam.



INDEX

# I N D E X

## CAPITVM , DISPVATIONVM , ET QVÆSTIONVM

### QVARTÆ PARTIS.

## TRACTATVS PRIMVS. De Virtutibus Thologicis.

### DISPVATIO I. DE FIDE.

Caput <b>I.</b> De Natura Fidei .	fol. 5.
Quæst. I. <b>Q</b> uid sit Fides?	6.
II. Quotuplex sit Fides?	7.
III. Vtrum Fides sit virtus in intellectu res- dens?	10.
IV. Quomodo Fides à Charitate pendeat?	12.
V. Vtrum Fides debeat esse integra?	14.
VI. In quibus existat Fides?	16.
VII. A quo sit Fides?	19.
VIII. Quinam sint effectus Fidei?	20.

### Caput II. De obiecto Fidei .

Quæst. I. <b>Q</b> uidnam sit obiectum formale Fi- dei?	25.
II. Quidnam sit obiectum materiale Fidei?	26.
<b>III.</b> Vtrum dentur aliqua motiua, qua recedant obiectum Fidei aliquo modo credibile eviden- ter?	29.
IV. Quanam sit regula Fidei .	31.
V. Vtrum Traditiones admittenda sint pro regula Fidei?	34.
VI. Vtrum Ecclesia sit regula Fidei?	37.
<b>VII. De Symbolo Fidei .</b>	41.

- Quæst. I. **A** N sit necessariò credendum? 45  
 II. Quanam necessariò credenda  
 sunt necessitate medi? 49  
 III. Quanam necessariò credenda sunt necessitate  
 præcepti? 54  
 IV. Vtrum Fides, qua omnibus est necessaria,  
 possit haberi ab omnibus? 56  
 V. Vtrum sit obligatio ad actus externos Fidei? 58

Caput Vltimum. De Vitijs Oppositis Fidei . 64

- Quæst. I. **Q**uid dicendum sit de Infidelitate? ibidem .  
 II. Quid dicendum sit de Hæresi? 69  
 III. Quid dicendum sit de Apostasia? 73  
 IV. Quid dicendum sit de Blasphemia? 74

Disputatio II. De Spe .

- Quæst. I. **Q**uid sit Spes? 76  
 II. Quodnam sit subiectum proximum Spei? 77  
 III. Quodnam sit subiectum remotum Spei? 79  
 IV. Quodnam sit obiectum? 81

Disputatio III. De Charitate . 85

Caput I. de Natura Charitatis . 86

- Quæst. I. **Q**uid sit Charitas? ibidem  
 II. Quodnam sit obiectum Charitatis? 88  
 III. A quo sit Charitas? 89  
 IV.

# I N D E X.

IV. Vtrum detur praeceptum Charitatis circa Deum?	94
V. Vtrum detur praeceptum Charitatis circa proximum?	97
VI. Vtrum detur praeceptum de diligendo inimico?	98
VII. Vtrum debeat esse aliquis ordo in actibus Charitatis?	99
VIII. Quisnam sit ille ordo, qui extare debet in actibus Charitatis.	102
IX. Quo ordine debeamus diligere proximos nostros?	106

## Caput II. De effectibus Charitatis. 109

Quaest. I. <b>D</b> E Eleemosyna.	110
II. De correctione Fraterna.	116

## Caput III. De Vitijs oppositis Charitati. 120

Quaest. I. <b>D</b> E Schismate.	122
II. De Scandalo.	125
III. De Belle.	128

## TRACTATUS II. De Ecclesia.

### Disputatio I. De Ecclesia. 136

Quaest. I. <b>Q</b> uid sit Ecclesia?	ibidem
II. Quando incepit Ecclesia?	138
III. Vtrum Ecclesia sit visibilis?	139
IV. Vtrum uniuersalis Ecclesia possit errare in fide?	142
V. Quinam ad Ecclesiam pertineant?	146
VI. Quas prerogatiuas habeat Ecclesia supra Synagogam?	150

Ca-

# I N D E X.

## Caput II. De Notis Ecclesiæ .

- Quæst. I. **D**E prima nota Ecclesiæ , qua est  
Vnitas? 153
- II. De secunda Ecclesiæ nota, qua est Sanctitas .  
156
- III. De tertia nota Ecclesiæ , qua est Vniuersali-  
tas . 160
- IV. De vltima nota Ecclesiæ , qua Apostolica  
dicitur . 163
- V. Quanam sunt rationes alia , quibus ostendi-  
tur veritas Ecclesiæ Romana , & falsitas re-  
formata . 167

## Caput vltimum . De Oppugnatoribus & Pro- pugnatoribus Ecclesiæ . 174

**D**E Haresibus & Doctõribus primi sæculi .  
ibidem

- De Haresibus & Doctõribus secundi sæculi . 175
- De Haresibus & Doctõribus tertij sæculi . 177
- De Haresibus & Doctõribus quarti sæculi . 179
- De Haresibus & Doctõribus quinti sæculi . 182
- De Haresibus & Doctõribus sexti sæculi . 184
- De Haresibus & Doctõribus septimi sæculi . 185
- De Haresibus & Scriptoribus octauæ sæculi . 186
- De Haresibus & Scriptoribus noni sæculi . 188
- De Haresibus & Scriptoribus decimi sæculi . 190
- De Haresibus & Scriptoribus undecimi sæculi .  
191
- De Haresibus & Scriptoribus duodecimi sæculi .  
192
- De Haresibus & Scriptoribus tertii decimi sæculi .  
194
- De Haresibus & Scriptoribus quartidecimi sæculi .  
196
- De Haresibus & Scriptoribus quintidecimi sæcu-  
li . 198

De



*De Hæresibus & Scriptoribus sextidecimi sæculi .*

199

*De Hæresibus & Scriptoribus huius sæculi .* 207

*Disputatio II. De Summo Pontifice .* 209

Quæst. I. **Q** *Vanam regiminis forma alteri præferenda est ?* 211

II. *Vtrum regimen Monarchicum vigeat in Ecclesia ?* 213

III. *Vtrum gubernatio Ecclesiastica sit Aristocratia temperata ?* 217

IV. *In quo resideat potestas Ecclesia ?* 221

V. *Vtrum suprema Petri potestas transmissa sit ad Pontifices Romanos .* 228

VI. *Vtrum Papa possit dici Episcopus uniuersalis ?* 236

VII. *Vtrum à Summo Pontifice deriuetur immediatè potestas Episcoporum ?* 234 aliàs 244

VIII. *Vtrum in rebus fidei & morum definiendis Papa sit infallibilis ?* 240

IX. *Vtrum Papa tanquam priuata persona possit esse Hæreticus ?* 251

X. *Vtrum Papa Hæreticus deponi possit ?* 254

X. *De Pontificibus quos in errorem lapsos esse dicunt Hæretici .* 256

*Appendix quæstiuncularum , quæ adhuc ad Summum Pontificem spectant .* 263

*Ad Disputationem Tertiam . De Concilijs Prælibatio .* 277

**D** *E Verbo Dei Scripto , seu de Scriptura .*  
ibidem

*De Verbo Dei non Scripto , seu de Traditionibus .*  
281

Dis-

# I N D E X.

Disputatio III. de Concilijs. 283

Caput I. de Concilijs in genere. 284

Quæst. I. **Q** Vanam sit origo Conciliorum? 2  
ibidem

II. Vtrum Concilium generale necessarium sit? 287

III. Quotuplex sit Concilium? 289

IV. Ad quem spectet conuocatio Conciliorum. 292

V. Quisnam sint ad Concilium conuocandi? 294

VI. Cuius sit præsidere in Concilio generali. 298

VII. Vtrum necessaria sit Conciliorum confirmatio à Summo Pontifice? 302

VIII. Vtrum Papa sit supra Concilium? 305

Cap. II. De Concilijs in particulari.

**D**E Concilijs Apostolorum. 316

De Concilio Nicano primo. 317

De Concilio Constantinopolitano primo, quod est Concilium 2. Generale. 319

De Concilio Ephesino primo, Generalium tertio. 321

De Concilio Chalcedonensi, quod est quartum generale. 322

De Concilio Constantinopolitano 2. quinto generali. 324

De Concilio Constantinopolitano 3. quod est sextum generale. 326

De Concilio Nicano secundo, generalium septimo. 327

De Concilio Constantinopolitano 4. Generalium octauo. 328

De Concilio Lateranensi primo, & nono inter Oecumenica. 329

De

# I N D E X:

<i>De Concilio Lateranensi secundo , &amp; decimo generali .</i>	331
<i>De Concilio Lateranensi tertio , &amp; generalium undecimo .</i>	332
<i>De Concilio Lateranensi quarto , inter generalia duodecimo .</i>	333
<i>De Concilio Lugdunensi primo , tertio-decimo generalium .</i>	ibidem
<i>De Concilio Lugdunensi secundo , quarto-decimo generalium .</i>	335
<i>De Concilio Viennensi , generalium quarto-decimo</i>	337
<i>De Concilio Constantiensi &amp; Basileensi partim approbatis , &amp; partim reprobatis .</i>	339
<i>De Concilio Florentino , quod fuit sextum-decimum inter generalia .</i>	340
<i>De Concilio Lateranensi quinto , decimo-septimo generalium .</i>	341
<i>De Concilio Tridentino generalium ultimo .</i>	342
 <b>Caput III. De Concilijs Particularibus .</b>	 343

<b>D</b> <i>E Concilijs particularibus primi seculi .</i>	344
<i>De Concilijs secundi seculi .</i>	345
<i>De Concilijs tertij seculi .</i>	ibidem
<i>De Concilijs quarti seculi .</i>	347
<i>De Concilijs quinti seculi .</i>	348
<i>De Concilijs sexti seculi .</i>	349
<i>De Concilijs septimi seculi .</i>	350
<i>De Concilijs octavi seculi .</i>	ibidem
<i>De Concilijs noni seculi .</i>	351
<i>De Concilijs decimi seculi .</i>	ibidem
<i>De Concilijs undecimi seculi .</i>	352
<i>De Concilijs duodecimi seculi .</i>	353
<i>De Concilijs tertijdecimi seculi .</i>	354
<i>De Concilijs quarti-decimi seculi .</i>	ibidem
<i>De Concilijs quintidecimi seculi .</i>	355
<i>De</i>	

# I N D E X.

<i>De Concilijs sexti-decimi seculi.</i>	ibidem
<i>De Conciliis decimi septimi seculi.</i>	356

Caput IV. Breuem Summorum Pontificum, Chronologiam continens.	357
--	-----

<b>D</b> E Pontificibus primi seculi.	ibidem
<i>De Pontificibus secundi seculi.</i>	358
<i>De Pontificibus tertii seculi.</i>	359
<i>De Pontificibus quarti seculi.</i>	362
<i>De Pontificibus quinti seculi.</i>	363
<i>De Pontificibus sexti seculi.</i>	365
<i>De Pontificibus septimi seculi.</i>	367
<i>De Pontificibus octavi seculi.</i>	370
<i>De Pontificibus noni seculi.</i>	372
<i>De Pontificibus decimi seculi.</i>	374
<i>De Pontificibus undecimi seculi.</i>	376
<i>De Pontificibus duodecimi seculi.</i>	378
<i>De Pontificibus tertriidecimi seculi.</i>	379
<i>De Pontificibus quarti-decimi seculi.</i>	381
<i>De Pontificibus quinti-decimi seculi.</i>	383
<i>De Pontificibus sexti-decimi seculi.</i>	384
<i>De Pontificibus decimi-septimi seculi.</i>	386

F I N I S.

THEO-





# THEOLOGIAE SCOTI

## QUARTA PARS.

### TRACTATUS

*De Virtutibus Theologicis.*



Institutum Theologicarum, quæ propriè nostri sunt instituti, explicationem aggredientes, à Virtutis definitione in genere, ipsiusque diuisione ordiri, nil rectius; vt ab vniuersalibus ad particularia descendentes, postquam viderimus, quid sit Virtus in se, & quoduplex, aperiamus postea quid dicendum sit de Virtutibus Theologicis in specie.

Primò, ergo dicendum est quòd Virtus multis modis vsurpetur; aliquando pro potentia actiua, sic Medici discurrunt de virtutibus plantarum; aliquando pro actu talis potentiae, vnde Ioel dicit, cap. 2. *Ficus & vinea dederunt virtutem suam*; sed propriè sumitur pro habitu inclinante ad actus bonos; homo enim à naturali rectitudine deflectens per peccatum, necesse habuit recuperare aliqua media, quibus ad Deum rediret; quæ quidem media nihil aliud sunt, quàm virtutes.

Secundò, quantum ad Virtutis diuisionem reuocandum est quod iam diximus in Tractatu de Incarnatione, cap. 8. quæst. 11. vbi Virtutem diuisimus; Primò, ratione principij, in Infusam & Acquisitam. Illa est, quâ nobis largitur Deus; illa verò est ea, quam acquirimus naturaliter per frequentationem actuum.



Secundò, ratione subiecti diuiditur Virtus in Intellectualem, quæ residet in Intellectu; & in Moralem, quæ sedem habet in Voluntate: Virutes autem intellectuales inclinant intellectum ad verum cognoscendum, sicut morales voluntatem ad bene viuendum secundum dictamen rationis; & tam intellectuales, quàm morales ad operationem bonam inducunt; sed illæ ad operationem bonam in genere naturæ, istæ ad operationem bonam in genere moris: Vnde qui habet virtutes morales, potest dici bonus simpliciter; & qui habet intellectuales, potest tantum dici bonus secundum quid, vt bonus Philosophus, bonus artifex, &c. Tertiò ratione obiecti, Virtus diuiditur in Theologicam & Cardinalem; Theologicæ respiciunt Deum vt obiectum præcipuum, & Cardinales respiciunt media, quibus homo ad Deum accedit.

Theologicæ virtutes rectificant partem superiorem animæ, eamque dirigunt immediatè in vltimum finem. Virtutes cardinales, quæ sunt veluti ianua ad Deum conducentes, rectificant partem animæ inferiorem, vt rationi subiiciatur. Prudentia enim Rationem dirigit in vitandis & eligendis: Fortitudo Appetitum Irascibilem rectificat in perferendis molestijs & superandis difficultatibus in operatione boni passim occurrentibus. Temperantia Appetitum Concupiscibilem inclinat, vt à delectationibus prauis coerceatur. Iustitia verò totum hominem ordinat ad reddendum unicuique quod suum est. Licet virtutum Cardinalium examinatio præcisè ad Philosophos Morales spectet, quædam tamen de illis ex occasione dicere, non otiosum fortè videbitur, antequam ex professo Virtutum Theologicarum naturam examinare suscipiamus.

Prudentia, quæ ex nomine idem est ac procul videntia, in quantum est certa quædam futurorum præuisio, præteritorum recordatio, & præsentium intuitio, secundum rem est habitus inclinans intellectum ad iudicandum quid agendum vel omittendum sit hic & nunc, hoc est in particulari. Per primam particulam apparet Prudentia, quæ est actus intellectus, distingui ab alijs virtutibus Moralibus quæ sunt actus voluntatis: Per secundam, obiectum Prudentiæ indicatur quod est scilicet omne faciendum vel omit-

ten-

tendum, cum Prudentia impellat voluntatem ad bonum & auerrat à malo : Per tertiam denique, distinguitur Prudentia à Philosophia Morali, quæ iudicat quidem de omittendis & faciendis, sed tantum in genere, vbi Prudentia ad particulares circumstantias descendit. Prudentia tres species agnoscit, sicut Moralis Philosophia; nempe Prudentiam politicam, quæ versatur circa gubernationem Reipublicæ; Oeconomicam, quæ respicit directionem familiæ; & Monasticam, quæ circa directionem hominis priuati versatur: Cum hoc discrimine ( vt diximus) quod hæ species prudentiæ dirigant actiones in particulari, species verò Moralis dirigant tantum in genere.

Iustitia est habitus inclinans voluntatem ad reddendum unicuique quod suum est. Aliquid pertinet ad aliquem, vel iure naturali, quo modo vita pertinet ita ad vnumquemque, vt ius habeat illam conseruandi & defendendi; vel iure positiuo, quo prædium v. g. ita ad dominum pertinet, vt illud conseruare, vendere, & ab usurpatore repetere valeat; vel iure consuetudinis, in quantum consuetudo vim legis obtinet, modò conditiones requisitas habeat. Iustitia duplex est; Generalis scilicet quæ personam publicam respicit, qua Iudex v. g. decernit unicuique quod suum est; & Priuata, qua vnusquisque alteri tribuit quod est suum. Subdiuiditur Iustitia in Commutatiuam & Distributiua. Commutatiua inclinat ad reddendum alteri æquale pro æquali secundum proportionem Arithmeticam, vt patet in contractibus, v. g. in venditione, quæ est traditio rei alicuius pro alia æquiualente; in emptione, quæ est acceptio alicuius pro æquiualente; in locatione, quæ est acceptio rerum vtendarum, mediante aliquo pretio; &c. Iustitia distributiua inclinat præsertim Personas Publicas ad reddendum unicuique quod suum est secundum proportionem geometricam; id est conferendo præmia, vel poenam infligendo iuxta meritum vel demeritum personarum, quæ bene vel male egerunt. Iustitia enim Distributiua diuiditur in Remuneratiuam quæ virtuti præmium reddit, & in Punitiuam quæ crimini infligit poenam.

Fortitudo est Virtus, quæ voluntatem inclinat ad labores perferendos & iuxta pericula aggredienda. Medium tenet inter audaciam & timiditatem, quia

A a con-

consistit in perpeſſione laborum, quos fugit timi-  
 das; & in aggreſſione iuſtorum periculorum, vbi Au-  
 dacia ad omnia pericula inclinât, ſiue iuſta & hone-  
 ſta ſint, ſiue non. Duplex eſt ſpecies Fortitudinis;  
 alia enim eſt vera, quæ inclinât ad iuſtos labores per-  
 ferendos & recta pericula aggredienda, ſolius ho-  
 neſtatis & publicæ vtilitatis gratia, in his ſeruando  
 mediocritatem; alia verò eſt apparens, quæ exerce-  
 tur, non intuitu honeſtatis aut publicæ vtilitatis præ-  
 ciſè, ſed ſub alio nomine, alijsque de cauſis. Sic ali-  
 quando ciues patriam defendunt ad damnum vitan-  
 dum, aut præmia conſequenda: ſic milites adeunt  
 pericula ob ſtipendia vel ſpolia: ſic iracundi ex odio  
 & vindicta, ſic etiam imprudentes, qui neſcientes  
 pericula, actiones periculofas aggrediuntur. Duo  
 præcipui ſunt Fortitudinis actus, nimirum Aggredi,  
 & Suiſtinere.

Temperantia denique eſt virtus inclinans volun-  
 tatem ad moderandum appetitum circa voluptates  
 corporis, & præſertim Guſtus & Taſtus. Omnes qui-  
 dem delectationes animæ & aliorum ſenſuum mode-  
 ratione indigent, ne in exceſſum, aut defectum im-  
 pingant: ſed propriè ille tantum Intemperans dicitur,  
 qui immoderatè fertur in delectationem Guſtus,  
 aut Taſtus: Vnde aſpectus mulieris intemperantiam  
 tantum inducit, in quantum excitat ad libidinem,  
 quæ ſpectat ad delectationem taſtus: ſic etiam olfa-  
 ctus & viſus ciborum intemperantem faciunt, quia  
 ad eos appetitum prouocant. Ideò autem Temperan-  
 tia verſatur præcipuè circa taſtum & guſtum; quia  
 horum ſenſuum delectationes ſunt difficiliſimæ, vt regu-  
 lentur; in quantum delectatio guſtus inducit ad con-  
 ſeruationem indiuidui, mediante ſcilicet alimento;  
 delectatio autem taſtus reſpicit conſeruationem ſpe-  
 ciei, mediante generatione. potiffimum verſatur  
 Temperantia circa taſtum; quia quiſque ſentit maio-  
 rem eſſe difficultatem, dum reſiſtitur Taſtui, qui per  
 omnes corporis partes diffunditur, quam Guſtui, qui  
 in ſola linguæ cuspide reſidet. Temperantia quatuor  
 habet ſpecies, quarum prima eſt Abſtinentia, quæ re-  
 primit delectationem in cibo; ſecunda eſt Sobrietas,  
 quæ delectationem in potu moderatur; tertia eſt  
 Caſtitas, quæ voluntatem regulat, vt ordinatè tan-  
 tum appetat voluptates licitas; quarta denique eſt  
 Pu-

Pudicitiam quæ reputat voluntatem circa actiones externas, vnde oriri possunt voluptates venereæ, vti sunt amplexus & oscula. Nunc ed virtutes Theologicas progrediendum est, & primò ad explicationem fidei.

## DISPUTATIO PRIMA.

## De Fidei.

**L**icet Charitas ordine excellentiæ Fidem præcedat, iuxta D. Paulum, 1. Corinth. 13. *Fides, Spes, Charitas; tria hæc, maior autem horum est charitas*; ordine tamen generationis primum locum obtinet Fides: vnde ipsemet Apostolus illam ante Spem & Charitatem collocat, & hoc iure merito; quandoquidem cognitio obiecti spem & amorem præcedit, cum voluntas in incognitum tendere non valeat. Nil mirum ergo, si de Virtutibus Theologicis agere intendentes à Fide sumamus exordium; hoc in præsentī disputatione, quæ in plura capita diuidetur; nempe in quatuor, quorum primum erit de natura & proprietatibus Fidei; secundum de obiecto Fidei; tertium de actu interno & externo Fidei; quartum denique de vitijs Fidei oppositis.

## CAPVT PRIMVM.

## De natura Fidei.

**V**arias acceptiones nomen Fidei habet in sacra Scriptura. Primò sumitur pro fidelitate in promissis, Rom. 3. *Numquid incredulitas eorum fidem Dei euacuabit?* idest veracitatem. Secundò, vsurpatur pro promissione, idest ad Timot. 5. *Iuniores vidua primā fidem irritam fecerunt*; i. inquit Augustinus, vouerunt & promiserunt Deo, & non impleuerunt promissum. Tertiò, pro fama quam quis habet vt credatur, sic Eccli. 27. *Qui denudat arcana amici, fidem perdit*; idest non amplius existimatur fidelis. Quartò, pro conscientie distamine; Rom. 4. *Quod non est ex fide, peccatum est*. Quintò, pro fiducia consequendi id quod desideratur; Matth. 14. *Modica fidei, quare*

A 5 dubi-



*dubitasti*? Sextò, pro assensu quem præbemus dictis quæ nobis proponuntur à veraci homine sic dicitur communiter, probis adhibendam esse fidem. Septimò denique & ad propositum, Fides sumitur pro Virtute Theologica, quæ est quædam qualitas supernaturalis in intellectu residens, quo disponitur ad credendum Deo, & illis quæ nobis diuinitus reuelantur. De ea sic sumpta discurrendum est.

## Q V Æ S T I O P R I M A.

*Quid sit Fides.*

**D** Vm Paulus ad Rom. II. dicit, *Fides est substantia sperandarum rerum, argumentum non apparentium*, potius definit fidem per effectum & proprietatem, quàm per essentiam & rationem formalem. Dicit primò fidem, *esse substantiam sperandarum rerum*, vel quia fides est basis substans toti edificio spiritali, quod constituitur ex virtutibus, quæ nos conducunt ad possessionem gloriæ æternæ, quam speramus; vel quia per fidem, seu cognitionem, iam aliquo modo subsistunt in nobis ea quæ speramus, licet actu nondum possideantur. Dicit secundo, fidem esse *argumentum non apparentium*, quia tanquam firmum argumentum fides assentire facit veritatibus reuelatis propter auctoritatem Dei reuelantis. Nobis quærenda est germana & formalis Fidei definitio, quæ quidem Fides potest considerari, vel vt est actualis, vel vt habitualis.

## C O N C L U S I O.

**F** Ides Actualis est actus supernaturalis intellectus quo firmiter, obscure tamen, assentimur omnibus quæ Deus reuelauit, propter solam reuelantis auctoritatem. Fides habitualis est habitus intellectus quo inclinamur & disponimur ad credendum firmiter omnes veritates à Deo reuelatas pro eo tempore quo nobis innotescunt, & hoc propter solam Dei reuelantis auctoritatem. Ab hac virtute habituali, omnes Catholici, siue paruuli adhuc sint, siue sint adulti qui dormiant, aut mente sint capti, Fideles dicuntur.

Dici-



Dicitur primò, *habitus*; non qui dat tantum facilitatem ad assentiendum veritatibus reuelatis, sed qui dat simpliciter potentiam assentiendi. Est enim hæc differentia inter habitus naturales & supernaturales, quod naturales faciliunt potentiam ad agendum; supernaturales verò dent simpliciter facultati agendi potentiam, ita quò intellectus nequaquam credere possit sine fide, nec voluntas amare sine charitate, loquendo de fide & amore Dei, quæ ducunt ad salutem.

Dicitur secundò, *intellectualis*; quia fides est in intellectu, tanquam in subiecto. Ille autem habitus intellectus est eminenter Speculatiuus & Practicus. Quatenus assentimur veritatibus speculatiuis, credendo v.g. Deum esse Trinum, est Speculatiuus; quatenus autem assentimur veritatibus practicis; ut quando credimus, virtutem esse amandam, est Practicus; sic aliàs docuimus, Theologiam esse diuerso respectu speculatiuam & practicam.

Dicitur tertio, *Quo inclinamur ad credendum omnes veritates à Deo reuelatas*. Vnde hæretici eo instanti quo in Hæresim lapsi sunt, dicuntur amisisse fidem; cuius ratio est, quia habitus Fidei est indivisibilis qui totus deperditur in Hæretico, dum vnum articulum negat, sicque potest denominari infidelis. Quòd si videatur habere eandem facilitatem ad credendum, ea quæ non negat, ac habebat ante Hæresim; illa facilitas procedit à consuetudine & à fide acquisita, non à fide infusa, quæ deperdita est per Hæresim. Additur, *propter solam reuelantis auctoritatem*; quia sicut in fide humana, assentimur propositioni factæ ab aliquo, ob auctoritatem dicentis, quem veracem credimus, sic in fide diuina assensum præbemus illi, quæ Deus reuelauit, & Ecclesia nobis credenda proposuit, propter Dei reuelantis auctoritatem, qui summè verax est in dicendo; & hoc magis explicatur postea, vbi agitur de obiecto formali, seu motiuo fidei,

## QVÆSTIO II.

*Quotuplex sit Fides?*

**T**riplicem admittunt Calvinistæ, historicam, scilicet, qua creditur, omnia esse vera quæ

A 4 Deus

Deus in scripturis reuelauit : Miraculorum, qua creditur nihil esse, quod à Deo fieri non possit : & Promissionum, qua creditur veras esse promissiones Dei de remissione peccatorum & adeptione gloriæ celestis per merita Christi. Dicunt postea, fidem historicam respondere Diuinæ veritati, fidem miraculorum D. potentia; & fidem promissionum D. bonitati. Aseuerant denique has tres fides esse inter se distinctas realiter, adeoque vnā posse inueniri sine alia. Antequam resoluamus contra illos, sciendum est, fidem posse sumi pro habitu infuso qui in Christiano permanet, vel pro actu quo fidelis credit hanc vel illam veritatem reuelatā à Deo & ab Ecclesia propositam.

### CONCLUSIO.

**L**icet fides actualis possit esse multiplex, habitualis tamen est vna tantum, & vnus tantum habitus. Quod fides actualis sit multiplex, patet ex eo quod vno actu creditur vnus articulus, alio alius; & sic sunt plures actus fidei, pro multiplicitate veritatum quæ creduntur. Illi actus fidei sortiuntur diuersa nomina, prout obiecta partialia quæ creduntur diuersa sunt : Vnde alia Fides vocatur Fides Historica, alia vocatur Fides Miraculorum, alia denique Fides Promissionum; quatenus scilicet prima fertur in Historias à Deo reuelatas; secunda in potentiam Dei quæ potest in quocumque genere edere miracula; & tertia in ipsius bonitatem, quæ salutem hominibus promittere voluit.

Probatur autem quod fides habitualis sit vna specie, ex D. Paulo ad Ephes. 4. *Vnus Deus, vna fides.* Et 2. ad Cor. 4. *Habentes eundem spiritum fidei.* Sicut & 10. *Omnes eandem escam spirituales manducauerunt, & eundem potum spirituales biberunt :* quod intelligitur de fide, quæ fuit eadem essentialiter apud Iudæos & Christianos, licet fuerit diuersa accidentaliter, in quantum credebant futura quæ nobis sunt præsentia, & multa implicite tantum, quæ explicite credimus. Ratio huius est, quia obiectum fidei, tum materiale, tum formale, est vnum, nimirum Deus in se, & Deus vt reuelans, vt probabitur in Cap. sequenti : Ergo fides est etiam vna; quandoquidem,

vni.

vnitas specifica Virtutis petitur ab vnitate obiecti formalis.

Obijcies primò, fidem partialem de vno articulo esse distinctam specie à fide partiali de alio articulo, sicut quælibet scientia partialis est distincta specie ab alia, vt potè in Physica, vbi scientia de elementis est distincta à scientia de corpore. Resp. non esse parem rationem, quia illæ partiales scientiæ habentur per diuersas rationes, nec acquiruntur per eadem argumenta, vnde sunt diuersæ; fides verò tantum vnā credendi rationem adhibet, quia scilicet Deus per scripturas & per Ecclesiam hoc vel illud reuelauit: Ergo licet scientiæ partiales distinguantur inter se specificè & essentialiter; attamen fides partiales non distinguuntur specificè, nisi tantum materialiter & obiectiue. Vnde dicendum est ad Caluinum supra allegatum, Fidem Historicam, Miraculorum & promissionum esse eandem; in quantum res gestæ, miracula & promissiones idè creduntur, quia creduntur in scriptura. Non immeritò ergo de illis loquens Maldonatus in cap. 9. Matt. ait: *Ista triplex fides, quam nuper inuenerunt, figmentum est; & si vnā haberent fidem, omnem haberent; qui triplicem habent, nullam habent.*

Obijcies secundò, Fidem Viuam differre specie à Mortua. Resp. differre tantum accidentaliter & extrinsecè; nam licet Fides viuā differat à mortuā in ratione meriti (in quantum illa meritoria est, non ista) non differunt tamen substantialiter. Dices in vno fides est maior, in alio minor; nam plura credunt Christiani, quam Iudæi. Resp. fidem habitualement posse augeri intensiue, in quantum vnus homo firmitus adheret credendis quam alius; non tamen potest augeri extensiue, quasi vnus credat aliquid quod alter non credit, nisi explicitè; qui enim habet habitum fidei, paratus est omnia reuelata & reuelanda credere; & si aliquid dicatur credere de nouo quod illi reuelatum est, est quia credit aliquid explicitè, quod antea tantum implicitè credebat, ita quod tota extensio fidei sit tantum respectu fidei actualis explicitæ, non verò respectu implicitæ; qui enim credit per fidem diuinam, credit saltem implicitè omnia quæ Deus reuelaturus est.

## QVÆSTIO III.

*Vtrum Fides sit virtus in intellectu residens.*

**S**ub hoc titulo duæ proponuntur difficultates; vtrum primò fides sit virtus, quod intelligitur tum de Fide viua quæ coniungitur cum Charitate, tum de Fide Mortua quæ est in peccatore. Vtrum secundò illa Virtus fidei sit in intellectu, tanquam in subiecto; & hoc proponitur ob opinionem Caluini dicentis Fidem iustificantem consistere in certa quadam fiducia qua quis credit omnia peccata sibi remissa esse propter merita Christi, se esse iustum coram Deo, securumque de sua salute; vnde multis in locis, & præsertim lib. 3. Instit. cap. 2. §. 5. dicit, *Fidelis non est, nisi qui sua salutis securitati innoxius diabolo & morti confidenter insultat.* Cum autem fiducia pertineat ad voluntatem, quoniam nihil est aliud quam firma spes de re consequenda, & spes secundum illos sit habitus voluntatis, ex hoc concludunt Hæretici, fidem residere, non in intellectu, sed in Voluntate, tanquam in subiecto.

## CONCLUSIO PRIMA.

**F**ides tum Viua, tum Mortua est virtus. Ratio primæ partis est, quia virtus est habitus perficiens potentiam & illam ordinans ad eliciendum actus perfectos in suo genere; sed fides Viua perficit intellectum & ipsum inducit vt credat certò ea quæ Deus reuelauit. Ergo fides est virtus, maximè cum ille actus credendi sit perfectus, vtpotè ad cælestem gloriam, conducent. quam meretur de condigno.

Probatur secunda pars, quæ maiorem præ se fert difficultatem. Primò, quia Fides, etiam Mortua, substantialiter & physicè sumpta, est habitus intellectum determinans ad firmiter credendum ea quæ Deus reuelauit, cum ordine saltem remoto ad vitam æternam ad quam conducit, quandoq; idem est principium iustificationis remotum; Ergo ipsa est virtus. Secundò, quia infidelitas positiua est vitium; ergo Fides qualicumque sit, est Virtus, quoniam vtraque opponitur Infidelitati, & oppositorum non opposita est consequen-

tia.



tia. Tertiò, quia fides mortua non differt physicè à viua, sed tantùm moraliter; imò Charitas, quæ fidem mortuam viuificat, extrinseca est fidei; ergo non dat illi, nec tollit ab ea quòd sit virtus.

Obijcies ex D. Thoma, Fidem Mortuam non esse Virtutem; & ex D. August. l. 5. contra Iulianum, cap. 3. nullam Virtutem vocari debere, nisi in eo qui fuerit iustus, nec censendas esse virtutes quæ nihil prosunt ad beatitudinem. Resp. ad vtrumque, fidem mortuam, nec quamcumque virtutem sine gratia, esse Virtutem in gradu perfecto; quia vltimum complementum Virtutis illi deest, in quantum, nec reddit hominem simpliciter iustum, nec conducit immediate ad vitam æternam; est tamen fides mortua virtus entitatiuè & substantialiter, quia conducit saltem remote ad vitam æternam; hoc modo explicat Caietanus D. Augustinum.

## CONCLUSIO SECVNDA.

**F**ides residet in Intellectu, tanquam in subiecto, quia Theologi omnes docent, fidem esse habitum quo credimus & agnoscimus ea quæ Deus reuelauit esse vera; credere autem & agnoscere, ad intellectum spectant: ergo Fides in Intellectu residet: vnde fidei viatorum succedit visio beatorum.

Obijcies. Præbere assensum pertinet ad voluntatem, sed per fidem præbemus assensum omnibus quæ à Deo reuelantur: ergo fides ad voluntatem spectat. Resp. quòd consensus possit ferri circa bonum & circa verum: fertur circa bonum, quando aliquod bonum vtile iucundum, vel delectabile desideramus, & in illo adepto complacemur, & tunc spectat ad voluntatem præbere assensum: Consensus secundò fertur circa verum, cùm iudicamus & sentimus aliquid esse verum, & tunc consensus ad intellectum pertinet, & proinde fides qua sentimus & existimamus ea esse vera, quæ Deus reuelauit vel per scripturam, vel per Ecclesiam.

Addendum est quod licet fides formaliter spectet ad intellectum; attamen requiritur aliquis actus Voluntatis, quo captiuetur intellectus in obsequium Fidei, vt cum D. Paulo loquar; cum enim actus credendi sit circa res obscuras, requiritur aliquis

actus Voluntatis imperantis intellectui, vt indicet & credat esse verum id quod credendum proponitur; & hoc facit voluntas per virtutem obedientiæ & humilitatis, quæ vocatur studiositas aut humilitas. Ex quo dicendum est quod fides non consistat in sola apprehensione rerum creditarum, quoniam multa cognoscimus & apprehendimus quæ sunt falsa & hæretica; sed consistit in cognitione cum firmo assensu ad ea quæ reuelantur, & ille assensus imperatur à Voluntate, licet sit actus intellectus.

#### Q V Æ S T I O I V.

*Quomodo Fides à Charitate pendeat.*

**S**ectarij clamitant, Fidem ita à Charitate pendere, vt sine Charitate, nulla existat Fides; & idem infirmant illam diuisionem Fidei, in Viuam & Mortuam, quam admittunt Catholici, asserentes quod reuera fides maximam perfectionem desumat à charitate, attamen illam posse realiter existere sine ista, quod videndum est antequam quæstioni respondeamus.

#### C O N C L V S I O P R I M A.

**F**ides existere potest sine Charitate. Sic Concil. Trid. Sess. 6. de Iustificatione Can. 28. *Si quis dixerit, amissa per peccatum gratia, simul & fidem semper amitti, aut fidem qua remanet, non esse veram fidem, licet non sit viuam, aut eum, qui fidem sine charitate habet, non esse Christianum, anathema sit.* Hoc est conforme D: Paulo 1. Cor. 13. *Si habuero omnem fidem, ita vt mentes transferam, charitatem non habuero, nil mihi prodest.* Vbi Apostolus dicit se Fidem sine charitate posse habere, quæ tamen non prodesset. Ratio in promptu est, quia illæ Virtutes à se inuicem separari possunt, quæ resident in diuersis subiectis & quarum vna est prior altera; Fides autem est in intellectu, & Charitas in voluntate; & illa præcedit istam ordine, saltem naturæ: Ergo.

Obijciunt Hæretici, & dicunt primò, textum Pauli nihil probare, quia loquitur tantum de fide Miraculorum, quæ potest esse sine Charitate, non de fide



fide Promissionum, quæ semper iustificat & proinde Charitati coniungitur. Resp. negando hanc responsionem prorsus commentitiam, dicit enim, *si habuerim mortuam fidem*; Dicunt secundò, Iacobum cap. 2. suæ Epistol. vocare Fidem sine operibus mortuam; ergo non est vera fides, sicut homo mortuus non est verus homo. Resp. esse mortuam moraliter, quia caret forma morali, in quantum non habet principium merendi: non est tamen mortua physice, quoniam sine Charitate habet semper suam entitatem. Ad Patres dicentes fidem sine operibus non esse veram fidem. Resp. per hoc ipsos significare tantum quòd non sit viua & perfecta sine operibus; Dicunt tertio hæretici, apud Scripturam & Patres iustificationem semper attribui fidei, & proinde semper esse cum charitate, sine qua nemo iustificatur. Resp. Fidem iustificare, sed non solam: iustificat quidem Fides inchoatiue, & dispositiue, in quantum fides, sine qua impossibile est placere Deo, docet ea quæ sunt agenda: Charitas verò iustificat formaliter; vnde dicendum est quòd Fides sit principium iustificationis & Charitas consummatio illius.

## CONCLUSIO SECVNDA.

**F**ides à Charitate pendet, non entitatiue, sed meritoriè; ita quòd Charitas sit forma extrinseca perficiens fidem in ordine ad meritum condignum: sine Charitate tamen, quæ est mortua, confert ad meritum congruum.

Hæc conclusio multas continet partes. Primò dicit, fidem non pendere entitatiue à charitate, quoniam etiam mortua habet entitatem distinctam ab entitate Charitatis, vt habetur ex conclusione præcedenti.

Secundò vult conclusio quòd fides pendeat à Charitate meritoriè: quoniam D. Iacobus cap. 2. habet: *Sicut corpus sine spiritu mortuum est, ita fides sine operibus* (supple charitatis) *mortua est*. Et D. Paulus 1. Cor. 13. *Si habuero omnem fidem, ita ut montes transferam, charitatem non habuero, nihil sum*. Vnde Augustinus 15. de Trinit. cap. 17. dicit fidem sine charitate esse posse, prodesse non posse.

Tertio,

Tertiò , in conclusione habetur quòd *charitas fit forma extrinseca perficiens fidem*, sicut enim forma perficit materiam, sic Charitas Fidem ; cum hac distinctione quòd forma perficiat materiam intrinsecè, & Charitas Fidem extrinsecè, & non in ordine ad se , sed in ordine ad meritum .

Quartò, diximus quòd *charitas det fidei meritum condignum*; nemo enim dubitat quin actus fidei Charitate formatus mereatur de condigno vitam æternam, iuxta id Ioan. 6. *Si quis credet in me, habet vitam æternam* . Et Hebr. 11. *Sancti per fidem vicerunt regna, &c.*

Quintò addimus , Fidem sine Charitate mereri de congruo; in actu enim credendi, qui est à Gratia supernaturali & à libero arbitrio captiuante intellectum, reperitur Humilitas & Obedientia quædam erga Deum, dum homo propter reuerentiam eius maiestatis credat ea quæ Deus reuelauit , etiamsi mentis humanæ captum longè excedant; ex quo æquissimum videtur & planè congruum iustitiæ D. vt aliquod meritum saltem inchoatum tribuatur Fidei, licèt non sit adhuc informata Charitate .

Obijcies dictum D. Pauli : *Si charitatem non habuerò, nihil mihi prodest* . Dist. quantum ad meritum condignum, concedo; quantum ad meritum congruum, nego . Sic Resp. ad Concil. Trid. Sess. 6. cap. 8. dicens : *Nihil eorum quæ iustificationem antecedunt, siue sit fides, siue opera, merentur iustificationem* . Hoc intelligitur inquam, de merito condigno, non congruo .

## Q V Æ S T I O V.

*Verùm Fides debeat esse integra .*

**A** Lij sub alio titulo hanc quæstionem proponunt vttrùm scilicet in Hæreticis remaneat Fides : si enim Hæreticus, qui vnum articulum Fidei negat tantummodò, remaneat adhuc Fidelis, quia alios fateretur, non requiritur integritas, vt saluetur Fides simpliciter .

CON .

## CONCLUSIO.

**R**equiritur integritas in Fide, ita quòd fides per quemlibet actum Infidelitatis amittatur simpliciter; & Hæreticus qui plures articulos fidei recipit & vnum respuit positivè, non amplius dici aut censeri debeat Fidelis. Hæc conclusio est contra Durandum.

Probatur primò ex Scrip. & Concil. Trid. Nam ad Ephes. 4. habetur, *Vna fides, unus Deus*; si autem divideretur fides, non esset amplius vna iuxta D. Hilarium qui libr. 1. ad Constantium Augustum, explicando hunc locum dicit; *Cum unus sit Deus & vna fides: ubi plures fides sunt, iam incipit fides esse nulla*. Deinde Paulus 1. Timoth. 2. dicit, Alexandrum & Himæneum, qui in aliquo errauerant, naufragasse circa Fidem, & inferius, excidisse à Fide: qui autem naufragatur circa Fidem, iacturam facit fidei. Tandem in Concil. Trid Sess. 6. cap. 15. asseritur, Fidem infidelitate amitti; Hæresis autem est infidelitas.

Probatur secundò ex Patribus: Tertulliano qui cap. 37. Libri de Præscriptionibus affirmat, Hæreticos non posse esse Christianos. D. Cypriano Epist. 52. *Quisquis ille est, qualiscumque est; Christianus non est, qui in Ecclesia non est*; Hæretici autem non sunt in Ecclesia: ergo nec sunt Christiani, nec Fideles. Ex August. etiam qui libr. de Fide & Symbolo, cap. 10. dicit: *Hæreticus non pertinet ad Ecclesiam Catholicam*. Et Quæst. 11. in Matthæum; *Qui falsa de Deo credit, vel de aliqua parte doctrina, hæreticus est & foris est animo* (idest extra Ecclesiam) *quamvis intus esse videatur*.

Probatur tertio, ratione. Primò, quia fides de qua loquimur, esse debet Catholica implicitè vel explicitè, idest, debet esse vniuersalis; sed non est vniuersalis in hæretico, qui aliquid credit & aliquid negat: Ergo non est propriè fides. Secundò, quia quando hæretici aliquid credere dicuntur, non habent formam seu motuum Fidei; quia non credunt propter Deum reuelantem per Scripturam aut per Ecclesiam, aliàs omnia reuelata crederent; sed credunt privato iudicio: Ergo non habent fidem. Tertiò, quia fides illa non  
est

est vera, supernaturalis & infusa, quæ aliquid verum credit & aliquid falsum; sed Hæreticus credit aliquid verum & aliquid falsum: Ergo ipsius Fides non est supernaturalis.

Obijcies primò . Potest quis retinere habitum aliquius scientiæ, licet erret in aliqua conclusione illius scientiæ: Ergo Hæreticus potest retinere Fidem, licet erret in aliquo articulo . Negatur paritas; quia diuersæ conclusiones scientiæ cognoscuntur per diuersa media, & sic potest vna cognosci, & non alia . Omnes autem veritates fidei cognoscuntur vni- co medio, nempe per reuelationem: ergo omnes creduntur saltem implicite, vel nullæ creduntur. Dices: Hæreticus æquè facilius credit post Hæresim ac ante, ea quæ non negat. Resp. hanc facilitatem non procedere à fide diuina, quæ amissa est per Hæresim, sed ex longa & pristina consuetudine quam habet credendi illa . Quòd si post hæresim firmiter hæretici adhuc credant; hoc procedit ex illorum pertinacia. Si dicatur, Quando post Hæresim aliquis credit adhuc Deum esse trinum, talis fides est supernaturalis . Distinguo: est supernaturalis obiectiue, quia est de obiecto supernaturali; non est verò supernaturalis entitatiue, quia non est amplius illa Fides diuina quæ erat ante Hæresim, sed fides prorsus humana, quæ substituitur diuinæ.

## Q V Æ S T I O VI.

*In quibus existat Fides.*

**I**N quæstione tertia diximus intellectum esse subiectum quo inhaesionis fidei; quia fides residet in intellectu, & non in voluntate: nunc loquendum est de subiecto quod ipsius; & querendum, vtrum Angeli & primi parentes habuerint Fidem; vtrum etiam Fides adhuc existat in Purgatorio, in Coelo & in Inferno. Quantum ad Hæreticos, ex conclusione præcedenti patet ipsos non retinere fidem.

## Q V Æ S T I O P R I M A.

**I**N Angelis & primis parentibus reperta fuit Fides in sua creatione, Vtrumque in communi proba-

LYX.



aut primò, quia Angelus & homo habuerunt Gratiam in prima sui conditione : ergo & fidem quæ coniungitur cum gratia . Secundò quia *vsq*ue accessit ad Deum & Deo placuit ; Hebr. 11. 6. *Accedentem autem ad Deum oportet credere ; & sine fide impossibile est placere Deo .* Tertiò quia & Angelus & homo cognouerunt mysteria Gratiæ per reuelationem , quæ debuit esse obscura , cùm non essent adhuc Beati , nec comprehensores : quæ quidem obscuritas fuit conueniens illorum statui vt mererentur .

Obijcit Durandus pro Angelis quod non habuerint fidem ; quia illorum cognitio non erat obscura , sed euidens , in quantum sciebant Deum , qui non potest mentiri , illis suas cognitiones reuelasse . Resp. Licet cognitio Angelorum habuerit euidenciam in attestante, idest licet cognouerint Deum illam reuelasse ; attamen illa cognitio fuit obscura in se ; sicque non minus habuerunt fidem ; aliàs Patriarchæ & Prophetæ non habuissent . Deinde, potuit dubitare Angelus ; an esset aliqua creatura superior quæ produxisset illam cognitionem in intellectu suo , à qua posset decipi : licet enim naturaliter primus Angelus & quilibet cognoscat omnem creaturam ; Deus tamen potuit illi abscondere & existentiam & efficaciam eius .

## CONCLUSIO SECUNDA.

**I**N dæmonibus & alijs damnatis non est propriè Fides infusa , quæ est virtus Theologica : Tum quia Fides infusa est donum Dei , & sua natura ordinatum ad beatitudinem obtinendam , damnati autem spoliati sunt omni spe beatitudinis : Tum etiam quia Fides est virtus, qua intellectus credit propter solam auctoritatem Dei, cui accedit pia affectio voluntatis captiuantis intellectum in obsequium Dei & fidei ; damnati autem non credunt propter reuelationem Dei, sed *credunt & contremiscunt* , coacti per manifestam experientiam, videndo diuersos Hæreticos damnatos esse propter diuersas hæreses, ex quo concludunt manifestè Fidem Catholicam esse verissimam : Et quantum ad voluntatem , nullam habent affectionem se submittendi, imò *superbia eorum ascendit semper* . Tum denique quia Fides , quæ est virtus , est quod-



quoddam animæ, & mentis ornamentum, quo indigni prorsus sunt & damnati, & dæmones.

Obijcies August. Lib. de Fide & Operibus cap. 14. Comparatur fides peccatorum fidei dæmonum; sed illa est vera & infusa fides: ergo & ista. Resp. in hoc stare comparisonem, quod sicut fides dæmonum nihil prodest illis, sic nec peccatoribus, quantum ad meritum condignum. Dices: Animæ damnatorum, quæ in hoc mundo fuerunt fideles, non distinguuntur ab alijs in inferno, nisi per fidem quæ remansit. Resp. distingui per characterem Baptismi. Dices: Damnati, qui nullum infidelitatis actum exercuerunt, non debent spoliari Fide. Resp. spoliari ratione status, quia repugnat Fides damnatis ob rationes allatas.

### CONCLUSIO TERTIA.

**B**Eati non habent Fidem circa Deum; habent enim cognitionem illius evidentem, quæ euacuat Fidem, iuxta D. Paulum 1. Cor. 13. *Cum uenerit quod perfectum est, euacuabitur quod ex parte est.* Et infra: *Videmus nunc per speculum & in enigmate, tunc autem facie ad faciem.*

Quantum ad aliquas veritates quas non cognoscunt Beati, puta circa diem iudicii, circa prædestinationem particularem alicuius hominis & similes veritates, probabile est illos posse habere actum fidei; quia illas non vident intuitiue, & illas credunt propter autoritatem Dei reuelantis. Hoc est conforme Tertulliano, qui lib. de Patientia circa finem dicit, *Dilectio nunquam excidet; nam cetera euacuabuntur. Exhaustiuntur lingua, scientia, prophetia; permanent fides, spes, dilectio.* Sic & Irenæus lib. 2. aduersus Hæreses cap. 47. dicens Paulum asserere Fidem, Spem, & Charitatem manere in cœlo.

Quantum ad animas existentes in Purgatorio; cum nondum sint in patria, nec Deum clarè videant; Dicendum est quod fides in illis remaneat; quia ibi adhuc sperant, & fides est substantia rerum sperandarum. Vnde, si dicatur illas esse in termino: sunt reuera in termino meriti, sunt tamen in via satisfactionis.

QVÆ.

## QVÆSTIO VII.

*Aquisit Fides.*

**S**I credatur Manichæis dicentibus nihil esse credendum nisi quod naturali ratione demonstrari possit, fides est à natura. Si consulantur Pelagiani, respondebunt, solas naturæ vires sufficere ad credendum, posita exteriori prædicatione Euangelij: Catholici verò dicent contra hos hæreticos, Fidem esse simpliciter à Deo; quod intelligitur tum de Fide viua, tum de fide informi,

## CONCLUSIO,

**F**ides est absolutè à Deo. Ephes. 2. *Gratia estis saluati per Fidem, & hoc non ex vobis: donum enim Dei est.* Ad Philip. 2. *Misericordiam consecutus à Domino, ut sim fidelis.* Ioan. 6. *Hoc est opus Dei, ut credatis.* Concil. Arausic. Can. 7. *Hæretici sunt, qui dicunt nos posse per naturæ vires assentiri rebus Fidei.* August. Epist. 105. *Fides ad Christum nos trahit; quæ nisi desuper gratuito munere daretur, non ipse diceret, Nemo venit ad me, nisi Pater meus traxerit eum.* Ratio in promptu est, quia supra naturam est, assentiri his quæ rationem superant. Vnde si dicere videatur Scotus in 3. dist. 23. quæst. vnica, actum credendi quoad substantiam esse naturalem, loquitur de actu credendi, in quantum est actus vitalis intellectus.

Quantum ad fidem informem; eadem ratione & textibus Scripturæ patet, ipsam esse etiam à Deo cuius donum est: Nam fides mortua est eadem essentialiter cum viua, & differunt tantum extrinsecè per Charitatem, scilicet quæ coniungitur modò cum fide, & modò separatur per peccatum. Quòd sit eadem fides, quæ remanet post peccatum, patet ex Conc. Trid. Sess. 6. Can. 28, vbi determinatur Fidem remanere post peccatum; non autem infunditur noua fides; ergo antiqua remanet, quæ vitam amisit: ergo vtraque est à Deo.

Obijcies, Si fides mortua est à Deo, infunditur à Deo quòd est falsum; quia est imperfecta. Resp. Fidem mortuam, vt sic, non infunditur à Deo, sed infun-

fundi fidem charitate viuificatam à Deo , quæ postea definit esse viua , adueniente peccato.

## Q V Æ S T I O V L T I M A.

*Quinam sint effectus Fidei .*

**N**on loquimur hic de effectibus physicis fidei , sed de moralibus ; moralia enim sunt moraliter accipienda ; vnde quæstio est de certis quibusdam consequentijs , quæ resultant ex Fide .

## C O N C L U S I O.

**L**icet Diuus Thomas det Fidei duos tantum præcisè effectus , nempe timorem & Puritatem cordis ; attamen dici potest quòd omnes virtutes infusæ quæ communicantur homini per Iustificationem , sunt fidei effectus ; quia Fides est initium iustificationis , & proinde aliquo modo principium omnium virtutum . Quod tamen Timor & Puritas attribuantur specialiter Fidei , patet primò , quoad timorem ; quia Fides ex vna parte suggerit infirmitatem nostram , & ex alia summam Dei maiestatem : & ex utraque resultat timor ; qui timor est filialis , si sit à fide viua , quia oritur ex amore & reuerentia ; & est seruilis , & ortus ex metu poenarum , si sit à fide informi . Non est tamen negandum quin timor seruilis coniungatur aliquando in iustis cum Fide viua ; sed sæpius timor seruilis oritur à Fide informi .

Quantum ad Puritatem causatam à Fide ; hoc testatur Paulus ad Titum : *Omnia munda mundis , infidelibus autem nihil est mundum* . Ratio est , quia Fides etiam mortua docet fœditatem peccati , purgat ignorantiam intellectus , & accendit voluntatem ad prosecutionem charitatis .

Quæres , an fides sit prior alijs virtutibus . Similes quæstiones breuitatis causa compendiosè hic proponemus , quæ concernunt naturam fidei . Ad istam respondeo cum distinctione . Primò non est prior ordine dignitatis , iuxta D. Paulum , *maior autem est Charitas* . Secundò non est prior ordine temporis ; quia paruulis baptizatis , imò & adultis recenter conuersis communiter simul infunduntur virtutes . Tertiò ,  
non




non est etiam prior natura propriè ; quia non est propriè causa , nec dispositio absolutè requisita ad alias virtutes ; alix enim possunt absolutè infundi sine illa . Quartò , asserendum est fidem esse priorem Spe & Charitate , in quantum actus Fidei communiter requiritur ad actus aliarum virtutum : nam Fides ostendit finem supernaturalem ad quem tendunt alię virtutes . Aliqui vocant hunc ordinem , ordinem naturę , alij ordinem originis ; sed quęstio est de nomine , & semper attendendę sunt responsiones præcedentes .

Quæres , an fides sit vnus specie habitus in homine & Angelo , Resp. primò , actus Fidei esse multiplices specie in hominibus & in Angelis ; quia aliqui actus sunt assensus , & alij dissensus circa propositiones affirmatiuas & negatiuas . Resp. secundò , habitum fidei esse vnum specie in omnibus hominibus , vt probauimus in quæst. 2. Est etiam idem in homine & Angelo ; quia ratio formalis fidei , est eadem in vtroq; nempe reuelatio diuina , quę est motiuum quare homo & Angelus credant ea quę sunt à Deo reuelata . Nec dicendum est quòd habitus sint diuersi , quando actus diuersi sunt ; hoc enim est falsum , sicut enim eadem potentia potest elicere diuersos actus , sic & idem habitus .

Quæres , an habitus Fidei sit Practicus vel Speculatiuus ? Resp. primò , habitum Fidei tendere in aliquos actus Practicos ; vt quando docet Deum esse colendum , parentes diligendos , virtutem præferendam vitio , & similes . Tendit etiam in alios qui sunt Speculatiui , vt quod Deus sit trinus & vnus , canem Tobię habuisse caudam , & initio mundi tenebras fuisse super faciem Abyssi . Respondeo tamen secundò cum Scoto quæst. 4. Prologi , Fidem debere dici simpliciter practicam ; quia ideo Deus infundit fidem , & reuelauit omnia mysteria in Ordine ad praxim , id est , vt dirigeretur voluntas ad bonum faciendum , & malum fugiendum ; & hoc est quod dicitur communiter , fidem ex natura sua tendere ad beatitudinem .

Quæres vtrum fides sit Discursiua . Discursus fit , quando ex cognitione vnus propositionis fit trāsitus ad cognitionē alterius ; ita vt si a b c propositiones eodē actu cognoscantur , & vna nata sit ducere in cogni-  
tio-



tionem alterius, tunc est discursus virtualis; si vero ille veritates cognoscantur diuersis actibus, & vna cognitio inferatur ex alia, tunc est discursus formalis. Hoc posito, Resp. 1. assensum Fidei posse esse Discursiuum, si ille Discursus procedat à præmissis reuelatis ad conclusionem reuelatam; vt si dicatur, Quod Deus dixit, verum est, sed Deus dixit Christum esse Deum, ergo verum est Christum esse Deum. Hæc conclusio est vera de fide, quia nititur soli reuelationi diuinæ. Resp. 2. Assensum Fidei non esse Discursiuum, si ille Discursus procedat ab vna propositione non reuelata ad aliam reuelatam; vt cum dicitur; Omnis homo habet voluntatem humanam; sed Christus est homo: Ergo habet voluntatem humanam; Conclusio, inquam, illa, quæ est Theologica, non est de Fide, quia non nititur absolutè diuinæ reuelationi. Resp. 3. Quod assensus Fidei Discursiuus, in quo fit progressus ab vna propositione reuelata ad aliam reuelatam, aliquando sit Formalis, & aliquando tantum Virtualis. Est, inquam, Formalis, si sint distincti actus, vt si hodie credam, Deum esse veracem in dicendo, & crastina die credam aliquam propositionem quam video in Scriptura: Est vero virtualis discursus quando vnico actu creditur reuelatio & res reuelata.

Quæres, vtrum Fides sit certa, & certior omni scientia. Resp. 1. Fidem esse certam, quia nititur motiuo certo, nempe Deo reuelanti, qui nec falli, nec fallere potest; vnde assensus dubius circa res à Deo reuelatas hæresim sapit. An autem sit certior scientia Naturali; alij negant, affirmant alij: Vnde vtendo distinctione: Resp. 2. Fidem sumptam obiectiuè esse certiores quocumque habitu intellectus; quia cum Fides habeat pro obiecto Deum summè veracem, magis repugnat obiectum Fidei & assensum eius esse falsum, quam obiectum seu motiuum scientiæ; longè etiam superat veritas increata quamlibet veritatem creatam: vnde ex Ambrosio lib. 1. Hexam. *Fidei simplicitas omnibus argumentis antecellit.* Resp. 3. Fidem subiectiuè sumptam non esse scientia certiores; minus enim firmiter adhaeremus veritatibus Fidei, quam veritatibus naturaliter notis: Vnde Hugo à sancto Victore lib. de Sacram. P. 2. cap. 10. dicit; *Fides est certitudo animi de rebus absentibus,*



*tibus, infra scientiam, supra opinionem constituta.* Hanc utramque responsionem alijs terminis explicant aliqui Doctores, dum dicunt fidem esse certiorenn in se qualibet scientia, & incertiozem quoad nos, qui non præbent tam firmum assensum rebus creditis, quàm visis; quia illæ sunt obscuræ, istæ evidentes; illis credimus liberè, istis necessariò.

Quæres, utrùm aliquis certò scire possit se habere fidem? Resp. affirmatiuè, modò sciat se esse baptizatum; qui enim scit certò se esse baptizatum, certò scit se habere habitum fidei, qui Baptismo confunditur etiam in pueris: dum autem aliquis semel habitum fidei recipit, certò scit se illam non amisisse, cum sciat se non incidisse in peccatum infidelitatis, quo solò tollitur fides & non alio; ut patet ex hoc quod diximus quæst. 3. statuentes in peccatore Fidem infusam reperiri, mortuam tamen: ergo qui scit se esse baptizatum, scit se habere habitum Fidei, imò scit etiam se habere actum Fidei, quando credit mysterijs reuelatis propter Deum reuelantem, iuxta D. Aug. 13. de Trinit. cap. 1. *Fidem ipsam videt quisque esse in corde suo, si credit; vel non esse, si non credit.* Quòd si Scotus in 3. Sent. dist. 23 quæst. vnica, dicere videatur, nullum posse scire se habere Fidem, loquitur de cognitione euidenti, quæ causatur ab ipsa Fide, quod dici nequit: Fides enim est donum supernaturale, quod cognosci non potest nisi per reuelationem; at Deus non reuelauit huic aut illi homini an fidem habeat, licèt certum sit fidem esse in Ecclesia in communi: non negauit autem Scotus, Fidem posse cognosci arguitiue, mediante Baptismo qui illam confert infallibiliter. Adde quòd quicumque dubitare potest de validitate Baptismi: Vnde dixi, fidem solùm posse cognosci certò, supposita certitudine Baptismi.

Quæres, utrùm fides possit esse maior in vno, quam in alio? Hoc intelligitur tùm de Fide habituali, tùm de Actuali, tùm de Implicita, tùm de Explicita. Resp. 1. Fidem habitualem posse esse maiorem in vno quàm in alio intensiue; quia habitus fidei, sicut & quilibet habitus supernaturalis augeri potest, quatenus augetur meritum, & sic etiam in eodem homine fides potest esse maior & minor. Resp. 2. Fidem actualement posse esse maiorem intensiue in

vno,

vno, quàm in alio; si enim habitus sit maior, actus etiam erit maior intensuè, quia erit fortior & promptior. Resp. 3. Fidem Actualem Explicitam posse esse maiorem adhuc; quia in vno homine potest extendi ad plura obiecta, quam in alio, prout plures veritates cognoscuntur explicitè ab vno. Resp. 4. Fidem Actualem Implicitam non esse extensuè maiorem; quia quilibet Fidelis debet credere omnia mysteria Fidei, saltem implicitè.

## CAPVTV II

*De obiecto Fidei.*

**P**ostquam loquuti fuimus de Fide in se considerata, quæ est habitus intellectus; loquendum venit postea de obiecto, in quod tendit ille habitus; sed antea dicendum est, Fidem diuidi in Catholicam & Priuatam. Prima est ea quæ nititur reuelationi factæ omnibus, quæ ob hoc dicitur Catholica seu Vniuersalis. Secunda nititur reuelationi factæ alicui priuato. Fides in Verbum incarnatum, in Eucharistiam & alia mysteria, est Catholica, quia sufficienter hæc proposita sunt omnibus: quando verò Abraham reuelatum fuit quòd haberet filium, Fides erat priuata. Quia autem per accidens fit, quòd vna veritas proponatur omnibus, vel aliquibus tantum, ideò istæ fides non differunt essentialiter, sed accidentaliter. Qui non crederet reuelationi priuatæ, esset quidem infidelis; quia Deo reuelanti negaret assensum: non esset tamen hæreticus; quia non haberet pertinaciam voluntatis contra determinationem Ecclesiæ. Diuiditur insuper Fides in Implicitam & Explicitam: Implicita est ea qua creditur aliquid non in se, sed in alio in quo continetur; & sic illi qui aliàs credebant Deum esse remuneratorem animarum, credebant implicitè animarum immortalitatem. Vel Fides Implicita est ea, qua aliquid tantum in confuso creditur; quam fidem habent rustici de omnibus mysterijs, dum credunt quicquid credit Ecclesia. Explicita est ea, qua aliquid distinctè & expressè cognoscitur, vt Verbum Deum incarnatum esse.

## QVÆSTIO PRIMÆ.

*Quodnam sit obiectum formale Fidei.*

**F**ides & actus fidei duplex habet obiectum, nempe materiale & formale: Materiale est propositio quæ creditur; Formale verò est ratio propter quam creditur; & vtrumque tradimus in definitione fidei. Dum enim diximus, Fidem esse habitum quo creduntur veritates reuelatæ, hoc exprimit obiectum materiale: dum verò additur propter authoritatem Dei reuelantis, exprimitur obiectum formale. Nunc loquimur de obiecto formali.

## CONCLUSIO.

**O**biectum formale fidei est Deus, quatenus est prima veritas reuelans: ita quòd Deus in quantum reuelans, qui nec falli, nec fallere potest, sit obiectum & motiuum, seu ratio formalis cur credamus. Vbi alij spectantes Deum, vt Deus est, dicunt eum esse obiectum materiale fidei, & Deum vt reuelantem & summè veracem esse obiectum formale. Nos verò maioris claritatis causa, dicemus veritates reuelatas esse obiectum materiale fidei, & Deum vt reuelantem esse obiectum formale.

Probatur conclusio; Illud est obiectum formale fidei propter quòd credimus articulos fidei; sed propter Deū reuelantem qui nec falli nec fallere potest, credimus articulos fidei: ergo Deus vt reuelans est obiectum formale fidei. Et hoc est conforme D. Paulo ad Galat. 4. *Notum vobis facio Euangelium, quia non est secundum hominem; nec illud accepi ab homine; nec didici; sed per reuelationem.* Vbi Apostolus pro ratione sui Euangelij credendi nil aliud assignat quàm Deum reuelantem. Dixi, Deum non posse falli, propter suā summā sapientiā quæ decipi non potest; nec fallere, propter summam bonitatem quæ decipere nequit.

Obijc. 1. Reuelationem posse competere scientijs naturalibus, quas Deus posset reuelare si vellet: ergo non esse rationem formalem Fidei. Resp. pro tunc illas cognitiones pertinere ad Fidem, si crederentur solum propter authoritatem Dei reuelantis. Deinde, illis scientijs reuelatio esset tantum accidentaria, quia possent haberi naturaliter; at cognitioni nostrorum mysteriorū est essentialis, quia non possunt cognosci nisi per reuelationem. Dices, D. reuelatio non



sufficit ad credendum, sed requiritur aliquid ex parte voluntatis: ergo non est obiectum formale Fidei. Resp. illum actum voluntatis captiuantē intellectum, esse quid veluti extrinsecum ad fidem, quæ formaliter & intrinsecè est actus intellectus.

Obijc. 2. Deum posse mentiri per se, & de facto mentitum esse, cum prædixit ruinam Niniuitarum, mortem Ezechiz. Resp. in hoc non mentitum fuisse Deum; quia hæc non prædixit absolutè, sed primò sub conditione, quòd non agerent penitentiam & secundò iuxta cursum causarum naturalium. Quòd autem Deus non possit mentiri, pater; quia ubi est prima veritas, non potest esse mendacium; nam *omne mendacium ex veritate non est.* 1. Ioan. 2. Deus autem est summè verax & in essendo & in cognoscendo, & in dicendo; ergo mentiri non potest.

Obijc. 3. Deum mentitum fuisse per alios quos fefellit, & in ore quorum posuit mendacium: Ezech. 14. *Ego Dominus decipi Prophetam illum.* Et 3. Reg. 22. *Dedit Dominus spiritum mendacii in ore omnium Prophetarum, qui hic sunt.* Resp. Deum non posse etiam mentiri per alios; quia illos deciperet, & deceptio est contra Charitatem, & proinde mala per se: Dicendum ergo est, præcedentes textus intelligi permissiue, in quantum permisit illos decipi; non verò effectiue & formaliter, quasi ipsos deceiverit, aut infuderit in illis errorem. Hæc omnia sunt contra Priscillianistas, putantes Deum de facto mentiri, & contra Catholicos aliquos, asserentes ipsum mentiri posse, non de potentia ordinaria, sed absoluta.

## Q V Æ S T I O II.

*Quodnam sit obiectum Materiale Fidei.*

**V** Vlgò Theologi distinguunt obiectum materiale Fidei in Complexum & Incomplexum. Obiectum materiale Incomplexum est res, de qua aliquid creditur, vt Deus: Complexum verò, est propositio quæ creditur; vt cum dicitur, Deus est trinus, est incarnatus, &c. Inter propositiones à Deo reuelatas aliæ sunt præcipuæ & Cardinales, quæ vocantur Articuli Fidei; aliæ sunt minus Præcipuæ, quæ dicuntur simpliciter Propositiones Fidei, non articuli Fidei.

CON-

## CONCLUSIO.

**O**biectum materiale fidei est omnis res à Deo reuelata, quæ nobis credenda proponitur, siue illa res habeatur ex Scriptura, siue ex traditionibus, siue ex Concilijs: quæ omnia sunt regula fidei. Hæc propositio ex se patet, vnde superest tantum, vt quasdam dilucidemus difficultates, quæ suboriri possunt super talem obiectum.

Quæres primò, vtrum obiectum materiale Fidei sit Complexum? Resp. si nomine obiecti intelligatur res ipsa, quæ creditur, quatenus extra intellectum existit, tunc obiectum est Simplex & incomplexum; quia nihil est aliud quam res ipsa credita quæ simplex est; quoniam de ipsa non fit affirmatio aut negatio, vt Deus, Verbum Dei, &c. Si verò nomine obiecti, intelligitur Assensus, mediante quo, res cognita dicitur esse in cognoscente, tunc obiectum est Complexum; vt quando in mente nostrâ concipimus Deum esse, Deum esse Trinum, Verbum esse Incarnatum, & postea assentimur talibus propositionibus, tunc obiectum fidei est Complexum; est enim tale obiectum quædam propositio quæ affirmat, vel negat. Sic conciliandi sunt, Doctores, quorum aliqui dicunt obiectum esse Complexum, alij dicunt esse Simplex.

Quæres 2. an obiectum materiale fidei sit certum & infallibile? Iam de hoc locuti fuimus in additionibus quæstionis vltimæ cap. præcedenti; iterum tamen Resp. veritates Fidei, quatenus substant reuelationi Dei, esse infallibiles & certissimas, ob summam Dei veritatem in dicendo; vnde nulla hæsitatio aut fluctuatio in Fide admittenda est: Imò qui vecè credit rationes omnes Fidei, contrarias respuere debet; vnde in hoc Apostolus laudauit Abraham, quòd crediderit suam vxorem esse parituram contra rationem naturalem, non considerans corpus suum emortuum, vt & vxoris suæ, cum ferè esset centum annorum.

Quæres 3. vtrum obiectum materiale fidei possit esse obiectum sensuum? Resp. obiectum Fidei non posse cadere sub sensibus: Fides enim ex 1. Hebr. est rerum non apparentium; & ex Aug. Tract. 40. in Ioan.



Fides est credere quod non vides. Ratio est, quia sola materialia sunt obiectum sensuum; obiectum verò Fidei est quid spirituale & supernaturale, scilicet res reuelata à Deo. Si dicatur Fidem esse ex auditu, hoc verum est in ratione signi, in quantum per verba & per prædicationem proponitur res credenda; non verò in ratione obiecti. Si dictum fuerit D. Thomæ, *Quia vidisti me, Thoma! credidisti*: hoc sic dictum est, quia Thomas aliud vidit, aliud credidit: vidit hominem, & credidit Deum.

Quæres 4. vtrum obiectum fidei possit esse obiectum scientiæ? Resp. negatiuè, quia scientia est de apparentibus & eidentibus. Fides autem de ijs quæ non apparent, iuxta D. Gregorium Homil. 29. in Euangelia, *Fides illarum rerum est, quæ apparere non possunt*; quæ autem apparent, iam non fidem, sed cognitionem habent. Deinde Fides per se includit obsecritatem, & scientia eidentiam postulat. Tandem Scientia nititur rationi naturali, & Fides reuelationi diuinæ. Nihil prohibet tamen, idem obiectum posse aliquando cognosci per fidem & per Scientiam diuersis medijs; sed ille actus non erit simul scientificus & actus Fidei; hoc enim non potest esse per rationes allatas; sed erit scientifica cognitio, si habeatur per lumen naturale; & fidei, si habeatur per lumen fidei. Hoc patet in hac propositione, *Deus est*, quæ modo ad fidem spectat, vt ait D. Paulus 12. Hebr. *Accedentem ad Deum oportet credere quia est*; & modo ad scientiam, quoniam à Philosophis multis rationibus existentia Dei comprobatur.

Quæres 5. vtrum obiectum Fidei sit euidens? Ex responsis patet, non esse euidens, sed obscurum. Resp. tamen quòd licet obiectum Fidei non sit euidens per se, & in se; potest tamen esse euidens in attestante; cum enim euidenter cognoscamus Deum esse veracem in dicendo, euidenter cognoscimus ea quæ reuelauit esse vera: Si ergo Deus vellet ostendere, se reuelasse mysteria nostra, pro tunc illa mysteria essent eidentia in attestante; id est euidens esset ea quæ testatur, esse vera; quia euidens nobis est Deum non posse falsum testari. An autem supposita eidentia Dei attestantis aliquam propositionem, haberetur Fides de illa, quæstio est de nomine: Si enim per fidem intelligatur cognitio vnde quaque obscura,  
pro

pro tunc non erit Fides; Si autem intelligatur per Fidem, cognitio rei obscuræ in se, licet euidētis in attestante, illa cognitio erit Fidei. Et hoc non immerito dicitur: Beata Virgo enim, Moyses & Prophetæ habuerunt illam euidētiā in attestante, in quibus tamen non est neganda Fides.

## QVÆSTIO III.

*Virum dentur aliqua motiua, quæ reddant obiectum Fidei aliquo modo credibile euidenter?*

**Q**UOD Fides nostra non sit de veritatibus quæ sunt euidenter credibiles, & conuincant intellectum, ut illis assentiatur, satis patet ex difficultate quam sentit humana ratio in tali assensu. Non quærimus ergo, utrum dentur motiua quæ euidenter reddant veritates Fidei in particulari credibiles; sed tantum petimus, utrum dentur aliqua motiua, quæ reddant Fidem Christianam & Catholicam (quæ est Romana) saltem credibilem in communi.

## CONCLUSIO.

**F**ides Catholica habet aliquam rationem credibilitatis in communi, quæ aliquo modo est euidens, iuxta Psal. 92. *Testimonia tua credibilia facta sunt nimis.* Cuius ratio petitur ex diuersis solidis argumentis, quorum aliqua mouent Iudæos ut Christiani fiant, de quibus loquuntur Lactantius, Iustinus Martyr, Tertullianus, Chrysostomus, & alij, & quæ hic recensere prolixius esset: Alia mouent Catholicos, ut in sua Fide permaneant: Alia denique persuadent Hæreticis, ut ad Fidem Catholicam redant. Horum omnium aliqua breuiter recensenda sunt.

Primum argumentum, quo probatur fidem Christianam esse credibilem, desumitur à multitudine & autoritate illorum qui eam amplexati sunt. Si enim dicit Aristoteles 1. Ethic. 20. *Quod vniuersis videtur, nos tale dixerimus*, nonne fides adhibenda est Religioni Christianæ, quam omnes penè gentes & innumerabiles viri libenter receperant, quorum alij summa au-

thoritate, summo ingenio & doctrina, alij denique summa virtute præditi facere? Augustinus ait: *Tenes me in Ecclesia consensus populorum atque gentium, tenes auctoritas miraculorum inchoata.* &c. Si ergo Augustinus, quem pauci Patres præcesserant, hac ratione motus fuerit, nos ipsi qui & Augustinum, & prædecessores Augustini, & quotquot ipsam sequuti sunt. habemus, nonne ex tanta virorum in scientia & virtute illustrium auctoritate, de veritate Religionis conuincemur, quam libenter receperunt, & veluti per manus tradiderunt?

Secundum argumentum petitur ex qualitate illorum, qui religionem nostram à Christo institutam plantauerunt, qui fuerant paucissimi viri, non potentes, non sapientes, non eloquentes; sed illiterati, rudes & plebei; qui non in humane sapientie verbis, nec armorum impetu, nec diuitiarum larga effusione, sed in paupertate & humilitate subtilissimos Philosophos confuderunt, clarissimi nos Senatores deuicerunt, debellarunt mirabiliter potentissimi nos orbis Principes, quos ad fidem Crucifixi conuerterunt, qui antea erat Gentibus stultitia & Iudæis scandalum; ipsis absolute præcipientes odium sui, dilectionem inimici, deliciarum fugam, æumnarum perquisitionem & cætera huiusmodi; quæ omnia fuissent prorsus imperuasibilia, si Deus illorum prædicationi fauere non voluisset: quod profectò veritatem Euangelij & Religionis Christianæ demonstrat.

Tertium argumentum hauritur ex miraculis factis in confirmationem doctrinæ Christi. Matthæi enim 11. Christus volens probare se esse Messiam, & suam doctrinam mereri recipere, multa miracula edidit coram Discipulis Ioannis, dicens postea; *Euntes renuntiate Ioanni quæ audistis & vidistis; cæci vident, claudi ambulant, surdi audiunt, &c.*

Quartum argumentum petitur ex sana doctrina existente apud Christianos, quæ sanctissima est; Nam etiam si in Ecclesia Romana plerique existant & semper extiterint prauis & corruptis moribus, attamen ex Psal. 11. *Eloquia Domini, eloquia casta.* Et Psal. 18. *Lex Domini immaculata conuertens animas.* Imò Religio Christiana pœnas acerbissimas proponit vicio, & mercedem eximiam virtuti.

Quin.



Quintum argumentum desumptum est à constantia numeri penè infiniti Martyrum, qui crudelissima tormenta passi sunt, & mortem acerbissimam, in confirmationem Fidei Romane; inter quos tenerime ætatis iuenculæ tortorum & tyrannorum deriserunt ferocitatem: quod sanè impossibile fuisset, nisi Deus ipsarum debilitatem corroborasset potentissimis gratiæ auxilijs, & hoc vt confirmaretur religionis veritas.

## Q V Æ S T I O IV.

*Quanam sit regula Fidei.*

Cum Fides formaliter sumpta nitatur revelationi diuinæ, & ipsa reuelatio nobis innotescere debeat; hic quaerimus à quo nobis proponenda sit illa reuelatio, seu res reuelata, quæ est obiectum materiale fidei. Anabaptistarum aliqui (qui propter hoc Illuminati dicti sunt) nullam scripturam admittebant, sed fingeant, aut Spiritum sanctum, aut Angelum sibi apparere, à quo omnia credenda disceant. Lutherani & Calvinistæ solam Scripturam pro regula fidei admittunt, quam priuato iudicio interpretari audent; vnde suas opiniones pro dogmatibus fidei assumunt; cum ergo illorum opiniones sint particulares, illorum etiam fides est priuata & non Catholica: Ex quo oritur tanta credendi varietas inter hæreticos, vt vix duo illorum inter se consentiant in omnibus credendis, licet omnes in expugnanda Catholicorum fide conueniant.

## C O N C L V S I O.

Scriptura sacra non est sufficiens regula fidei; contra Lutherum in cap. 1. ad Galat. & Caluinum lib. 4. Instit. cap. 8.

Probatur primò ex Scripturæ obscuritate. Regula fidei debet esse perspicua, ita vt omnes illam cognoscant; aliàs fides, quæ est ignota, per ignotum regularetur: Sed Scriptura sacra est obscura: ergo non potest esse regula fidei. Probatur minor ex 2. Petri 3. *Quadam sunt in Epistolis D. Pauli difficilia intellectu, quæ in docti homines & instabiles, sicut & ceteras scri-*



*pturas deprauant ad suam ipſorum perditionem. Ex quo patet Epistolae D. Pauli ( maxime Epistolam ad Romanos ) sicut & cæteras Scripturas nec esse sole clarioreſ vt volunt hæretici, nec tantam perspicuitatem habere, vt Sutores, Sutores, Rustici & Mulierculæ illas de facili & sine vlla explicatione intelligere valeant, Nec dicant hæretici hoc intelligi de profundioribus fidei quæstionibus, quarum cognitio non est necessaria ad salutem; nam quid magis necessarium, quàm cognitio Baptismi? Attamen quando dicitur; *Nisi quis renatus fuerit ex aqua*, quærunť diuersas explicationes, vt aqua possit intelligi figuratè pro gratia, nec debeat esse aqua elementaris; vnde alij dicunt, fidem parentum sufficere infantulis; alij dicunt, quemlibet liquorem sufficere ex quo fieri possit balneum. Quid etiam plus necessarium est, quàm Sacramentum Eucharistiæ, de quo Ioan. 6. habetur: *Nisi manducaueritis*, &c. Tamen hæc verba esse obscura, ostendunt hæretici, dum dicunt illa intelligi de manducatione per fidem. Maneat ergo quod Scriptura obscura sit, & proinde non possit esse regula fidei, nisi explicetur ab Ecclesia.*

Probatur 2. Quia regula fidei debet esse certa, ita vt non acceptetur vna regula pro alia; sed potest oriri dubium super Scripturam ipsam an secundum se totam, vel secundum partes reuelata sit à Deo, quæ dubitatio non potest tolli per Scripturam; ergo Scriptura non est sufficiens regula fidei; aliàs non esset controuersia inter nos & hæreticos, quinam libri essent canonici & qui non. Calvinus lib. 1. Instit. cap. 7. §. 2. respondet Scripturam canonicam à non canonica per se ipsam dignosci discernique posse sicut album à nigro, frigidum à calido, & dulce ab amaro. Sed si hoc ita sit, quorsum tanta disputatio de librorum canonicorum numero, nedum inter Calvinum & nos, sed inter Calvinum & Lutherum, quem Lutherum vocat Calvinus nobilem Christi apostolum, & purioris Euangelij ministrum lib. 2. contra Vuestphalum, & lib. de necessitate Ecclesiæ reformandæ: Attamen Lutherus epistolam B. Iacobi, primam D. Petri & Apocalypsim Ioannis reijcit; approbat verò Calvinus.

Probatur tertio, quia si S. Scriptura esset sufficiens regula Fidei, omnia credenda & facienda doceret,

ret, quod falsum est: Vbi enim docet Scriptura mutandum esse sabbatum in diem Dominicam? Vbi permittit manducare animal suffocatum & sanguinem quod vtrumque prohibitum est. Act. 15. Vbi nam Scripturæ habetur, paruulos esse baptizandos necessario? Baptismum esse valide collatum ab Hæreticis, Iudæis, imò & mulieribus ipsummet baptismum nullo modo esse iterandum? Certè, cum Scriptura non tradat sufficienter, Patrem diuinum esse Ingenitum, Spiritum S. procedere ex Patre & Filio, eius productionem non esse Generationem, & similia quæ ad fidem spectant, sanè dicendum est Scripturam solam non esse sufficientem Fidei regulam.

Obijcies primò id quod habetur Ioann. 5. *Scrutamini scripturas*, quasi in illis omnis difficultatis solutio reperitur. Resp. præmissis alijs solutionibus, hoc verbum *Scrutamini*, non esse imperatiui modi, quasi Deus præcipiat lecturam Scripturæ, sed indicatiui; quasi dicat; Vos scrutamini Scripturas, sed illæ de me testimonium perhibent. Si habeatur Psalm. 18. *Præceptum Domini lucidum, illuminans oculos*; hoc intelligitur, modò accedat prius Ecclesiæ explicatio. Si dicat Chrysostomus Homil. in 2. ad Thessal. *quacumque necessaria sunt ad salutem, esse perspicua in Scriptura*: hoc est posita explicatione Ecclesiæ, non verò sine illa, Si habeatur 1. Ioann. 2. *Non necesse habetis, ut aliquis vos doceat, sed unctio docebit vos de omnibus*; ibi Apostolus alloquitur tantum Baptizatos, qui erant satis imbuti per prædicationem Euangelij, & alijs Doctoribus non indigebant. Dices; obscuritas esset imperfectio in Scriptura. Negatur, sed hoc innuit ipsius altitudinem, & ostendit nostram imbecillitatem ac humilitatem, quæ inducit, ut recurramus ad Ecclesiam, quam libenter audire debemus, ipsiusque determinationi acquiescere.

aff  
cro  
he  
lit  
qu  
pre  
gn  
tic  
ca  
lu

S

inf  
tu  
ue  
te  
qu  
na



am  
lic  
ber  
me  
me  
der  
fe  
pt  
fu  
vo  
C  
f

**F**

7

*præcipiens custodire præcepta Apostolorum, & Seniorum. Illa autem præcepta non erant scripta, sed voce edocebantur.*

Probatur 2. ex Patribus. Epiphanius de hæresi. *Oportet autem & traditione uti: non enim omnia à D. Scriptura possunt accipi. Quapropter aliqua in scriptis, aliqua traditione sancti Apostoli; tradiderunt, quemadmodum dixit S. Apostolus; Sicut tradidi vobis. Chrysostomus in cap. 2. 2. ad Thessalon. ubi habetur, Tenete traditiones, ait; Hinc patet, quòd non omnia per epistolam tradiderit, sed multa etiam sine litteris; eadem verò fide digna sunt tam ista, quàm illa. Basilus in libr. de Spiritu sancto, sic scibit, Dogmata, quæ in Ecclesia servantur, partim ex conscripta doctrina habemus, partim Apostolorum traditione ad nos delata recepimus. Origenes in cap. 6. epist. ad Rom. Ecclesia ab Apostolis traditionem accepit, etiam paruulis baptismum dare. Augustinus libr. 10. de Genesi ad litteram caput 23. Consuetudo matris Ecclesia in baptizandis paruulis nequaquam spernenda est, nec omnino credenda, nisi Apostolica esset traditio. Traditioni ergo credendum est.*

Confirmatur eadem conclusio ex hoc, quòd omnia ad fidem pertinentia non contineantur in Scriptura. In quo enim loco Scripturæ habetur, Scripturam veteris & noui Testamenti esse verbum Dei? quòd tota sacra Scriptura ad nos pura & integra peruenierit? quòdque habeamus legitimum eius sensum? Vnde hæc omnia à nobis creduntur, nisi quia docentur ex Traditione Apostolica? Deinde, ubinam Scripturæ habetur, Symbolum Fidei esse Catholicum & Apostolicum? Sabbatum mutari debere in diem Dominicam? Aquam esse communiscendam vino ad exemplum Christi in sacrificio Missæ? Baptismum non esse reiterandum? Baptizatos ab hæreticis non esse rebaptizandos? Frontem signari debere signo crucis? In Baptismo debere dici: *Ego te baptizo, &c.* quod in Scriptura non reperitur, sed tantum præceptum baptizandi in nomine Patris, &c. sicut præceptum petendi in nomine Christi. Licet autem dicat Christus, *Si quid petieritis Patrem in nomine meo, dabit vobis*, non vult tamen, ut dicamus, *Peto in nomine Chri-*



sufficit ad credendum, sed requiritur aliquid ex parte voluntatis: ergo non est obiectum formale Fidei. Resp. illum actum voluntatis captiuantē intellectum, esse quid veluti extrinsecum ad fidem, quæ formaliter & intrinsecè est actus intellectus.

Obijc. 2. Deum posse mentiri per se, & de facto mentitum esse, cum prædixit ruinam Niniuitarum, mortem Ezechiz. Resp. in hoc non mentitum fuisse Deum; quia hæc non prædixit absolutè, sed primò sub conditione, quòd non agerent penitentiam & secundò iuxta cursum causarum naturalium. Quòd autem Deus non possit mentiri, pater; quia ubi est prima veritas, non potest esse mendacium; nam *omne mendacium ex veritate non est*. 1. Ioan. 2. Deus autem est summè verax & in essendo & in cognoscendo, & in dicendo; ergo mentiri non potest.

Obijc. 3. Deum mentitum fuisse per alios quos fefellit, & in ore quorum posuit mendacium: Ezech. 14. *Ego Dominus decipi Prophetam illum*. Et 3. Reg. 22. *Dedit Dominus spiritum mendacii in ore omnium Prophetarum, qui hic sunt*. Resp. Deum non posse etiam mentiri per alios; quia illos deciperet, & deceptio est contra Charitatem, & proinde mala per se: Dicendum ergo est, præcedentes textus intelligi permissiue, in quantum permittit illos decipi; non verò effectiue & formaliter, quasi ipsos deceperit, aut infuderit in illis errorem. Hæc omnia sunt contra Priscillianistas, putantes Deum de facto mentiri, & contra Catholicos aliquos, asserentes ipsum mentiri posse, non de potentia ordinaria, sed absoluta.

## Q V Æ S T I O II.

*Quodnam sit obiectum Materiale Fidei.*

**V**lgo Theologi distinguunt obiectum materiale Fidei in Complexum & Incomplexum. Obiectū materiale Incomplexum est res, de qua aliquid creditur, vt Deus: Complexum verò, est propositio quæ creditur; vt cum dicitur, Deus est trinus, est incarnatus, &c. Inter propositiones à Deo reuelatas aliæ sunt præcipuæ & Cardinales, quæ vocantur Articuli Fidei; aliæ sunt minus Præcipuæ, quæ dicuntur simpliciter Propositiones Fidei, non articuli Fidei.

CON-

## CONCLUSIO.

**O**biectum materiale fidei est omnis res à Deo reuelata, quæ nobis credenda proponitur, siue illa res habeatur ex Scriptura, siue ex traditionibus, siue ex Concilijs: quæ omnia sunt regula fidei. Hæc propositio ex se patet, vnde superest tantum, vt quasdam dilucidemus difficultates, quæ suboriri possunt super talem obiectum.

Quæres primò, vtrum obiectum materiale Fidei sit Complexum? Resp. si nomine obiecti intelligatur res ipsa, quæ creditur, quatenus extra intellectum existit, tunc obiectum est Simplex & incomplexum; quia nihil est aliud quam res ipsa credita quæ simplex est; quoniam de ipsa non fit affirmatio aut negatio, vt Deus, Verbum Dei, &c. Si verò nomine obiecti, intelligitur Assensus, mediante quo, res cognita dicitur esse in cognoscente, tunc obiectum est Complexum; vt quando in mente nostrâ concipimus Deum esse, Deum esse Trinum, Verbum esse Incarnatum, & postea assentimur talibus propositionibus, tunc obiectum fidei est Complexum; est enim tale obiectum quædam propositio quæ affirmat, vel negat. Sic conciliandi sunt, Doctores, quorum aliqui dicunt obiectum esse Complexum, alij dicunt esse Simplex.

Quæres 2. an obiectum materiale fidei sit certum & infallibile? Iam de hoc locuti fuimus in additionibus quæstionis vltimæ cap. præcedenti; iterum tamen Resp. veritates Fidei, quatenus substant reuelationi Dei, esse infallibiles & certissimas, ob summam Dei veritatem in dicendo; vnde nulla hæsitatio aut fluctuatio in Fide admittenda est: Imò qui vecè credit rationes omnes Fidei, contrarias respuere debet; vnde in hoc Apostolus laudauit Abraham, quòd crediderit suam vxorem esse parituram contra rationem naturalem, non considerans corpus suum emortuum, vt & vxoris suæ, cum ferè esset centum annorum.

Quæres 3. vtrum obiectum materiale fidei possit esse obiectum sensuum? Resp. obiectum Fidei non posse cadere sub sensibus: *Fides* enim ex 1. Hebr. est rerum non apparentium; & ex Aug. Tract. 40. in Ioan.

Fides est credere quod non vides. Ratio est, quia sola materialia sunt obiectum sensuum; obiectum verò Fidei est quid spirituale & supernaturale, scilicet res reuelata à Deo. Si dicatur Fidem esse ex auditu, hoc verum est in ratione signi, in quantum per verba & per prædicationem proponitur res credenda; non verò in ratione obiecti. Si dictum fuerit D. Thomæ, *Quia vidisti me, Thoma! credidisti*: hoc sic dictum est, quia Thomas aliud vidit, aliud credidit: vidit hominem, & credidit Deum.

Quæres 4. vtrum obiectum fidei possit esse obiectum scientiæ? Resp. negatiuè, quia scientia est de apparentibus & euidentiis. Fides autem de ijs quæ non apparent, iuxta D. Gregorium Homil. 29. in Euangelia, *Fides illarum rerum est, quæ apparere non possunt*; quæ autem apparent, iam non fidem, sed cognitionem habent. Deinde Fides per se includit obcuritatem, & scientia euidentiā postulat. Tandem Scientia nititur rationi naturali, & Fides reuelationi diuinæ. Nihil prohibet tamen, idem obiectum posse aliquando cognosci per fidem & per Scientiam diuersis medijs; sed ille actus non erit simul scientificus & actus Fidei; hoc enim non potest esse per rationes allatas; sed erit scientifica cognitio, si habeatur per lumen naturale; & fidei, si habeatur per lumen fidei. Hoc patet in hac propositione, *Deus est*, quæ modo ad fidem spectat, vt ait D. Paulus 12. Hebr. *Accedentem ad Deum oportet credere quia est*; & modò ad scientiam, quoniam à Philosophis multis rationibus existentia Dei comprobatur.

Quæres 5. vtrum obiectum Fidei sit euidens? Ex responsis patet, non esse euidens, sed obscurum. Resp. tamen quòd licet obiectum Fidei non sit euidens per se, & in se; potest tamen esse euidens in attestante; cùm enim euidenter cognoscamus Deum esse veracem in dicendo, euidenter cognoscimus ea quæ reuelauit esse vera: Si ergo Deus vellet ostendere, se reuelasse mysteria nostra, pro tunc illa mysteria essent euidentiā in attestante; id est euidens esset ea quæ testatur, esse vera; quia euidens nobis est Deum non posse falsum testari. An autem supposita euidentiā Dei attestantis aliquam propositionem, haberetur Fides de illa, quæstio est de nomine: Si enim per fidem intelligatur cognitio vnde quæque obscura,  
pro



pro tunc non erit Fides; Si autem intelligatur per Fidem, cognitio rei obscuræ in se, licet evidentis in attestante, illa cognitio erit Fidei. Et hoc non immerito dicitur: Beata Virgo enim, Moyses & Prophetæ habuerunt illam evidentiam in attestante, in quibus tamen non est neganda Fides.

## QVÆSTIO III.

*Vtrum dentur aliqua motiua, quæ reddant obiectum Fidei aliquo modo credibile euidenter?*

**Q**UOD Fides nostra non sit de veritatibus quæ sunt euidenter credibiles, & conuincant intellectum, ut illis assentiatur, satis patet ex difficultate quam sentit humana ratio in tali assensu. Non quærimus ergo, vtrum dentur motiua quæ euidenter reddant veritates Fidei in particulari credibiles; sed tantum petimus, vtrum dentur aliqua motiua, quæ reddant Fidem Christianam & Catholicam, (quæ est Romana) saltem credibilem in communi.

## CONCLUSIO.

**F**ides Catholica habet aliquam rationem credibilitatis in communi, quæ aliquo modo est euidentis, iuxta Psal. 92. *Testimonia tua credibilia facta sunt nimis.* Cuius ratio petitur ex diuersis solidis argumentis, quorum aliqua mouent Iudæos ut Christiani fiant, de quibus loquuntur Lactantius, Iustinus Martyr, Tertullianus, Chrysostomus, & alij, & quæ hic recensere prolixius esset: Alia mouent Catholicos, ut in sua Fide permaneant: Alia denique persuadent Hæreticis, ut ad Fidem Catholicam redant. Horum omnium aliqua breuiter recensenda sunt.

Primum argumentum, quo probatur fidem Christianam esse credibilem, desumitur à multitudine & authoritate illorum qui eam amplexati sunt. Si enim dicit Aristoteles 1. Ethic. 20. *Quod vniuersis videtur, nos tale dixerimus*, nonne fides adhibenda est Religioni Christianæ, quam omnes penè gentes & innumerabiles viri libenter receperant, quorum alij summa au-



thoritate, summo ingenio & doctrina, alij denique summa virtute præditi facere? Augustinus ait: *Tenes me in Ecclesia consensus populorum atque gentium, tenes auctoritas miraculorum inchoata, &c.* Si ergo Augustinus, quem pauci Patres præcesserant, hac ratione motus fuerit, nos ipsi qui & Augustinum, & prædecessores Augustini, & quotquot ipsum sequuti sunt. habemus, nonne ex tanta virorum in scientia & virtute illustrium auctoritate, de veritate Religionis convincemur, quam libenter receperunt, & veluti per manus tradiderunt?

Secundum argumentum petitur ex qualitate illorum, qui religionem nostram à Christo institutam plantauerunt, qui fuerunt paucissimi viri, non potentes, non sapientes, non eloquentes; sed illiterati, rudes & plebei; qui non in humane sapientiæ verbis, nec armorum impetu, nec diuitiarum larga effusione, sed in paupertate & humilitate subtilissimos Philosophos confuderunt, clarissimi Senatores devicerunt, debellarunt mirabiliter potentissimos orbis Principes, quos ad fidem Crucifixi converterunt, qui antea erat Gentibus stultitia & Iudeis scandalum; ipsis absolutè præcipientes odium sui, dilectionem inimici, deliciarum fugam, æumnarum perquisitionem & cætera huiusmodi; quæ omnia fuissent prorsus imperuasibilia, si Deus illorum prædicationi favere non voluisset: quod profectò veritatem Evangelij & Religionis Christianæ demonstrat.

Tertium argumentum hauritur ex miraculis factis in confirmationem doctrinæ Christi. Matthæi enim 11. Christus volens probare se esse Messiam, & suam doctrinam mereri recipere, multa miracula edidit coram Discipulis Ioannis: dicens postea; *Euntes renuntiate Ioanni quæ audistis & vidistis; cæci vident, claudi ambulant, surdi audiunt, &c.*

Quartum argumentum petitur ex sana doctrina existente apud Christianos, quæ sanctissima est; Nam etiam si in Ecclesia Romana plerique existant & semper extiterint pravis & corruptis moribus, attamen ex Psal. 11. *Eloquia Domini, eloquia casta.* Et Psal. 18. *Lex Domini immaculata converteat animas.* Imò Religio Christiana peccata acerbissimas proponit vitio, & mercedem eximiam virtuti.

Quin.

Quintum argumentum desumptum est à constantia numeri penè infiniti Martyrum, qui crudelissima tormenta passi sunt, & mortem acerbissimam, in confirmationem Fidei Romanæ; inter quos tenerrime ætatis inuoculæ tortorum & tyrannorum deriserunt ferocitatem: quod sanè impossibile fuisset, nisi Deus ipsarum debilitatem corroborasset potentissimis gratiæ auxilijs, & hoc vt confirmaretur religionis veritas.

## Q V Æ S T I O IV.

*Quanam sit regula Fidei.*

**C**um Fides formaliter sumpta nitatur reuelationi diuinæ, & ipsa reuelatio nobis innotescere debeat; hic querimus à quo nobis proponenda sit illa reuelatio, seu res reuelata, quæ est obiectum materiale fidei. Anabaptistarum aliqui ( qui propter hoc Illuminati dicti sunt ) nullam scripturam admittebant, sed fingeant, aut Spiritum sanctum, aut Angelum sibi apparere, à quo omnia credenda disce- rent. Lutherani & Calvinistæ solam Scripturam pro regula fidei admittunt, quam priuato iudicio interpretari audent; vnde suas opiniones pro dogmatibus fidei assumunt; cum ergo illorum opiniones sint particulares, illorum etiam fides est priuata & non Catholica: Ex quo oritur tanta credendi varietas inter hæreticos, vt vix duo illorum inter se consentiant in omnibus credendis, licet omnes in expugnanda Catholicorum fide conueniant.

## C O N C L V S I O.

**S**criptura sacra non est sufficiens regula fidei; contra Lutherum in cap. v. ad Galat. & Calu- num lib. 4. Instit. cap. 8.

Probatur primò ex Scripturæ obscuritate. Regula fidei debet esse perspicua, ita vt omnes illam cognoscant; aliàs fides, quæ est ignota, per ignotum regularetur: Sed Scriptura sacra est obscura: ergo non potest esse regula fidei. Probatur minor ex 2. Petri 3. *Quadam sunt in Epistolis D. Pauli difficilia intellectu, quæ indocti homines & instabiles, sicut & ceteras scri-*

B 4. priu-

*pturas deprauant ad suam ipſorum perditionem*. Ex quo patet Epistolam D. Pauli ( maxime Epistolam ad Romanos ) sicut & ceteras Scripturas nec esse sole clariores vt volunt hæretici, nec tantam perspicuitatem habere, vt Sactores, Satōres, Rustici & Mulierculæ illas de facili & sine vlla explicatione intelligere valeant, Nec dicant hæretici hoc intelligi de profundioribus fidei quæstionibus, quarum cognitio non est necessaria ad salutem; nam quid magis necessarium, quàm cognitio Baptismi? Attamen quando dicitur; *Nisi quis renatus fuerit ex aqua*, quærunť diuersas explicationes, vt aqua possit intelligi figuratè pro gratia, nec debeat esse aqua elementaris; vnde alij dicunt, fidem parentum sufficere infantulis; alij dicunt, quemlibet liquorem sufficere ex quo fieri possit balneum. Quid etiam plus necessarium est, quàm Sacramentum Eucharistiæ, de quo Ioan. 6. habetur; *Nisi manducaueritis*, &c. Tamen hæc verba esse obscura, ostendunt hæretici, dum dicunt illa intelligi de manducatione per fidem. Maneat ergo quod Scriptura obscura sit, & proinde non possit esse regula fidei, nisi explicetur ab Ecclesia.

Probatur 2. Quia regula fidei debet esse certa, ita vt non acceptetur vna regula pro alia; sed potest oriri dubium super Scripturam ipsam an secundum se totam, vel secundum partes reuelata sit à Deo, quæ dubitatio non potest tolli per Scripturam; ergo Scriptura non est sufficiens regula fidei; aliàs non esset controuersia inter nos & hæreticos, quinam libri essent canonici & qui non. Calvinus lib. 1. Instit. cap. 7. §. 2. respondet Scripturam canonicam à non canonica per se ipsam dignosci discernique posse sicut album à nigro, frigidum à calido, & dulce ab amaro. Sed si hoc ita sit, quorsum tanta disputatio de librorum canonicorum numero, nedum inter Calvinum & nos, sed inter Calvinum & Lutherum, quem Lutherum vocat Calvinus nobilem Christi apostolum, & purioris Euangelij ministrum lib. 2. contra Vuestphalum, & lib. de necessitate Ecclesiæ reformandæ: Attamen Lutherus epistolam B. Iacobi, primam D. Petri & Apocalypsim Ioannis reijcit; approbat verò Calvinus.

Probatur teritiò, quia si S. Scriptura esset sufficiens regula Fidei, omnia credenda & facienda doceret,

ret, quod falsum est: Vbi enim docet Scriptura mutandum esse sabbatum in diem Dominicam? Vbi permittit manducare animal suffocatum & sanguinem quod vtrumque prohibitum est. Act. 15. Vbi nam Scripturæ habetur, paruulos esse baptizandos necessariò? Baptismum esse valide collatum ab Hæreticis, Iudæis, imò & mulieribus ipsummet baptismum nullo modo esse iterandum? Certè, cum Scriptura non tradat sufficienter, Patrem diuinum esse Ingenitum, Spiritum S. procedere ex Patre & Filio, eius productionem non esse Generationem, & similia quæ ad fidem spectant, sanè dicendum est Scripturam solam non esse sufficientem Fidei regulam.

Obijcies primò id quod habetur Ioann. 5. *Scrutamini scripturas*, quasi in illis omnis difficultatis solutio reperiatur. Resp. præmissis alijs solutionibus, hoc verbum *Scrutamini*, non esse imperatiui modi, quasi Deus præcipiat lecturam Scripturæ, sed indicatiui; quasi dicat; Vos scrutamini Scripturas, sed illæ de me testimonium perhibent. Si habeatur Psalm. 18. *Præceptum Domini lucidum, illuminans oculos*; hoc intelligitur, modò accedat prius Ecclesiæ explicatio. Si dicat Chrysostomus Hamil. in 2. ad Thessal. *quacumque necessaria sunt ad salutem, esse perspicua in Scriptura*: hoc est posita explicatione Ecclesiæ, non verò sine illa. Si habeatur 1. Ioann. 3. *Non necesse habetis, ut aliquis vos doceat, sed vnusquis docebit vos de omnibus*; ibi Apostolus alloquitur tantum Baptizatos, qui erant satis imbuti per prædicationem Euangelij, & alijs Doctoribus non indigebant. Dices; obscuritas esset imperfectio in scriptura. Negatur, sed hoc innuit ipsius altitudinem, & ostendit nostram imbecillitatem ac humilitatem, quæ inducit, vt recurramus ad Ecclesiam, quam libenter audire debemus, ipsiusque determinationi acquiescere.



## QVÆSTIO V.

*Verum Traditiones admittendæ sint pro regula fidei.*

**T**raditionē asserere tanquam regulam Fidei præcisam, ridiculū esset; per hoc enim regulā à fide i Scripturam arceremus, quod nullus cogitabit; sed verum admittendæ sint Traditiones, de quibus aliqua credenda eruantur ab Ecclesia? Negant Hæretici & affirmant Catholici, ut iam patuit ex præcedenti quæstione, ubi ostendimus, Scripturam non exprimere omnia & singula quæ sunt de necessitate fidei. Plura sumus dicturi de traditionibus initio tractatus de Concilijs.

## CONCLUSIO.

**T**raditiones quædam admittendæ sunt, ad quas recurrere debemus, tanquam ad partialem regulam fidei, Quod intelligendum est, non de Ecclesiasticis, sed de diuinis & Apostolicis, quæ parem vim habent ac Scriptura S. Sicut enim mandatum Principis æquale est, dum voce profertur & dum scripto mandatur; sic & verbum Dei, siue sit scriptum, siue non scriptum, sed tantum ab Apostolis traditum nobis continua successione. Quod autem Traditio Apostolica sit verbum Dei, constat; quia, sicut id quod scripserunt Apostoli, erat verbum Dei, quia à Deo inspiratum fuerat; sic & doctrina, quam tradiderunt Apostoli viua voce, dicenda est verbum Dei, quoniam Deus eam reuelauit illis.

Conclusio nostra habetur ex Concil. Trident. Sess. 4. in decreto de Canonicis Censuris, ubi præter Scripturam admittuntur Traditiones. Sic D. Paulus 1. Corinth. 2. *Laudo autem vos, fratres! quia per omnia mei memores estis; & sicut tradidi vobis præcepta mea, tenetis: Vbi loquitur de præceptis quæ dederat Corinthijs verbo, antequam illis scriberet; erat enim prima epistola. Dicit etiam 2. ad Thessal. 2. Itaque fratres! stete & tenete traditiones quas didicistis, siue per sermonem, siue per Epistolam nostram. Act. 15. Beatus Paulus. Sila comite, verambulabat Syriam & Ciliciam, confirmans Ecclesiam, &*  
pre-

*præcipiens custodire præcepta Apostolorum, & Seniorum. Illa autem præcepta non erant scripta, sed voce edocebantur.*

Probatur 2. ex Patribus. Epiphanius de hæresi. *Oportet autem & traditione uti: non enim omnia à D. Scriptura possunt accipi. Quapropter aliqua in scriptis, aliqua traditione sancti Apostoli; tradiderunt, quemadmodum dixit S. Apostolus; Sicut tradidi vobis.* Chrysostomus in cap. 2. 2. ad Thessalon. ubi habetur, *Tenete traditiones,* ait; *Hinc patet, quòd non omnia per epistolam tradiderit, sed multa etiam sine litteris; eadem verò fide digna sunt tam ista, quàm illa.* Basilus in libr. de Spiritu sancto, sic scibit, *Dogmata, quæ in Ecclesia servantur, partim ex conscripta doctrina habemus, partim Apostolorum traditione ad nos delata recepimus.* Origenes in cap. 6. epist. ad Rom. *Ecclesia ab Apostolis traditionem accepit, etiam paruulis baptismum dare.* Augustinus libr. 10. de Genesi ad litteram caput 23. *Consuetudo matris Ecclesiæ in baptizandis paruulis nequaquam spernenda est, nec omnino credenda, nisi Apostolica esset traditio.* Traditioni ergo credendum est.

Confirmatur eadem conclusio ex hoc, quòd omnia ad fidem pertinentia non contineantur in Scriptura. In quo enim loco Scripturæ habetur, Scripturam veteris & noui Testamenti esse verbum Dei? quòd tota sacra Scriptura ad nos pura & integra peruenerit? quòdque habeamus legitimum eius sensum? Vnde hæc omnia à nobis creduntur, nisi quia docentur ex Traditione Apostolica? Deinde, vbinam Scripturæ habetur, Symbolum Fidei esse Catholicum & Apostolicum? Sabbatum mutari debere in diem Dominicam? Aquam esse commiscendam vino ad exemplum Christi in sacrificio Missæ? Baptismum non esse reiterandum? Baptizatos ab hæreticis non esse rebaptizandos? Frontem signari debere signo crucis? In Baptismo debere dici: *Ego te baptizo, &c.* quod in Scriptura non reperitur, sed tantum præceptum baptizandi in nomine Patris, &c. sicut præceptum petendi in nomine Christi. Licet autem dicat Christus, *Si quid petieritis Patrem in nomine meo, dabit vobis,* non vult tamen, ut dicamus, *Peto in nomine Christi.*

*fit*. Sic licet præcipiat baptizare in nomine Patris, &c. non iubet tamen expressè, vt dicatur, *Ego te baptizo in nomine. &c.* Hæc ergo forma Baptismi quæ non est expressè in Scriptura, vnde nam habetur, nisi ex Traditione Apostolica, quæ proinde meritò admit-  
tenda est?

Obijc. 1. ex ad Galat. 8. *Licet nos aut Angelus de celo euangelizet vobis, præterquam quod euangelizo vobis, anathema sit.* Resp. hoc non eludere vim Traditionum; quia non sunt præter, neque contra id quod docuit Paulus, quoniam ipsemet Traditiones admittit, dum dicit; *Tenete traditiones nostras*, 2. ad Thessal. 2. Deinde, per hoc instruit Paulus Galatas, vt non crederent falsis quibusdam Apostolis, qui ipsos volebant diuertere à doctrina, quam illis antea tradiderat, quod scilicet Ceremoniæ Moysæ erant abrogatæ, & neminem posse iustificari per illas, sed tantum per Fidem Christi. Illi autem falsi Apostoli Galatis persuadere volebant cum illa Fide in Christum iungendam esse necessariò Circumcisionem. Ad alios textus quos allegant hæretici, v. 6. Deuter. 12. *Quod tibi præcipio, hoc tantum facito, nec addas quicquam, nec minuas;* hoc non intelligitur de traditionibus, sed loquitur Deus de præcepto ceremonialis sacrificij, in cuius ceremonijs Deus vult nihil addi de execrationibus, quæ fiebant in sacrificijs idolorum: Hoc liquet ex verbis antecedentibus. Quando etiam dicunt ex Deuteron. 4. *Non addetis ad verbum quod loquor vobis, nec auferetis ab eo;* ex hoc non sequitur quod nihil addendum sit verbo scripto, alias immeritò dixisset Paulus: *Tenete traditiones nostras;* sed ex hoc textu, qui intelligitur de præceptis Ceremonialibus & iudicialibus datis Genti Iudaicæ, sequitur quod illis nihil addendum sit, aut detrahendum. Vt vno verbo fiat satis similibus textibus, nihil addendum est Scripturæ, quod illi sit contrarium, concedo; quod sit magis explicatiuum eorum, quæ non expressè commemo-  
rat, nego.

Obijcies ex Matth. 15. *Irritum fecistis mandatum Dei propter traditionem vestram.* Resp. ibi Matthæum non loqui de traditionibus noui Testamenti, sed veteris: non adhuc de Moisaicis quæ erant legitimæ, sed de Pharisaicis, quatum aliquæ erant bonæ in suo genere, aliæ indifferentes: sed omnes vituperaban-

bantur à Christo & Apostolis, quia illa obseruabant ob vanam gloriam & perhypocrisim; vnde vocantur hypocritæ & sepulchra dealbata. De illis traditionibus agitur in tract. de Concilijs. Quoad Paulum ad Coloss. 2. *Videte ne quis vos decipiat per Philosophiam & traditionem hominum*: nil contra nos, qui agimus tantum de Traditione D. inspirata Apostolis, Petrus dicens: *Redempti estis de paberna traditione*, loquitur vt suprà. Augustinus clamans, alios libros, præter Canonicos, non esse fide dignos; hoc dicit non per comparisonem ad Traditiones, sed ad humanos authores. Si videatur dicere idem Augustinus extra Scripturam nullam veritatem Catholicam inueniri, ibi latè sumit Scripturam pro omni reuelatione, quæ recipitur ab Ecclesia, siue illa scripta sit, siue non, sed solo verbo tradita. Si denique dicatur in veteri Testamento nullas fuisse veritates præter conscriptas. Respondetur multas fuisse ex ore Prophetarum & antiquorum Patrum ab auis ad nepotes deuolutas sine scripto, quas Traditiones Hebraicè vocabant *Cabalam*, & Latine *Receptionem*; quia iuniores illas recipiebant à maioribus.

## Q V Æ S T I O VI.

*Verum Ecclesia sit regula Fidei.*

**O**bjectum materiale nostræ Fidei, de quo loquimur in præsentis cap. seu veritates credendæ, non possunt securè credi, nec infallibiliter, nisi ad credendum nobis legitimè proponantur. Hæretici, vt iam diximus, Scripturam solam, sine Traditionibus & determinatione Ecclesiæ, Normam & Iudicem faciunt. Iam vidimus Scripturam non sufficere in penultima quæstione, in præcedenti stabilimus necessitatem Traditionum, hic statuendum est, quòd Ecclesia sit regula difficultatum oriundarum & circa Scripturam & circa Traditiones,

CON.



## C O N C L U S I O .

**V** Era regula fidei nostræ est Ecclesia, quæ nobis credenda proponit infallibiliter. An autem hoc intelligatur de illa, ut congregata est in Concilio vniuersali, nec ne; hoc ad tractatum de Concilijs pertinet, & vtraque opinio discutietur.

Nostra assertio patet ex dictis; cum enim regula fidei non sit Scriptura sola, nec etiam Scriptura cum Traditione, quandoquidem ad Ecclesiam pertinet iudicare de Traditionibus, an sint Apostolicæ vel tantum Ecclesiasticæ; remanet dicendum quod Ecclesia sit regula Fidei, & quod ad illam tanquam ad iudicem, pronuntiare super controuersias fidei pertineat; quod facit vel iuxta Scripturam, cuius sensum aperit, vel iuxta Traditiones quas declarat esse Canonicas. Hoc est conforme D. Paulo ad Eph. 4. *Christus ascendens in cælum, dedit dona hominibus; & alios constituit in Ecclesia Prophetas, alios Doctores & Pastores ad consummationem Sanctorum, ut non simus sicut paruuli fluctuantes, nec circumferamus omni vento doctrina.* Multos tales contextus Scripturæ adhibere possem, ut potè Matth. 18. *Qui non audierit Ecclesiam, sit tanquam Ethnicus & Publicanus,* & similes; sed iste præ ceteris sufficiens videtur, ni fallor.

Stant omnes Patres Orthodoxi ab hac opinione, & tam vnanimiter pronuntiant pro Ecclesia, ut aliquos enumerare non deceat. Hoc confirmat perpetua Ecclesiæ praxis, dum videmus hæreticos damnatos fuisse vel à summis Pontificibus, vel à Concilijs, ut potè Arius in Conc. Nicæno. 1. Macedonius in Constantinop. 1. Nestorius in Ephesino, Eutiches in Chalcedonensi, & (ut alios omittam) Lutherus & Calvinus in Tridentino. Corroboratur denique nostra conclusio ex vso Veteris Testamenti, ubi controuersia super legem ortæ, saltem maiores, à summo Pontifice dirimebantur, & non à Scriptura. A summo Pontifice (inquam) definitiones emanabant, quibus sub poena mortis, obedientia debebatur.

Obijciunt primi hæretici, Deum in Veteri Testamento remittere dubitantes de fide *ad legem magis & ad testimonium*. Esai. 8. & non ad Pontificem, nisi pro legalibus. Resp. ibi agi contra illos, qui in futuris euen-

euentibus solebant consulere Pythonissas & Ariolos, quos Deus remittebat *ad legem*, quæ id prohibebat Deuteron. 18, & ad testimonium Prophetarum, qui à Deo constituti erant, vt prædicerent futura; ita quod magis recurrendum esset ad legem & Prophetas, quàm ad Ariolos. Quando autem dicitur, Pontificem iudicare tantum de legalibus, hoc falsum est; quia, quando dubitatum fuit an Messias natus esset tempore Herodis, (quæ quæstio erat de fide) *Rex turbatus est & omnis Ierosolyma cum illo; & congregans omnes Principes Sacerdotum, diligenter sciscitabatur ab eis, ubi Christus nasceretur, At illi dixerunt; In Bethleem Iudæ, &c.* Matth. 2. Deinde sciendum est quod apud Iudæos erant duo tribunalia; vnum minus in qualibet vrbē, compositum ex viginti tribus personis Deuteron. 16, & 2. Paralip. 19. in quo faciliores controuersiæ iudicabantur: & aliud maius, vocatum *Sanædrin* existens in Ierusalem, quod dirimebat maiores difficultates, quæ oriebantur ex lege Decalogi, vel ex mandatis alijs moralibus, vel ex præceptis ceremonialibus ad D. cultum spectantibus, vel denique ex præceptis ceremonialibus externam pacem & iustitiam conseruantibus, sicut fertur 2. Paralip. 19. vbi præceptum est, quod omnes causæ, siue essent *de lege, de mandato, de ceremonijs & de iustificationibus* iudicarentur à Pontifice cum septuaginta Personis, ex quibus *Sanædrin* componebatur.

Obije. 2. Ioann. 5. Christum remittere ad Scripturam, dum dicit, *Scrutamini Scripturas*. Iam respondi in solut. Obiect. 1. quæst. 1. hoc non dici imperatiuo, sed indicatiuo modo, vt videre est in textu: *Quasi dicat Christus; Vos scrutamini Scripturas*; sed illæ de me testimonium perhibent. Hoc confirmatur vsu Ecclesiæ à tempore Apostolorum, quo orta est controuersia, an noui Christiani recipientes Euangelium, deberent adhuc circumcidi, & seruare Legalia. Iudæi recenter conuersi volebant, quod Gentiles non possent saluari per Fidem Christi, nisi antea circumciderentur; Paulus & Barnabas asserabant, hoc non esse necessarium. Ad tollendam difficultatem ex vtraque parte, profecti sunt aliqui Ierosolymam ad Apostolos, qui inito Concilio, ore Petri pronuntiarunt Circumcisionem non esse necessariam, nec Legalia. Similiter post tempora Apostolorum,

lorum, controuersæ ortæ decisæ fuerunt auctoritate Summi Pontificis, vel Conciliorum; ut potè, quando multi ex Asia, Pascha cum Iudæis celebrare voluerunt decima quarta die mensis Martij, qui propterea Quatuordecimani dicti sunt, ubi alij volebant celebrari Dominica die sequenti, ut nunc fit, pronuntiatum fuit in fauorem istorum per Victorem Summum Pontificem ann. 198. Ex quibus patet, Iudicem & Regulam non esse Scripturam præcisè, sed Ecclesiam per Summum Pontificem, vel per Concilia.

Obijciunt 3. regulam Fidei debere esse infallibilem, cum ipsa sit infallibilis; Ecclesia autem non est talis, cum sit collectio hominum, quorum quilibet est mendax ex Dauide. Resp. omnes homines esse mendaces, quando agunt de priuato iudicio, non verò quatenus à Spiritu S. diriguntur ad instructionem aliorum, quales fuerunt Moyses cum Senatu seniorum Numer. 11. Pontifices, qui eum sequuti sunt, Deuteronom. 17. Prophetæ, Ierem. 1. Apostoli Ioan. 15. *Mittam vobis à Patre Spiritum veritatis qui vos docebit omnem veritatem*: Talis denique est Ecclesia, quæ 1. Timoth. 3. dicitur columna & firmamentum veritatis, & de qua etiam Matth. 16. *Portæ inferi non praualebunt aduersum eam*. Plura sumus de hac materia dicturi in tract. de Ecclesia & Concilijs.

Quæres quænam sit resolutio Fidei? Resolutio fidei nil aliud est quàm reductio actus fidei ad id quod mouet intellectum vltimò ad assensum fidei. Respondet ergo, Fidem resolui in veritatem Dei. Si enim quærat, quare credimus Verbum Dei incarnatum fuisse? Respondetur, quia Deus hoc reuelauit vel per Scripturam, vel per Ecclesiam. Si petatur vltèriùs, Quare credis Deo reuelanti? dicetur, quia est summè verax. Si autem petatur insuper, Cur credis Deo summè Veraci? ridicula erit hæc quæstio; eo enim ipso quòd aliquis est summè Verax, ipsi credendum est: Fides ergo resoluitur in veracitatem Dei formaliter, & effectiuè in Deum & in habitum Fidei, quia actus Fidei ab utroque elicitur.



## QVÆSTIO VII.

*De Symbolo Fidei.*

**E**A quæ diximus hucusque in hoc Capite respiciunt in vniuersum obiectum materiale Fidei, sub quo continentur omnes veritates reuelatæ, quæ nobis credendæ proponuntur: Sed quia inter illas, aliæ sunt maioris momenti quæ continentur in Symbolo, ideò de illo aliqua nobis dicenda sunt breuissimè.

Dico primò nomen Symboli significare *Notam*: Ita quòd, quòd sicut in castris milites habent quamdam notam & tesseram militarem, qua hostes à socijs discernuntur; sic apud Fideles est nota quædam, qua distinguuntur ipsi ab infidelibus, quæ nihil est aliud, quàm professio veritatum Religionis Christianæ, quæ continentur in Symbolo. Nomen Symboli significat etiam *collationem*; in quantum componitur ex sententijs inter Apostolos collatis & examinatis, antequam ad prædicationem Euangelij progredierentur, siue singuli Apostoli singulas sententias contulerint, siue omnes vnanimiter & collectiue omnes illos articulos in Symbolum redegerint. Augustinus Serm. 115. affirmat singulos Apostolos singulos articulos confecisse, & nominatim cuilibet illorum vnum articulum assignat; sicut & D. Leo Epist. 13. ad Pulcheriam. De hoc tamen dubitant alij, licèt omnes fateantur ex Tradit. ipsum esse ab Apostolis.

Dico secundò triplex statui communiter Symbolum Apostolorum, ita dictam; quia ipsum composuerunt Apostoli. Cum enim illi post Spiritus S. missionem accepissent mandatum eundi in vniuersum mundum prædicandi Euangelij causa, quandam formulam Christianæ Fidei composuerant, vt idem omnes sentirent & proponerent illis, quos ad vnitatem Fidei vocaturi erant: Cuius Symboli partes vocantur Articuli, quia sunt veluti artus, & membra quibus Symbolum constat. Secundum Symbolum est Nicænum, quòd in Missa sole mni decantatur, & quòd dicitur Nicænum; quia inchoatum est à Patribus Concilij Nicæni, contra Arianos negantes diuinitatem Filij; Auctū verò in Concilio Constantinopolitano



no contra Macedonianos, qui negabant diuinitatem Spiritus S. & finitam in Concilio Florentino, vbi Græci cum Latinis conuenerant de Spiritus S. processione ex Patre & Filio. Tertium denique fuit Symbolum D. Athanasij, de quo loquens D. Gregorius Nazianz. Oratione de Laudibus Athanasij, ait *Ipsum esse perfectam matris Fidei confessionem, quam totus Oriens & Occidens veneratur*. Hoc Symbolum non habet infallibilem veritatem, vt editum ab Athanasio, sed vt receptum ab Ecclesia, quæ illud vt orthodoxum amplectitur.

Dico tertio, Symbolum Apostolorum maximæ esse utilitatis. Primò, vt esset vbique Fidei vniformitas apud omnes Gentes; sic S. Irenæus, lib. 1. cap. 5. Secundò, vt subleuaretur rusticorum imbecillitas, qui cum non possint Scripturas legere; in qua videant ea quæ sunt illis credenda, maximam facilitatem reperiunt in illo Symbolo, in quo paucis verbis omnia credenda constringuntur. Sic Augustinus l. de Fide & Symbolo cap. 1. & Cyrillus Ierosolymitanus. Tertio, vt adhibeatur cautela contra Hæreticos, qui cum faciliè fidem corrumpant, vtilissimum est certam credendi formulam habere; sic adhuc Augustinus loco citato. Quantum ad Articulorum numerum, alij statuunt quatuordecim, quia diuidunt Articulos Conceptionis & Natiuitatis Christi, & Articulos de descensu ad inferos & de Resurrectione: Communior tamen est modus illorum qui conformiter Catechismo Concilij Trident. & Augustino Serm. 115. de Tempore, numerant tantum duodecim Articulos, & addunt, *Sanctam Ecclesiam Catholicam, Sanctorum Communionem*.

Dico quarto, Symbolum non continere explicitè omnia credenda; bene autem implicitè. Primum patet oculis; nullam enim facit mentionem de Sacramento, de Eucharistia, de inuocatione Sanctorum, de Purgatorio, de Indulgentijs, &c. quia si de omnibus his & similibus loqueretur, non esset propriè Symbolum, seu Compendium Fidei, nec infirmorum iuuaret memoriam. Quoad secundum; patet ex eo quod Symbolum Apostolorum continet articulos, qui sunt fundamenta & generalia Fidei nostræ principia, ex quibus principijs aliæ veritates elici possunt. Verbi g. Omnia quæ citata sunt, redu-

cun-

euntur ad Articulum quo credimus sanctam Ecclesiam; credendo enim Ecclesie, credere oportet Indulgentias, Purgatorium, & similia, quæ Ecclesia tanquam orthodoxa determinauit.

Dico quiatò, quantum ad illam questionem quæ hic proponi solet, an omnia quæ nunc creduntur, fuerint semper credita in Ecclesia Dei? Respondeo primò, omnia quæ nunc creduntur explicitè, fuisse semper credita implicitè; quia semper in Ecclesia duo credi debuerunt de Deo, nimirum quòd Deus sit, & omnium rerum curam & providentiam habeat, iuxta illud ad Hebr. 11. *Accedentem ad Deum oportet credere, quia est, & quid sit remunerator.* In primo horum includuntur omnia quæ dicuntur de Deo *ad intra*; & in secundo inuoluuntur ea quæ concernunt Creationem, Conseruationem, Iustificationem, Glorificationem, & omnia *ad extra*; ergo omnia quæ creduntur nunc explicitè, fuerunt semper credita implicitè. Resp. secundò, quod omnia quæ nunc creduntur explicitè, non semper explicitè credita fuerunt, Fides enim paulatim coepit fieri illustrior, & nunc multa credimus explicitè, quia determinata sunt ab Ecclesia, quæ antea solùm implicitè credebantur; quia super illa nondum determinationem tulerat: Imò Iudæi multa tantùm credebant de Christo implicitè, quæ Christiani explicitè crediderunt, iuxta Paulum ad Ephes. 5. *In prioribus generationibus mysterium Christi non est agnitus, sicut nunc reuelatum est sanctis Apostolis & Prophetis.* Hanc questionem proponunt alij sub his verbis, an articuli Fidei creuerint aliquando? Cui respondent creuisse secundum modum, non secundum substantiam, sed hæc omnia coincidunt.

Dico sextò, veritates Fidei perfectius cognitæ fuisse ab Apostolis, & ab illis qui proximè Apostolis successerunt, quam à posterioribus. Quòd hoc verum sit de Apostolis, colligitur ex Ioann. 24. *Paracletus quem Pater mittet in nomine meo, ille vos docebit omnia.* Et 26. *Cum venerit ille Spiritus sanctus, docebit vos omnem veritatem.* Ratio est, quia Christus constituit Apostolos tanquam vniuersales Magistros qui credenda proponerent, ex Marci ultimo, *Prædicat e Evangelium omni creatura.* Ergo perfectissimè omnia cognoscere debuerunt. Quoad alios qui Apostolis suc-

suc-

successerunt, de facili probatur; quia fides auditione percipitur, & sic Patres Apostolis succedentes facilius & imperfectius cognitionem Fidei acceperunt, & hæc omnia contra Abbatem Ioachim D. Benedicti Monachum, asserentem Articulos Fidei perfectius nunc intelligi & prædicari, quàm tempore Apostolorum; in quantum (inquit) ab Adamo ad Christum lex tantum carnalis data est; à Christo lata est lex spiritualis, carnaliter ab Apostolis intellecta, cuius sensum spiritualem obtinuit D. Benedictus. Si dicatur contra nostram resolutionem, Ecclesiam per sæcula plura determinasse quæ antea non cognoscebantur. Resp. Ecclesiam illa determinasse ex Scriptura, & traditione quæ clarè innotescebant Apostolis. Quòd si aliquando licitum fuerit dubitare de aliquibus veritatibus, quas tenemur credere; hoc non est, quasi illæ veritates non fuerint vnquam cognitæ in Ecclesia; sed quòd fuerint quasi obrutæ hominum malitia vel ignorantia, donec Ecclesia suam auctoritatem interponeret.

## CAPUT III.

*De Actu Credendi.*

**Q**uandoquidem actus eliciuntur ab habitibus, vel potius à potentia instructa habitu, consequenter ab intellectu, habitu Fidei firmato, & corroborato exit actus credendi. Vnus est interior, in intellectu subiectiuè residens, quo quis assentitur veritatibus à Deo reuelatis; alius exterior, qui declaratur exterioribus signis: Et de vtroque nobis agendum est in præsentī Capite, si prænotauerimus quòd actus credendi Deum respiciens, possit considerari sub triplici respectu: Primò, in quantum habet Deum pro obiecto materiali: Secundò, vt habet Deum pro obiecto formali; Tertiò, vt respicit Deum tanquam finem vltimum. Hinc aliud est, credere Deum, credere Deo, & credere in Deum. Credere Deum, est credere ipsum, vt rem reuelatam; credere Deo, est credere ipsi vt reuelanti, & veritatibus quas reuelauit; & credere in Deum, est Deum credendo diligere: Hoc perbellè dicitur ab Augustino serm. 131. *de Tempore*.

QVÆ-



## QVÆSTIO PRIMA.

*An sit necessariò credendum?*

**M**ultoties diximus, aliquid esse necessarium dupliciter, necessitate scilicet præcepti, vel Medij. Theologi dicunt necessitatem præcepti oriri solum ex præcepto, & cum præceptum non obliget, dum res præcepta est impossibilis, vel ignorata inuincibiliter; ideo, quod est necessarium sola necessitate præcepti, omitti potest in hac duplici occasione. Necessitas medij oritur ex ipsa re, quæ est medium ex voluntate Dei, ità absolutè necessarium ad salutem, ut sine ipsa nullo modo salus haberi possit. Eucharistia est primo modo necessaria, & Baptismus secundo.

## CONCLUSIO.

**N**ecessarium semper fuit omni adulto compoti rationis, cui efficienter proponuntur mysteria Fidei, illa credere. Dixi primò, *omni adulto*; quia infantibus Fides habitualis sufficit. Dixi secundo, *compoti rationis*; quia si esset adultus baptizatus impos rationis, pari iure saluatur per fidem habitualement in Baptismo infusam cum gratia, quam supponimus non perdidisse. Dixi tertio, *cui sufficienter proponuntur mysteria Fidei*; quia si infans v. g. apud Barbaros esset baptizatus, & fieret postea compos rationis, deinde moreretur, antequam illi mysteria credenda proponerentur, tunc saluaretur, mediante Fide habituali & gratia iustificante recepta in Baptismo, & non perdita, ut supponimus.

Conclusio nostra est contra Manichæos, contententes nihil esse credendum quod non possit ratione naturali demonstrari. Est etiam contra Vegam lib. 6. super Concilium Trident. cap. 17. & 20. ubi dicit ad suauem Dei prouidentiam pertinere, ut si quis faciat conformiter rationi ea quæ facienda dicit ipsa ratio, salutem primam & secundam valeat adipisci etiam de lege Dei ordinaria, modo ea quæ nobis sunt credenda, inuincibiliter ignoret. Per salutem primam, intelligit Iustificationem; & per secundam, Beatitudinem.

Pro-



Probatur nostra conclusio primò ex Scriptura & Concilijs. Ad Hebr. 11. *Accedentem ad Deum oportet credere, & sine fide impossibile est placere Deo.* Ephes. 2. *Salvati estis gratia Dei per fidem.* Ioann. 3. *Qui non credit, iam iudicatus est.* Marci vltimò, *Qui crediderit, & baptizatus fuerit, saluus erit; qui verò non crediderit, condemnabitur.* Vbi notat Gamachæus Scripturam in vltima particula non dixisse, *Qui non crediderit, & non baptizatus fuerit condemnabitur*, sed solum dixisse, *Qui non crediderit*, vt denotetur adultos posse saluari sine Baptismo in actu; modò sit in voto, non verò vllum saluari posse sine Fide actuali. Quoad Concilia, Mileuitanum Can. 4. & Arausicanum Can. 5. asserunt fidem ad salutem necessariam, esse donum Dei. Et Tridentinum Sess. 6. cap. 7. ait: *Causa instrumentalis iustificationis nostra est Baptismus, qui est Sacramentum Fidei, sine qua nulli unquam contingit iustificatio.* Et cap. 8. dicit quòd fides sit. *Humana salutis initium, fundamentum & radix omnis, iustificationis.*

Probatur secundò ex Patribus & ratione. Omnes Patres cuiuscumque sæculi afferri possent; sed tres tantum adducendi sunt, nè tollatur breuitas. Irenæus lib. 5. cap. 20. propter necessitatem affirmat extra Ecclesiam, in qua hæc fides traditur, non esse viam salutis. D. Leo serm. 4. de Natiuit. Christi dicit; *Sine fide impossibile est placere Deo, & nihil sine illa sanctum, nihil castum, nihil viuum.* Sic etiam Augustinus serm. 38. de tempore; *Fides est humana salutis initium, sine hac nemo ad filiorum Dei consortium potest peruenire; quia sine ipsa, nec in hoc seculo quisquam iustificationis consequitur gratiam, neque in futuro vitam possidebit aternam.* Nonnè ex hoc clariùs solè patet contra Vegam, sine fide, nec salutem primam, nec secundam posse obtineri. Quantum ad rationes; nulla Theologica & conuincens asserri potest, qua Deus voluntate absoluta potuisset omnes saluare; attamen ratio congruentiæ exigit vt disponerentur in hac vita per Fidem, Spem & Charitatem, intellectus & voluntas illorum, qui eleuari deberent in patria ad visionem & amorem D. Essentiæ. Ex his omnibus patet fidem omnibus esse necessariam eo modo quo explicatum est in Conclusionè. Est primò necessaria Fides habitualis necessitate mediij, quia nullus

nullus absolutè saluari potest sine gratia iustificante; nemo autem iustificabitur, quin illi infundantur habitus Fidei, Spei & Charitatis. Secundò, Fides actualis est etiam necessaria necessitate mediij saltem adultis, in peccato mortali existentibus; quia iustificatio est medium necessarium ad salutem, & adulti peccatores non possunt iustificari sine actuali fide, quæ est radix, initium & fundamentum iustificationis, ex Conc. Trid. Tertiò, utraque fides, tum habitualis, tum actualis, est necessaria necessitate præcepti naturalis, quo tenemur ea facere quæ ducunt ad vitam æternam, & diuini, ex 1. Ioann. 3. *Hoc est mandatum eius, ut credamus in nomine filij eius*, Quod intellige de illis adultis qui sunt in peccato, & quibus proponuntur sufficienter credenda: illis enim, qui gratiam Baptismatis receperunt, & qui illam non amiserunt per peccatum mortale, non est necessaria fides actualis necessitate mediij, quando non proponuntur illis credenda; quia sine illa possunt saluari, ut diximus: Imò nec est necessaria necessitate præcepti, quia Deus nihil præcipit impossibile, & fides actualis in tali statu est impossibilis; *Quomodo enim crederent sine prædicante?* Quartò, Fides actualis, quam dicimus esse necessariam, debet esse supernaturalis; non tantum effectiue, in quantum elicitur; mediante auxilio supernaturali; sed etiam obiectiue, in quantum debet tendere in obiectum cognitum supernaturaliter, & per reuelationem.

Obijcies primò, ex 11. ad Hebr. sufficit ad salutem, ut cognoscamus Deum esse, & Remuneratorem esse. *Accedentem ad Deum oportet credere, quia est, & quia remunerator est*; quod cognosci potest per lumen naturale: Ergo frustra fides supernaturalis. Resp. Apostolum non agere de sola naturali cognitione, qua cognoscatur Deus, ut author naturæ, remunerans bona opera naturalia donis naturalibus; sed etiam ut author gratiæ & gloriæ, remunerans opera meritoria beatitudine supernaturali. Deinde, licet Apostolus dicat ista duo esse credenda, non exprimit tamen illa sufficere. Dices, ex ad Rom. 2. *Gentes naturaliter quæ legis sunt, faciunt*. Quasi dicat, illas potuisse saluari sine Fide. Resp. per (gentes) non intelligi infideles, sed Gentes quæ in Deum cre-

de.

debant, ex Lirano & Salmerone; vel Gentes quæ etiam in Christum credebant, ex August. Fulgent. & Prospero; & sic textus non est ad propositum. Deinde, esto loqueretur de infidelibus, vult tantum per hoc Apostolus quod infideles potuerint observare quædam legis præcepta; non vult tamen quod propterea possint saluari sine fide.

Obijcies. 2. Ergo educati apud Barbaros quibus numquam proposita sunt fidei mysteria, damnarentur; quod videtur repugnare bonitati D. Resp. hoc non magis repugnare, quam quod parvuli non baptizati damnentur. Deinde, si illi servarent legem naturæ, pro tunc Deus per se, vel per Angelum, vel per illuminationem specialem, cognitionem credendorum infunderet, tanquam aliquid disponens ad gratiam recipiendam; nec pro tunc hoc debet dici miraculum, quia est quid consequens ad legem ordinam, iam Dei, quæ ex vna parte statuit neminem saluare sine Fide, & ex alia neminem relinquere sine medio necessario ad salutem; & sic in tali suppositione quod quis ex auxilio supernaturali servauerit totam legem naturæ, debet illi cognitionem credendorum infundere, siue per se, siue per alium; ut patet de Cornelio Centurione, cui Angelus apparuit, Act. 10. dicens illi, ut iret ad Simonem Petrum, à quo deberet instrui.

Obijc. 3. Sicut dicitur Marci ultimo: *Qui non crediderit, condemnabitur*; sic dicitur Ioan. 3. *Nisi quis renatus fuerit ex aqua & Spiritu sancto, &c.* Sed sufficit Baptismus in voto; ergo & Fides in voto sufficit, & non requiritur Fides in re. Resp. Ex utroque textu colligitur necessitas præcepti, quod præceptum de Fide non obligat strictius, quam de Baptismo. Quantum autem ad necessitatem medij est, disparitas fundata, si non præcisè in his verbis, saltem in Traditione Ecclesiastica, quæ semper docuit Fidem actualem requiri & Baptismum in voto sufficere. Dices, ex ad Rom. 1. *Cum Deum cognoverunt, non tanquam Deum glorificaverunt*. Resp. per hoc Paulum non velle, Gentes salvas fuisse futuras, si opera sua naturalia fuissent conformia suæ cognitioni naturalis; sed iure fuisse damnatas quod non vixerint conformiter legi naturali & suæ cognitioni. Dices, Propter Fidem ignoratam inuincibiliter nemo damnari potest.

Resp.



Resp. Licet Ignorantia in qua sunt Barbari, sit inuincibilis, spectata sola facultate naturali ( quia non possunt credere Deo de quo nihil audierunt ) attamen est vincibilis, spectata possibilitate in qua sunt obseruandi legem naturæ, quam si obseruarent ex auxilio supernaturali quod præsto est omnibus, Deus propter suauitatem suæ bonitatis eos illuminaret, vt diximus in Obiect. præcedenti. Si dicatur 1. Cor. 12. Fidem non dari omnibus etiam iustis, sed alijs dari sermonem Sapientiæ, &c. non intelligitur hic fides Theologica, sed fides patrandi miracula, id est fiducia.

## QVÆSTIO II.

*Quanam necessario credenda sunt necessitate  
medij?*

**F**ides actualis requiritur ad salutem, qualiscumque sit, vt probatum est in antecedenti Conclusionē: hic autem quærimus, quanam sunt credenda necessitate mediij, siue implicitè, siue explicitè? Illud est credendum fide explicita circa quod immediatè debemus assensum elicere, vt quando assentimur actu huic propositioni quæ nobis expressè proponitur, Verbum Dei incarnatum est. Illud est credendum fide implicita, cui non assentimur immediatè propter seipsum, sed quia continetur in alio: sic qui credit omnia quæ determinauit Ecclesia, credit implicitè Verbum D. incarnatum esse.

## CONCLUSIO PRIMA.

**N**ecessitate mediij omnia quæ proponit, aut proposuit, aut proponet Ecclesia credenda, sunt reuera implicitè credenda; licet omnia non sunt credenda explicitè. Primum patet, quia Fides implicita est indiuisibilis, & sic omnes veritates Fidei sunt credendæ, saltem implicitè, aut nulla creditur fide diuina, vt alias probauimus in primo capite, loquentes de integritate Fidei. Quantum ad secundum; probatur de facili contra Caluinum, qui lib. 3. Instit. cap. 2. §. 2. docet omnia esse explicitè credenda, ita quòd rideat Fidem implicitam Theologorum.

*Boynin Theolog. Pars IV.*

C

Pro-



Probatum inquam, alioquin oporteret omnes esse æqualiter doctos, contra Apost. 1. Corinth. 12. & Ephes. 4. *Alij sermo sapientiæ, alij, &c.* Itaut non omnes sint Prophetæ, non omnes Apostoli, non omnes Doctores. Vnde idem Paulus ad Titum 1. *Magna requiritur eruditio in Episcopo, ut sit potens exhortari in doctrina sana & contradicentes arguere.* Ratio nostra petitur ex morali impossibilitate, quam habent omnes rustici ad cognoscenda distinctè omnia & singula Fidei arcana. Adde quod ea omnia, quæ nunc creduntur, semper credi debuerunt; at multa fuerunt explicata ab ecclesia de nouo, quæ antea non erant expressè determinata, ut Spiritum S. à Patre & Filio procedere, B. Mariam esse Matrem Dei, in Deo posse dici tres hypostases, & similia: Ergo antequam hæc veritates essent expressæ, credebantur tantum implicite: Ergo Fides implicita, quam dicimus necessariam ad omnes veritates fidei, non est ridicula, quidquid clamitet Calvinus contra Scripturam & rationem.

## CONCLUSIO SECVNDA.

**S**emper & in omni lege necessarium fuit adultis credere quòd Deus sit, & quod sit remunerator bonorum operum: Hoc habetur ex ad Hebr. 2. *Accedentem ad Deum oportet credere, quia est; & quòd inquirentibus eum remunerator sit.* Vtriusque ratio est, quia si quæ Fides explicita habenda sit, maximè ista, sine qua alia credi nequeunt. Quando diximus, necessario esse credendum quòd Deus existat, loquimur de Deo, non sub omni conceptu particulari, hoc enim fieri non debet necessario; aliàs nemo haberet illam Fidem explicitam: sed sub aliquo communi ipsi proprio, ut v. g. quod sit primum principium omnium rerum, finis omnis creaturæ, & summè bonus; itaut creaturæ rationales ipsum amare, & reuereri debeant.

Cum diximus, de Deo credi debere, quod sit remunerator; hoc est remunerator non tantum in bonis naturalibus & temporalibus, sed etiam supernaturalibus & æternis; ita quod decernat præmia bonis, & supplicia improbis, non solum in hac vita, sed & in alia: Vnde Paulus loquens de Fide quam habe-

re

re debemus, ipsam vocat Hypostasim rerum sperandarum, & Argumentum non apparentium.

Porro, dicentes semper necessariam fuisse Fidem explicitam de existentia Dei; hoc intelligitur de illa cognitione quæ nititur reuelationi diuinæ; aliàs non esset Fides, nec meritoria salutis. Licet tamen aliunde posset cognosci Deum esse per demonstrationem, hoc non impedit quin talis cognitio ad fidem pertineat, in quantum habetur ex Deo reuelante; & tunc dicendum quod obiectum fidei possit esse obiectum scientiæ, diuersis motiuis; licet actus Scientiæ non possit esse cum actu Fidei, vt volunt plures Scotistæ, in quantum ille qui credit Deum existere ex motiua reuelationis, non se applicat actu ad demonstrationem à posteriori, qua ex cognitione creaturarum colligit existentiam Dei.

## CONCLUSIO TERTIA.

**P**OST lapsum Adæ necessaria semper fuit necessitate mediæ fides explicita Mediatoris & Redemptoris, seu quod Deus mitteret aliquem qui redimeret genus humanum à peccatis, & quo mediante, possent homines acquirere beatitudinem. Aliqui hanc fidem vocant fidem Christi implicitam. Hæc Conclusio, quæ est Scoti contra aliquos, probatur ex Paulo qui in Epist. ad Rom. nil aliud contendit probare nisi quod nemo possit iustificari nisi per Fidem in Christum: vnde addit Galat. 3. *Scriptura conclusit omnia sub peccato, ut promissio ex fide Iesu Christi daretur credentibus*: Per promissionem intelligitur beatitudo. Augustinus multis in locis docet iustos Veteris Testamenti non fuisse liberatos, nisi per eandem fidem Mediatoris, per quam & nos liberamur, vt videre est Lib. 1. contra duas Epistolas Pelagianorum Cap. 7. Ratio nostra est, quia Deus non vult saluare homines sine illorum labore: vult ergo vt medicum desiderent; at non possent illum desiderare, nisi ipsum cognoscerent futurum.

Obijcies. Ergo ab initio mundi lapsi debuit reuelari Mediator futurus, cuius futuritio tantum reuelata fuit Abraham his verbis; *In semine tuo benedicentur omnes Gentes*, Genes. 22. Resp. non factam fuisse primò illam reuelationem Abraham; sed tantum ipsi reuela-

tum est, quòd ille Mediator esset ex semine eius: Reuelatus verò fuit ille Mediator venturus primò. Adz à quo fides illius transmissa est ad posteros quorum aliqui semper in omni statu & in omni Gente conseruabant fidem ipsius, alij verò illam neglexerunt & tradiderunt obliuioni; ita quod sese priua-uerunt medio proximè necessario ad salutem, licet habuerint semper media remota, nempe gratiam Dei, qua potuissent seruare legem, & inde venire ad aliquam notitiam Messiae, vt diximus de Fide.

### CONCLUSIO QVARTA.

**F**ides explicita Mediatoris venturi non fuit necessaria ad salutem respectu Diuinitatis & mortis eius: Hoc est, in Veteri Testamento erat quidem necessarium credere, Mediatorem esse venturum; sed non erat necessarium credere explicitè, quòd ille Mediator esset Deus, & mortem subiret pro homine redimendo. Ratio est, quia si talis Fides esset medium necessarium ad salutem, Diuinitas & mors eius debuissent reuelari saltem aliquibus, & præsertim Iudæis, quod tamen est falsum; imò scandalizabantur, quando Apostoli prædicauerunt Iesum Crucifixum, 1. Cor. 13. *Prædicamus Christum Crucifixum, Iudæis scandalum*, &c. Imò & Apostoli non intelligebant Christum loquentem de morte sua; quod est signum ipsos pro tunc non credidisse ipsum moriturum. Post tamen sufficientem promulgationem Euangelij, necessarium fuit necessitate medij; *Qui enim non crediderit, condemnabitur*. Mar. 15. Id est, qui non crediderit Euangelio, damnabitur. Euangelium autem docet Christum esse Deum, pro omnibus mortuum fuisse, & resurrexisse: ergo hæc omnia necessariò debent credi, & illorum fides explicita est necessaria necessitate medij post promulgatum Euangelium.

### CONCLUSIO QVINTA;

**S**icut mox dicebamus fidem explicitam de Incarnatione Christi esse necessariam necessitate medij ad iustificationem & ad salutem post Euangelium  
suf-

sufficiens promulgatum ; sic fides explicita de Trinitatis mysterio necessaria est necessitate medij , & consequenter præcepti , post illam promulgationem , non autem antea . Primum probatur ; quia si debet explicitè credi Mysterium Incarnationis , ut diximus antea ; ergo debet etiam credi Mysterium Trinitatis ; quoniam Incarnatio non potest intelligi sine Verbo , nec Verbum sine Trinitate , cuius est secunda persona . Deinde , hoc Mysterium spectat ad summam Catholicæ Fidei ; quoniam Baptismus , qui est ianua Ecclesiæ , confertur in nomine trium Personarum . Tandem hoc Christus inuere videtur , dum præcipiens Apostolis Euangelij prædicationem , iussit primò ut docerent omnes Gentes *Baptizantes eos in nomine Patris , & Filij , & Spiritus sancti* , ut inculcasset fidem huius Mysterij tanquam saluti necessariam . Quando dicit Scotus in 3. dist. 25. qu. 1. rudes non posse concipere quid sit natura & persona ; per hoc non vult impugnare necessitatem credendi explicitè hoc Mysterium ; sed denotare tantum rudes non habere conceptum distinctum de quidditate huius Mysterij , & de nominibus naturæ & personæ : vult tamen quod in confuso teneantur credere tres esse personas in vna natura , nempe in diuinitate , quarum vna non est alia .

Quantum ad secundum , probatur etiam ex antecedenti conclusione : Si enim non fuerit necessaria Fides explicita Incarnationis , non etiam fuit necessaria Fides Trinitatis ; non inuenitur enim hoc Mysterium in nouo Testamento nisi sub obscuris verbis scriptum , quod Deus non permisisset , si esset necessarium , credendum . Adde quòd Iudæi erant ita ad Idololatriam proni , ut facile credidissent tres Deos , si illis proposita fuisset fides de tribus personis . Melius est ergo si dicamus , Fidem distinctam huius Mysterij fuisse tantum in Rectoribus populi , in Scribis , Phariseis & Doctoribus .



## QVÆSTIO III.

*Quanam necessariò credenda sunt necessitate præcepti?*

**E**A quæ credi necessaria sunt necessitate mediij, etiam necessaria sunt necessitate præcepti; Ius enim naturale & diuinum obligat Fideles, vt operentur ea, sine quibus salus æterna haberi nequit. Sed quia multa sunt necessaria ad salutem necessitate præcepti, quæ non sunt necessaria necessitate mediij: idè postquam vidimus, quanam sunt credenda necessariò necessitate mediij, inquirimus nunc quæ necessariò necessitate præcepti credi debeant.

## CONCLUSIO PRIMA.

**O**mnēs adulti tenentur, saltem ex præcepto, credere omnes Articulos Fidei in Symbolo contentos. Dixi, *saltem*, quia Articuli de Existentiâ Dei, de Incarnatione & de Trinitate credi debent necessitate mediij & præcepti. Hæc conclusio est contra Rosellam, qui dicit simplicibus sufficere vt credant quod credit Ecclesia: Contrarium tamen habetur ex Catechismo Pij V. qui docet quod omnes Christiani teneantur credere quæ Apostoli certis articulis comprehenderunt. Vnus Ecclesiæ hoc confirmat, dum proponit hos articulos credendos; & prohibet ne adultus ad Baptismum admittatur, nisi Symbolo sit instructus: Vnde etiam Confessarij neminem hos Articulos ignorantem absoluerè præsumunt. Si aliqui essent ita rudes & idiotæ, vt non possent concipere, nec retinere quæ continentur in illis Articulis, non minùs saluarentur, credentes in genere quod credit Ecclesia; hæc enim necessitas credendi hos articulos est tantum præcepti, & ad præceptum obseruatu impossibile Deus non obligat; quoad alios tamen, ad hoc tenentur.

Non quod teneantur distinctè & exactè intelligere omnia quæ docti intelligunt per illos Articulos, nec cum ordine; sed sufficit si sensum verborum capiant & non modò verba. Ad hoc tenentur tum ex præcepto naturali iubente ob bonum nostrum inquiri debere

ca

ea quæ sunt ad salutem necessaria : Tum ex præcepto D. Marci ult. *Qui non crediderit, condemnabitur.* Tum ex præcepto Ecclesiastico, vt ex Cathéchismo Rom. colligitur, & ex multis decretis, quæ commemorat Gratianus de Consecrat. Dist. 4. & ex Concilijs Agathen. Bracharenfis 2. & Cabilonenfi.

Quia sunt aliqui Articuli, & maximè sequentes in Symbolo, qui præ se ferunt aliquam difficultatem, dico quòd quando dicitur de Christo, *Descendit ad inferos*, hoc est ad aliquas inferiores terræ partes. Quando dicitur, *Sedet ad dexteram Patris*. In quo est metaphora, sufficit credere, ipsum cum Patre esse constitutum in summa potestate. Vt satisfiat huic præcepto, *Credo in Spiritum sanctum*; sufficit credere vnā tertiam personam præter Patrem & Filium, quæ est vnus Deus cum vtroque : Cùm dicitur, *Sanctam Ecclesiam*; credendum est dari congregationem Fidelium institutam à Christo, quæ sancta est; quia proponit sanctam doctrinam, sanctas leges, & extra illam nulla est sanctitas. Dum dicitur, *Catholicam*, hoc est vniuersalem : Primò ratione loci, quia *in omnem terram exiuit sonus Apostolorum* : Secundò ratione temporis & vniuersitate : duratura enim est vsque ad finem mundi, sicut ab initio mundi fuit semper aliqua Ecclesia. Afferendo *Communione Sanctorum*, credere sufficit quòd sit communicatio orationum & suffragiorum inter Sanctos qui sunt in coelo, & iustos qui in terra sunt, & animas in Purgatorio existentes. Reliqua sunt facilia.

## CONCLUSIO SECVNDA

**N**on sufficit Fidelibus credere Articulos Fidei, qui in Symbolo continentur; sed vltèrius debent explicitè credere septem Sacramenta: & præsertim Eucharistiam, Pœnitentiam, & Baptismum; tenentur credere celebrationem Festorum, Observationem Decalogi, Christum esse mortuum pro nobis, vitam æternam non posse acquiri sine bonis operibus, & similia, quæ credere debent etiam rudiores.

Quantum ad Parochos, Prædicatores & Confessarios, specialem habent obligationem cognoscendi distinctius Fidei Mysteria, quæ solent proponi credenda Fidelibus, & hoc necessitate etiam medijs qua tenen-

tur fungi munere suo. Nam officium eorum est exponere illa & explicare, ac etiam aliquantulum defendere contra obiectiones communes Hæreticorum; quod non possent facile, nisi distinctam cognitionem haberent: Crederem tamen istis omnibus satis esse, si habeant talem notitiam Myſteriorum, ut ſciant ſe nihil proponere quod ſit contra Fidem, & habeant ſufficiens aliquod motium ob quod iudicent, hoc aut hoc eſſe de Fide, v. g. quia hoc audierunt à Magiſtris ſuis, vel ab authoribus acceperunt: aliàs quamplurimi Paſtores in malo ſtatu verſarentur.

Quantum ad Episcopos, maiorem adhuc debet habere notitiam myſteriorum, iuxta Paulum cap. i. ad Titum, *Oportet Episcopum eſſe amplectentem eum, quæ ſecundum doctrinam eſt, fidelem ſermonem; ut potens ſit exhortari in doctrina ſana, & eos qui contradicunt, arguere; ſeu, ut in textu Græco habetur, argumentis convincere.* Quod eſt conforme Concilijs, Toletano II. duobus Lateranenſibus, ſub Alexand. III. & Leone X. & Trid. ſeſſ. 22. de Reformat. cap. 2. Vnde plerique exiſtimant non ſufficere illis, ut habeant ſecum litteratos viros, qui illis oſtendant quid ſit dicendum de illis Myſterijs:

#### Q V Æ S T I O I V.

*Utrum Fides, quæ omnibus eſt neceſſaria, poſſit haberi ab omnibus?*

**H** Oc aliàs iam probauimus in 2. parte noſtræ Theologiæ, ubi diximus Deum ſincerè velle omnium ſalutem & illis communicare media ad hoc ſufficientia, iuxta illud 1. ad Timoth. 2. *Deus vult omnes ſaluos fieri.* Cùm ergo Fides ſit medium ad ſalutem neceſſarium, ut probatum eſt, ex hoc liquet quòd ex ſe paratus ſit fidem omnibus præbere. Vnde poſtquam dixit Paulus; *Deus vult omnes, &c.* ſubiungit illico, *& ad agnitionem veritatis venire.*

CON-

## CONCLUSIO.

**I**lla Fides supernaturali, quam omnibus dari probauimus, potest haberi ab omnibus, quantum est ex parte Dei, ita quòd, si non habeatur actu, hoc refundendum est in malitiam illorum v. g. Gentilium & Barbarorum qui non bene vtuntur gratia vniuersali quam Deus illis impertitur, mediante qua possent integram legem naturæ obseruare; & Deus postea vel per inspirationem specialem, vel per Angelum vocaret eos successiue ad cognitionem necessariorum, iuxta illud ad Ephes. 5. *Surge qui dormis, & exurge à mortuis, & illuminabit te Christus.*

Hoc amplius declaratur ex hoc quòd Deus sic disposuit media ad nostram salutem necessaria, vt sint inter se subordinata, & vnum detur mediante alio: Vnde qui benè vtitur vno medio, paulatim maiora accipit, donec perueniat ad fidem; qui autem non benè vtitur primis donis, indignus est vt maiora accipiat. Deus ergo illuminat primò Infideles, vt cognoscant obseruationem legis naturæ esse necessariam: iuxta illud Ioann. 1. *Illuminat omnem hominem.* Secundò, dat illis gratias actuales quibus illam possunt obseruare integrè: Et terriò, si illam Legem naturæ, quæ continetur in Decalogo, obseruarent, illos Deus adiuuaret, vt tandem peruenirent ad Fidem, ad Iustificationem & ad Beatitudinem, ad Rom. 2. *Factores legis iustificabuntur apud Deum.* Sed quia in principio deficiunt, non seruantes Legem naturæ, ideo iustè deseruntur à Deo. Rom. 1. *Cum cognouissent Deum, non sicut Deum glorificauerunt, aut gratias egerunt: sed euanuerunt in cogitationibus suis, & obscuratum est insipiens cor eorum.* Obiectiones solutæ sunt loco citato.

Quæres, quandonam aliquis teneatur actum Fidei, saltem internum, elicere, Resp. 1. ad hoc teneri, quoties tenetur elicere actum Charitatis & Spei; & quia sine Fide illi actus non possunt elici. Quando autem illi producendi sint, dicetur suo loco. Resp. 2. ad hoc teneri, quoties aliquis tenetur ad actum Fidei externum, qui aliàs mentiretur, si diceret externè se credere, & internè non crederet. Resp. 3. Scotum in 3, dist. 23, asserere, quemlibet Fidelem ad actum inter-

C. 5. Q. 1.



num Fidei teneri singulis diebus festiuis. non tantum quatenus tenetur in illis diebus elicere actum Charitatis; sed etiam quia non est potior ratio, cur teneatur Christianus diligere Deum, quam credere in illum. Ratio doctoris est, quia illi dies sunt specialiter instituti ad cultum Dei, qui principaliter consistit in actibus Fidei, Spei, & Charitatis.

## QVÆSTIO V,

*Vtrum sit obligatio ad actus externos Fidei?*

**A**ctus externus Fidei, est Confessio qua quis externa voce profitetur quod in anima sentit. Ille Actus externus qui coniungitur cum assensu interno, procedit ab habitu Fidei, qui inclinatur ad talem actum, & non tantum ab habitu veritatis, quo quis inclinatur ad loquendum conformiter menti suæ; aliàs qui negaret Fidem, argueretur tantum mendacij, & non infidelitatis: ergo ille actus quo quis fatetur Fidem, nedum est actus Veracitatis; sed etiam Fidei. In hac quæstione multa dicenda sunt; nè tamen solitæ nostræ breuitati officiant, breuiter ea constringemus.

## CONCLUSIO,

**E**xterna professio Fidei necessaria est, non tamen semper. Primum habetur Rom. 10. *Si confitearis in ore tuo Dominum Iesum, & in corde tuo credideris saluus eris. Corde enim creditur ad iustitiam, ore autem confessio fit ad salutem*: Super quod ait August. *Fides à nobis exigit officium cordis & lingua*. Secundum patet ex hoc quod præceptum credendi sit præceptum affirmatiuum quod non obligat semper, sed certis tantum occasionibus, vt videbitur infra. Ex conclusione multa sequuntur explicanda in sequentibus resolutionibus.

Dico primò, præceptum confitendi Fidem, esse ita necessarium, vt numquam liceat hanc negare, etiam si mors imminet, ex Matth. 10. *Qui me negauerit coram hominibus, negabo & eum coram Patre meo*. Hoc confirmant Martyres, qui omni ætate, grauissima tormenta & mortem subierunt, nè Fidem negarent. Hoc determinauit sanctus Cornelius Papa, qui in  
Con-

Concilio Romano condemnauit publicè Hæseceitas Hæreticos, qui dicebant negari posse fidem exterius instante persecutione : quam hæresim sequuti sunt Priscillianistæ aliàs, & recenter Anabaptistæ. Ex hac resolutione sequitur quod etiam non liceat negare se esse Christianum, aut dicere se esse Infidelem, aut Hæreticum, quia hoc est negare Christum. Poteft tamen quis negare se esse Sacerdotem, aut Religiosum, quia non negaretur Fides, sed status : imò, posset quis negare se esse Papistam aut Christianum ad euitanda incommoda inferenda, non ratione Fidei, sed ratione nationis : eo quòd v. g. interrogans aliqua damna passus esset ab illa natione, & vellet proinde quoscumque Papistas, vel Christianos exterminare, non ratione Fidei, sed iniuriæ illatæ; si enim illa incommoda imminerent ratione fidei, essent sufferenda, & numquam neganda Christiani qualitas. Porro, si aliquis negaret fidem exterius quæ maneret in corde, grauiter peccaret; Primò ratione mendacij; secundò, ratione inobedientiæ, tertio, quia iret contra honestatem Fidei : Non tamen esset Infidelis propriè, aut Hæreticus : quia fidem retineret in mente.

Dico 2. duas occasiones esse, in quibus Fidelis debet confiteri Fidem : quando scilicet illa confessio necessaria est ad honorem Dei, vel utilitatem proximi; ita quod vtraque cessante, liceat illam dissimulare, non tamen mentiri. Ratio vtriusque est, quia tunc actus alicuius virtutis est necessarius ex præcepto, quando necessarius est ad gloriam Dei, vel salutem proximi; ergo confessio Fidei est necessaria in hac duplici occasione. Confessio Fidei contribuere dicitur ad honorem Dei, quando ex dissimulatione eius aliquis putaretur non credens, aut fides ipsius falsa : conducit verò ad utilitatem proximi, quando ex dissimulatione eius aliqui auerterentur à Fide. Extra has occasiones potest fidelis celare suam fidem, seu non confiteri illam facto nec dicto.

Dico tertio quòd si Christianus à publica persona interrogetur de sola Fide, debeat illam fateri sine tergiuerfatione, sua illud Lucæ 9. *Qui me erubuerit coram hominibus, hunc Filius hominis erubescet, cum venerit in maiestate sua.* Ratio est, quia

non potest maior esse necessitas , quàm in hoc casu , in quo honor Dei qui est coniunctus cum honore Fidei , exigit confessionem : nam si sic interrogatus , fidem Christi fateatur , defert illi maximum honorem , cùm pro eo paratus sit mortem subire : Si verò non confitetur , præfert se submittere inimicis Christi , quàm Deo , qui talem confessionem exigit . Si verò interrogans sit persona priuata , potest interrogatus tacere , vel eludere , maximè quando aliquod damnum timetur ; quia persona priuata non habet ius interrogandi , sicut publica , cui consequenter responsio debetur . Licet enim Princeps sit infidelis , tamen Christianus debet illi confessionem in suo regno , in quo est possessor bonæ Fidei auctoritatis examinandi . Quod si , dum aliquis interrogatur ab Hæreticis priuatis , respondeat coram Christianis qui ex dissimulatione scandalizarentur , aut coram infidelibus , aut alijs hæreticis Fidem Christianam amplecti volentibus , qui ob hoc deuiarent ab intentione sua , pro tunc dissimulatio non esset licita .

Dico quartò , quod fideles possint tempore persecutionis fugere , vt mortem euadant , quæ illis parata esset ; si fidem profiterentur : hoc enim fecerunt quamplurimi Pontifices , imò , & Paulus ipse , qui libertatem non habens exiit de ciuitate , per murum demissus est in sporta . 2. Cor. 12. Cuius fugæ hæc afferri potest ratio quod ille qui fugit , non neget fidem , sed potius fugiat , nè metu tormentorum Fidem neget : vel ideo fugit ad exemplum D. Pauli , vt diutius viuat , ad Fidem propagandam . Pastores tamen , præsertim maiores , qui super candelabrum positi sunt , vt luceant , etiamsi dispendium vitæ imminet , fugere non possunt ; maximè quando præsentia Pastoris necessaria est subditis , & quando fuga Pastorum verteretur in dedecus Fidei , & ob hoc infideles insultarent Christianis & contemnerent eorum Religionem .

Dico quintò quòd numquam liceat simulare seriò professionem externam falsæ religionis ; licet hoc possit fieri per representationem in Comœdis . Hoc probat Eleazarus 2. Machab. cap. 6. nolens acquiescere consilio illorum qui ipsi suadebant , vt carnem suam  
lam.

iam in legem prohibitam manducaret. Quibus respondit dicens, *pramitti se velle in infernum*; *non enim aetati nostra dignum est fingere*. Ratio huius resolutionis est, quia mendacium ex sua natura est illicitum, & ille qui fingit aut simulat falsam religionem, mentitur, si non verbo, saltem facto; cum per actus simulationis significet se esse Infidelem, cum non sit talis. Adrianus in 4. Sentent. quæst. 1. de Baptismo in respons. ad 5. argument. asserit licere Christiano apud infideles existenti simulare se per signa externa falsam eorum religionem profiteri, ad mortem euitandam, modò hoc fiat cum animo tantum simulandi, & non profitendi falsam sectam. D. Hieronymus etiam simulationem dicit esse utilem, & assumendam in tempore, in cap. 2. ad Galat. Gregorius de Valentia hanc opinionem probabilem dicit, licet nostram tanquam probabiliorem sustineat contra Adrianum, numerans omnes penè alios Theologos contra Hieronymum, nempe Irenæum, Origenem, Tertullian. Cyprian. August. & alios.

Dico sextò, quòd signa externa Infidelitatis sint in duplici differentia. Alia primariò & per se instituta sunt ad profitendam falsam Religionem, vt sacrificia Paganorum, Thura, Libationes, Circumcisio inter Iudæos, Cœna inter Calvinistas, &c. talia signa usurpare nullo modò licet; quia hoc esset negare Fidem quod semper prohibitum est, cum sit præceptum negatiuum. Assertio nostra probatur exemplo Eleazari, qui sollicitatus vt fingeret se manducasse carnes suillas, & alias immolatas idolis, 2. Mach. 2. Respondit; *se malle pramitti in infernum*, i. in Lymbum Patrum; Confirmatur exemplo Marcellini Summi Pontificis, qui cum metu mortis incessasset idola, factus illicò penitens ad Conciliū Sinuessanū conuolauit ad peccati sui absolutionem, cui Patres dixerunt *Iudicat te ipsum, suprema sedes a nemine iudicatur*; & postea sua sponte ad tyrannum reuersus, se martyrio obtulit, quod reuera passus est. Hoc denique habetur ab exemplo Martyrum, qui mortem vitare potuissent simulatè sacrificando, quod tamen facere noluerunt.

Dico septimò, vt respondeam obiectionibus, quod & Naaman Syrus recenter conuersus cum

Re-



Rege ingrediens Templum, 4. Reg. 5. & ante Idola genuflectens, hoc non fecerit ad cultum religiosum; sed ad famulandum Regi Syriæ, cuius mos erat in-nitendi humeris famuli, siue in foro, siue in templo; ita quòd staret, vel ambularet, aut genuflecteret, ad stationem, ambulationem, vel genuflexionem Regis. Peccabat ergo Rex genuflectendo ob idolo-latriam, non verò Naaman famulus, qui hoc facie-bat, vt famulatum dominio præstaret; Vnde ipsi Naaman petenti ab Elisæo vt illi permitteret Templum ingredi; respondit Elisæus; *Vade in pace*. Sic Abulen-sis, Lyranus: & Aforius. Quando. offertur exemplum Iehu 5. Reg. 10. qui, vt deciperet Sacerdotes Baal, si-mulauit se velle colere Idolum Baal, & ipse laudatur, quod fecerit studiosè quod rectum erat in conspectu Domini: ergo non est peccatum. Resp. in hoc tan-tum laudatum fuisse Iehu quòd congregando Sacer-dotes vt occiderentur, distraxerit domum Achab; non verò laudatur propter illam simulationem, nisi ab Hieronymo; nam ab August. arguitur mendacij, sic etiam Hugo Cardinalis & glossa ordinaria. Denique, cum Apostoli post Christi Passionem præceperunt Timothæum circumcidi, & ritus Iudai-cos obseruari; hoc fecerunt ex impulsu speciali Spi-ritus sancti, quo concedebatur illis authoritas le-ges Christianis imponere, & hoc semper ad bonum finem.

Dico ostendè, alia esse signa quæ non distinguunt essen-tialiter fidelem ab infideli, aut hæretico, vt cer-tis vestibus vti, quibus hæretici vtuntur in sua pa-tria, manducare carnes diebus prohibitis apud Ca-tholicos, audire conciones Hæreticorum, adire eo-rum Tempia, & similia; & hæc omnia non sunt sem-per prohibita; maximè quando graue damnum mor-tis aut exilij imminet, aut bonum aliquod magni momenti sequi potest. Dicendum ergo est, Catho-licum apud Hæreticos commorantem posse vti vesti-bus quibus vtuntur communiter indigenæ: Vnde Summus Pontifex mittens Religiosos & Sacerdotes in Americam, illis permittit vt Americanorum more induantur. An verò liceat vti vestibus destinatis ab infidelibus ad discendam sectam infidelem; Affir-mant aliqui: quia ille habitus de se est indifferens, & potest iustificari per bonam fidem: Alij distinguunt, di-

dicentes, quòd si lex de ferendo habitu sectæ hæreticæ sit lata ratione belli tantum, in quantum Rex infidelis timet insidias Catholicorum, & ideo vult illos per habitum distinguere; tunc hoc liceat ob necessitatem: Si verò talis habitus sit imperatus ex odio Fidei Catholicæ, ad persequendum Catholicos, ut sunt Catholici, talis habitus semper prohibeatur, etiam in casu mortis; quia hoc videtur manifestare abnegationem Fidei, quæ nunquam licita est.

Dico nonò, non licere participare cum Calvinistis in Sacramento Eucharistiæ; quia apud illos Eucharistia non est verum Sacramentum: nec cum Lutheranis, quia errant circa illud, vel non habent verum ex defectu Sacerdotum legitimè institutorum: Hoc tamen potest fieri circa participationem Baptismi, qui apud illos validus est; unde ab illis peti potest in necessitate, non extra. Quoad Matrimonium, non licet Catholico contrahere cum Hæreticis; nam prohibetur ab Ecclesia, daretur scandalum, esset periculum peruersionis, & sacrilegium conferre Sacramentum hæretico. Licet ex natura rei Catholico adire templa Hæreticorum, etiam dum peragunt officia & concionem habent, modò non sit periculum subuersionis, nec credatur à prudentibus hoc fieri in contemptum Fidei & professionem hæreseos; quod tamen non est faciendum extra necessitatem. Licet Catholico inter hæreticos degenti uti carnibus prohibitis, si mors, aut graue periculum immineret, nec posset aliunde se defendere à tali casu; quia est præceptum Ecclesiæ in necessitate non obligans: Non est autem per ratio de Eleazaro quia erat lex Diuina, & per hoc volebant ut Iudaismi fidem abiuraret. Licet denique ex natura rei orare in templo hæreticorum, etiam cum illis, nam si Princeps hæreticus iuberet ut omnes cuiuscumque Fidei simul orarent, hoc esset licitum Catholicis, modò non fieret in odium Religionis, cuius contemptum nulla de causa pati debent Fideles. Dixi, in resolutione ex natura rei; quia aliunde hoc prohibetur ab Ecclesia.

## CAPVT VLTIMVM.

*De vitijs oppositis Fidei.*

**Q**Uatuor vitia Fidei opposita enumerant Doctores, quæ sunt Infidelitas, Hæresis, Apostasia, & Blasphemia, de quibus seorsim dicendum est breuiter.

## QVÆSTIO PRIMÆ.

*Quid dicendum sit de Infidelitate?*

**L**icet infidelitas secundum nomen denotare videatur aliquem prauum habitum oppositum Fidei, quò illi omnes, qui non habent fidem, dicuntur infideles; attamen duplex est infidelitas, negatiua & positiua. Negatiua est ea qua aliquis dicitur Infidelis, ob hoc quòd careat fide, de qua nihil vnquam audiuit. Positiua est ea qua quis dicitur Infidelis; quia cum audierit mysteria Fidei, illis credere cõtempnit, vel noluit.

Dico primò, infidelitatem positiuam esse peccatum; de illa enim habetur Marci ultimo. *Qui non crediderit, condemnabitur.* Quod intelligendum est de adultis qui credere potuerunt & noluerunt; & ista infidelitas positiua vocatur Præuæ Affectionis, & negatiua Puræ negationis. Infidelitas purè negatiua, respectu eorum qui nihil audierunt de Deo, nec audire potuerunt, non est peccatum; ignorantia enim inuincibilis à peccato excusat. Quod si contrarium sentire videantur August. lib. de Gratia & Lib. Arbit. cap. 3. & D. Prosper lib. 2. de Vocat. Gentium cap. 5, per hoc tantum volunt ignorantiam legis, & fidei, non impedire, quominus iustæ torqueantur in inferno, non propter infidelitatem, sed ob peccata in legem naturæ commissa. Resolutio nostra probari potest ex Ioann. 11. *Si non venissem, & loquutus eis non fuisset, peccatum non haberent:* ergo, cum non habuerint Euangelium, nec habere potuerint, in Euangelium non peccauerunt. Quòd si Euangelij sonus in omnem terram exierit, hoc est ad principales partes, non in omnibus: adde quòd potuerit extingui ubi publicatum est.

Dico.



Dico 2. Infidelitatem positivam diuidi in Paganismum, Iudaismum & Hæresim. Paganismus est infidelitas eorum qui nullo modo Christum profitentur. neque venturum, aut iam venisse. Iudaismus est infidelitas eorum qui profitentur Christum venturum, postquam fides dicitur ipsum venisse. Hæresis est infidelitas eorum qui credunt quidem Christum venisse, sed in aliquibus Articulis Fidei discredunt. Infidelitas formaliter sumpta non est omnium peccatorum pessimum, nam odium Dei maius est: materialiter autem sumpta, est maximum, quia habet annexam priuationem Charitatis, & aliorum habituum infusorum. Inter has infidelitates grauior est Hæresis, quia Hæretici resistunt veritati formaliter receptæ; Iudæi resistunt veritati susceptæ in figura, & Pagani nullo modo susceptæ: in primis est maior contemptus, in secundis minor, & in tertijs minimus.

Dico tertiò, quòd disputatio cum infidelibus & hæreticis sit illicita, quando suscipitur temerè ob ostentationem sui, etiamsi sit priuata. Est etiam illicita si fiat cum animo dubio, ita vt disputans paratus sit Fidem suam relinquere, si rationes contrariæ magis illi placuerint. Est tertiò illicita, quando nulla speratur vtilitas. Eccl. 32. *Non debet effundi sermo, ubi auditus non est;* ne peccatum Infidelis augeatur per accidens resistendo Fidei. Disputatio publica illicita est, nisi de consensu Prælatorum, ex Concil. Calced. act. 3. ad illos enim spectat conseruare & propagare Fidem. Quantum ad communicationem cum infidelibus, licita est in rebus ciuilibus & politicis, & illicita in his quæ pertinent ad cultum infidelitatis. Primum habetur ex 1. Cor. 7. *Si quis frater uxorem habet infidelem, & hac consentit habitare cum illo, non dimittat illam.* Secundum ex 2. Cor. 6. *Nolite iugum ducere cum infidelibus.*

Dico quartò; Principes Christianos non posse cogere Infideles sibi non subditos ad fidem aut baptismum; hoc enim prohibetur in iure Canonico Cap. *Maiores* extra de Baptismo. Vnde ait Augustin. Lib. 2. contra litteras Petiliani cap. 83. *Nullus inuitus ad fidem cogendus est.* Quòd si Luc. 14. Christus dicat, *ex Compelle intrare;* hoc intelligitur de fidelibus, ex August. Epistol. 50. Idem à fortiori dicendum est de



de Prelatis, quòd non possint cogere ad Baptismum ex 1. Corin. 5. *Quid enim mihi de ijs qui foris sunt?* per quod intelliguntur infideles. Possunt tamen cogere hæreticos, quia licèt sint extra Ecclesiam, quantum ad internam vnionem, quæ fit per fidem; sunt tamen subiecti Ecclesiæ ratione Baptismi; sicque illos Censuris cogere possunt. Quantum ad infideles subditos Principibus, Scotus tenet posse ab illis cogi ad fidem, quia, inquit, laudatur in Concil. Tolet. 4. Princeps Sisibutus qui Iudæos sibi subditos ad fidem compulit. Alij negant ex metu Sacrilegij, & dicunt zelum Sisibuti fuisse laudatum, non factum. De hac difficultate loquuti fuimus in disput. de Bapt. Licèt Iudæi & pagani non possint cogi ad fidem directè, possunt tamen cogi indirectè. Primò, negando illis habitationem in regno, nisi prædicationem audiant, quod habetur ex praxi Ecclesiæ; Romæ enim iubentur Iudæi ad Catechismum venire certis diebus: Secundò, imponendo illis maiora tributa, quàm Christianis, intra tamen limites iustitiæ: Tertiò, eos expellendo à regnis fidelium, dum est periculum subuersionis. Vnde in Concil. Tolet. 6. de consensu Regis Hispaniæ & Procerum, statutum est ne quis sederet in throno, antequam à regno infideles expelleret. Vbi nota, quòd si infideles expellantur, non possint priuari bonis suis, quia illorum sunt domini, & sic debent illa auferre. Porro, licitum est Principi, vt det infidelibus sibi subditis optionem exeundi ex regno, vel baptismum recipiendi; quia tunc non est cogere, sed iubere: nec Ecclesia est particeps sacrilegij, quia non imperat directè Baptismum, & sic intelligendus est Scotus, dum dicit posse infideles cogi.

Dico 5. quantum ad tolerantiam Rituum & Librorum Infidelium, tria esse vera. 1. ritus & ceremonias infidelium non subditorum Principibus Christianis tolerari posse, quia nulla de his illis incumbit cura specialis: imò & debent tolerare, si sint tantum contra legem naturalem; si sint verò illi ritus contra religionem Christianam, aut contra vitam innocentium, tunc impedire illos possunt Principes Christiani, qui habent ius defendendi & propagandi Fidem, & impediendi ex iure naturæ, nè innocentes opprimantur, nec proindè immolentur ab infidelibus 2.

Prin-

Principes Christiani tolerare possunt ritus infidelium sibi subditorum, vel ad vitandum maius malum, & perturbationem reipublicæ: vel nè impediatur maius bonum, vt si speretur illorum conuersio; vel denique dum speratur aliqua vtilitas spiritualis, quo fit vt tolerantur Iudæi, quorum ritus confirmant nostram fidem, cuius figuram continent: Vnde dicit Augustinus libr. 18. de Ciuit. Dei cap. 46. Iudæos non fuisse extinctos, sed permixtos dispergi per mundum; vt ab inimicis nostris testimonium nostræ Fidei haberemus. 3. Libri Iudæorum, continentes simplicem expositionem veteris Testamenti, tolerandi sunt; illi verò, quos scripserunt Rabini contra Christum & Fidem, comburi debent.

Dico 6. controuerti inter Doctores, an liceat bellum inire contra infideles, non subditos, & eorum terras armis inuadere, propterea solum, quia Infideles & Barbari sunt. Hoc affirmant Hostiensis, Panormitanus, Ioannes maior, Antoninus, & alij: negant verò Caietanus, Victoria, Couarruias & quamplurimi, quos facile approbarem, dicendo, solo titulo Infidelitatis non posse inuadi, nec debellari Infideles; quia non obstante Infidelitate. domini sunt suorum bonorum, Matth. 22. *Reddite qua sunt Cesaris, Cesari, &c* Luc. 12. *Reges Gentium dominantur eorum*. Non possunt ergo Principes Christiani illis vim inferre, nisi titulo Charitatis, se vel suos defendendo ab Infidelium iniurijs, vel titulo Iustitiæ vindicatiuæ, puniendo aliquam iniuriam ab illis illatam, quorum neuter titulus bellandi reperitur in nostra hypothesi, vbi supponimus nullam iniuriam irrogari Fidei ab Infidelibus: Ergo solo titulo Infidelitatis non possunt debellari Infideles. Hoc confirmatur ex lege Christianis codice de paganis & sacrificijs. Alexander 2. Can. *Dispar.* affirmat iustè bellum geri contra Saracenos, propterea quòd Christianos persequuntur: non contra Iudæos, quia seruire sunt parati, Paulus denique 3. apud Bannem, definiuit Indos Occidentales non esse vi priuandos suarum rerum dominio. S. Cyprianus tract. de exhortatione ad martyrium cap. 5. censuit Infideles quatenus Infideles, aut Idololatrias non posse vi coerceri; sed quatenus apostatas. Augustinus sermon, 6. de verbis Domini, affirmat, necessariam esse potestatem & auctoritatem in infideles

## DE VITIIS OPPOSITIS FIDEI .

**Infideles qui compescendi sunt. Mox soluentur obiectiones .**

Dico septimò : Propter alias causas possunt oppugnari infideles, nempe, si occupent terras ad Christianos pertinentes, si Christianos iniurijs afficiant, si mortalium genere perniciosi sint, ut qui carnes humanas deuorant, aut sacrificant idolis, si Fidei susceptionem aut prædicationem impendant; nam Ecclesia habet ius prædicandi Fidem per vniuersum orbem; iuxta id; *Prædicate Euangelium omni creaturae*. Marci 16. Ergo habet potestatem compellendi infideles, ut non impendant ipsius prædicationem, nec susceptionem Baptismi. Si dicatur contra præcedentem resolutionem, quòd iustè Israelitæ debellarint Gentiles qui Infideles tantum erant. Resp. hoc fecisse ex voluntate & præcepto Dei, ut vindices iustitiæ diuinæ. Si dicatur Eccles. 10. *Regnum à Gente in Gentem transfertur propter iniustitias*: Hoc non est contra nos; non sit enim mentio de translatione regni ab infidelibus ad fideles, sed de quacumque; tum à fidelibus ad infideles, tum ab infidelibus ad infideles, quàm Deus permittit propter peccata, siue inuadentes occupent licite, siue non. Si Gregorius Papa laudauit Gennadium Exarcham Africæ, quòd debellauerit infideles, ut apud illos Euangelium prædicaretur: illi erant Apostatæ & Hæretici, ut patet ex Epist. 72. ipsius Gregorij; ergo compelli poterant ab Ecclesia. Dum Alexander VI. concessit Regi Hispaniæ Ferdinando & Elisabethæ insulas Occidentales ab ipsis repertas, aut quæ postea reperirentur, per hoc non concessit illis dominium illarum; sed tantum licentiam mittendi ad illas Prædicatores quibus conuerti possent, & postea patrocinium & intendentiam super illos, quando essent conuersi: Quòd si dedisset illis dominium, in hoc facto particulari errasset. Si contrarius offeratur Cyprianus loco pro nobis antea citato, loquitur de Apostatis. Si dicatur, infideles propter iniuriam Deo factam posse puniri: à Deo, concedo; ab hominibus semper, nego. Si dicatur, posse puniri propter iniuriam factam hominibus, & à fortiori propter factam Deo; negatur, quia Deus punire solet, vel in hac, vel in altera vita.

Dico vltimò. Quantum ad dominium infidelium, quòd infideles Principes retineant super Fideles  
recen-



recenter conuersos dominium antiquum quod habebant super illos, antequam essent conuersi; nam ius dominij est de iure Gentium, & distinctio Fidelis ab Infideli est tantum de iure diuino positum quod cedere debet iuri Gentium. Quantum ad dominium nouum, non debent Principes, nec domini Infideles acquirere vllum super Fideles. Hoc enim prohibetur ex decreto & in decretalibus; quia hoc cederet in scandalum & in periculum Fidei. Certum est Ecclesiam posse priuare infideles dominio illo antiquo, quando illi infideles subditi sunt Principibus Christianis; & ideo serui Iudzorum apud Christianos existentium liberi fiunt, dum conuertuntur. An autem Ecclesia possit priuare Infideles fidelibus non subditos illo dominio antiquo: affirmat D. Thomas propter suam infidelitatem. Negant alij rectius; quia nullam Fideles habent iurisdictionem in Infideles: Si tamen Principes Christiani viderint Principes Infideles afferre aliquod obstaculum suis subditis fidelibus, nè saluti vacarent, possent vi & armis illud remouere, & dominio priuare; sed hoc est per accidens & in pœnam iniuriæ quam inferrent Fidei.

## Q V Æ S T I O II.

*Quid dicendum sit de Hæresi.*

**H**æresis, secundum nomen idem est ac electio; ita quod omnis opinio, quam quis eligit, siue bona, siue mala, sit Hæresis, iuxta verò vsum communem, in malam partem sumitur pro opinione Fidei contraria.

Dico primò quod Hæresis sit error Fidei contrarius cum contumacia in homine baptizato existens. Dicitur 1. *Error*, quia omnis falsitas est error, & Hæresis includit assensum, falsum. Dicitur 2. *Fides contrarius*; sic error in scientijs naturalibus non est Hæresis. Dicitur 3. *Cum pertinacia*; vnde qui falsam opinionem nondum determinatam defenderet sine obstinatione, & paratus esset corrigi, non esset hæreticus formaliter. Dicitur 4. *In baptizato existens*; ille enim qui non est baptizatus non recepit fidem; & qui non recepit fidem, non est Hæreticus, sed infidelis.

Hic



Hic notandum est. Hæresim & pert. naciã hæreticã non consistere in mora & duratione temporis, sed in deliberato assensu voluntaris, quo aliquis ita determinatus est ad talem propositionem credendam, quod illi vellet assentiri, etiamsi oppositum esset ab Ecclesia determinatum.

Dico 2. quòd differentia sit inter propositionem hæreticã, erroneã, hæresim sapientem, temerariã & scandalosã. Propositio Hæretica ea est, quæ docet aliquid contra fidem & definitionem Ecclesiæ (modò illa definitio cognoscatur) qui enim ignoraret, non esset hæreticus, etiamsi ignorantia esset vincibilis. Sic Vasques in 1. 2. Disput. 126. cap. 2. Propositio erronea est ea, quæ docet aliquid, cuius contrarium, licet non sit ex fide, tamen ex principiis fidei sequitur. Propositio sapiens hæresim est ea, quæ licet in se tolerari possit, attamen ex circumstantia personæ loquentis, aut loci, aut temporis, de hæresi suspecta est. Propositio temeraria est ea, quæ in re graui à communi Theologorum conuentu dissentit. Propositio denique scandalosa est ea, quæ auertit à bonis operibus, & proinde scandalum parit; vt si quis doceat multa sequi incommoda ex confessione vel ieiunio. Propositio Schismatica est ea, quæ nata est introducere Schisma, id est, diuisionem inter membra Ecclesiæ. Propositio blasphema est ea, quæ docet aliquid contra Honorem, Maiestatem, vel Bonitatem Dei, vt Christum non esse mortuum pro omnibus; vbi propositio Hæretica est contra eius veritatem. Porro vna propositio aliquando est simul hæretica, blasph. ma, scandalosa, &c.

Dico 3. tres requiri conditiones vt aliquis dicatur hæreticus. Primò requiritur vt aliquando professus fuerit Fidem Christianã, vt iam diximus; non est tamen absolute necessarium quòd sit baptizatus, sed sufficit quòd sit Catechumenus. Secundò requiritur, vt in intellectu habeat iudicium internum contra Fidem: vnde qui ore tantum Articulum fidei negaret, quem crederet mente, non esset verè hæreticus, nec subiaceret excommunicationi latæ contra hæreticos, licet posset puniri vt hæreticus. Tertiò, vt aliquis sit verè hæreticus, requiritur vt error internus sit cum pertinacia, vt explicuimus in prima assertione. Hic quæri potest, an dubium circa fidem sufficiat

riat ad hæresim? Ad quod respondeo, quòd qui possitiuè iudicat articulum fidei esse dubium, hic est verè hæreticus; quia vna veritatum fidei est, quod omnia, quæ creduntur, sint certa & non dubia; & si quis iudicat articulum sibi propositum esse dubium, errat in fide, & est Hæreticus: Qui verò tantum negatiuè dubitat de articulo Fidei, suspendendo suum actum, nec se determinando ad alteram partem, non est hæreticus: quia hæresis consistit in assensu, vel dissensu positiuo.

Dico 4. Hæreticos & Apostatas à fide posse simpliciter ad fidem reuocari, modò hoc non obsit paci Ecclesiæ; imò & possunt morte puniri, nisi resipiscant, Hoc factum fuit in veteri Testam. Deuteron. 13. 17. & 18. falsi Prophetæ, & ij qui à vera fide recedebant, iuebantur occidi: ergo & idem fieri potest nunc, cum peccatum Hæreticorum & Apostatarum sit grauius; quandoquidem veritas est illustrior. Hanc conclusionem trahit D. Cyprianus libr. de Exhortat. ad martyrium cap. 4. ex Nouo Testamento. Matth. 7. Ioann. 10. Act. 20. vbi Hæretici vocantur fures & latrones, qui licitè interfici possunt. Idem habetur in Iure Canonico, cap. *ad Abolendum* extra de hæreticis, & in Concil. Constant. Sess. 15. vbi contrarius error Ioannis Hus damnatus fuit; & in Concil. Calced. Act. 1. vbi dixit Dioscorus Episcopus Alexandrinus, *Si Eutiches præter dogma Ecclesiæ sapit, non solum pœna dignus est, sed & igne*. Augustinus multis in locis, sed præsertim libr. 2. contra litteras Petilianæ cap. 83. probat magistratum habere auctoritatem animaduertendi gladio in hæreticos. Ius ciuile hoc etiam pronunciat. *Quicumque, L. Ariani, & L. Hæretici* Ratio hæc omnia confirmat; quia hæresis non minùs turbat pacem Reipublicæ, quàm Furtum, Homicidium & Adulterium, quæ pœna capitis plectuntur.

Dico 5. quòd Ecclesia non possit censuram excommunicationis infligere in hæreticos purè internos, quorum hæresis non manifestata fuit signo externo; quia Ecclesia, quæ est visibilis, non iudicat nisi de actibus externis, vel internis per externos manifestatis, vt eum absoluit culpas internas, mediante Confessione. Quando hæresis prodijt signo externo, potest hæreticum excommunicare Ecclesia; & est;

est prima pœna inflicta contra illos, vt habetur ex iure Canon. cap. *Cum Christus*, & cap. *Excommunicamus* . Hanc pœnam incurrunt Hæretici ipso facto; debet tamen Hæresis esse manifestata externo signo, vt diximus. Qui propter Hæresim incurrunt excommunicationem, priuantur non quidem Potestate ordinis, quæ est à Caractere, sed potestate Iurisdictionis, quæ datur & aufertur ab Ecclesia: Vnde possunt validè consecrare, licèt non licitè; non possunt verò hæretici externi absoluerè, nec licitè, nec validè. Hoc tamen intelligitur de publico hæretico non tolerato; quamdiu enim ab Ecclesia toleratur, manet in iurisdictione sua. An propter hæresim amittatur dominium temporale, respondetur communiter non amitti iure naturali, quia dominium non fundatur in Fide; non amittitur etiam iure D. quod nullum extat in veteri aut nouo Testamento: sed de iure Ecclesiastico, dubitatur, an summus Pontifex possit priuare Regem suo regno, dum in hæresim lapsus est; non intendimus aliquid concludere; alij affirmant, negant alij.

Dico 6, fidem seruandam esse hæreticis siue in contractibus, siue in Matrimonio, siue in Bello, siue in Causa Religionis, siue in saluoconductu. Prima patet; sed pro vltimo nobis obijciunt hæretici quòd contra hanc veritatem combusti fuerint in Concil. Constant. Ioannes Hussius & Hieronymus Pragensis, non obstante saluo-conductu Imperatoris Sigismundi: Imò & dicunt Patres huius Concilij definiisse fidem non esse tenendam hæreticis, ob quam causam ipsi noluerunt acceptare saluum conductum, vt accederent ad Concilium Tridentinum. Ad hæc, Respondeo primò quod Imperator dederit tantum saluum conductum de iure communi, quo datur securitas eundi & redeundi contra violentiam quæ contra ius potuisset afferri, salua semper iustitia & executione iuris: Hoc autem seruauit Concilium & Imperator, nihil enim iniusti passi fuerunt illi hæretici, imò sunt iustè damnati; tum quia Hussius clam fugam arripuit contra prohibitionem Imperatoris; tum quia hæresim suam noluit abiurare, & sic non violauit. Hussio fidem Imperator, sed è contra. Quoad Pragensem, non accepit saluum conductum ab Imperatore, sed citatus à Concil. Constant. oblato saluo-conductu sub forma communi, & cum hac clausula

sula *Salua semper iustitia* ex Sess. 6 comparuit conuictus est, abiurauit hæresim Sess. 19. in hæresim relapsus fugit, reductus est & combustus Sess. 21. Resp. 2. nobis falsò imponere hæreticos, quòd Patres Concil. Constant. doceant non esse seruandam fidem hæreticis; verba enim Concilij quæ habentur Sess. 19. *Præsens sancta Synodus, &c.* docent tantum quod sæcularis potestas non possit impedire Ecclesiasticam & exercere munus suum non obstante saluo conductu Principis: Et insuper docet quòd Princeps promittens securitatem, à promissione solutus sit, dum facit quod in se est.

## Q V Æ S T I O III.

*Quid dicendum sit de Apostasia?*

**A**postasia nihil aliud est, quàm recessus à Deo; cum ergo aliquis possit esse coniunctus Deo quadrupliciter, nimirum per Fidem, per Obedientiam mandatis eius, per statum clericalem, & per Statum Religionis; idè quadruplex est Apostasia, seu recessus à Deo; scilicet Apostasia à fide, ab obedientia, à statu clericali & à Religione.

Dico primò quòd Apostasia à fide est ea, qua quis fidem susceptam deliberatè respuit: & hæc est Apostasia propriè dicta: quæ est species Infidelitatis & vitium fidei oppositum in intellectu residens, vbi aliæ tres sedem habent in voluntate. Non differt essentialiter ab Hæresi, quia habet idem obiectum nempe fidei dogmata; vnde in Iure Canon. habetur idem titulus de Hæreticis & Apostatis; sed differt tantum accidentariò & ratione grauioris offensæ, in quantum communiter Apostata omninò recedit à Fide; licet aliquando recedat tantum ab aliquibus veritatibus, quoniam qui de Catholico fit Calvinista, Apostata dicitur, saltem latè.

Dico 2. Apostasiam ab obedientia esse recessum ab obedientia mandatis diuinis debita, & sic, qui mortaliter peccat declinando à mandatis diuinis, dicitur Apostatare, iuxta id quod habetur Eccles. 10. *Initium superbia hominis apostatare à Deo.* Et Ierem. 9. *Dereliquerunt legem meam, & non audierunt vocem meam.*

Boquin Theolog. Pars IV.

D

Dico



Dico 3. Apostasiam à statu clericali propriè non committi, dum quis recedit à minoribus aut à tonsura clericali; sed tantùm dum recedit à maioribus, quibus annectitur calibatus. Vnde dùm in minoribus existens, ducit uxorem aut iudicaturam suscipit, non peccat mortaliter, salvo contemptu.

Dico 4. quod Apostasia à Religione sit recessus à Religione post votum solemniter emissum cum dimissione habitus & animo se eximendi ab obedientia. Qui habitum dimittit cum animo redeundi, non est apostata, peccat tamen mortaliter, & subiacet Excommunicationi latæ à Bonifacio VIII. Quam Excommunicationem incurrunt, ex Caietan. illi, qui ita suum habitum occultant, ut percipi non possit, quia est materialis dimissio habitus. Qui habitum retinet, & fugit ab Ordine cum animo se eximendi ab obedientia, est propriè Apostata, quia deserit id quod est essentialè Religioni; non tamen incurrit Excommunicationem latam cap. *Periculosa* contra Apostatas, quia hoc decretum includit dimissionem habitus.

## Q V Æ S T I O V L T I M A.

*Quid dicendum sit de Blasphemia?*

**D**ico 1. Blasphemiam iuxta ethymologiam nominis sumi pro omni conuitio, quo detrahitur de honore alicuius; secundùm verò vsum communem Doctorum, blasphemiam esse impropetium in Deum, falsè dicendo aliquid inesse quod illi non inest; vel illi deesse quod inest reuera. Ratione primi, blasphemant Calvinistæ, dum dicunt Deum esse authorem peccati: Ratione secundi, blasphemant Iudæi negantes diuinitatem in Christo. Qui etiam attribuit creaturæ aliquam perfectionem Dei; V. g. qui dicit Regem esse omnipotentem; quia hoc est negare impliciter, attributa esse soli Deo propria.

Dico 2. licet Blasphemia strictè sumpta, sit aliquod dictum externum contra Dei honorem, tamen blasphemia latè sumi potest pro dicto interno & verbo mentali, quo quis concipit Deum esse aliquid quod non est, vel non esse id quod est; pro tunc enim hæc

hæc conceptio est blasphema, licet propriè blasphemia consistat in dictione externa, opponitur enim confessioni fidei . Porro blasphemia potest fieri vel in indicatiuo, dicendo v. g. Deus est miser; vel in optatiuo, vtinam Deus esset miser! & hæc vltima est grauior, vt potè inuoluens formale odium Dei.

Dico 3. Blasphemiam formaliter opponi virtuti Religionis, & ex accidenti opponi fidei. Primum patet; quia blasphemus detrahit honori, quem per virtutem Religionis Deo debet; & secundum constat, quia sicut per Fidem debemus credere & fateri ea quæ Deo conueniunt, & non credere quæ illi repugnant, contrarium facit blasphemia, & sic est contra confessionem Fidei. Licet blasphemia sit propriè contra Deum, dicitur tamen aliquando esse contra Sanctos, quorum honor & dignitas est à Deo.

Dico 4. quod blasphemia in Spiritum sanctum, quæ Matth. 12. Marci 3. & Luc. 12. dicitur irremissibilis, diuersimodè sumitur, sed tribus modis principaliter. Primò ab Origene & Nouatianis pro quocumque peccato commisso post acceptam Spiritus sancti gratiam in baptismo, iuxta ad Hebr. 6. *Impossibile est, eos qui semel illuminati sunt, iterum renouari ad pœnitentiam.* sed hoc est hæreticum. 2. Sumitur ab August. Serm. 11. de Verbis Domini, pro finali impœnitentia; hoc est pro perseuerantia in peccato vsque ad mortem; & sic sumpta, est irremissibilis in hoc sæculo & in futuro, supposito, quòd quis perseueret in peccato vsque ad mortem inclusiue; sic & Scotus. 3. Sumitur à Magistro sentent, in 2. Dist. 43. pro omni peccato, in quo est gradus malitiæ particularis, quæ malitia opponitur Spiritui sancto, cui appropriatur bonitas, & ista peccata sex numerantur communiter, nempe desperatio, præsumptio, impugnatio veritatis, agnitæ, inuidentia, fraternæ gratiæ, impœnitentia, seu propositum non pœnitendi, & obstinatio, seu voluntas adherendi peccato. Si sic sumatur blasphemia in Spiritum sanctum, non est remissibilis absolute, sed difficillimè remittitur.

**F**ides dicitur à Paulo *substantia rerum sperandarum*, in quantum per fidem nobis innotescunt ea quæ sperare, & ad quæ spirare debemus; unde disputationi de Fide, aliam de Spe meritò subiungimus.

### Q V Æ S T I O P R I M A .

*Quid sit Spes .*

**S**pes sumitur primò pro obiecto quod speratur, *Spes quæ videtur, non est spes*, Roman. 8. 2. Pro actu sperandi, Roman. 8. *Spe salvi facti sumus* 3. Pro habitu spei, 1. Corin. 13. *Nunc autem manent Fides, Spes, Caritas*. De Spe hoc tertio modò sumpta nostra currit questio.

### C O N C L U S I O .

**S**pes est virtus Theologica, qua à Deo expectatur beatitudo nostra obscure cognita, ipsaque ardua, captum naturæ superans, possibilis tamen ex gratia.

Dicitur primò, *Virtus*, quia concurret ad reddendum hominem Deo gratum, & reddit eius opera bona. Dicitur 2. *Theologica*, quia habet idem obiectum ac Theologia, nempe Deum, ut excedentem facultatem naturalem; licet enim aliquo modo sperare possimus naturaliter in Deum, ut authorem beatitudinis naturalis, non tamen possumus sperare naturaliter in Deum ut oportet, & ut est author beatitudinis supernaturalis; & hoc iuxta Conc. Trident. sess. 6. cap. 3. *Si quis dixerit hominem sine Spiritus sancti gratia & eius adiutorio posse Credere, Sperare & Diligere, sicut oportet, Anathema sit*: Ex quo patet, Spem esse virtutem Theologicam & supernaturalem. Dicitur 3. *Quæ expectatur à Deo beatitudo nostras*, quia solus ipsam conferre potest. Dicitur 3, *Obscure cognita*; quæ speramus.

Q V Æ .

## QVÆSTIO II.

*Quidnam sit subiectum proximum Spei :*

**H**ic loquimur de subiecto quo Spei ; id est, de potentia in qua Spes immediate resideat. Primò intuitu me rapuit communis modernorum turba, ut cum illis dicerem Spem esse in voluntate, tanquam in subiecto inhesionis; quam opinionem probabilem iudicat Scotus dicens, Spem nihil aliud esse, quàm desiderium alicuius boni absentis: mihi tamen maturius consideranti & exactè perpendenti, maximam esse differentiam inter has locutiones, *spero beatitudinem & desidero beatitudinem*; visum est, ipsam Spem potius consistere in intellectu, quàm in voluntate.

## CONCLUSIO.

**H**abitui Spei est in intellectu & proinde actus eius est actus intellectus; quia sperare nil aliud est quam opinari, credere, & sibi persuadere aliquod bonum esse in nobis futurum; hæc omnia autem sunt actus intellectus: Ergo Spes est actus intellectus; & Spes distinguitur à fide, quòd per Fidem credamus v.g. beatitudinem in se, per Spem verò credamus beatitudinem à nobis esse, ex liberalitate Dei possidendam.

Probatur 1. ex definitione Spei, quæ à Magistro & alijs dicitur expectatio beatitudinis, vnde ad Philp. 3. habetur, *Expectamus Salvatorem*, & Symb. Nicæno, *Expecto resurrectionem mortuorum*, id est, spero mortuos resurrekturos: Atqui expectare pertinet, ad intellectum ex D. Thom. 1. 2. quæst. 46. dicente quòd expectare sit ex alio spectare, & spectare sit idem ac respicere: Vnde Clemens Alexand. lib. 2. Stromatum, postquam dixit, Spem esse expectationem boni futuri, subiungit, expectationē esse opinionem futuri: Quod iustificatur per communem loquendi modum, in quo, cum dicimus, nos aliquem expectare, significamus, nos arbitrari illum venturum. Hoc confirmat August. Enchirid. cap. 8. *Cum bona nobis futura esse creduntur, nihil aliud quàm sperantur*: Sperare ergo idem est ac

D 3 crede-



credere, iuxta Marci 11. *Quidquid orantes petitis, credite, id est. Sperate, quia accipietis.*

Probatur 2. Si Spes esset desiderium boni futuri, ut vult contraria opinio, ubi desiderium esset magnum, Spes esset magna; & ubi desiderium esset paruum, Spes esset parua; sed videmus magnum desiderium cum exigua spe, & magnam Spem cum exiguo desiderio; ergo spes non est desiderium. Probatur minor in hac hypothesi. Dentur duo Ecclesiastici, quorum vnus sit diues & bene acceptus Regi, & alter sit pauper & Principi ignotus, sperent beneficium, tunc diues magnam habet Spem de beneficio consequendo, qui est acceptus Regi, & paruum desiderium, quia cum sit diues, parum curat de beneficio; Alius vero paruum Spem habet, quia est ignotus Regi; & ingens desiderium, quia ratione paupertatis indiget beneficio; ergo desiderare, & sperare non sunt idem: aliàs damnati possent dici sperare beatitudinem, quia illam possunt desiderare.

Probatur 3. ex vitijs oppositis Spei; habitus enim & vitium illi oppositum, sunt in eodem subiecto, cum contraria se inuicem ab illo expellant; sed desperatio & præsumptio, quæ sunt vitia opposita Spei, sunt in intellectu: ergo & Spes. Prob. minor quoad desperationem, quia ad illam requiritur solum hoc iudicium quo intellectus iudicat se non saluandum esse, ratione peccatorum. Probatur etiam quantum ad Præsumptionem; quia per illam vel homo se saluandum putat proprijs viribus, vel iudicat se saluandum ex sola gratia, sine operibus, vel arbitratur se facile veniam peccatorum obtenturum; sed hæc omnia consistunt in iudicio: ergo Præsumptio est actus intellectus.

Obijc. Spem consistere in desiderio; quia nullus dicitur sperare bonum futurum, nisi illud desideret: ergo desiderium est de ratione Spei. Resp. præsupponi quidem desiderium ad Spem, quia Spes habet pro obiecto bonum desideratum; non tamen consistit Spēs in desiderio propter rationes allatas, sed in opinione consequendi illud bonum.

Obijc. 2. Per Spem tendimus in Deum summè bonum; sed bonum est obiectum voluntatis: ergo Spes est actus voluntatis. Resp. bonum ut sic esse quidem obiectum voluntatis, vnde ipsum desideramus: bonum

num verò desideratum ut à nobis possidendum, potest esse obiectum intellectus; dum scilicet illud speramus, opinantes nos aliquando ipsum possessuros.

## Q V Æ S T I O I I I .

*Quodnam sit subiectum remotum Spei?*

**P**ostquam assignauimus subiectum proximum Spei, seu subiectum *quo*, nimirum intellectum in quo Spes inhæret immediatè; loquendum venit de subiecto mediato, seu de subiecto *quod*; & hoc est quærere, quænam sint personæ in quibus Spes reperiatur, an in solis Viatoribus, an in omnibus, an in Beatis, an in Damñatis, an in Animabus Purgatorii, an in Hæreticis.

## D I S P U T A T I O P R I M A .

**S**pes est in solis viatoribus, non in omnibus; quia non est in illis qui non habent Fidem, cum Fides sit fundamentum Spei: vnde Iudæi, Turcæ, & Hæretici non habent propriè Spem ex defectu veræ Fidei. Non est etiam Spes in omnibus Catholicis, quia illi quid desperant de sua salute, Spem amiserunt; nam sicut habitus Fidei deperditur per quemlibet actum Infidelitatis, ita habitus Spei etiam deperditur per quemlibet actum, quo quis desperat de salute, vel de medijs ad salutem; manet ergo probata prima pars conclusionis.

Probatur alia pars, quia in Beatis & in damnatis non reperitur Spes: ergo est in solis viatoribus. Quod Spes non sit in Beatis, patet, quia Spes est boni futuri & absentis, Roman. 8. *Spes quæ videtur, non est Spes*; Beati autem iam beatitudinem possident. Deinde, Spes est circa arduum: quod verò possidetur non ampliùs, arduum est. Tandem Spes est motus Metaphoricus quo quis tendit in Deum; motus autem cessat, dum mobile est in termino: ergo in Beatis non est Spes.

Quòd non reperiatur etiam in damnatis, euidentius est; quia Spes tendit ad bonum quod apprehenditur possibile & futurum, sed certò sciunt damnati, se

D 4 num.

numquam esse saluandos, sed in æternum damnandos; aliàs non essent absolutè miseri: ergo in damnatis non est spes, imò sola in illis viget Desperatio, quæ opponitur Spei.

Obijc. In Beatis esse Spem non quidem respectu obiecti primarij nempe Dei actu possessi. sed respectu obiecti secundarij, nempe respectu gloriæ corporis & respectu beatitudinis aliorum quam sperant. Alij hoc concedunt, facilius negarem; quia expectatio quam habent de gloriâ corporis, non est illis ardua ut beati sunt, nec incerta. Quantum ad beatitudinem aliorum, est quidem ardua respectu beatificandorum, non respectu illorum qui iam beati sunt. Quando dicitur, quod sperent continuationem suæ beatitudinis; non est propriè Spes circa illam, quia Spes est semper cum timore.

## CONCLUSIO SECUNDA

**A** Nimz in Purgatorio existentes habent Spem, non verò Hæretici. Primum patet, quia expectant beatitudinem, quam conoscunt obscuram, futuram, absentem & arduam, ut potè acquirendam per pœnas, quas patiuntur, non quidem merendo per illas, sed satisfaciendo. Deinde, tempus quo peruenient ad beatitudinem, est illis incertum, licet sint certæ de beatitudine in se. Secundum probatur ex hoc, quod Spes Theologica fundetur in Fide Theologica infusa & supernaturali: sed non habent Fidem Theologicam supernaturalem, sed tantum humanam: ergo non habent Spem Theologicam & Supernaturalem, sed tantum Spem humanam, qua sibi fingunt salutem posse adipisci. Quod si dicatur, Hæreticos non desperare de salute suâ; hoc verum est positivè & contrariè, quia non habent actum desperationis: falsum tamen est negativè & privativè, quia carent actu veræ Spei Theologiæ, quia ista fundatur in Fide, quam non habent,

## QVÆSTIO IV.

*Quodnam sit obiectum Spei?*

**L**icet contra clamores Hæreticorum Spem nostram collocare possimus in bonis operibus ex gratia factis, quandoquidem nos conducunt ad beatitudinem ex 2. Petri cap. 1. *Satagite, ut per bona opera certam vestram vocationem faciatis*; & etiam in Sanctis quorum intercessione gratias obtinere possumus à Deo; non tamen hæc omnia sunt obiectum nostræ Spei, sed aliud querimus, & illud docebit

## CONCLUSIO.

**O**biectum totale & adæquatum Spei est omne bonum supernaturale quod à Deo expectare possumus concernens beatitudinem. Illud autem obiectum totale diuidunt Doctores in obiectum primum & secundarium. Obiectum primum est Deus possidendus per visionem & amorem; & obiectum secundarium sunt auxilia ad beatitudinem necessaria, gloria corporis, & aliorum beatitudo, quæ omnia à Deo expectantur. Hoc constat ex se; sed ne diutius immoremur, procedemus per certas quæstiunculas ad examinationem eorum, quæ supersunt dicenda de Spe & vitijs illi oppositis.

Quæri potest vitram Sperare possumus in homine. Ad quod Respondeo primò, nec beatitudinem, nec dona supernaturalia sperari posse ab homine, tanquam à causa principali, iuxta Ierem. cap. 17. *Maledictus homo qui confidit in homine*: Homo enim non potest conferre alteri beatitudinem, nec dona supernaturalia, quorum solus author est Deus. Resp. 2. hæc omnia posse sperari ab homine tanquam à causa instrumentali; in quantum vnus homo potest à Deo impetrare gratiam pro alio homine, & proinde beatitudinem; quo sensu D. Gregorius lib. 1. dialogorum cap. 8. docuit prædestinationem iuari precibus Sanctorum: & Augustinus serm. 18. de Sanctis, ita cum Virgine loquitur; *Tu es spes unica peccatorum, per te speramus delictorum veniam, & in te beatissima! nostrarum est expectatio præmiorum*.

D 5 Qua



Quæres utrùm spes debeat dici certa ? Spes aliqua potest intelligi certa dupliciter ; primo , quando id quod speratur , certò & infallibiliter euenit , siue ponantur media , siue non ponantur ; & hoc modo Spes Christiani de beatitudine acquirèda non est certa , quia beatitudo sanè non dabitur nisi illis , qui media ad illam necessaria adhibebunt . Secundò potest Spes intelligi certa , quæ nititur medijs ita infallibilibus , vt illis positis , id quod speratur certò & infallibiliter euenturum sit ; & hoc modo Spes nostra certissima est , ex ad Rom 5. *Spes autè nō confundit.*

Quæres 3. quodnam sit motiuum Spei ? Resp. motiuum Spei esse liberalitatem & misericordiam Dei ; ideo enim speramus ; nos aliquando esse consecuturos beatitudinem , quia Deus illam nobis per suam bonitatem promisit , & auxilia ad illam acquirendam necessaria nobis pollicitus est . Ratio nostra petitur ex proportionem ad Fidem ; sicut enim in Deum credimus propter Deum summè veracem in dicendo , ita quòd Deus sit obiectum materiale Fidei , & veritas eius sit obiectum formale illius , seu motiuum ob quod in Deum credimus ; sic etiam beatitudo , seu Deus possidendus , est obiectum materiale Spei , & liberalitas eius , coniuncta cum Fidelitate in largiendo ea quæ promisit , est obiectum formale , seu motiuum propter quod speramus .

Quæres 4. Utrùm liceat operari intuitu mercedis æternæ ? Hoc negant Hæretici , affirmant Catholici in Concil. Trid. sess. 6. Can. 11. *Si quis dixerit hominem iustificatum peccare , dum intuitu mercedis æternæ bene operatur , anathema sit.* Vnde ipsemet Deus proponit hoc motiuum bene operandi . Deut. 12. *Obserua & audi omnia quæ præcipio , ut bene sit tibi.* Luc. 16. *Facite vobis amicos de mammona iniquitatis &c.* Facite elemosynas , ut recipiant vos in æterna tabernacula . Sic & David Psal. 18. *Inclinaui cor meum ad faciendas iustificationes in æternum propter retributionem.* Ratio nostra est , quia operari benè ob mercedem nec est ex se malum , nec vlla lege prohibetur . Si Bernardus dicat , Deum esse diligendum absque mercedis intuitu , loquitur de Charitate perfecta . Si Ioan. 10. vituperantur pastores mercenarij ; sibi fit mentio de illis Pastoribus , qui sola Spe mercedis temporalis laborant , & tempore persecutionis deserunt laborem .

Quæ-

**Quæres 5.** vtrum Fidelis possit sperare beatitudinem ex meritis suis quæ sunt à gratia? Resp. affirmatiuè contra Hæreticos; ex D. Paulo 2. ad Timot. 4. *Bonum certamen certavi, &c. in reliquo reposita est mihi corona iustitiæ, &c.* Et ex multis locis Scripturæ, vbi gloria vocatur merces, brauium, retributio; sed non potest esse merces, nisi quia illam meremur: ergo possumus sperare beatitudinem ex meritis nostris, Attamen in hoc gloriari non debemus, quia merita nostra sunt à gratia; & quando Deus coronat merita nostra, nil coronat nisi dona sua, ex August. *An* autem meritis nostris gloria debeat ex condignitate operis, negauimus aliàs loquendo de merito; sed debetur ex fidelitate Dei, qui pro sua bonitate promissit beatitudinem exiguo operi.

**Quæres 6.** quænam sint ea quæ coniunguntur cum Spe. Respondeo, duo reperiri inter alia, nempe desiderium quod antecedit Spem, & timorem qui sequitur illam. Desiderium, inquam, beatitudinis antecedit, ex quo Spes oritur, sicut ipsum desiderium sequitur ex amore concupiscentiæ, quo Deum possidendum amamus. Timor etiam resultat ex Spe, quia timemus priuari beatitudine quam speramus. Totum ergo negotium spei sic se habet: Primò amamus Deum, & beatitudinem amore concupiscentiæ; idest, quia nobis est bonus, & non quia in se est bonus, in quo consistit amor amicitæ. Secundò, Deum nobis bonum desideramus possidendum. Tertiò speramus, quòd aliquando illum finis possessuri, vtendo auxilijs ad hoc necessarijs, quæ nobis offert pro bonitate sua. Quartò denique timemus nè priuemur possessione boni sperati, non sectando media ad illud conducentia. Sed quia multiplex est timor, dubitari potest quinam sit actus Spei.

**Quæres 7.** quisnam Timor sit actus Spei? Resp. primò duplicem esse Timorem, nempe Seruilem & Filialem, vt omittam Mundanum, quo mala temporalia timentur, vt paupertas. Seruilis timent offensam, metu pœnæ; Filialis timet offensam amore Dei & virtutis: iste dicitur filialis, quia filij ingenui hoc Timore timent offendere parentes; & dicitur etiam castus, quia hoc timore mulier casta timet offendere sponsum. Ille dicitur seruilis, quia serui metu verberum timent offendere dominos. Seruilis duplex est.

D 6 nem.

nempe seruiliter seruilis, & seruilis simpliciter. Primus est, quo aliquis timet offensam propter solam pœnam, ita quòd admittat semper complacentiam in peccato, & vellet perseverare in peccato, si pœna non mulsetaretur; & hic est viriosus, & non est per consequens actus Spei quæ est virtus. Seruilis simpliciter est ille, quo quis ex metu pœnæ timet peccatum, itaut nullam complacentiam retineat ad illud, & hunc esse bonum tenent omnes, & esse actum Spei.

Quæres 8. quotuplex sit vitium oppositum Spei?

Resp. duplex vulgò assignari, nempe Desperationem, qua aliquis peccat in Spem ex defectu; & Præsumptionem, qua alius in Spem peccat per excessum. Desperatio non consistit in fuga voluntatis, quæ voluntas fugit beatitudinem tanquam impossibilem, sicut dicunt illi, qui Spem esse in voluntate sentiunt; sed consistit in iudicio erroneo, quo intellectus falsò iudicat beatitudinem esse acquisitu impossibilem, vel quia gratia deest, vel quia peccata sunt maiora, quàm vt venia possit illis tribui. Præsumptio etiam consistit in iudicio erroneo, quo aliquis falsò iudicat, se posse saluari sine gratia, vel ex gratia sine operibus, vel se facile veniam adepturum, quantumcumque graua sint peccata. Hic quæritur, num aliquando possit esse desperatio sine peccato? Ad quod Resp. quòd si Deus alicui reuelaret absolutè suam reprobationem, posset ille desperare de sua salute; imò & deberet desperare, quia non licet opinari contra reuelationem D. quæ infallibilis est.

Quæres vltimò, vtrùm necessaria sit Spes? Resp. 1. esse necessaria necessitate mediij, quia sine illa non fit iustificatio, quæ est medium necessarium; Ad Ephes. 2. *Spem non habentes sunt sine Deo in hoc mundo.*

Resp. 2. esse etiam necessariam ex præcepto. Psal. 4. *Sacrificate sacrificium iustitie, & sperate in Domino.* 1. Thimoth. 6. *Diuitibus huius sæculi præcipe non sublimè sapere, neque sperare in incerto diuitiarum, sed in Deo viuo.* Si dicatur, actum sperandi esse imp rfectum, quia refert Deum ad nos; Resp. quòd non referat Deum ad nos, tanquam simus finis Dei, hoc est enim blasphemum; sed tantum dici potest quòd Deus, vt obiectum Spei nostræ induat relationem rationis ad nos, nempe beatificantis ad beatificatum.

rum. Porro sicut datur præceptum de Spe, sic & præcipitur Timor, qui Spem comitatur, Psal. 32. *Time Domini omnes Sancti eius*. Et Luc, 12. *Time eum qui potest mittere in gehennam*. Quantum ad tempus quo urget præceptum sperandi; dico nunquam licitam esse desperationem, quia est præceptum negativum: & sperare debet quis, non semper, quia est præceptum affirmativum, sed quando Deum orat; prohibetur enim orare sine Spe veniæ, & dum agit poenitentiam, quæ sine Spe veniæ nulla est; & dum tentatur de desperatione, quia pro remedio Spem adhibere debet: denique dum tenetur elicere actum Charitatis, qui produci non potest sine Spe.

## DISPUTATIO TERTIA.

*De Charitate.*

**N** Eminem latet quin Fides sit origine prior Spe, & Spes Charitate; quia per Fidem ostenduntur quæ sperari debent, & per Spem, quæ expectamus bona illa sperata, accenditur Charitas. Ideo ergo volumus Fidem esse origine priorem Spe, & Spem Charitate, quia actus unus excitat ad actum alterius. Quantum ad prioritatem perfectionis; D. Paulus has virtutes Theologicas enumerans, ab imperfectiori ad perfectiorem tendit; & sic Spes tenetur perfectior Fide, & Charitas utraque: ex Paulo 3. Cor. 13. *Maior autem horum est Charitas*. Quantum ad distinctionem; distinguuntur illæ virtutes specificè, ob diversam rationem formalem obiecti: licet enim obiectum materiale sit idem, nempe Deus, attamen illæ virtutes diversimodè Deum respiciunt. Fides respicit illum, quatenus est summè verax in dicendo; Spes, quatenus est ultimus finis à nobis possidendus; Charitas denique circa illum tendit, ut est summè bonus. In his ergo virtutibus explicandi: more Apostoli, ab imperfectiori ad perfectiorem tendentes, postquam egimus, primò de Fide, Secundo de Spe, tertio agendum venit de Charitate; de qua tria Capita instituentur: nimirum de natura Charitatis, de effectibus illius, & de vitijs illi oppositis.



## CAPVT PRIMVM.

*De natura Charitatis:*

**P**ER Charitatem, Amor mutuus intelligitur ac honestus, quò aliqui se inuicem diligant. An Amicitia reperiatur inter Deum & hominem, dicendum est reperiri veram & perfectam Amicitiam, non quidem æqualitatis, quia nihil creatum est æquale Deo; sed proportionis, in quantum Deus talem gradum amoris & honoris tribuit homini, quo iste dignus est. Hoc patet ex Ioan. 15. *Vos amici mei estis.* Et ibidem, *Iam non dicam vos seruos sed amicos.* Illa amicitia dicit mutuam beneuolentiam; nam homo aliquando amat Deum propter seipsum; & Deus amat hominem vt illi faciat bonum, in quo est beneuolentia, quæ non impeditur per hoc quod Deus referat illud bonum ad suam gloriam; nam honesta Amicitia non impedit quin omnia referantur ad vltimum finem. Porro si Deus nos amet & nos Deum, est perfecta Charitas & Amicitia; si verò Deus nos amet & non redametur, est tantum Beneuolentia, non Amicitia, aut perfecta Charitas.

## QVÆSTIO PRIMÆ.

*Quid sit Charitas?*

**M**AGISTER Sententiarum sibi aliàs persuasum habuit, Charitatem habitualement non esse donum aliquod creatum, nec virtutem infusam, sed esse Spiritum sanctum, qui actum dilectionis sine virtute intermedia operatur. Sic habet in 2. Sent. Dist. 17. littera B. quod clarius explicat littera S. Contra ipsum clamat Scriptura dicens ad Gal. 5. *Fructus autem Spiritus est Charitas.* Et 1. Ioan. 4. *Diligamus nos inuicem, quia Charitas ex Deo est.* Et ad Rom 5. *Charitas Dei diffusa est in cordibus nostris per Spiritum sanctum, qui datus est nobis.* Hæc omnia ergo dicunt Charitatem non esse Deum, sed esse effectum Dei: Vnde si Ioan. 4. habeatur, *Deus Charitas est:* hoc dicitur de Charitate qua Deus nos diligit. Si etiam Augustinus lib. 8. de Trinit. cap. 7. & 8. dicat dilectionem qua nos

*in-*

in vicem amamus, esse ipsum Deum, hoc intelligitur effectivè, sicut dicitur Christus iustificatio nostra, quia illam operatus est; non formaliter: aliàs non posset Charitas crescere, minui, amitti, recuperari, quæ tamen vera sunt. Cum ergo Charitas non sit formaliter Deus, quærimus quid sit.

## CONCLUSIO.

**C**haritas est *Virtus Theologica omnium virtutum excellentissima, qua Deus propter se diligitur, & proximus propter Deum*. Dicitur 1. *Virtus Theologica*, quia respicit Deum qui est obiectum Theologiæ, & ut etiam excludatur ab amore, quo Deum naturaliter diligimus ut authorem naturæ, qui amor non est virtus Theologica, nec consequenter Charitas.

Dicitur 2. *omnium Virtutum excellentissima*, quia dum Matthæus cap. 22. loquitur de præcepto charitatis, vocat illud *primum & maximum mandatum*. Ad Coloss. etiam habetur, *Super omnia hæc, mutuam charitatem habete, quæ est vinculum perfectionis*. Quod verum est, nedum de charitate erga Deum, sed & erga proximum; quia est tantum una Charitas, qua Deum propter se, & proximum propter Deum diligimus; licet in Charitate sint duo actus, ob quos statuuntur duo mandata, de dilectione Dei & proximi. Quod Charitas sit omnium virtutum maxima, patet; quia virtutes Theologiæ sunt alijs præstantiores, & inter Theologicas Charitas præcellit, quia magis Deo adhæret; Deinde est omnium virtutum forma, saltem extrinseca & in ratione meriti, ut diximus quæst. 4. cap. 1. de fide. Si martirium sit perfectissimum; hoc est quia imperatur à Charitate, sicut paupertas voluntaria.

Dicitur 3. *qua Deus propter se diligitur*; quia si Deum diligamus propter nos, hic amor complacentiæ potius spectat ad Spem, ut diximus, quam ad Charitatem perfectam. Per charitatem debemus amare Deum super omnia appetitivè, quia debemus illum præferre omnibus bonis, quibus infiniter nobilior est; non tamen tenemur ipsum amare super omnia intensivè quasi amor erga Deum debeat esse intensior, quam circa omne aliud bonum, cum enim hoc non possit scire homo, semper scrupulis turbaretur, et ama-

amaret Deum super omnia. Ut ergo impleatur præceptum de diligendo Deo ex toto corde, sufficit quòd Deus ametur sincerè, quòd anteponatur omnibus, & quòd quis præferat omnem poenam offensæ quæ frangeret amicitiam cum Deo.

Dicitur 4. & *proximus propter Deum*; per quod denotatur aliquid, quod est tantum accidentarium Charitati; non enim est de essentia Charitatis, ut ametur reuera proximus; si enim esset tantum unus homo in mundo, ille per veram Charitatem Deum amaret, & ipsius obiectum esset simpliciter perfectum: posito tamen quod sint homines in mundo, debemus per Charitatem Deum diligere propter se & proximum propter Deum; & tunc Charitas habet duo obiecta, unum primum & absolutum, nempe Deum; aliud secundarium & relatiuum, nempe proximum, qui propter Deum diligitur.

## Q V Æ S T I O II.

*Quodnam sit obiectum Charitatis?*

**N**on proponimus quæstionem de subiecto in quo inhaereat Charitas, quia constat satis subiectum proximum eius esse voluntatem, quæ cor communiter vocatur. Rom. 5. *Charitas Dei diffusa est in cordibus nostris.* Et Luc. 10. *Diliges Dominum ex toto corde tuo*: Subiectum verò remotum est Angelus vel homo, siue in via, siue in patria; nam *Charitas nunquam excidit.* 1. Cor. 13. In dæmonibus nulla est charitas, imò Deum odio prosequuntur; nec etiam in Deo, quia Charitas est aliquid accidens. De subiecto ergo Charitatis non multa dicenda sunt, sed de obiecto plura.

## CONCLUSIO PRIMA.

**O**biectum materiale Charitatis sumptæ extensivè, est quidquid amari potest propter Deum; Obiectum verò Charitatis intensivè sumptæ primum & absolutum, etiam adæquatum, est Deus.

Probatur primum, quia illud cadit sub obiecto Charitatis extensivæ quod potest amari ex motivo Charitatis; sed quidquid amari potest propter Deum, ama-

amatur ex motiuo Charitatis, nempe propter Deum ergo obiectum Charitatis extensiuè est quidquid, propter Deum potest amari.

Probatur 2. Per obiectum primum, adæquatum & absolutum intelligitur, quod potest primariò & propter se amari; sed solus Deus primariò, & propter se amatur, & omnia alia propter Deum; ergo solus Deus est primum, absolutum, & adæquatum obiectum Charitatis.

## CONCLUSIO SECUNDA.

**O**biectum formale Charitatis est quælibet perfectio diuina, propter quam Deus amatur; ita quòd, dum amatur Deus ut sapiens, sapientia sit obiectum formale huius charitatis; si ametur ut misericors, misericordia est obiectum formale; si ametur ut sapiens, simul & misericors, sapientia & misericordia simul apprehensæ erunt obiectum formale illius amoris. Ratio est, quia obiectum formale nihil aliud est quàm motiuum ob quod actus elicitur; sed quæcumque perfectio diuina est motiuum propter quod elicimur actum amoris circa Deum: ergo est obiectum formale.

Obijcies: ergo dantur amores Dei diuersi specie, si sint in Deo diuersa obiecta formalia. Respondent alij, hoc esse verum: alij negant, quia omnes illi actus conueniunt in ratione communi, nempe in hoc quòd semper ametur quælibet perfectio diuina propter se.

## QVÆSTIO III.

*A quo sit Charitas.*

**A**lius est amor Dei naturalis, quo Deum diligimus ut authorem naturæ, & proinde nostrum conditorem; alius est supernaturalis, quo diligimus Deum ut authorem gratiæ & gloriæ. Omnes fatentur, primum amorem esse naturalem, quoniam natura proprio pondere, amore fertur in benefactorem suum: De secundo autem Pelagiani fatebantur quidem, Fidem esse à Deo, hoc autem negabant de Charitate: Unde contra illos arguit Augustinus lib. de Grat.



Grat. & lib. Arb. cap. 19. dicens: *Non audiunt Apostolum dicentem, 1. Corinth. 8. Scientia inflat, charitas adificat. Quid enim ineptius, & ab ipsa charitate alienius, quam confiteri ex Deo esse scientiam, qua sine charitate inflat, & ex nobis esse Charitatem, qua facit ut scientia inflare non possit.*

### CONCLUSIO.

**C**haritas est à solo Deo; qui gratuito in voluntate nostra illam infundit, ex ad Rom. 5. *Charitas Dei diffusa est in cordibus nostris per Spiritum S. & 1. Ioan. 4. Charitas ex Deo est.* Sic Concilia, Milevitanum Canon. 4. sub Innocentio I. Arausicanum II. Canon. 25. & Tridentinum sess. 6. cap. 6. & Can. 3. sic etiam Patres & maximè Augustinus loco citato. Ratio nostra est, quia per Charitatem amamus Deum, ut obiectum supernaturale, nempe, ut authorem gratiæ & gloriæ; & per illam meremur ipsum possidere; ergo ipsa debet esse supernaturalis; aliàs nos ipsos discerneremus, contra D. Paulum? *Quis te discernit?*

Obijc. Ex D. Thoma charitatem esse tantum secundum modum supernaturalem: ergo secundum substantiam est naturalis. Resp. si sumatur actus Charitatis materialiter & vitaliter, est quidem naturalis, sed pro tunc non est verè Charitas; si sumatur verò formaliter pro actu illo amoris qui tendit meritorie in Deum per Fidem cognitum, tunc est supernaturalis secundum suam essentiam moralem. Si ab August. Charitas dicatur introduci per timorem servilem qui est naturalis; Resp. ex ipsomet aliquem timorem servilem esse donum Dei; deinde ab illo timore non producitur, nisi dispositivè, sicut nec à Fide aut Spe; sed à solo Deo formaliter infunditur.

Quæres, an charitas possit augeri? Resp. 1. non posse augeri secundum essentiam, quia essentiæ rerum sunt indivisibiles sicut numeri; Charitas in quarto gradu non est magis Charitas, quàm in secundo, licet sit maior. Resp. 2. quòd Charitas habitualiter sumpta non possit augeri obiectivè; quia inclinat voluntatem ad amandum omnia, quæ sunt amabilia propter Deum; & præter ea quæ sunt amabilia pro-

propter Deum, nihil potest amare Caritas. Resp. 3. quod Caritas actualis possit augeri obiectiuè, in quantum plures perfectiones diuinæ cognoscuntur & proponuntur amandæ, sicut & plures proximi. Resp. 4. licet Caritas non possit augeri essentialiter, potest tamen augeri entitatiuè; ita vt Caritas modò maior sit, modò minor. Sic habetur ad Philipp. 1. *Vt Caritas vestra magis & magis abundet*. Facit Augustinus Tractat. 5. in primam Ioannis. *Caritas nata nutritur, nutrita roboratur, & roborata perficitur*.

Quæres, quomodò augeatur Caritas? Alij dicunt augeri per radicationem in subiecto: quatenus tenaciùs & firmiùs adhæret subiecto; sed hoc falsum est, quia calor ferri candentis longè maior est, quàm calor manûs ex temperamento; attamen calor firmitus in manu adhæret, cum difficiliùs euanescat: Vnde Resp. Charitatem, sicut cæteras qualitates intendi per additionem nouorum graduum, qui distinguuntur à præexistentibus, & cum illis constituunt vnam numero qualitatem; quia augeri, est realiter perfici: Illud autem quod perficitur realiter, recipit aliquid reale de nouo, & sic dum augetur Caritas, non recipit tantum nouum modum, quo perfectiùs se habeat; sed nouam perfectionem, & nouum gradum, quo euadat perfectior. Sic Scotus contra D. Th. in 1. Sent. Dist. 17.

Quæres, à quo producat augmentum Charitatis? Alij dicunt hominem dici posse effectiuè concurrere ad illud augmentum & non tantum moraliter, sed & meritoriè; quia (inquiunt) sicut homo per actus virtutum naturalium, V. G. Temperantiæ producit effectiuè augmentum temperantiæ: sic in virtutibus supernaturalibus, quâdo Deus produxit in illo Charitatē per actus Charitatis potest illā augeri. Alij, ni fallor, melius respōdent, hominem nō concurrere nisi moraliter ad illud augmentum, in quantum eliciens actum charitatis, meretur quòd Deus Charitatem augeat, addendo illi nouum gradum: Et ratio petitur ex hoc quòd debeat esse eadem causa rei & augmenti. Cum ergo solus Deus sit causa effectiua Charitatis, ex Aug. Lib. 2. de Lib. Arbit. Cap. 18. & 19. dicente de virtute infusa, quòd sit *bona qualitas mentis, quam Deus in nobis sine nobis operatur*; ergo etiam solus ipse est causa

causa effectiua augmenti, maximè cum augmentum Charitati teneat locum præmij.

Quæres, an Charitas possit augeri per actus remissiores ipsa charitate: Alij negant, dicentes, Charitatem vt quatuor augeri non posse per actum amoris vt duo. Alij dicunt posse reuerà augeri per actus remissiores illa Charitate, modò sæpius repetantur: Ego verò respondeo, per quemlibet actum remissum intendi Charitatem: Primò, quia medium illustratum maiori lumine, magis adhuc illustratur, dum lumen minus maiori additur. Secundò, quia augmentum gratiæ est merces meriti: ergo cuilibet actui Charitatis qui est meritorius, debetur augmentum Charitatis. Tertiò, quia ex Scoto in 4. dist. 22. Q. vnica, Artic. 2. *quilibet actus Charitatis quantumvis primus & remissus, debet habere augmentum gloria essentialis*: Sed gloria essentialis datur per proportionem ad Charitatem: ergo augetur Charitas per quemlibet actum remissum. Quartò, illi gradus remissi non debent sæpius iterari, vt augeatur Charitas; ex hoc enim sequeretur quòd deberet differri collatio augmenti gratiæ, donec alij actus elicerentur; quod falsum est; quia nulla est causa dilationis, nec ex parte Dei qui liberalissimus est; nec ex parte hominis, qui, cum sit iustus, est capax recipiendi augmentum; nec ex parte actus, qui est eiusdem rationis & meriti, ac sequens.

Quæres, an Charitas possit semper augeri in hac vita? Aliqui asserunt Scotum id negasse, & voluisse capacitatem voluntatis esse in certo gradu limitatam; & sic non posse amplius esse subiectum vltioris Charitatis: sed Scotus voluit tantum hoc intelligi de capacitate naturali voluntatis, non verò de potentia obedientiali, quam habet voluntas ad recipiendum à Deo quemcumque gradum Charitatis, etiam in infinitum syncategorematicum. Respondeo ergo quòd Charitas possit semper & semper augeri sine termino, dum sumus in hac vita: non est enim repugnantia ex parte agentis & producentis qui Deus est; est enim infinitæ virtutis ad perficiendam Charitatem: Neque ex parte formæ, quia nullam Charitas habet determinatam mensuram, maximè vt subest potentia Diuinæ: Neque ex parte subiecti; quò plus enim Charitas augetur, eo plus auget capacitatem  
vq-

voluntatis nostræ; vnde dicit Paulus Charitatem dilatare. Caritas ergo ex dictis potest semper augeri, quantum est ex parte Charitatis, & per respectum ad potentiam Dei absolutam.

Quæres, an possit minui Caritas? Altissiodotensis, Victoria & quidam alij tenent peccata venialia vim habere minuendi Charitatem; tamen vulgò sentiunt Theologi, illa minuere tantum ardorem qui reperitur in actibus Charitatis, ob quod dicitur Prouerb. 14. *Septies in die cadit iustus*; id est, cadit in languidiorem usum Charitatis: Vnde respondeo, de potentia Dei absoluta Charitatem habitualement posse minui entitatiuè, quia Deus potest separare vnum gradum ab alio, sicut vnum addidit alteri: de lege tamen ordinaria non minuitur habitus Charitatis, sed totus conseruatur, aut totus deperditur. Si enim minueretur Caritas, vel hoc fieret per actus bonos remissos, quod non potest esse, cum actus boni à Charitate procedentes, etiam remissi, non habeant vim alterandæ Charitatis: vel minueretur per actus malos venialiter (quia actus mortales illam destruunt) quod etiam non potest; quia si vnum peccatum veniale tolleret vnum gradum Charitatis, aliquando per multa venialia destrueretur tota Caritas, & sic peccata venialia mortem animæ afferrent, proindeque essent mortalia.

Quæres, vtrum penitus extingui possit Caritas: Resp. affirmatiuè contra Iouinianum, Pelagium, Begardos & Beguinas censentes, hominem in hac vita ad talem gradum Charitatis posse ascendere, vt redderetur impeccabilis, propterea quod damnati sunt in Concil. Vico, Contra etiam Vuicleffum, Lutherum & Caluinum lib. 3. Instit. cap. 4. Probat nostra resolutio ex Ezech. 18. *Si auerterit se iustus ab iustitia sua, & fecerit iniquitatem, omnes iustitiæ eius non recordabuntur amplius*, 1. ad Cor. *Qui bene stat, videat ne cadat*. Ex quibus patet, Iustitiam & Charitatem posse amitti, & quod aliquando amissa fuerit reuerà. Hoc probat lapsus Luciferi, Adami, Davidis, Salomonis &c. Obijciunt hæretici ex Ioann. 10. *Oves meæ vocem meam audiunt, & nemo rapiet illas de manu mea*: Et 1. Ioan. 2. *Si fuissent ex nobis, mansissent & rique nobiscum*. Et 1. Ioan. 3. *Omni qui natus est ex Deo non facit peccatum; quia semen ipsius in eo manet, & non*



## 92 DE CHARITATE.

*& non potest peccare.* Ad primos contextus, dicendum illos intelligi de prædestinatis; tertius verò intelligitur in sensu composito, non in diuiso; idest, qui natus est ex Deo, quatenus natus est ex Deo, non potest peccare, quod non impedit quin per liberum arbitrium à Deo recedat, aliàs non diceret Paulus 1. Cor. 9. *Castigo corpus meum, &c. ne cum alijs prædicauerim, ipse reprobus efficiar.* Hæc omnia confirmat Concilium Trid. Sess. 6. Can. 13. *Si quis dixerit, hominem semel iustificatum, amplius peccare non posse; atque ideo eum qui labitur & peccat nunquam fuisse verè iustificatum, Anathema sit.* Maneat ergo quòd charitas penitus destrui possit, & destruat actualiter per quodcumque peccatum mortalem; ob repugnantiam formalem peccati cum charitate. Peccatum, inquam, destruit Charitatem moraliter & demeritoriè; quatenus per peccatum homo fit Dei inimicus, & ideo Deus tollit Charitatem qua erat amicus. Si dicant aliqui, hominem corrumpere effectiue Charitatem per peccatum; hoc est quia concurrit effectiue ad peccatum, cuius forma opposita est Charitati. Si dicat Paulus, *Charitas nunquam excidit*; loquitur de Charitate patriæ, ut patet ex 1. ad Cor. 13. vbi hoc habetur.

## Q V Æ S T I O IV.

*Verum detur præceptum Charitatis circa Deum?*

**C**haritatem esse necessariam necessitate mediij, constat; quia sine illa nullatenus potest obtineri beatitudo, ex Apostolo, 1. Cor. 13. dicente: *Si linguis hominum loquar, &c. Charitatem autem non habuerò, factus sum velut as sonans; & postea, Nihil sum, & & deinde, Nil mihi prodest.* Quærimus autem, an detur præceptum formale de Deo diligendo; & quid nobis præcipiatur per illud?

## CONCLUSIO PRIMA.

**L**icet in Decalogo habito 20. cap. Exaudi, non habetur præceptum formale de Deo diligendo, habetur tamen Deuteron. 6. *Diligas Dominum Deum tuum, & Matth. 22. Dilige Dominum tuum ex toto corde*

*corde tuo, ex tota anima tua, & ex tota mente tua*: Licet autem hoc præceptum non sit expresse in Decalogo, pertinet ad illud virtualiter & antecedenter, quatenus omnia præcepta Decalogi deducuntur ex amore Dei.

Ex hoc præcepto, tenemur primò, numquam Deum odisse, nec mortaliter offendere, quia odium Dei & quodcumque peccatum mortale est oppositum mortaliter tali amorì. Tenemur 2. Deum aliquando amare actualiter, producendo scilicet actum amoris Dei super omnia, ita quòd non sufficiat amare illum virtualiter, martyrium subeundo propter Deum, aut præcepta obseruando. Quandonam hoc debeat fieri, mox dicetur. Tenemur 3. ipsum amare super omnia, nisi intensiue, saltem appetitiue, vt diximus quæst. 1. & ex Charitate supernaturali cum gratia coniuncta; quia hoc est necessarium ad salutem. Non tenemur tamen ad obseruandum in hac vita præceptum Charitatis, secundum omnem perfectionem, quam sibi proposuit Deus in tradendo hoc præcepto; quia dicendo homini: *Diliges Dominum ex toto corde, &c.* per hoc voluit, vt semper homo adhereret Deo per amorem, & numquam cessaret ab illo, quod tantum implendum est in patria ex August. lib. de spiritu & Littera.

## CONCLUSIO SECVNDA.

**I**N qualibet die Dominica nos teneri ad actum amoris Diuini, docet Scotus in 3. distinct. 27. nisi ignorantia, aut opinio probabilis de opposito excuset Fideles: quia excellentia & bonitas Diuina exigit, vt pro beneficio Creationis, Conseruationis & Redemptionis ipsum frequenter amemus: ergo præsertim debemus illum amare illo die, quem ipsemet assignauit pro cultu sibi reddendo. Confirmatur ex opinione aduersariorum, qui fatentur Fideles in hac die teneri ad abstinentiam operum seruiliu & ad aliquem cultum Deo exhibendum: quisnam autem cultus nobilior, quàm amoris diuini, sine quo, vel habituali, vel actuali, omnis cultus est inutilis? Quòd si Fideles non accusent se in confessione, de transgressionem huius præcepti; hoc est, quia existimant se ad illud non teneri;

teneri ; vel quia sequuntur opinionem contrariam ,  
quam probabilem tenent .

### CONCLUSIO TERTIA.

**M**Ultæ aliz occasiones assignantur , in quibus docetur, debere elici actum amoris diuini . Primò tenetur quis amare Deum , quando peruenit ad vsum rationis, & illi proponitur Deus amandus, & præceptum de illo amando . Secundò cùm qui adultus suscipit Baptismum , quia cùm se det Deo , tunc debet firmare suum propositum per amorem ipsius . Tertio, cum tenetur habere contritionem ; quia ex amore procedit . Quarto ; quando homo recipit à Deo aliquod singulare beneficium , cùm enim sit signum specialis amoris Dei circa nos , tunc probabile tenetur à Soto quod debeat redimari . Quintò , quando est necessitas subeundi Martyrium , quia est Sacramentum amoris , ad quod accedere sine amore indignum esset . Septimò , instante morte , quo tempore opus est , vt se Fidelis coniugat Deo per actus Fidei , Spei , Charitatis & aliarum virtutum , nè in æternum ab illo separetur . Porro , cùm hoc præceptum affirmatiuum sit , & non constet liquidè de tempore quo vrgeat , consultissimum est , vt Fidelis se accuset sub dubio de omissione eius .

### QVÆSTIO V.

*Verùm detur præceptum Charitatis circa  
proximum .*

**E**X conclusione præcedenti , Deus est diligendus iuxta cap.6. Deuteron. *Diliges Dominum ex toto,* &c. quo loco Deus iussit Iudæis , vt semper meditentur in hoc præcepto , sicut in alijs , narrarent illa filijs , ligarent ea quasi signum in manu sua , scriberentque ea in limine & in ostijs domus suæ : Vnde apud eos vsus erat , vt scriberent legem in duabus membranis , quarum vna affigebatur ostio domus ; alia affigebatur fronti , vel brachio , vel fimbrijs , vbi illam portabant Scribæ & Pharisei , de quibus dicit Christus , Matth. 23. *Dilatant phylacteria*

*sua*; idest, membranulas in quibus circa caput, brachia & fimbrias gestabāt legem, vt haberetur ob oculos: Sed intelligebant nimis literaliter præceptum, quod intelligi debebat spiritualiter, non de scriptione materiali legis, sed de spirituali & continua meditatione eiusdem. Posito ergo quòd Deus diligendus sit ex Charitate; quærimus, vtrum debeat etiam proximus diligī.

## CONCLUSIO.

**E**X Charitate debet proximus diligī. Sic habetur Leuitici 19. *Diliges amicum tuum sicut te ipsum*; Matth. 22. *Diliges Dominum Deum ex toto corde tuo, & proximum sicut te ipsum*; Ioan. 15. *Hoc mandatum habemus à Deo ut qui Deum diligit, diligat & fratrem suum*. Quòd autem debeamus diligere proximum ex Charitate, patet ex hoc quòd illa præcepta coniungantur in Scriptura; Vnde sicut tenemur diligere Deum ex Charitate & propter seipsum, sic etiam ex Charitate debemus diligere proximum, scilicet propter Deum & amore supernaturali.

Quando dicitur, *diliges proximum tuum sicut te ipsum*; non præcipitur æqualitas amoris; debet enim se quisque magis diligere, quàm alium; sed præcipitur similitudo, vt videlicet fidelis amet proximum similiter ac seipsum: Primò ex parte finis, diligendo proximum in ordine ad Deum & bona spiritualia, sicut se ipsum; & in hoc sancta est dilectio proximi. Secundo, ex parte obiecti, nihil desiderando proximo quod sit illi malum, sed tantum quod est illi bonum; & sic dilectio est iusta. Tertiò, ex parte modi diligendi, vt scilicet proximus diligatur, non in perniciem sui, sed tantum in vtilitatem; & in hoc dilectio est vera: & illa amicitia non est vera, quæ cedit solum in vtilitatem & delectationem diligentis.

## QVÆSTIO VI.

*Vtrum detur præceptum de diligendo inimico?*

**I**Nimicus sumptus reduplicatiuè non præcipitur diligendus; quia inimicitia non potest esse motuum amoris: sed quæstio est de inimico specificatiuè.

Boyuin Theolog. Pars IV.

E

sum-



sumpto; id est de illo homine qui nobis inimicus est, & malum nobis irrogat; de quo potest quæri, an sit amandus; quia Euangelium præcepit solam dilectionem proximi, & inimicus noster non censetur nobis proximus, quia dum Luc. 10. Phariseus à Christo quæreret, qui esset proximus, Respondit Christus; *Qui fecit misericordiam cum illo*; sed quia hoc non obstante, alij erant etiam proximi, ideo erit

### CONCLUSIO,

**P**ræceptum datur de diligendo inimico. Matth. 5. *Diligite inimicos vestros*. Quod Christus præcepit sub peccato gravi, quia Matth. 18. habetur, quod nec Pater cœlestis dimittet nobis peccata, nisi prius dimiserimus fratri nostro de cordibus nostris. Hoc præceptum nedum est iuris positivi diuini, sed est etiam iuris naturalis; quia ius naturale dicit alijs faciendum esse quod nobis volumus fieri, & unusquisque vult sibi bonum fieri ab alio, etiam ab inimico. Nec obstat illud Matth. 4. *Dicitum est antiquis; Odiio habebis inimicum*; hoc enim non est dictum à Deo, neque à natura, nisi corrupta: ynde Lyranus in cap. 5. Matth. cum Doctore & alijs tenet, id non fuisse præceptum nec permissum antiquis, nisi quatenus pœna talionis introducta est ex autoritate iustitiæ, qui exigebat ut dens daretur pro dente, quod nunc non licet. Semper tamen præceptum fuit ut homo homini optaret bona spiritalia & æterna, quantumcumque damnum temporale ab ipso passus esset, in quo consistit verus amor.

Ex hac conclusione sequitur exhibenda esse inimico obsequia necessaria, & valde utilia quæ illi exhiberentur, si non esset inimicus; ut v. g. si esset in extrema necessitate bonorum, vel necessitate gravi corporali & multò magis spiritali. Quantum verò ad obsequia non necessaria nec maxime utilia, nullus tenetur ad illa præstanda inimico: nam ad hoc, ut dicatur diligere inimicum, sufficit quod illi non velit malum, & quod ei exhibeat obsequia necessaria & multum utilia, modò non adsit scandalum.

Nullus ergo præcisè tenetur salutare inimicum, (quia hoc non debet etiam amico) nisi in casu scandalii inimici, aut astantium, vel nisi esset in tanta

au-

authoritate constitutus, ut illi salus debeat. Non tenetur etiam ipsum inuitare ad conuiuium generale, quod tamen fecisset cessante inimicitia, nec orare pro eo quando orat pro amicis particularibus; nec ipsum diligere tanto amore, quanto diligebat eum antea, nec illi tot exhibere signa beneuolentiae; quia haec omnia sunt signa specialia amicitiae, quae sunt libera, sicut & habere liberam conuersationem cum illo. Quod semper intelligendum est cum exclusione scandalii; unicuique enim mandatum est de proximo. Si unus saluet alium; iste tenetur ad resalutandum, nisi esset tantae auctoritatis, ut iuste exigeret salutem, quam non teneretur reddere.

Quando ab inimico venia petitur humiliter, laesus debet illam conferre; ex Charitate enim debet facere id quod maxime conducit, ut proximus deponat inimicitiam; hoc tamen non esset verum, si probabiliter se exponeret periculo grauioris iniuriae: & hoc etiam non impedit quin satisfactionem exigat, non ex motu vindictae, sed ex affectu iustitiae; non tenetur enim cedere iuri suo. Si duo sibi mutuò offensam intulerint, qui prius offendit, prius debet petere veniam quia prius laesus & alter prius acquisiuit ius petendi satisfactionem; quod intelligitur, ceteris paribus; qui prius enim leuem iniuriam intulit, ex qua secuta est maior, non tenetur ad hoc.

## QVÆSTIO VII.

*Vtrum debeat esse aliquis ordo in actibus  
Charitatis?*

**M**ulta sunt obiecta, quae debent ex Charitate diligere, siue diligantur secundum se ut Deus, Angelus & Homo; siue diligantur in ordine ad alium, ut sanitas & gratia quam volumus amico, primum obiectum primum Charitatis est Deus, ut diximus. 2. Debemus amare nos ipsos, non quidem amore amicitiae, qui est ad alterum, sed dilectione simplici. Debemus amare proximum & consequenter Angelos, quos Augustinus lib. de doctrina Christiana cap. 30. vocat proximos nostros; non vero demones, nec damnati sunt ex Charitate diligendi, nisi quate-

E a nus

nus sunt entia à Deo creata; non autem vt damnati, quia à Deo separati sunt, & sic non possunt amari propter Deum. 4. Debemus ex Charitate corpus nostrum diligere, quia est pars nostri, & via quia est capax beatitudinis. 5. Peccatores sunt etiam amandi, quia sunt proximi nostri, qui ad beatitudinem peruenire possunt; & sic illis optare debemus gratiam & gloriam. 6. Tenemur ex Charitate diligere inimicos, vt probabimus mox. 7. Licet creaturæ rationis expertes non possint directè amari ex Charitate, quia non sunt proximus noster, cum non communicent nobiscum in natura intellectuali, nec sint capaces gratiæ aut gloriæ; attamen possunt indirectè, tanquam media vtilia ad salutem proximi. Cum ergo hæc omnia cadant sub præcepto Charitatis, & consequenter à nobis diligi debeant; quærimus, vtrum debeat esse aliquis ordo in Charitate nostra, ita vt vnum obiectum debeamus plus amare, quàm alterum; postea visuri in sequenti quæstione, quænam obiecta sint alijs præferenda.

### CONCLUSIO PRIMA.

**D**ebet reperiri aliquis ordo in Charitate, secundum quem tenemur vnum obiectum Charitatis perfectiùs diligere, quàm aliud.

Probari potest ex Matth. 22. *Hoc est primum & maximum mandatum: diliges Dominum Deum tuum*: debet ergo; primò diligi Deus. Dum postea verò additur; *Secundum autem simile huic; diliges proximum tuum, sicut te ipsum*; ex hoc habetur, quòd post amorem Dei, debeamus nos diligere, & postea proximum. Ratio huius clara est, quia conferendo Deum cum creaturis, & creaturas inter se, constat Deum in æstimatione infinitè excedere creaturas, & proinde longè perfectiùs debere amari. Constat etiam vnam personam deberi præferri alteri, cæteris paribus, v. g. Parentes extraneis personis, Regem subdito, & Rempublicam priuato homini: cum, inquam, talem ordinem recta ratio persuaheat, hoc etiam dicitur Charitas, quæ naturam non destruit, sed potius perficit.

CON.

## CONCLUSIO SECVNDA.

**I**lle ordo Charitatis, quo præferendus est Deus creaturis, & vna creatura alteri, est ex præcepto; & ipse ordo manebit aliquo modo in cælo.

Primum patet ex Scriptura, nam quando Matth. 22. habetur, *Diliges Dominum Deum tuum, & proximum sicut te ipsum*; præcipitur; quod primò ametur Deus, deinde nos ipsi, denique proximus. Cum etiam 1. Ioan. 3. habetur? *Nos debemus pro fratribus animas ponere*; præcipitur, ut salutem proximi præferamus vitæ propriæ. Dùm rursus dicitur; ad Gal. 6. *Operemur bonum ad omnes, maxime ad domesticos fidei*; innuitur præceptum de præferendis melioribus, quod confirmatur ex 1. ad Timoth. 5. *Qui suorum & maxime domesticorum curam non habet, fidem negavit, & est infideli deterior.* †

Secundum probatur ex 1. Cor. 13. *Charitas non ex-  
cidit*: ergo manet Charitas in cælo & proinde ordo Charitatis, quo quilibet beatus volet maius bonum amore complacentiæ illi qui maius reuerà possidebit. Eodem ordine magis appretiatiuè Deus diligetur quocumque alio: Postea quilibet Beatus se magis diligit appretiatiuè, & deinde illos qui sibi sunt coniunctiores, non quidem coniunctione procedente ex naturalibus, sed ex præstantiore coniunctione cum Deo per gratiam & gloriam, quæ coniunctio præponderat omnibus alijs affectibus naturalibus; quod non impedit tamen, quin amore aliquo accidentario minùs sanctus diligatur propter antiquam vitæ huius honestam amicitiam,

ex D. Cypriano. Serm. de mortalitate: *Magnus illis nos expectat charerum numerus, parentum, fratrum & filiorum, ad horum conspectum venire quanta illis & nobis latitania?*



## QVÆSTIO VIII.

*Quisnam sit ille ordo, qui extare debet in affectibus  
Charitatis?*

**D**E fide est, Deum ex Charitate supernaturali debere plus diligere, quàm nos ipsos, aut quemcumque proximum: tum ratione bonitatis, quæ infinita est in Deo & per essentiam, finita verò in qualibet creatura & per participationem: tum ratione modi quo præcepit Deus ut amaretur ab hominibus, *ex toto corde, ex tota anima & ex tota mente*. Ex quo inferunt Doctores, Deum plus alijs diligere debere, primò obiectivè, in quantum debemus illi velle maius bonum, nempe infinitum; secundò, appreciativè, in quantum debemus Deum præferre omnibus creaturis; & tertio intensivè, saltem secundum Scotum in 3. Dist. 27. Sed. *De primo* dico; in quantum actu intensiori Deum diligere debeamus, quàm ullam creaturam. Contrarium tamen sentiunt omnes ferè Doctores, imò & noster Pontius alias Scorista. Quæst. 3. de natura Charitatis Concl. 2. Turma, inquam, Doctorem tenet, quòd ut ametur Deus super omnia & ex toto corde, sufficiat, si fingero corde omnibus præferatur, & addunt non esse verisimile quòd Deus præcipiat, ut homo amet Deum super omnia intensivè, cum multi probi homines videantur, qui centies mortem præferrent peccato; attamen aliquid intensius amant quàm Deum, v. g. filios.

## CONCLUSIO PRIMA.

**N**Edum ex charitate supernaturali Deum plus debemus diligere, quàm cætera omnia, de quo omnes conveniunt; sed etiam secundum inclinationem naturæ Deum præferre debemus nobismetipsis, & proinde omnibus. Hæc conclusio est D. Thomæ, Scoti in 3. Dist. 27. q. vn. & aliorum, contra D. Bonan. Albertum. Magn. & Gabrielem, putantes vnumquemque magis se diligere, quàm Deum secundum inclinationem naturæ.

Probatur hæc conclusio; Primo quia, si homo ex  
na-

natura propenderet ad diligendum plus seipsum , quàm Deum. Charitas quæ inclinatur ad præferendum Deum sibi, repugnaret naturæ, quod falsum est; nam Charitas est instituta , ut perficiat hominem , ut est naturæ intellectualis ; ergo non ut destruat suam inclinationem intellectualem, qua inclinaretur ad se præferendum Deo. Secundò, quia lex naturalis præcipit ut amemus Rempublicam plusquam nos ipsos; ita ut moriamur, sit opus sit, pro illa conseruanda : ergo à fortiori debemus amare Deum plusquam nos, etiam ex præscripto solo naturæ , cum ab illo plus pendeamus , quàm à Repub. Tertiò, quia omnis pars magis amat totum à quo dependet , quàm seipsam, ut patet de manu quæ se exponit periculo , ut totum conseruet: ergo debet creatura sibi præferre Deum cuius est pars & in quo conseruatur. Quod si filius se plus diligit, quàm patrem cuius est pars; hoc est, quia pater non est totum in quo contineatur filius, & à quo debeat in conseruari .

Obijcies . Si ex inclinatione naturæ Deus est super omnia diligendus; ergo viribus naturæ , & sine gratia potest super omnia amari: quod tamen falsum est. Resp. si attenderetur pura voluntas hominis, & solum hoc præceptum de diligendo Deo super omnia, verum esset antecedens: si attendantur verò difficultates extrinsecæ quæ reperiuntur in obseruatione huius præcepti, ut potè passionibus & concupiscentiis, hoc præceptum non potest obseruari naturaliter. Si bonum proprium sit præferendum bono alieno , hoc verum est per respectum ad alia bona particularia , non verò ad bonum vniuersale , quale est Deus .

## CONCLUSIO SECVNDA.

**Q**uod bona spiritualia quæ necessaria sunt ad salutem, tenetur homo magis se diligere, quàm proximum; non verò quantum ad illa quæ non sunt ad salutem necessaria . Ratione primi quilibet tenetur sibi magis optare Fidem , Spem, Charitatem, gratiam, & perseuerantiam, quam alteri: Et ratione secundi, non tenetur sibi optare donum virginitatis , Statum Ecclesiasticum ; nec gratias gratis datas , quæ dantur in vtilitatem proximi . Primum habetur ex

E 4 Matth.

16. *Quid prodest homini, si uniuersum mundum lucratur?* Et ex Matth. 22. *Diliges proximum sicut te ipsum;* ubi dilectio sui est regula dilectionis proximi, & regula est prior regulato. Si 1. Cor. 13. habeatur, *Charitas non quarit qua sua sunt;* nocendo proximo, conc. quoad legitima, nego. Si Paulus Rom. 9. dicat; *Optabam esse anathema pro fratribus meis;* hoc est in foro externo, quantum ad commercium humanum: non in foro conscientiae & ex peccato. Si Moyses Exod. 32. dicebat; *Aut dimitte illis hanc noxam, aut dele me de libro uiuentium;* loquitur de libro vitae praesentis ex Hieron. vel de priuatione beatitudinis ad tempus ex Aug. vel loquebatur per exaggerationem, confidens quod Deus illis parceret.

Ex hac assertione multa concludit de Valentia; Primò quod non liceat ullum peccatum committere propter salutem alterius nec etiam pro salute Communitatis, ex Augustino in Psal. 5. Secundò, quod non liceat velle carere Gratia aut Charitate, vel in perpetuum, vel ad tempus, propter salutem alterius, nec etiam Communitatis. Tertiò, quod non liceat velle carere beatitudine in perpetuum propter eandem rationem, esto dicat licitum esse velle carere illa ad tempus. Fundamentum illius petitur ex Matt. 18. *Quid prodest homini si uniuersum mundum lucratur; anima uero sua detrimentum patiatur?* Quibus verbis dicit, Christum satis indicare, peruersum esse antepondere salutem propriae & proinde gratiae quae ad illam conducit, salutem aliorum. Et certè, si ideo tenetur homo ex Charitate optare salutem proximi, quia sibi coniunctus est à fortiori suam debet praeferre, cum sit sibi magis coniunctus, quam toti Communicati.

Si comparatio fiat inter bona corporalia sua & bona spiritualia alterius, tenetur quilibet praeferre bona spiritualia proximi suis bonis temporalibus; sicque in casu necessitatis exponere vitam suam pro salute aliorum, in hoc sequendo exemplum Christi, qui sic mortuus est, & iussit fieri similiter, Ioan. 15. *Hoc est praeceptum meum, ut diligatis inuicem sicut dilexi vos.* Vade Augustinus lib. de mendacio cap. 6. ait; *Temporalem vitam suam pro aeterna vita proximi non dubitabit Christianus amittere.* Ratio sumitur ex hoc quod simus omnes membra eius corporis, cuius Christi-

stus

flus est caput; & quòd ratio dicet, vnum membrum debere de facili expendere id quod sibi minus utile est, vt acquirat alteri id quod est illi utilissimum.

Quòd ad bona temporalia quæ aliquis debet sibi optare & communitati cuius est pars; si fiat eiusdem rationis, debet quis magis diligere communitatem, quàm seipsum: Vnde quilibet ciuis pro salute Reipublicæ vitam exponere debet temporalem, quia bonum commune est præstantius bono priuato. Nec idem dicendum est de bono spirituali Communitatis & hominis priuati; quia priuatus homo pendet quidem à Communitate cuius est pars, quantum ad bona temporalia, non verò quantum ad bona spiritualia; sed tantum pendet à Deo tanquam à causa principali, & à Christo vt à causa minus principali, & sic licet debeat antepondere bonum temporale Communitatis bono suo priuato temporali, cæteris paribus, tamen non debet præferre salutem communitatis suæ saluti propriæ, cum salus non dependeat ab illa principaliter, sed tantum instrumentaliter à Sacerdotibus qui sunt in illa. Cum verò Christus etiam vt homo sit causa principalis, à qua pendet nostra salus, tum in fieri, tum in conseruari, tenetur quilibet magis diligere Christum, quàm seipsum & præferre illius salutem nostræ.

Si bona temporalia vnus priuati hominis comparentur cum bonis temporalibus alterius, tunc cæteris paribus, tenetur quis magis se diligere quàm proximum, & præferre sua bona temporalia bonis temporalibus proximi, ob maiorem scilicet coniunctionem quam habet secum. Ex hoc sequitur, quòd ex Charitate non debeamus exponere nostram vitam temporalem pro vita temporali alterius, ex D. Aug. cap. 6. lib. de Mendacio, dicente: *Si quis exponat vitam corporalem propriam pro vita corporali alterius, iam non diligit proximum sicut seipsum, sed plusquam seipsum, quod doctrina regulam excedit.* Licet autem hoc non debeat fieri ex amore vitæ alterius, quæ est simile bonum vitæ propriæ, potest tamen fieri ob amorem virtutis, nempe generositatis & fortitudinis, quæ est bonum superioris ordinis: Vnde Aristoteles Ethic. cap. 8. dicit: *Qui pro alijs mortem obire consueverunt, eligunt quoddam magnum bonestum sibi ipsi.*

R. S.

Id.



In hoc conciliatur opinio Doctorum, quorum alij dicunt, non esse vitam aliorum anteponendam propriæ, & alij sustinent, licitum esse mori pro proximo. Adde quòd, si hoc ultimum non debeat fieri ex Charitate, fieri tamen potest ex amicitia, quam laudat in hac actione D. Ambrosius libr. 3. Offic. cap. 12. & Augustinus libr. de Amicitia cap. 10.

## QVÆSTIO IX.

*Quo ordine debeamus diligere proximos nostros.*

**E**X antecedentibus liquet, talem esse ordinem in actibus Charitatis per comparisonem Dei ad omnem creaturam, & per comparisonem nostri ad proximum. Primò debemus diligere Deum super omnia. Secundò debemus præferre nostra spiritualia bonis spiritualibus aliorum, etiam totius mundi. Tertiò debemus antepondere bona spiritualia proximi bonis corporalibus nostris. Quarò, præferri debet bonum corporale Communitatis bono priuato. Quintò denique, præponere debemus priuatum bonum proprium priuato bono alterius, cæteris saltem paribus. Quia autem dilectio nostra tendere potest solum ad proximos, hic quærimus, quo ordine illi sunt diligendi.

## CONCLUSIO.

**C**Um proximi nostri sint à nobis diligendi, quia nobis coniuncti sunt, & cum diuersimodè coniungamur cum illis; idè in dilectione nostra alijs sunt præferendi; non tantum quoad effectum externum, seu quantum ad signa & effectus amicitiae; sed etiam quoad effectum internum, contra Dominicum Bannem, qui voluit affectum internum Charitatis debere esse parem, effectum verè dissimilem. Sed hoc falsum est: sicut enim odium internum vnius proximi est grauius peccatum, vtpotè patris, quam odium alterius, ita debemus magis amare amore interno parentes, quam extraneos. Ex hac conclusione

Dico primò, Qui sunt meliores, sunt magis obiectiue,

ctiuè , æstimatiuè diligendi ; quia bonum quod possident , debet magis æstimari , quàm bonum aliorum quod est minus , & ille amor est complacentiæ , quo fauimus bono possessio proximi ; qui quidem amor non impedit , quominus amore desiderij possimus optare proximo maius bonum . Ratio assertionis petitur ex hoc , quòd vbi est maior bonitas , ibi est obiectum magis æstimatiuè diligendum . Vnde Deus magis amat meliores .

Dico secundò , Amore intensiuo & appretiatiuo magis diligendi sunt qui nobis sunt propinquiore ; quia amor intensiuus sumitur à persona , sicut æstimatiuus sumitur à dignitate obiecti : vnde quo magis nobis coniuncta est persona , eo intensiuè magis diligitur . Et ratio cur plus diligamus intensiuè res sensibiles , quàm spirituales est , quia obiecta sensibilia maiorem habent affinitatem cum sensibus nostris , & proindè cum intellectu & voluntate , cùm anima pendeat in operari à sensibus in hac vita .

Dico tertio in genere quòd , cæteris paribus , primò diligendus sit Pater , cùm ab eo acceperimus quicquid habemus . 2. Mater , à qua etiam ducimus originem , 3. Vxor , quæ vna caro reputatur cum Sponso 4. Filij , qui sunt coniunctiores , vt potè de substantia parentum . 5. Consanguinei cum suo ordine , ita vt præferantur extraneis & diligantur primò qui sunt coniunctiores . 6. Amici sunt magis diligendi inimicis . Dixi , cæteris paribus ; nam si v.g. Mater esset filio beneficentior patre in spiritualibus vel temporalibus , posset plus diligi . Si etiam pater compararetur ad Rempublicam , vel ad personam absolutè necessariam ad illam , pro qua & ipse Pater mori teneretur , postponendus esset pater .

Dico quartò , In extrema necessitate prius subueniendum est Patri aut Matri , quàm Filijs ; qui sicut Pater dedit Filijs esse , sic Filij debent reddere illud Parentibus , dum sunt suam ex stentiam amissuri . Extra casum tamen extremæ necessitatis , potius debent curare de filijs , quàm de parentibus ex 2. Corinth. 12. *Non debent filij thesaurizare parentibus , sed filijs ; Quia amor est instar ponderis . amor meus pondus meum* , ex Augustin. 13. Confess. cap. 9. Pondus verò suapte natura descendit , quod est causa , cur videamus communiter Parentes maiori affectu complecti Filios

R 6

quàm

sumpto; id est de illo homine qui nobis inimicus est, & malum nobis irrogat; de quo potest quæri, an sit amandus; quia Euangelium præcepit solam dilectionem proximi, & inimicus noster non censetur nobis proximus, quia dum Luc. 10. Phariseus à Christo quæreret, qui esset proximus, Respondit Christus; *Qui fecit misericordiam cum illo*; sed quia hoc non obstante, alij erant etiam proximi, ideo erit

### CONCLUSIO,

**P**ræceptum datur de diligendo inimico. Matth. 5. *Diligite inimicos vestros*. Quod Christus præcepit sub peccato graui, quia Matth. 18. habetur, quod nec Pater cœlestis dimitteret nobis peccata, nisi prius dimiserimus fratri nostro de cordibus nostris. Hoc præceptum nedum est iuris positiui diuini, sed est etiam iuris naturalis; quia ius naturale dicit alijs faciendum esse quod nobis volumus fieri, & vnusquisque vult sibi bonum fieri ab alio, etiam ab inimico. Nec obstat illud Matth. 4. *Dicitum est antiquis*; *Odio habebis inimicum*; hoc enim non est dictum à Deo, neque à natura, nisi corrupta: ynde Lyranus in cap. 5. Matth. cum Doctore & alijs tenet, id non fuisse præceptum nec permissum antiquis, nisi quatenus pœna talionis introducta est ex autoritate iustitiæ, qui exigebat vt dens daretur pro dente, quod nunc non licet. Semper tamen præceptum fuit vt homo homini optaret bona spiritualia & æterna, quantumcumque damnum temporale ab ipso passus esset, in quo consistit verus amor.

Ex hac conclusione sequitur exhibenda esse inimico obsequia necessaria, & valde vtilia quæ illi exhiberentur, si non esset inimicus; vt v. g. si esset in extrema necessitate bonorum, vel necessitate graui corporali & multò magis spirituali. Quantum verò ad obsequia non necessaria nec maxime vtilia, nullus tenetur ad illa præstanda inimico: nam ad hoc, vt dicatur diligere inimicum, sufficit quòd illi non velit malum, & quod ei exhibeat obsequia necessaria & multum vtilia, modò non adsit scandalum.

Nullus ergo præcisè tenetur salutare inimicum, (quia hoc non debet etiam amico) nisi in casu scandalii inimici, aut instanti, vel nisi esset in tanta

au-

authoritate constitutus, ut illi salus debeat. Non tenetur etiam ipsum invitare ad conuiuium generale, quod tamen fecisset cessante inimicitia, nec orare pro eo quando orat pro amicis particularibus; nec ipsum diligere tanto amore, quanto diligebat eum antea, nec illi tot exhibere signa beneuolentiae; quia haec omnia sunt signa specialia amicitiae, quae sunt libera, sicut & habere liberam conuersationem cum illo. Quod semper intelligendum est cum exclusione scandali; unicuique enim mandatum est de proximo. Si vnus salutet alium; iste tenetur ad resalutandum, nisi esset tantae auctoritatis, ut iussu exigeret salutem, quam non teneretur reddere.

Quando ab inimico venia petitur humiliter, laesus debet illam conferre; ex Charitate enim debet facere id quod maxime conducit, ut proximus deponat inimicitiam; hoc tamen non esset verum, si probabiliter se exponeret periculo grauioris iniuriae: & hoc etiam non impedit quin satisfactionem exigit, non ex motu vindictae, sed ex affectu iustitiae; non tenetur enim cedere iuri suo. Si duo sibi mutuò offensam intulerint, qui prius offendit, prius debet petere veniam quia prius laesus & alter prius acquisiuit ius petendi satisfactionem; quod intelligitur, ceteris paribus; qui prius enim leuem iniuriam intulit, ex qua secuta est maior, non tenetur ad hoc.

## QVÆSTIO VII.

*Vtrum debeat esse aliquis ordo in actibus  
Charitatis?*

**M**ulta sunt obiecta, quae debent ex Charitate diligere, siue diligantur secundum se ut Deus, Angelus & Homo; siue diligantur in ordine ad alium, ut sanitas & gratia quam volumus amico, primò obiectum primarium Charitatis est Deus, ut diximus. 2. Debemus amare nos ipsos, non quidem amore amicitiae, qui est ad alterum, sed dilectione simplici. Debemus amare proximum & consequenter Angelos, quos Augustinus lib. de doctrina Christiana cap. 30. vocat proximos nostros; non verò daemones, nec damnati sunt ex Charitate diligendi, nisi quate-

E a nus



nus sunt entia à Deo creata; non autem vt damnati , quia à Deo separati sunt , & sic non possunt amari propter Deum. 4. Debemus ex Charitate corpus nostrum diligere, quia est pars nostri , & via quia est capax beatitudinis . 5. Peccatores sunt etiam amandi, quia sunt proximi nostri , qui ad beatitudinem pervenire possunt ; & sic illis optare debemus gratiam & gloriam. 6. Tenemur ex Charitate diligere inimicos, vt probabimus mox. 7. Licet creaturæ rationis expertes non possint directè amari ex Charitate, quia non sunt proximus noster, cùm non communicent nobiscum in natura intellectuali , nec sint capaces gratiæ aut gloriæ ; attamen possunt indirectè , tanquam media vtilia ad salutem proximi . Cùm ergo hæc omnia cadant sub præcepto Charitatis , & consequenter à nobis diligì debeant; quærimus, virum debeat esse aliquis ordo in Charitate nostra , ita vt vnum obiectum debeamus plus amare . quàm alterum ; postea visuri in sequenti quæstione , quænam obiecta sint alijs præferenda .

### CONCLUSIO PRIMA.

**D**Ebet reperiri aliquis ordo in Charitate , secundum quem tenemur vnum obiectum Charitatis perfectiùs diligere, quàm aliud.

Probari potest ex Matth. 22. *Hoc est primum & maximum mandatum: diliges Dominum Deum tuum* : debet ergo ; primò diligì Deus . Dum postea verò additur ; *Secundum autem simile huic ; diliges proximum tuum, sicut te ipsum* ; ex hoc habetur , quòd post amorem Dei , debeamus nos diligere , & postea proximum . Ratio huius clara est, quia conferendo Deum cum creaturis , & creaturas inter se , constat Deum in æstimatione infinitè excedere creaturas , & proinde longè perfectiùs debere amari . Constat etiam vnam personam deberi præferri alteri, cæteris paribus, v. g. Parentes extraneis personis , Regem subdito, & Rempublicam privato homini: cùm, inquam, talem ordinem recta ratio persuaheat, hoc etiam distat Charitas, quæ naturam non destruit , sed potius perficit .

CON.

## CONCLUSIO SECVNDA.

**I**lle ordo Charitatis, quo præferendus est Deus creaturis, & vna creatura alteri, est ex præcepto; & ipse ordo manebit aliquo modo in cælo.

Primum patet ex Scriptura, nam quando Matth. 22. habetur, *Diliges Dominum Deum tuum, & proximum sicut te ipsum*; præcipitur; quod primo ametur Deus, deinde nos ipsi, denique proximus. Cum etiam 1. Ioan. 3. habetur? *Nos debemus pro fratribus animas ponere*; præcipitur, ut salutem proximi præferamus vitæ propriæ. Dum rursus dicitur; ad Gal. 6. *Operemur bonum ad omnes, maxime ad domesticos fidei*; innuitur præceptum de præferendis melioribus, quod confirmatur ex 1. ad Timoth. 5. *Qui suorum & maxime domesticorum curam non habet, fidem negavit, & est infideli deterior.*

Secundum probatur ex 1. Cor. 13. *Charitas non excidit*: ergo manet Charitas in cælo & proinde ordo Charitatis, quo quilibet beatus volet maius bonum amore complacentiæ illi qui maius reuera possidebit. Eodem ordine magis appretiatiue Deus diligitur quocumque alio: Postea quilibet Beatus se magis diligit appretiatiue, & deinde illos qui sibi sunt coniunctiores, non quidem coniunctione procedente ex naturalibus, sed ex præstantiore coniunctione cum Deo per gratiam & gloriam, quæ coniunctio præponderat omnibus alijs affectibus naturalibus; quod non impedit tamen, quin amore aliquo accidentario minus sanctus diligatur propter antiquam vitæ huius honestam amicitiam,

ex D. Cypriano. Serm. de mortalitate: *Magnus illic nos expectat charerum numerus, parentum, fratrum & filiorum, ad horum conspectum venire quanta illis & nobis latinitia?*

## QVÆSTIO VIII.

*Quisnam sit ille ordo, qui extare debet in actibus  
Charitatis?*

**D**E fide est, Deum ex Charitate supernaturali debere plus diligere, quàm nos ipsos, aut quemcumquè proximum: tum ratione bonitatis, quæ infinita est in Deo & per essentiam, finita verò in qualibet creatura & per participationem: tum ratione modi quo præcepit Deus vt amaretur ab hominibus, *ex toto corde, ex tota anima & ex tota mente*. Ex quo inferunt Doctores, Deum plus alijs diligere debere, primò obiectiue, in quantum debemus illi velle maius bonum, nempe infinitum; secundò, appreciatiue, in quantum debemus Deum præferre omnibus creaturis; & tertio intensiue, saltem secundum Scotum in 3. Dist. 27. Sed. *De primo* dico; in quantum actu intensiori Deum diligere debeamus, quàm vllam creaturam. Contrarium tamen sentiunt omnes ferè Doctores, imò & noster Pontius alias Scotista. Quæst. 3. de natura Charitatis Concl. 2. Turma, inquam, Doctorem tenet, quòd vt ametur Deus super omnia & ex toto corde, sufficiat, si sincero corde omnibus præferatur, & addunt non esse verisimile quòd Deus præcipiat, vt homo amet Deum super omnia intensiue, cum multi probi homines videantur, qui centies mortem præferrent peccato; attamen aliquid intensius amant quàm Deum, v. g. filios.

## CONCLUSIO PRIMA.

**N**Edum ex charitate supernaturali Deum plus debemus diligere, quàm cætera omnia, de quo omnes conueniunt; sed etiam secundum inclinationem naturæ Deum præferre debemus nobismetipsis, & proinde omnibus. Hæc conclusio est D. Thomæ, Scoti in 3. Dist. 27. q. vn. & aliorum, contra D. Bonan. Albertum. Magn. & Gabrielem, putantes vnumquemque magis se diligere, quàm Deum secundum inclinationem naturæ.

Probatur hæc conclusio; Primo quia, si homo ex

na-

natura propenderet ad diligendum plus seipsum , quàm Deum. Charitas quæ inclinatur ad præferendum Deum sibi, repugnaret naturæ, quod falsum est; nam Charitas est instituta , ut perficiat hominem , ut est naturæ intellectualis ; ergo non ut destruat suam inclinationem intellectualem, qua inclinaretur ad se præferendum Deo. Secundò, quia lex naturalis præcipit ut amemus Rempublicam plusquam nos ipsos; ita ut moriamur, sit opus sit, pro illa conseruanda : ergo à fortiori debemus amare Deum plusquam nos, etiam ex præscripto solo naturæ , cùm ab illo plus pendeamus , quàm à Repub. Tertiò, quia omnis pars magis amat totum à quo dependet , quàm seipsam, ut patet de manu quæ se exponit periculo , ut totum conseruet: ergo debet creatura sibi præferre Deum cuius est pars & in quo conseruatur. Quod si filius se plus diligit, quàm patrem cuius est pars; hoc est, quia pater non est totum in quo contineatur filius, & à quo dependeat in conseruari .

Obijcies . Si ex inclinatione naturæ Deus est super omnia diligendus; ergo viribus naturæ , & sine gratia potest super omnia amari: quod tamen falsum est. Resp. si attenderetur pura voluntas hominis, & solum hoc præceptum de diligendo Deo super omnia, verum esset antecedens: si attendantur verò difficultates extrinsecæ quæ reperiuntur in obseruatione huius præcepti, ut potè passiones & concupiscentiæ, hoc præceptum non potest obseruari naturaliter. Si bonum proprium sit præferendum bono alieno , hoc verum est per respectum ad alia bona particularia , non verò ad bonum vniuersale , quale est Deus .

## CONCLUSIO SECUNDA.

**Q**uod bona spiritualia quæ necessaria sunt ad salutem, tenetur homo magis se diligere, quàm proximum; non verò quantum ad illa quæ non sunt ad salutem necessaria . Ratione primi quilibet tenetur sibi magis optare Fidem , Spem, Charitatem, gratiam, & perseverantiam, quam alteri: Et ratione secundi, non tenetur sibi optare donum virginitatis , Statum Ecclesiasticum ; nec gratias gratis datas , quæ dantur in utilitatem proximi . Primum habetur ex

E 4 Matth.



16. *Quid prodest homini, si uniuersum mundum lucratur?* Et ex Matth. 22. *Diliges proximum sicut te ipsum;* ubi dilectio sui est regula dilectionis proximi, & regula est prior regulato. Si 1. Cor. 13. habeatur, *Charitas non quarit qua sua sunt;* nocendo proximo, conc. quoad legitima; nego. Si Paulus Rom. 9. dicat; *Optabam esse anathema pro fratribus meis;* hoc est in foro externo, quantum ad commercium humanum: non in foro conscientiae & ex peccato. Si Moyses Exod. 32. dicebat; *Aut dimitte illis hanc noxam, aut dele me de libro uiuentium;* loquitur de libro uitae praesentis ex Hieron. vel de priuatione beatitudinis ad tempus ex Aug. vel loquebatur per exaggerationem, confidens quòd Deus illis parceret.

Ex hac assertionem multa concludit de Valentia; Primò quòd non liceat ullum peccatum committere propter salutem alterius nec etiam pro salute Communitatis, ex Augustino in Psal. 5. Secundò, quòd non liceat velle carere Gratia aut Charitate, vel in perpetuum, vel ad tempus, propter salutem alterius, nec etiam Communitatis. Tertiò, quòd non liceat velle carere beatitudine in perpetuum propter eandem rationem, esto dicat licitum esse velle carere illa ad tempus. Fundamentum illius petitur ex Matt. 18. *Quid prodest homini si uniuersum mundum lucratur; anima uerò sua detrimentum patiatur?* Quibus verbis dicit, Christum satis indicare, peruersum esse antepondere salutem propriae & proinde gratiae quae ad illam conducit, salutem aliorum. Et certè, si ideo tenetur homo ex Charitate optare salutem proximi, quia sibi coniunctus est à fortiori suam debet praeferre, cum sit sibi magis coniunctus, quam toti Communicati.

Si comparatio fiat inter bona corporalia sua & bona spiritualia alterius, tenetur quilibet praeferre bona spiritualia proximi suis bonis temporalibus; sicque in casu necessitatis exponere vitam suam pro salute aliorum, in hoc sequendo exemplum Christi, qui sic mortuus est, & iussit fieri similiter, Ioan. 15. *Hoc est praeceptum meum, ut diligatis inuicem sicut dilexi uos.* Vnde Augustinus lib. de mendacio cap. 6. ait; *Temporalem vitam suam pro aeterna uita proximi non dubitabit Christianus amittere.* Ratio sumitur ex hoc quòd sumus omnes membra eius corporis, cuius Christus

flus est caput; & quòd ratio distet, vnum membrum debere de facili expendere id quod sibi minùs vtile est, vt acquirat alteri id quod est illi vtilissimum.

Quòd ad bona temporalia quæ aliquis debet sibi optare & communitati cuius est pars; si fiat eiusdem rationis, debet quis magis diligere communitatem, quàm seipsum: Vnde quilibet ciuis pro salute Reipublicæ vitam exponere debet temporalem, quia bonum commune est præstantius bono priuato. Nec idem dicendum est de bono spiritali Communitatis & hominis priuati; quia priuatus homo pendet quidem à Communitate cuius est pars, quantùm ad bona temporalia, non verò quantùm ad bona spiritalia; sed tantùm pendet à Deo tanquam à causa principali, & à Christo vt à causa minùs principali, & sic licèt debeat antepondere bonum temporale Communitatis bono suo priuato temporali, cæteris paribus, tamen non debet præferre salutem communitatis suæ salutem propriæ, cùm salus non dependeat ab illa principaliter, sed tantùm instrumentaliter à Sacerdotibus qui sunt in illa. Cùm verò Christus etiam vt homo sit causa principalis, à qua pendet nostra salus, tùm in fieri, tùm in conseruari, tenetur quilibet magis diligere Christum, quàm seipsum & præferre illius salutem nostræ.

Si bona temporalia vnus priuati hominis comparentur cum bonis temporalibus alterius, tunc cæteris paribus, tenetur quis magis se diligere quàm proximum, & præferre sua bona temporalia bonis temporalibus proximi, ob maiorem scilicet coniunctionem quam habet secum. Ex hoc sequitur, quòd ex Charitate non debeamus exponere nostram vitam temporalem pro vita temporali alterius, ex D. Aug. cap. 6. lib. de Mendacio, dicente: *Si quis exponat vitam corporalem propriam pro vita corporali alterius, iam non diligit proximum sicut seipsum, sed plusquam seipsum, quod doctrina regulam excedit.* Licèt autem hoc non debeat fieri ex amore vitæ alterius, quæ est simile bonum vitæ propriæ, potest tamen fieri ob amorem virtutis, nempe generositatis & fortitudinis, quæ est bonum superioris ordinis: Vnde Aristoteles Ethic. cap. 8, dicit: *Qui pro alijs mortem obire conseruauerunt, eligunt quoddam magnum honestum sibi ipse.*

R. S.

In

In hoc conciliatur opinio Doctorum, quorum alij dicunt, non esse vitam aliorum anteponendam propriæ, & alij sustinent, licitum esse mori pro proximo. Adde quòd, si hoc vltimum non debeat fieri ex Charitate, fieri tamen potest ex amicitia, quam laudat in hac actione D. Ambrosius libr. 3. Offic. cap. 12. & Augustinus libr. de Amicitia cap. 10.

## QVÆSTIO IX.

*Quo ordine debeamus diligere proximos nostros.*

**E**X antecedentibus liquet, talem esse ordinem in actibus Charitatis per comparisonem Dei ad omnem creaturam, & per comparisonem nostri ad proximum. Primò debemus diligere Deum super omnia. Secundò debemus præferre nostra spiritualia bonis spiritualibus aliorum, etiam totius mundi. Tertiò debemus antepondere bona spiritualia proximi bonis corporalibus nostris. Quarò, præferri debet bonum corporale, Communitatis bono priuato. Quintò denique, præponere debemus priuatum bonum proprium priuato bono alterius, cæteris saltem paribus. Quia autem dilectio nostra tendere potest solum ad proximos, hic quaerimus, quo ordine illi sunt diligendi.

## CONCLUSIO.

**C**Um proximi nostri sint à nobis diligendi, quia nobis coniuncti sunt, & cum diuersimodè coniungamur cum illis; idè in dilectione nostra alij alijs sunt præferendi; non tantum quoad effectum externum, seu quantum ad signa & effectus amicitia; sed etiam quoad effectum internum, contra Dominicum Bannem, qui voluit affectum internum Charitatis debere esse parem effectum verè dissimilem. Sed hoc falsum est: sicut enim odium internum vnus proximi est grauius peccatum, vtpotè patris, quam odium alterius, ita debemus magis amare amore interno parentes, quam extraneos. Ex hac conclusione

Dico primò, Qui sunt meliores, sunt magis obiectiue,

ctiuè , æstimatiuè diligendi ; quia bonum quod possident , debet magis æstimari , quàm bonum aliorum quod est minus , & ille amor est complacentiæ , quo fauemus bono possesso proximi ; qui quidem amor non impedit , quominus amore desiderij possimus optare proximo maius bonum . Ratio assertionis petitur ex hoc , quòd vbi est maior bonitas , ibi est obiectum magis æstimatiuè diligendum . Vnde Deus magis amat meliores .

Dico secundò , Amore intensiuo & appretiatiuo magis diligendi sunt qui nobis sunt propinquiore ; quia amor intensiuus sumitur à persona , sicut æstimatiuus sumitur à dignitate obiecti : vnde quo magis nobis coniuncta est persona , eo intensiuè magis diligitur . Et ratio cur plus diligamus intensiuè res sensibiles , quàm spirituales est , quia obiecta sensibilia maiorem habent affinitatem cum sensibus nostris , & proindè cum intellectu & voluntate , cùm anima pendeat in operari à sensibus in hac vita .

Dico tertio in genere quòd , cæteris paribus , primò diligendus sit Pater , cùm ab eo acceperimus quicquid habemus . 2. Mater , à qua etiam ducimus originem , 3. Vxor , quæ vna caro reputatur cum Sponso 4. Filij , qui sunt coniunctiores , utpotè de substantia parentum . 5. Consanguinei cum suo ordine , ita vt præferantur extraneis & diligantur primò qui sunt coniunctiores . 6. Amici sunt magis diligendi inimicis . Dixi , cæteris paribus ; nam si v.g. Mater esset filio beneficentior patre in spiritualibus vel temporalibus , posset plus diligi . Si etiam pater compararetur ad Rempublicam , vel ad personam absolutè necessariam ad illam , pro qua & ipse Pater mori teneretur , postponendus esset pater .

Dico quartò , In extrema necessitate prius subueniendum est Patri aut Matri , quàm Filijs ; qui sicut Pater dedit Filijs esse , sic Filij debent reddere illud Parentibus , dum sunt suam ex stentiam amissuri . Extra casum tamen extremæ necessitatis , potius debent curare de filijs , quàm de parentibus ex 2. Corinth. 12. *Non debent filij thesaurizare parentibus , sed filijs ; Quia amor est instar ponderis . amor meus pondus meum .* ex Augustin. 13. Confess. cap. 9. Pondus verò suapte natura descendit , quod est causa , cur videamus communiter Parentes maiori affectu complecti Filios

E 6 quàm



quàm Patrem aut Matrem: quod non impedit, quin pietas & charitas magis tendat in parentes in extrema necessitate, & semper, quantum ad honorem & reuerentiam. Notant tamen Doctores inuersionem huius ordinis non esse peccatum mortale: modò absint contemptus & odium.

Dico quintò, patrem esse magis diligendum matre, ex Hieron. in cap. 41. Ezech. quia vir est caput mulieris, & pater nobilius concurrit ad generationem. Quantum ad coniugem; debet æstimatiuè plus diligere parentes altero coniuge; quia est maior dignitas in parentibus, à quibus accepit bonum sui esse, non à Coniuge: intensiuè verò debet præferre coniugem, vnde maiori affectu adherent sibi coniuges, quam parentibus. Ad Ephes. 5. *Vir diligit uxorem tanquam carnem suam*, & Matt. 19. *Iam non sunt duo, sed una caro*. Simulque habitare debent, illis dimissis, iuxta illud Gen. 2. *Relinquet homo patrem & matrem, & adheribit uxori suæ*. Porro, quantum ad subuentionem; in extrema necessitate, succurrere debet coniux parentibus prius quàm coniugi suo, secus extra necessitatem. Aliqui tenent coniugem esse postponendam filio; alij melius præferunt; quia si filius est coniunctus parenti, hoc est mediante coniuge quæ facit completum principium Filij. Deinde, 1. Reg. 5. Elcana sic consolatur Annam in sterilitate, *Numquid non ego tibi melior sum, quàm decem filij?*

Dico sextò, insignem amicum nullo modo esse præferendum patri aut matri, ex Arist. 8. Ethic. cap. ult. *Dij parentibusque non possunt reddi equalia*. Per respectum verò ad consanguineos, debet præferri insignis amicus, cui eximijs beneficijs deuincimur, illis etiam qui sunt in primo gradu; non enim illis debemus, quòd simus consanguinei, amicis autem debemus, quòd eximia illa beneficia dederint, vt potè defensionem vitæ aut conseruationem honoris: Vnde Augustinus vocat amicum dimidium animæ 4. Confess. 4. & Aristoteles ait 9. Ethic. 9. *Amicus est alter ego*. Quod intellige de consanguineis, vt sunt simplices consanguinei, non verò vt etiam amici sunt.

## CAPVT SECVNDVM.

*De effectibus Charitatis.*

**E**X Charitate multi effectus resultant, quorum alij sunt interni, alij externi. Inter primos, proximus & immediatus est amor actualis seu dilectio Dei proximi; & ex quo sequuntur Gaudium, Pax & Misericordia. Per *gaudium* intelligitur delectatio quædam interna in voluntate residens, qua ipsa voluntas delectatur, dum quiescit in Deo possesso per amorem; vnde ad Galat 5. Gaudium numeratur inter fructus Spiritus sancti, qui procedunt ex Charitate. Per *pacem*, intelligitur consensio appetitus sensitiui cum voluntate aliorum. Vnde dicitur de Iustis, Psalm. 118. *Pax multa diligentibus legem tuam*, & de peccatoribus Esai. 48. *Non est pax impij*; in se enim caro semper concupiscit aduersus spiritum, & ipsi cum alijs semper habent iurgia. Quod si iusti aliquando inter se dissentiant, vt Paulus & Barnabas Act. 15. sicut Hieronymus & Augustinus; dicendum est diuersitatem opinionum posse consistere cum vnione voluntatum. Per *Misericordiam* denique intelligitur dolor seu tristitia de malo alieno inuoluntario, apprehenso vt proprio, cum voluntate ipsum subleuandi. Alij dicunt, hunc actum esse à Charitate, quæ cum proximum diligit, ipsius mali miseretur: alij volunt quod si ille dolor se extendat ad malum poenæ, sit actus Misericordiz, quæ distinguitur à Charitate, à qua tamen imperatur; si verò se extendat tantum ad malum culpæ, sit actus Charitatis. porro actus externi Charitatis solemniores, sunt Eleemosyna & Fraternalis Correctio, de quibus nobis est agendum.

## QUESTIO PRIMA.

*De Eleemosyna.*

**Q**ui diffusè de Eleemosyna discurrere voluerit, habebit plurima, tum ex Patribus Græcis, Basilio in Concione super hæc verba Lucæ, *Destruam horrea mea*, Gregorio Nysseno Basilij fratre, oratione de pauperibus amandis, Gregorio Nazianzeno in Oratione de pauperum amore, & D. Chrysostomo lib. de Eleemosyna & Misericordia: tum ex Patribus Latinis, Cypriano lib. de Opere & Eleemosyna, Ambrosio lib. 1. de Officijs cap. 30. & ex Augustino Enchiridij cap. 69. Hic autem summè necessaria tantum tractabimus, nostræ breuitatis solitz semper memores.

Dico primò quòd Eleemosyna sit actus, quo damus alteri in miseria constituto aliquid, ad subleuandam illius necessitatem. Quod si hoc fiat ex amore Dei, est actus Charitatis; si fiat ex naturali compassione, est actus Misericordiz naturalis. Sicut miseria proximi duplex est, nempe corporalis & spiritualis, sic duplex est eleemosyna corporalis & spiritualis. Eleemosynæ corporales continentur hoc versu, *Visto, potò, cibo, tægo, colligo, condo: & spirituales isto, Consule, castiga, solare, remitte, ser, ora.* Hæc verba ex rudimentis Fidei patent. Notandum tamen est, præter has species Eleemosynæ, alias reperiri: sed istæ numerantur, tanquam præcipuæ.

Dico secundò, Eleemosynam multas conferre utilitates, quarum aliz sunt communes illi & omnibus virtutibus simul, aliz verò sunt ipsi propriæ. Primæ utilitates sunt, quòd habeat honestatem Virtutis, quòd habeat vim merendi, si fiat in gratia ob amorem Dei, & quod satisfaciat pro pœna debita peccato: Tria enim opera satisfactoria assignant Theologi loquentes de Pœnitentia, nimirum Orationem, Ieiunium & Eleemosynam. Utilitates propriæ eleemosynæ sunt, quòd remittat peccata, ab inferno liberet, & præseruet à peccatis, Tobiz 4. *Eleemosyna ab omni peccato & à morte liberat, i. æterna, & non patitur animam ire in tenebras, i. peccati.*

Dico

Dico tertio, Eleemosynam non habere vim remittendi peccata *ex opere operato*, ut habent Baptismus & Penitentia: quia si hoc esset, haberetur ex Scriptura, vel ex iudicio Ecclesiae explicantis Scripturam; Ecclesia autem tantum determinauit de Sacramentis, quod conferant gratiam *ex opere operato*; ergo ex natura sua Eleemosyna non delet peccatum. Non delet etiam per modum dispositionis praeuia, quae posita, gratia conferatur, & tollantur peccata, ut faciunt Contritio & Amor Dei super omnia; quia, posita Eleemosyna. & sublati actus cuiuscumque virtutis, gratia conferretur, quod falsum patet ex Paulo, 1. Cor. 13. *Si distribuero iu cibos pauperum omnes facultates meas, charitatem autem non habuero; nihil mihi prodest.*

Dico ergo 4. Eleemosynam conferre suos effectus impetratiue, & per accidens. Primo Impetratiue, quia cum recte sit, impetrat à Deo quasdam gratias actuales, quibus homo efficaciter movetur ad resurgendum à peccato, & perseverandum in bono. Secundo, per Accidens, quando nimirum Eleemosyna procedit ex actuali Dei amore, propter quem Eleemosyna erogatur. Hæc assertio, sicut præcedens, est contra illos qui tempore Augustini, dicebant, Eleemosynam promittere certam peccati remissionem & impunitatem, licet aliunde flagitiosa esset vita, ut ipse Doctor testatur 25. de Ciuitat. Dei, cap. 22. & 27. & fundabantur illi super contextum superius allatum Tobie, & in illo Danielis 4. *Peccata tua Eleemosynis redime.* Et Luc. 11. *Date Eleemosynam, & ecce omnia munda sunt vobis.* Quæ omnia debent intelligi, ut diximus impetratoriè, & per accidens, non formaliter & per se.

Dico 5. Eleemosynam esse sub præcepto Diuino, Eccl. 14. *Eleemosynam pauperis ne defraudes:* Et postea, *Declina pauperis sine tristitia aurem tuam, & redde debitum tuum.* Ratio assertionis petitur ex natura Charitatis, ad quam pertinet, non solum velle bonum proximo; sed etiam illi bonum facere, ex Ioann. 5. *Non diligamus verbo neque lingua, sed opere & veritate.* Adde quod, si Eleemosyna non esset præcepta sub peccato mortali, non diceret Christus Iepiobis, Matth. 25. *Discedite maledicti, &c. Esuriui enim, &c.* Non obligat tamen hoc præceptum, si non

ha-



habeas unde des Eleemosynam; vel si habeas, & non cognoscas necessitatem pauperis; vel si habeas, & cognoscas, credis tamen alium subleuaturum esse pauperem; vel denique, si cum his omnibus, non possis subuenire pauperi in extremis degente, nisi illa erogando quæ tibi vel parentibus in pari necessitate positus necessaria sunt. Porro, Eleemosyna est etiam de Iure Naturali, sicut & proximi dilectio iuxta illud principium, *Quod tibi vis fieri, & alteri feceris*.

Dico 6. Quemlibet teneri facere Eleemosynam proximo in extrema necessitate constituto, modò illa necessitas nota sit; non tantum ex relatione indigentis, qui suspectus est in sua causa; nec Parochiani aut Confessarii, qui potuerunt decipi; sed ex assertione alicuius, qui talem necessitatem viderit: In dubio tamen inquirendum est de illa. An extra illam necessitatem quis teneatur Eleemosynam largiti? Ut ad hoc respondeatur, notandum est, quod bona ex quibus fieri potest Eleemosyna, vel sunt necessaria vitæ dantis, vel sunt superflua vitæ & necessaria ad eius statum, vel superflua tum vitæ, tum statui. Si bona sint necessaria vitæ, nullus tenetur illa erogare proximo, Charitas enim à seipso incipit; si tamen indigens sit persona publica, necessaria ad salutem Communitatis, & in extrema necessitate posita, tunc debet illi subueniri de bonis necessariis propriæ vitæ.

Dico 7. Quantum ad bona quæ sunt superflua vitæ & statui, 1. ad conseruandum decenter suum statum, aliqui tenuerunt non debere fieri Eleemosynam ex illis bonis, ex præcepto, nisi in extrema aut quasi extrema necessitate, extra quam dixerunt, illam esse tantum de consilio. Sic Alensis, Turrecremata, Panormit. Antonin. Durandus & alij: Nos verò cum D. Thoma, Caietano, Abulensi, Lyrano & multis, dicimus, diuitem habentem superflua, neque ad vitam, neque ad decentiam status necessaria, teneri sub peccato mortali erogare de illis, pauperibus, non tantum in vera, sed communi paupertate existentibus. Quia diuisio rerum de communi gentium usu introducta cederet in præiudicium pauperum, si diuites habentes superflua non tenerentur de illis erogare pauperibus. Adde quòd ille non censeretur amare proximum, quem videret necessitate communi pressum, si illi non succurreret de superfluis naturæ, & statui. Et hoc

hoc insinuat D. Thomas, 2.2. Quæst. 32. Art. 5. dum dicit, dare Eleemosynam de superfluo esse in præcepto, & dare Eleemosynam in extrema necessitate, quæ duo distinguit.

Dico 8. aliam esse contrarietatem inter Doctores quoad bona quæ sunt superflua naturæ, & necessaria statui: Alij enim tenent de talibus bonis non esse necessariò faciendam Eleemosynam neque in graui, neque in communi necessitate, sed tantum in extrema. Sic Bonac. Disp. 3. Quæst. 6. Puncto 6. Num. 1. ubi plures authores allegat: Valentia verò cum alijs Disp. 3. Quæst. 9. de Eleemosyna Puncto 4. tenet quòd in graui necessitate proximi, licet non extrema, debeat fieri Eleemosyna de bonis statui suo necessarijs, quando quis minori suo incommodo notabile proximi incommodum auertere potest: Charitas enim & amicitia Christiana violaretur, si amicus non auerteret graue incommodum amici, cum leui tantum suo incommodo. Per *grauem necessitatem* prædictus author intelligit illam, quam patiuntur ij, quibus immineret longa incarceration, captiuitas, magna calamitas, vel si aliqui exciderent à sua dignitate.

Dico 9. ex præcepto Charitatis faciendam esse Eleemosynam omnibus siue sint amici aut inimici, siue fideles aut infideles; Deus enim *Salem suum orbi facit super iustos & iniustos*. Hoc est contra Vvicleffum solis iustis Eleemosynam fieri volentem, ex Eccl. 12. *Bene fac humili, & ne dederis impio*: Sed hoc intelligitur de impio, ut impius est, non ut proximus: id est ne des impio Eleemosynam, ut per illam foueatur in impietate. Licet inimicis priuatis danda sit Eleemosyna, nisi ex hoc tibi immineat incommodum; inimicis tamen Reipub. etiam in extremis non est eroganda, si periculum sit ut illi noceant. Non satisfacit huic præcepto, qui laboranti necessitate extrema dat aliquid, non gratis, sed ratione mutui aut contractus; quia non sufficit ut succurratur necessitati alterius quocumque modo fiat, siue Eleemosyna, siue mutuo, ut vult Adrianus; sed necesse est, ut hoc fiat per actum præceptum, nempe per Eleemosynam, cuius aliter præceptum destrueretur: aliàs non teneretur ieiunare, qui per alias afflictiones corpus suum maceraret. Si tamen aliquis esset tantum pauper Parisijs & diues

Lug-

Lugduni, sufficeret pro tunc mutuum: Si etiam aliquis indigeat tantum aliqua re, usu non consumptibili, ut equo, veste, lecto, &c. mutuum sufficit; secus de re consumptibili usu, ut potu & cibo. Idem dicendum, si indigeat tantum pro tali tempore, & non pro alio, v. g. si quis à latronibus captus indigeret centum nummis. ut liberaretur, quos tamen deus facili posset recuperare. Porro, qui non dedit Eleemosynam, non tenetur restituere, quia talis obligatio oritur tantum ex præcepto iustitiæ: deinde, præterita necessitate ipsa cessat obligatio: Vnde nec tenetur extinguere debitum quod cum alijs contraxit pauper, dum erat necessitate pressus. Quod ad Ecclesiasticos, habentes bona Ecclesiæ; si de illis non faciant Eleemosynam, credunt aliqui, ipsos ad restitutionem teneri, quia illam debent ex iustitia, in quantum, licet sint domini fructuum quos percipiunt, quo ad eam partem quæ est necessaria ad status sui honestam sustentationem; tamen sunt tantum dispensatores, quo ad aliam partem, quæ est superflua personæ & statui: Vnde, si illam non expendant in pia opera, ad restitutionem tenentur. Sic Alensis, Paludanus, Maior, & inter alios Nauarrus, qui hoc conatur probare in Tract. de redditibus Eccle. Alijs hæc opinio rigidior videtur; unde dicunt, Beneficiarios esse dominos bonorum suorum, & sic debere quidam superflua personæ & statui expendere in pias causas sub peccato mortali, non tamen teneri ad restitutionem, si hoc non faciant. Sic cum plurimis D<sup>r</sup> Thomas.

Dico 10. Eleemosynam debere fieri ex bonis proprijs, quia est actus dominij; in extrema tamen necessitate, ubi bona propria defunt, fieri potest ex alienis, quia tunc omnia sunt communia. Qui habet bona aliena sibi deposita, potest illa dare in extrema necessitate, absque obligatione restituendi, modo non habeat propria, ob rationem allatam. Qui non habet propria, potest capere aliena, ut subueniat alteri in extrema necessitate; quia iste alienum capere posset, nec ullus istorum tenetur ad restitutionem, quia illa bona debentur pauperi. Meretrix quæ premium meretricij accepit, potest de illo bono Eleemosynam erogare, quia acquisiuit dominium eius per voluntatem dantis. De bonis quæ acquisiuit Simo-

nia-

niacus per Simoniam, fieri potest Eleemosyna; quia illa non sunt acquirentis, nec debent restitui illi qui ea dedit, quia dignus est, ut in poenam criminis illis priuaretur: Ergo possunt tradi pauperibus.

Dico vltimò, Eleemosynam posse fieri ab illis qui habent dominium, seu plenam administrationem bonorum temporalium, & ab eis qui consensum habent ab illis, siue expressum, siue tacitum. Ex quo sequitur, Prælatos Religiosorum, habentium administrationem bonorum quæ illis elargita sunt, posse ex eis facere Eleemosynam, licet apud Mendicantes non habeant dominium. Hoc possunt etiam facere Religiosi inferiores cum consensu saltem tacito Superioris, secus non possunt; imò si ipso inuito, donent notabilem quantitatem bonorum Monasterij alicui externo, peccant mortaliter; & dans & recipiens tenentur ad restitutionem, quia ille iniuste dedit, iste iniuste accepit; tenetur reddere Monasterio rem, si extet, vel id in quo factus est ditior, si non extet; ille verò tenetur admonere recipientem, ut restituat; vel, si non velit, tenetur curare specialiter ut resarciatur bonum Monasterij. Filius, Vxor, & Seruus possunt de bonis Patris, Mariti & Domini dare aliquid cum consensu eorum saltem tacito; & sine consensu, potest Vxor dare de suis bonis Paraphernalibus, non de dote, cuius administratio ad Maritum spectat; imò, si Maritus nolleret dare Eleemosynam, deberet illam facere Vxor de bonis communibus sibi & sponso. Filius potest inuito Patre, elargiri de bonis Castrensis, aut quasi Castrensis. Per bona Castrensis, intelliguntur illa quæ Filius acquisiuit in bello, vel ex donatione Regis: per quasi Castrensis, intelliguntur ea quæ habet priuilegium bonorum Castrensis, ut quæ acquiruntur ex officio publico, v.g. Aduocati, Iudices, Medici, Professores alicuius scientiæ, ex beneficio, & ex exercitio septem artium liberalium. Serui denique, de bonis quæ sibi acquisierunt, consentiente domino, possunt tradere. Tutores & Curatores moderatas Eleemosynas possunt elargiri de bonis Pupillorum, quorum administrationem habent; hoc enim est conforme rationabili dominorum voluntati, in quorum vtilitatem vergit Eleemosyna. Ille, cuius bona sunt ipso facto addita Fisco ob crimen,



men, potest ante sententiam Iudicis, de illis elargiri, saltem quantum exigit necessitas pauperis; quia ante illam Sententiam potest illa insumere in sui & familiz sustentationem; cum nondum careat dominio; ergo necessitati potest aliquid distribuere, modò hoc non fiat in fraudem Fisci. Sic Bonacina contra Becanum.

## Q V Æ S T I O II.

*De correctione Fraternali.*

**P**ER Correctionem Fraternali, intelligitur actus externus Charitatis, quo quis subuenit necessitati spirituali proximi, nitendo ipsum reuocare a peccato ad virtutem per sermonem ad id idoneum. Differt à correctione iuridica in hoc, quòd correctio iuridica primò & per se ordinatur ad bonum communis, cuius scandalum reparatur per punitionem; Correctio verò Fraternalis tendit in bonum peccantis. Corruptio & Correctio pro eodem actu sumuntur, licet in rigore Latinitatis, Corrumpere sit impellere efficaciter ad bonum & reuocare à malo, ex Eccles. *Perniciosi difficile corriguntur*; Corripere autem sit tantum eniti emendare proximum verbis, reprehendendo scilicet, vel hortando, vel increpando, vel docendo, siue emendatio actualis sequatur, siue non.

Dico primò, correctionem fraternam esse de Iure Naturali & Diuino. Primò est de Iure Naturali, sicut Eleemosyna, cuius est species natura enim postulat ex 1. Cor. 12. *ut, Si quid patitur unum membrum, compatiuntur omnia membra*. Secundò est de Iure Diuino, Leuitici 19. *Non oderis fratrem tuum in corde tuo, sed publice argue eum, id est aperte*. Eccli. etiam 19. *Corripe amicum, ne iterum addat facere*. Denique Luc. 17. *Si peccauerit in te frater tuus, corripe illum*. Vbi, Notandum quòd particula, *in te*, duplicem sensum habeat apud Expositores, modò enim idem est, ac *contra te*, & modò idem sonat ac *te sciens*. Correctio ergo ex his censetur præcepta sub peccato mortali, modò adsint certæ quædam circumstantiæ de quibus postea: quod est contra illos: qui apud Augustinum Lib. de Correctione & Gratia Cap. 3. nolebant corripì. Hanc necessitatem Correctionis Fraternalis perbellè

bellè insinuat Augustinus, Serm. de Verbis Domini dicens; *Si peccauerit in te frater tuus, corripe illum inter te & ipsum solum; si neglexeris, prior es; Ille iniuriam fecit, & iniuriam faciendo, graui seipsum vulnere percussit: Tu vulnus fratris tui contemnis? Tu eum vides perire, & negligis? Prior es tacendo, quam ille conuiciando.*

Dico 2. Quandoquidem Correctio Fraternalis est de Iure Naturali, ad eam consequenter tenentur omnes, nedum Christiani, sed etiam infideles; qui nisi per ignorantiam inculpabilem, vel per inaduertentiam excusentur, peccant mortaliter, correctionem omittendo; quia ad præcepta Iuris naturæ tenentur infideles. Licet omnibus incumbat corrigendi proximum necessitas, hæc tamen magis spectat ad Superiores & Prælatos, qui ex officio debent, nedum corrigere peccata, cum illa cognoscunt, sed etiam de illis inquirere, cum sint instituti animarum vigiles, iuxta dictum D. Gregorij Epist. 52 ad Ioannem Episc. Constantinop. *Quæ potest esse Pastoris excusatio si lupus oues comedit, & Pastor nescit?* Correctio etiam specialiter debet fieri à viris Religiosis, qui profitentur se in negotio salutis operum latuors proximo. Inter alios denique, eò strictius tenemur ad corrigendum proximum, quo nobis est coniunctior; ordo enim correctionis sequitur ordinem Charitatis. Inferiores tenentur corrigere Superiores humili & deprecatorio sermone, licet non habeant auctoritatem super illos; quia talis correctio non est iuridica, sed fraternalis. Adde quòd illa superioritas non impedit, quin sint alter alterius membra, & quin teneantur se inuicem diligere. Non solum iusti, sed & peccatores ad corrigendum tenentur, ob rationes allatas; & quia peccatum mortale non liberat ab obseruatione mandati alterius: Ob hoc optimè dicitur à Scoto, quòd non teneatur præcisè peccator ad poenitentiam sui criminis, vt corrigat alienum. Quòd si Christus dicat, *Matth. 7 Hypocrita! eijce primum trabem de oculo tuo; & tunc videbis eijcere fessucam de oculo fratris tui*; per hoc arcetur illorum modus corrigendi, qui non reprehendebant alios sincerè & ob bonum finem, sed per hypocrisim & superbiam, vt sanctiores alij apparerent.

Dico 3. sequentes circumstantias requiri, vt quis  
tenea-

teneatur ad correctionem fraternam. Primò, debet scire certò, vel saltem probabiliter peccatum; nec tenetur priuata persona sed bene Prælatus, inquirere de peccato proximi. Secundò, correctio non est necessaria quando scitur quòd peccator resipuerit. Tertiò, debet esse spes emendationis; qui enim certò, aut probabiliter scit se nihil effecturum esse per correctionem, ab illa dispensatur; & multò magis si sciat per correctionem delinquentem fieri deteriore. Quartò, cum quis nouit peccatorem se esse emendaturum sponte sua, vel per correctionem alterius. quam probabiliter scit esse futuram, tunc à correctione liberatur; sicut nec ille tenetur ad Eleemosynam faciendam pauperi, quem prouidet esse subleuandum ab alio; quia tunc non indiget iste tua Eleemosyna, nec ille tua correctione. Quintò, non tenetur quis corrigere pro tali, aut tali tempore, si prouideatur, quòd in alio efficacior erit correctio. Sextò peccatum debet esse mortale, vel veniale aliquod; ex quo sequatur scandalum, vel occasio proxima peccandi mortaliter. Quoad peccatum ergo veniale simplex, nemo tenetur ad illius correctionem sub peccati mortalis pœna; quia præceptum Christi de corrigendo proximo intelligitur per respectum ad peccatum mortale; dicit enim Christus, Matth. 18. *Si te audierit, lucratus eris fratrem tuum*, nimirum qui perierat per peccatum mortale, & addit, *Si te non audierit, sit tibi tanquam ethnicus & publicanus*; quod non fieret, nisi propter peccatum mortale. An autem teneamur saltem sub peccato veniali corrigere proximum peccantem venialiter; negat Bannes; quia fieri nequit ut absteineatur à peccato veniali. Sed melius affirmant Nauarrus & Valentia; quia sicut debes amouere à proximo leue damnum temporale, & hoc ex Charitate; à fortiori leue damnum spirituale amouere debes. Deinde, quisque deberet respectu sui velle se immunem facere à peccato veniali, & hoc sub pœna peccati venialis: ergo idem velle debet respectu proximi. Nec ratio allata vrget; nam licet sit in nobis quædam necessitas cadendi in peccata venialia; tenemur tamen hoc vel illud determinatè vitare; & sic debemus facere, ut per correctionem fraternam proximus noster illud & illud peccatum veniale deuitet.

Dico

Dico quartò , modum quo communiter debeat fieri correctio , traditum fuisse à Christo , Matth. 18. *Si peccauerit in te frater tuus , uade & corripe eum inter te & ipsum solum ; si te audierit , lucratus eris fratrem tuum : si te non audierit , adhibe tecum adhuc unum vel duos , ut in ore duorum vel trium testium stet omne verbum . Quod si non audierit eos , dic Ecclesia ; si autem Ecclesiam non audierit , sit tibi tanquam Ethnicus & Publicanus .* Per hæc verba Christus non tulit distinctum præceptum à præcepto naturali de corrigendo proximo , nec distinctum modum corrigendi ; quia sic correctionem fieri docet natura , & doceret vir prudens , si tale præceptum non extaret , ut emendaretur proximus & conseruaretur proximi fama ; sed præceptum naturæ tantum explicauit Christus . Fatentur enim Theologi , Christum Dominum nihil addidisse ad præcepta naturæ , nisi explicationem , sed tantum præceptis ipsius naturæ subiunxisse præcepta de Fide & Sacramentis . Dixi in assertionem , hunc corrigendi modum esse obseruandum communiter ; possunt enim reperiri casus in quibus prætermitti potest ille ordo ; v. g. si peccatum sit publicum , publica potest fieri correctio : Si peccatum cedat in damnum communis & periculum sit in mora , nec speretur statim emendatio ex correctione secreta : Quando peccatum occultum cedit in maius detrimentum alicuius , quàm sit fama delinquentis , ut porè si machinetur mortem eius , nec sit spes quòd desistat , nisi admonendo Superiorem : Quando peccatum est ita contagiosum , ut se citius disseminet , nisi illicò potestas Superioris interueniat . Sunt & alij casus in quibus prudentia distat prætermitti debere admonitionem priuatam , ut si probabiliter sciatur , ipsam non esse profuturam .

Dico quintò . Quando aliquis tantum dubitat , an correctio sit profutura , debet facere correctionem , sicut Medicus debet adhibere medicamentum , de cuius vtilitate dubitat . Si autem dubitet , nedum an profutura sit correctio , sed etiam an obfutura , prouidendo quòd sic correctus ad maximam iracundiam prouocabitur , & aliquando ad blasphemiam , pro tunc omittenda est ; sicut Medicus non debet porrigere pharma cum quod dubitat obfuturam . Si quæzratur , an quis debeat corripere proximum ,  
etiam



teneatur ad correctionem fraternam. Primò, debet scire certò, vel saltem probabiliter peccatum; nec tenetur priuata persona sed bene Prælatus, inquirere de peccato proximi. Secundò, correctio non est necessaria quando scitur quòd peccator resipuerit. Tertiò, debet esse spes emendationis; qui enim certò, aut probabiliter scit se nihil effecturum esse per correctionem, ab illa dispensatur; & multò magis si sciat per correctionem delinquentem fieri deteriore. Quartò, cum quis nouit peccatorem se esse emendaturum sponte sua, vel per correctionem alterius. quam probabiliter scit esse futuram, tunc à correctione liberatur; sicut nec ille tenetur ad Eleemosynam faciendam pauperi, quem prouidet esse subleuandum ab alio; quia tunc non indiget iste tua Eleemosyna, nec ille tua correctione. Quintò, non tenetur quis corrigere pro tali, aut tali tempore, si prouideatur, quòd in alio efficacior erit correctio. Sextò peccatum debet esse mortale, vel veniale aliquod; ex quo sequatur scandalum, vel occasio proxima peccandi mortaliter. Quoad peccatum ergo veniale simplex, nemo tenetur ad illius correctionem sub peccati mortalis pœna; quia præceptum Christi de corrigendo proximo intelligitur per respectum ad peccatum mortale; dicit enim Christus, Matth. 18. *Si te audierit, lucratus eris fratrem tuum*, nimirum qui perierat per peccatum mortale, & addit, *Si te non audierit, sit tibi tanquam ethnicus & publicanus*; quod non fieret, nisi propter peccatum mortale. An autem teneamur saltem sub peccato veniali corrigere proximum peccantem venialiter; negat Bannes; quia fieri nequit vt abstinenceatur à peccato veniali. Sed melius affirmant Nauarrus & Valentia; quia sicut debes amouere à proximo leue damnum temporale, & hoc ex Charitate; à fortiori leue damnum spirituale amouere debes. Deinde, quisque deberet respectu sui velle se immunem facere à peccato veniali, & hoc sub pœna peccati venialis: ergo idem velle debet respectu proximi. Nec ratio allata vrget; nam licet sit in nobis quædam necessitas cadendi in peccata venialia; tenemur tamen hoc vel illud determinatè vitare; & sic debemus facere, vt per correctionem fraternam proximus noster illud & illud peccatum veniale deuitet.

Dico

Dico quartò , modum quo communiter debeat fieri correctio , traditum fuisse à Christo , Matth. 18. *Si peccauerit in te frater tuus , vade & corripe eum inter te & ipsum solum ; si te audierit , lucratus eris fratrem tuum : si te non audierit , adhibe tecum adhuc unum vel duos , ut in ore duorum vel trium testimonium stet omne verbum . Quod si non audierit eos , dic Ecclesia ; si autem Ecclesiam non audierit , sit tibi tanquam Ethnicus & Publicanus .* Per hæc verba Christus non tulit distinctum præceptum à præcepto naturali de corrigendo proximo , nec distinctum modum corrigendi ; quia sic correctionem fieri docet natura , & doceret vir prudens , si tale præceptum non extaret , ut emendaretur proximus & conseruaretur proximi fama ; sed præceptum naturæ tantum explicauit Christus . Fatentur enim Theologi , Christum Dominum nihil addidisse ad præcepta naturæ , nisi explicationem , sed tantum præceptis ipsius naturæ subiunxisse præcepta de Fide & Sacramentis . Dixi in assertione , hunc corrigendi modum esse obseruandum communiter ; possunt enim reperiri casus in quibus prætermitti potest ille ordo ; v. g. si peccatum sit publicum , publica potest fieri correctio : Si peccatum cedat in damnum communis & periculum sit in mora , nec speretur statim emendatio ex correctione secreta : Quando peccatum occultum cedit in maius detrimentum alicuius , quàm sit fama delinquentis , ut porè si machinetur mortem eius , nec sit spes quòd desistat , nisi admonendo Superiorem : Quando peccatum est ita contagiosum , ut se citius disseminet , nisi illico potestas Superioris interueniat . Sunt & alij casus in quibus prudentia distat prætermitti debere admonitionem priuatam , ut si probabiliter sciatur , ipsam non esse profuturam .

Dico quintò . Quando aliquis tantum dubitat , an correctio sit profutura , debet facere correctionem , sicut Medicus debet adhibere medicamentum , de cuius vtilitate dubitat . Si autem dubitet , nedum an profutura sit correctio , sed etiam an obfutura , prouidendo quòd sic correctus ad maximam iracundiam prouocabitur , & aliquando ad blasphemiam , pro tunc omittenda est ; sicut Medicus non debet porrigere pharma cum quod dubitat obfuturam . Si queratur , an quis debeat corripere proximum ,  
etiam

etiam quando imminet periculum vitæ: Alij negant, ad se trahentes Augustinum lib. 1. de Ciuit. Dei c. 9. dicentem, quosdam iustos amore propriæ vitæ omittere interdum correptionem: Alij affirmant; quia ex ordine Charitatis debet præferri vtilitas spiritualis proximi vitæ corporali propriæ. Nos melius, ni fallor, distinguimus, asserentes in extrema necessitate, vbi euidenter salus proximi periclitatur, Correctionem Fraternali debere fieri, si illa præuideatur absolutè necessaria: extra tamen illam necessitatem, potest non fieri cum dispendio vitæ; quia licet aliquis sit actu in peccato mortali, alia via quàm per Correctionem Fraternali potest emendari, nimirum per inspirationes Diuinas.

## CAPVT TERTIVM.

*De Vitij oppositis & charitati.*

**M**ulta sunt Vitia quæ directè vel indirectè opponuntur Charitati, nempe Oidium Dei aut proximi, Acedia, Inuidia, Discordia, Contentio, Rixa, Seditio, Scandalum, Schisma, & Bellum. De tribus vltimis diffusius loquemur; de primis pauca tantum, cum sint exigui momenti. Odium duplex est, Dei & proximi; & vtrumque opponitur directè Charitati, quam debemus habere erga vtrumque. In odio Dei, paruitas materiæ non excusat à peccato mortali; quia quilibet talis actus pugnat cum bonitate diuina, quæ infinita est: in odio verò proximi excusat paruitas à tali peccato.

Acedia est quædam tristitia voluntatis afferens negligentiam in operibus dilectionis, & opponitur Charitati; quia sicut proprium Charitatis est afferre gaudium in exercitio actionum quæ concernunt amorem Dei & proximi; sic proprium Acediæ est iustitiam afferre in his actibus, Acedia est peccatum mortale ex suo genere, posita grauitate materiæ & plena deliberatione; nam 2. Cor. 7. Paulus dicit; *Tristitia sæculi mortem operatur*. Si tamen quis tristeretur de aliquo bono spirituali, non secundum se & absolutè, sed propter circumstantiam aliquam, siue loci, aut temporis, à mortali excusaretur; vt potest si tristeretur quod ieiunandum sit tali tempore, Remedium

dium contra hoc vitium capitale vtilissimum, est quòd sine mora aggrediamur faciendum opus quod instat. Porro Acedia habet pro obiecto bonum, non in se, sed quatenus molestum est.

Invidia est inordinata tristitia, qua quis dolet de bono proximi, quatenus videtur diminuerè propriam excellentiam invidentis. Dicitur primò, *inordinata tristitia de bono proximi*; quia si occasione boni proximi aliquis tristetur, non quòd proximus habeat tale bonum, sed quòd careat tanto bono, sibi tale bonum cupiens, sine præiudicio alterius, non est Invidia, nec pauperes in hoc sunt invidi; quia non est tristitia inordinata. Sicut nec quando videns proximum virtute præditum, quis tristatur, quòd talem virtutem non habeat; imò tunc est sancta æmulatio. Qui etiam tristatur quòd proximus habeat aliquod bonum temporale, cuius est indignus, non propriè habet invidiam. Dicitur 2. *Quatenus videtur diminuerè propriam excellentiam*; quia si quis tristetur de bono proximi, quatenus eius persona displicet, non est invidia, sed odium proximi; Invidia autem quis tristatur de bono proximi, quatenus videtur diminuerè propriam excellentiam; ut dum quis dolet de virtute aut doctrina alicuius, quia aliena virtus videtur diminuerè de sua propria. Porro, invidia, quæ ex se est peccatum mortale, eo modo quo diximus de Acedia, opponitur Charitati; quia sicut Charitas affert gaudium de bono proximi, invidia affert tristitiam.

Discordia est dissentio voluntatis vnius à voluntate alterius cum quo tenetur consentire; v. g. si Petrus velit assequi bonum; tu verò non cupias, ut ipse assequatur: & hoc vitium opponitur paci, quæ est effectus Charitatis. Contentio est altercatio quædam verborum cum proximo ad impugnandam veritatem quam ipse sustinet; quod etiam opponitur paci. Rixa est priuatum quoddam bellum inter personas ex odio resultans; odium enim suscitatur rixas. Prou. 10. Dicitur rixa à ringendo; quia sicut canes ex ira sibi inuicem excandescunt dicuntur ringi, sic & homines. Hæc omnia esse peccatum mortale ex suo genere, patet ex D. Paulo ad Galat. 5. *Contentiones, ira, rixa, dissensiones, & his similia, regnum Dei non possidebunt*. Seditio denique est quædam dissentio inter

Boynin Theolog. Pars IV.

E ciuca,



ciues, dicta ab his duobus vocabulis, *Scorsim*, & *itis*; quia aliqui ciues in dissensione dicuntur *scorsim* ire: Hoc vitium, quod opponitur paci politicæ, est ex suo genere peccatum mortale ex parte commouentis seditionem, sicut rixa ex parte rixantis, non verò ex parte illius qui inuaditur. Superest vt loquamur diffusius de Schismate, Scandalo & Bello.

## QVÆSTIO PRIMA.

### *De Schismate.*

**N**omen Schismatis venit à nomine Græco *χίσμα* quod scissionem significat; ita quòd Schisma, vt hic sumitur, nihil aliud sit, quam quædam separatio ab Ecclesia, quæ est vna; & non habet nisi vnum caput, à quo omnia membra dependent in actionibus spiritualibus quæ ab ipso corpore mystico depēdent, puta in doctrina Fidei, in Cultu, in Legibus, &c. Vnde qui ab Ecclesia aut ipsius Capite se separat, dicitur Schismaticus à Schismate.

Dico primò: Schisma est voluntaria discessio; qua quis se subtrahit ab vnione Ecclesiæ. In Ecclesia est duplex vnio. Vna est vnio membrorum Ecclesiæ seu Fidelium inter se, quatenus scilicet conueniunt in Fide, in Cultu, & alijs actionibus: alia est vnio membrorum Ecclesiæ cum suo Capite, i. cum Pontifice, cui obedire tenentur Fideles, & à quo si separentur, vt est caput Ecclesiæ vniuersalis, dicuntur Schismatici. Ex hac duplici vnione facile conciliantur authores, quorum aliqui dicunt Papam posse esse Schismaticum, alij negant, dicendo scilicet quod si Schisma sumatur pro diuisione membrorum Ecclesiæ inter se, pro tunc Papa potest esse Schismaticus (saltem in opinione eorum qui dicunt Papam posse fieri hæreticum) quia Papa est taliter caput Ecclesiæ, vt sit etiam membrum; & proinde, in illorum opinione, posset se separare à communi fidelium cœtu, sicque fieri Schismaticus; Si sumatur verò Schisma pro separatione à Capite Ecclesiæ, non potest fieri Schismaticus, quia non potest se separare à se ipso.

Dico

Dico secundò, quia Schismaticus communiter se separat à Summo Pontifice, vt est caput vniuersalis Ecclesiæ; ideo nec Religiosus se subtrahens ab obedientia Superioris, nec subditus negans Principem, nec populus Episcopo obedire non volens, sunt propriè Schismatici. Sicut nec qui separantur per peccatum mortale à Charitate Ecclesiæ, quia non est propria separatio; cùm maneant semper in fide & in voluntate obediendi Summo Pontifici; nec qui separantur ab Ecclesia per excommunicationem, quia illa separatio non est voluntaria. Qui ob iniuriam à Summo Pontifice passam, ipsius præceptis obedire negat, non est Schismaticus; quia illa rebellio non fit Summo Pontifici, vt Pontifex est, sed oritur ex vindicta in personam Pontificis, quem semper agnoscit Pastorem vniuersalis Ecclesiæ. Non est etiã Schismaticus, qui præceptum Pontificis exequi recusat, in quantum est nimis difficile; modò nil faciat quò ostendat indirectè, se velle subtrahere ab obedientia Pontificis; quia obedientiam non negat Pontifici, vt Pontifex est, inquit D. Thomas, Caietanus, & alij. Iste non est Schismaticus, qui se abducit ab obedientia Pontificis, quem probabiliter tenet non esse canonicè electum; benè autem illi qui se vel alios à Summo Pontifice auocarent, aut non vellent communicare cum ouibus Summi Pontificis, aut Synodos generales contra ipsius voluntatem celebrare intenderent.

Dico tertiò quòd Schisma differat ab Hæresi; primò, quia Hæresis opponitur Fidei, & Schisma opponitur Charitati: nam per Charitatem debemus velle proximo bonum; sed vnio inter omnia membra Ecclesiæ est quoddam bonum commune omnibus Fidelibus: ergo Schisma quod tollit talem vnionem, destruit illud bonum, sicque Schisma opponitur Charitati. Secundò, quia Hæresis latius patet Schismate, in quantum omnis hæreticus est Schismaticus, non è contra; si enim v. g. Græci renuerent tantum obedire Pontifici Romano, vt adhaerent suo Patriarchæ, & omnia crederent quæ credunt Romani, essent quidem Schismatici, non verò Hæretici. Licet Schisma differat ab Hæresi, & sit peccatum minus graue, attamen est peccatum ex suo genere mortale; quod potest quidem fieri veniale.

niale ob indeliberationem actus & ob inaduertentiam; non verò ob paruitatem materiæ, sicut nec Infidelitas, aut hæresis, aut periurium, aut blasphemia: quia Schisma est formaliter separatio ab Ecclesia, quæ separatio lædit bonum commune Ecclesiæ, de quo loquitur David. Psal. 132. *Ecce quàm bonum, & quàm iucundum habitare fratres in unum.* Vnde Chrysostomus, Hom. 11. in Epistol. ad Ephes. ait; *Nihil ita Deum irritat, sicut Ecclesia diuisio; & si innumera bona operati fuerimus, non minores tamen penas dabimus, quàm qui corpus eius præsciderunt.*

Dico quartò quòd sint pœnæ canonicæ quibus subiacent Schismatici: Licet enim non amittant potestatem spirituales procedentem à caractere, qui indelebilis est, & confertur in Baptismo, Confirm. & Ord. amittunt tamen potestatem iurisdictionis, quæ datur & tollitur ab Ecclesia, & sic non possunt Absolvere, Excommunicare, Indulgentias concedere, nec conferre beneficia; quia cum se separauerint ab Ecclesia, non est iustum quòd potestate ipsius gaudeant. Secundò, Schismatici ipso facto incurrunt Excommunicationem Cœnæ Domini, non tamen fautores aut defensores Schismaticorum; quia de illis mentionē nō facit Bulla, sicut de fautoribus hæreticorum, & odia sunt restringenda. Tertiò Schismatici contrahunt inhabilitatem ad beneficia impetranda, etiamsi resipuerint, modò non aduenerit dispensatio Summi Pontificis in Schismate manifesto, aut Episcopi in occulto, ex cap. *Qua diligentia*, de Electione. Quantum ad beneficia possessa; illis non priuatur, qui cum Schismate non habet Hæresim coniunctam. Quòd si simul sit Schismaticus & Hæreticus, propter Hæresim priuatur beneficio possessio, modò interueniat sententia iudicis; delinquens enim non tenetur soluere pœnam, nisi post sententiam declaratoriam delicti, aut nisi appareat talem esse Legislatoris intentionem, dicendo v. g. *Beneficium vacet in conscientia*; & non sufficiunt ista verba, *Sit priuatus ipso iure, facto, eo ipso, &c.* Hoc probat vsus, qui est legum interpret; & Doctorum turma hoc asserentium, etiamsi crimen ita notorium sit, vt possit celari. Bonac. de legibus Disput. 1. quæst. 1. p. 7. §. 2. Proposit. 1. numer. 8. Qui Ordines suscipit à Schismatico, suspensionem ab usu Ordinum incurrit,

, cap. i. de Schismat. vbi dicuntur Ordines irritari, id est vsum. Qui beneficium vel dignitatem à Schismatico recipit, priuari debet illis, cap. de Schismaticis.

Dico quintò, controuersiam esse inter Doctores, an Schismaticus careat iurisdictione, antequam nominatim fuerit denunciatus. Alij tenent Schismaticum priuari potestate iurisdictionis eo ipso quod in Schisma incidit, siue occultum, siue manifestum, licet non sit denunciatus; quia cum sit actu extra Ecclesiam, non debet gaudere ipsius potestate: Vnde inquit per sententiam. Ecclesie Schismaticos aut Hæreticos non deponi, sed declarari iam depositos à Deo; sic Turrecremata, Siluester, Paludanus. Alij tenent, non amitti potestatem iurisdictionis, si Hæretici aut Schismatici sint tantum occulti; amitti verò si sint manifesti & notorij per sententiam Ecclesie aut per apertam Ecclesie impugnacionem; sic Valentia. Alij denique cum Bonacina, Caietano, Scoto, & alij, quorum opinionem probabiliorē iudico, sentiunt, nec Hæreticum nec Schismaticum occultum vel manifestum priuari potestate iurisdictionis, sed illam potestatem amitti per sententiam Ecclesie; quia ex Conc. Constantiensi, nullus est vitandus ex vi prohibitionis Ecclesie, nisi sit notorius clericus percussor, aut nisi sit nominatim denunciatus.

## Q V Æ S T I O II.

### De Scandalo.

**S**candalum sumitur in se pro offendiculo quod in via obijcitur, vel pro læsione facta ab illo: Verò ad nostrum propositum spectat, *Est dictum vel factum minus rectum dans proximo occasionem ruinæ.* Dicitur, *Factum vel dictum*; quia in interiori cogitatione non est scandalum, cum non cognoscatur à proximo. Dicitur, *Minus rectum*: quia ratio scandalī est in actu, qui saltem habet aliquam speciem mali, vnde scandalizatur proximus. Dicitur, *Dans proximo occasionem ruinæ*, & non causam; quia à nulla causa efficaci moueri potest voluntas humana ad peccandam, nisi à seipsa. Et hac particula

F 3

colli-



colligitur, quod scandalum sit oppositum Charitati, qua debemus consulere salutem proximi, & per scandalum illi aliquod obstaculum ponimus. De scandalis quidam nobis sunt dicenda.

Dico primò, duplex esse scandalum, nimirum actiuum & passiuum. Scandalum actiuum, quod se tenet ex parte illius qui scandalizat, est illud de quo loquuti fuimus, *Dictum vel factum minus rectum, præbens occasionem ruinae*. Scandalum passiuum est lapsus seu peccatum illius qui scandalizatur. Quòd si scandalizetur ex opere malo, ut de blasphemia, vel de opere licito, quod illicitum putatur, ut quando quis habet necessitatem aut dispensationem de manducanda carne in quadragesima, tunc est scandalum datum; quia oritur ex actione habente speciem mali: Si verò Scandalum passiuum oriatur ex actione bona non habente speciem mali, est tunc scandalum acceptum non datum; qui enim benè agit, non dat alteri occasionem peccandi, sed ille accipit. Ex quo patet, scandalum passiuum duplex esse, datum videlicet & acceptum.

Dico secundo, duplex esse Scandalum actiuum, nimirum generale & speciale. Scandalum generale est, quando quis ex aliqua actione præbet alteri occasionem ruinae, hoc non intendens; Scandalum verò speciale, quando aliquis facit actionem, siue prauam in se, siue habentem speciem tantum mali, intendens per illam scandalizare proximum, & illi præstare occasionem ruinae spiritualis. In hoc ultimo est peccatum; est enim dictum vel factum prauum, vel saltem minus rectum præbens occasionem peccandi, quæ omnia dicunt aliquid peccaminosum: in primo verò quòd est scandalum tantum per accidens, non est peccatum, si actio sit bona, nec sit intentio scandalizandi, nec præuisio de scandalo futuro. Si dicatur, Scandalum non esse peccatum, quia necessarium est, Matth. 18. *Necesse est ut veniant scandala*; hoc non dicitur absolute, sed considerata hominum peruersitate.

Dico tertio; Scandalum passiuum diuidi communiter in datum & acceptum; primum oritur ex fundamento, scilicet ex actione quæ habet aliquam speciem mali; acceptum est sine fundamento, quando actio est bona, nec speciem mali induit. Melius

lius diuidit Becanus scandalum passiuum, in scandalum ex malitia, ex ignorantia & ex infirmitate. Si oriatur ex opere bono, est scandalum ex malitia, quod dicitur Pharisaicum; quia Pharisei ex actionibus rectis Christi sumebant occasionem vituperandi ipsum: Si oriatur ex aliquo opere quod videtur habetur speciem mali, attamen non habet, est scandalum ex ignorantia: Est denique ex fragilitate, quando oritur in illis qui non possunt videre peccatum alterius, quin illicò conturbentur & excitentur ad peccandum. Porro scandalum actiuum est peccatum mortale, dum qui scandalizat per peccatum mortale, si hoc prauiderit, & illi coram quibus peccat, non sint ita perfecti, vt per hoc excitentur ad peccandum: est verò tantum veniale, dum scandalizat solo veniali; nisi scandalizans sit talis conditionis, vt committendo peccatum veniale, det occasionem peccandi mortaliter: quod potest euenire Religiosis, & in Ecclesiasticis.

Tria hic quæri solent, an sit Scandalum actiuum suadere alicui minus malum vt vitetur maius: an opera quæ sunt de præcepto, possint omitti ad vitandum scandalum aliorum: an denique possint omitti actus boni & viles qui non sunt præcepti.

Resp. ad primùm, hoc licere; Loth enim Gen. 19. & Leuites Iudic. 19. suaserunt fornicationem illis qui peccatum Sodomie committere volebant: Ex quo sequitur, quòd si homo aliquis esset posituè determinatus ad patrandum adulterium, posset illi consuli simplex Fornicatio; & tunc non esset velle aut consulere malum vt malum est, sed quatenus induit aliquam rationem boni; nam bonum est, impedire maius malum.

Respondeo ad secundum quòd illa opera, quæ non possunt omitti sine peccato mortali, non sunt dimittenda pro vitando scandalo, nec ea sunt facienda ad vitandum scandalum, quæ sine peccato committi non possunt; salus enim propria saluti alterius præponenda est. Potest tamen fieri aliquando aliqua actio prohibita sub peccato per præceptum positiuum, vt vitetur scandalum; sed tunc non censetur amplius prohibita: sic enim dicitur, quòd possimus tacere aliquod peccatum in confessione, si ex hoc

prævideretur scandalum esse futurum in Confessario; quia pro tunc non præcipitur integritas materialis in Confessione.

Resp. ad tertium, quòd ad vitandum scandalum futurum ex malitia, non tenemur vitare opus vtile spiritualiter aut temporaliter, modò actio non habeat speciem probabilem mali: Ad vitandum tamen scandalum futurum ex ignorantia vel infirmitate, tenemur omittere opus vtile, vel saltem differre illud quod non habet vllam speciem mali; quia licet non teneamur consulere malitiæ alterius, vbi adest nostra vtilitas, attamen debemus misereri infirmitatis & ignorantie proximi; ob hoc mulier deberet domi manere & non ire ad sacrum in die feriali, si prævideret Petrum debere scandalizari ob eius intuitum; non verò hoc deberet facere in die Festo, ob rationem superius allatam. Si dicatur, quòd aliquis dispensetur à Missa, data occasione succurrendi vitæ corporali proximi: ergo à fortiori, vbi agitur de vita, spirituali. Resp. esse disparitatem in hoc, quòd in primo casu, proximus est innocens & inuitus patitur & sic ex iure naturali debemus illi succurrere; in secundò autem culpabiliter mortem patitur, sciens & volens.

### Q V Æ S T I O III.

#### *De Bello.*

**P**ostquam diximus plura de alijs vitijs quæ Charitati opponuntur; loquendum adhuc est de bello, quòd vnum etiam horum vitiorum est. Bellum autem dicitur à belluis, quia bellatores pugnas feroces bestiarum imitantur; vel taliter nominatur per antiphrasim, quia bellum omnia acerba, & nihil bellum habet. Bellum non est tam armorum conflictus, quàm professio & status configendi & nocendi parti aduersæ vi & armis. Duplex est bellum, vnum offensiuum, quod suscipitur ad vindicandam iniuriam; aliud defensiuum, quo quis se tuetur contra iniectores. Plura de bello nobis sunt explicanda.

Dico primò, tres præsertim fuisse hæreses circa belli susceptionem. Manichæi, quorum sectator fuit Valerius, in genere damnantes bellum ex sua natura,

ra, tanquam impios accusabant Moyſen, Iosue, Dauidem, & alios Reges, & Principes veteris Testamenti; quia bellum gesserant. Secundò, Anabaptistæ interdicebant bellum saltem Christianis, fundati in illo textu Scripturæ Matth. 26. *Omnis qui occiderit gladio, gladio peribit*; & in hoc sequebantur Iulianum Apostatam, qui ut impediret nè se defenderet Christiani ab iniurijs quas illis inferebat, solitus erat eis obijcere hos contextus; *Si quis te percusserit in una maxilla: prabe illi & aliam*, Matth. 5. ad Rom. 12. *Nul-  
lū malum pro malo reddentes*. Lutherus tertio omne bellum non prohibebat, sed dicebat illicitum esse in particulari contra Turcas; in articulis enim damnatis à Leone X. ait, *Præliari aduersus Turcas est repugnare Deo uisitanti iniquitates nostras per illos*: hoc tamen reuocauit, & tale bellum commendauit Principibus Christianis; si enim non liceret se eripere à captiuitate tyrannica, quomodo in libro Iudicum, iudices & duces populi sæpius pugnassent ad Iudeos eripiendos à seruitute Gentilium? Saperest ergo tantum, ut confutemus duas primas hæreses; sed antea.

Dico secundò, Bellum esse licitum ex natura sua, modò certas quasdam conditiones habeat. Primam probatur ex praxi, in vniuerso orbe vñitata, & in quolibet tempore; quod certè non contingeret, si haberetur à natura prohibitio eius, aut à iure diuino, vel humano. Ratio nostra est, quia ex natura ipsa competit hominibus ius propulsandi iniurias, impediendi nè inferatur, & aliquādo vlciscendi in iniuriatores, ut ciues tuti maneant in posterum, quod non potest sæpe fieri sine bello, quando maximè nullus est superior vtrique parti. Confirmat Scriptura bellum esse licitum. 1. Quia illud Deus imperauit contra Madianitas. Num. 25. & contra Amalecitas. 1. Reg. 15. 2. Quia Deus opem tulit præliantibus Exod. 17. Deuteron. 1. & 2. Paralip. 20. & Psal. 17. 3. Quia Ioannes Baptistæ, Luc. 3. bellum approbat, præscribens leges militibus, ut non perderent salutem animæ. 4. Quia Deus interdum stupendis miraculis præliantium adiunxit conatus, quando V. G. Iosue 9. ad clangorem tubarum corruerunt muri ciuitatis Hierico, & 4. Regū 19. Angelus Domini percussit vnam nocte centum octoginta quinque millia Assyriorum in illorum castris.

Dico tertio, tres requiri conditiones, ut bellum

F § fiat



fiat licitè; nempe legitimam auctoritatem indicendi bellum, causam iustam, & intentionem rectam. Si vna harum conditionum desit, bellum est illicitum; si prima absit, vel secunda, bellum est contra Iustitiam, & onus restitutionis incurritur; si tantum desit tertia, bellum est contra Charitatem, & restitutio non est necessaria. Auctoritas illa est in Principe, aut in Republica perfecta, quæ non habet Superiorem à quo reparationem iniuriæ exigere possit: quod intelligitur de bello offensiuo, quantum enim ad defensiuum, cuilibet priuato homini licitum est naturaliter se defendere. Quantum ad iustam causam, est, cum reperitur necessitas impediendi, aut repellendi, aut vlciscendi iniuriam: Non est autem iusta causa, quando reperitur alia via iniuriam vindicandi aut propulsandi; quia tot & tanta mala oriuntur in bello, vt ad illud recurrere non liceat, nisi urgente necessitate. Quantum denique ad rectam intentionem, ipsa requiritur; quia si quis Princeps iniuriam passus esset ab alio Principe, posset vt iustè vi & armis, vt repararetur illa iniuria; si tamen præliaretur ex motu vindictæ, bellum esset illicitum, non tamen iniustum, modò haberet aliam duplicem causam.

Dico quartò, bellum licitum fuisse in veteri Testamento, & etiam in nouo. Ratio vtriusque est, quia Bellum ex sua natura est licitum, vt probauimus: ergo non potest fieri illicitum, nisi per legem prohibentem, quæ nulla inuenitur in Veteri aut in Noua Lege. Deinde si Bellum esset nobis illicitum, vel esset propter damna quæ ex bello oriuntur, vel propter obligationem quam habemus diligendi proximos, etiam inimicos, vel quia tenemur condonare offensam. Non primum, quia plura mala possunt impedi per bellum, quàm ex illo sequerentur; posset enim tota Respublica in potestatem venire inimici, qui plurima damna afferret: Non secundum, quia debemus nos præferre inimicis: Non tertium, quia possumus ex iustitia exigere satisfactionem iniuriæ. Quantum ad textus Scripturæ, qui videntur bellum interdicare, sic soluendi sunt. Quando dicitur Matth. 5. *Si quis percusserit in vna maxilla, præbe illi & aliam*: hoc non est absolutè necessarium, aliàs fecisset Christus, qui tamen dixit; *Cur me cadis?* Sed per hoc priuatam vindictam vult arcere; ita quod accepta vna iniuria; pa-

parati sinus ad aliam, potiùs quàm vindictam sumere. Sic etiam intelligenda sunt hæc verba, *qui gladium acceperint, gladio peribunt*; supple ex motu priuatæ vindictæ, quod tamen non prohibet bellum, quæ suscipitur autoritate publica. Quando dicit Esaias c. 2. *Non leuabit Gens contra Gentem Gladium*; per hoc tantùm indicat, non fore bellum in aduentu Messie. Si in Concil. Nic. Can. ij. præcipitur, vt Christiani qui antea malitiam reliquerant, & postea ad illam redierant, sint decem annis in penitentia: hoc intelligitur de conuersis, qui militiam Licinij, aut Diocletiani Imperatorum infidelium reliquerant, vt se darent Christo, & postea ad eandem militiam reuertipræstendebant, abnegando fidem receptam.

Dico quintò, posita iusta causa, non posse bellum offensiuum indici, nisi prius satisfactio petatur ab aduersario; quæ si offeratur, non debet indici bellum. Imò si postquam inchoatum est, offeratur satisfactio, bellum cessare debet, modò, cum reparatione iniuriæ, bona in bello expensa refarciantur. In bello iusto licitum est facere hostibus omnia quæ ducunt ad finem belli, i. ad recuperationem rei ablatæ, ad iniuriæ reparationem, ad pacem stabiliendam & reducendum hostes, vt non valeant in posterum damna afferre rei publicæ, quæ omnia sunt finis belli. Ex eo possunt hostium bona diripi, vsque ad sufficientem compensationem iniuriæ, & non ultra, excepta præda quam accipiunt milites quæ ex iure Gentium pertinet ad milites capientes illam; nisi lex regni vel consuetudo velit, quod spolia militum ad ducem afferantur, vt diuidantur pro merito præliantium, sicut fecit Dauid. 1. Reg. Possunt etiam interfici hostes, bonis spoliari, carcere detineri & in seruitutem redigi, exceptis Christianis à Christianis captis; & hoc in gratiam fidei. Quantum ad innocentes, non licet eos occidere, Exod. 23. *Insontem & iustum non occides*, nisi accederet mandatum speciale Dei, vt 1. Reg. 15. vbi dixit Deus Sauli; *Percute Amalech & interfice à viro vsque ad mulierem, & paruulum atque lactentem*; per accidens tamen possunt occidi, cum sine distinctione tormenta bellica plures occidunt. Quoad bona ipsorum, idem dicendum est, ac de vita; quòd scilicet tolli non possint, nisi per illa bonum præstari possit nocentibus hostibus, quod facit.

ut aliquando spoliari possint nauibus, frumento & equis. Ratio nostra est, quia sicut Rex in suo regno non posset spoliare vita aut bonis suos subditos innocentes, ita nec alios, quando non nocent; aliqui; tamen, ut noster Pontius, putant innocentes posse vita & bonis priuari, dum coniuncti sunt particulariter cum nocentibus (ut mulieres, filij, singulares amici) modò etiam tanta sit iniuria, ut competens vindicta sumi non possit de nocentibus, nisi cum illis occidantur personæ singulariter coniunctæ. Quoad Ecclesias denique, semper sua immunitate gaudent, nisi ad illas fugiant hostes, ut se defendant; unde non debent muniri ad oppugnandos hostes, bene autem ad conseruandos Ecclesiasticos, & Laicos innocentes.

Dico sexto, ut iam antea, bellum non posse fieri sine iusta causa; sed sciendum est ex Bonacina, quòd si milites sint subditi Regi bellanti, vel eius stipendiarij ante bellum, sufficit ut sciant bellum non esse iniustum; nam in dubio præsumendum est pro Rege, & illi obediendum; si tamen fama communis diceret, bellum esse iniustum, inquirendum esset de rei veritate, aliàs esset ignorantia crassa. Ut tamen non subditus vel stipendiarius accedat ad bellum, debet habere cognitionem moralem de iustitia belli: quia nulla necessitas illum cogit ad se dandum. Principi alieno, cum periculo inferendi damnum iniustum suo proximo; illa autem cognitio erit sufficiens, si credat Principem ita æquum, ut non esset bellum iniustum suscepturus. Bellum sæpè est ex vtraque parte iustum formaliter; quando scilicet vterque Princeps, re maturius examinata, credit se habere iustam causam bellandi: Non potest tamen ex vtraque parte esse iustum materialiter, quia vtraque pars non potest habere iustam causam à parte rei. Quando causa belli est dubia, hæc sunt digna notatu. Primò, si alter Principum sit in possessione, verbi g. urbis in contestatione existentis, non tenetur qui illam possidet, alteri tradere eam, quia est possessor bonæ fidei, & in dubio melior est conditio possidentis; alter etiam non potest propterea hoc illi bellum declarare, quia ius fauet possessori, quod pro tunc violaretur per bellum. Unde iste deberet rationibus declarare ius suum illi, qui etiam eas deberet audire; per

per quas rationes, si non esset conuictus, non teneretur cedere urbem, nec alter posset illi propterea bellum inferre, si maneat dubius de iure suo, ob rationem allatam. An autem debeant deferre hanc controuersiam ad arbitrum, negatur communiter; quia princeps supremi sunt iudices in sua causa; & sic debent tantum sequi regulam iuris; unde Possessor potest illam urbem retinere, quia ius fauet possessori; & Actor non potest bellum declarare, quia violaret ius quod habet alter: Si tamen uterque conuenisset de arbitrio, deberet sequi ipsius determinationem. Secundò, si Principum alter venit in possessionem urbis illius post bellum inchoatum, non censetur possessor bonæ fidei; & sic cum uterque maneat dubius, debet fieri diuisio illius; & compositio litis pro quantitate dubij. Tertiò, si neuter Principum est in potestate rei controuersæ, idem dicendum; quòd, manente dubio, debeat compensatio aut diuisio fieri, quia nullus potest præliari. Quartò, si post obitum Regis, quilibet hæredum prætendat successionem, tunc Respublica est superior, quæ litem dirimere debet, sicut in Schismate Ecclesiæ.

Dico septimò, iure Ecclesiæ prohibitum esse bellum Clericis & Monachis, ita quòd propria manu pugnare non possint: ex cap. *Eos qui*. 20. qu. 3. & Cap. *Quicumque ex Clero*. 23. qu. 8. quod habetur 2. Timoth. 2. *Nemo militans Deo, implicat se negotijs secularibus*. Possunt tamen suadere bellum, Principem secularem euocare ad bellum suspiciendum pro defensione suæ Ecclesiæ, bellum indicere, & ducem constituere qui bello præsit; similiterque bello interesse ad ferenda subsidia spiritualia, & in illo hortari milites ut fortiter dimicent, sine intentione formali sanguinis effundendi; unde, cum Innocentius III. ait enormiter peccare Clericum, qui alios ad pugnandum incitat, intelligitur de bello iniusto. Possunt Clerici & Monachi ex licentia Summi Pontificis in extrema necessitate pugnare propria manu, & consequenter hostes occidere, spoliare & facere omnia alia quæ licitè faciunt alij milites; & hoc v. g. quando talis pugna necessaria est ad defensionem sui, aut reipublicæ, aut exercitus, qui sine ea esset periturus: Imò etiam ad hoc tenentur, non expectata Pontificis licentia, quia hoc est de iure naturæ; nec in his



occasionibus incurrunt irregularitatem, quoniam ipsa non contrahitur, nisi in casibus à iure expressis; quando scilicet aliquis alium occidit illicitè, vel dat operam rei illicitę ex qua mors sequitur, vel denique licitè occidit tanquam Minister publicus iustitię; in his inquam, contrahitur irregularitas ex defectu perfectę lenitatis, non verò in casu proposito; rigores enim non debent exendi, aliàs, qui iustè occidit alium in defensione sui, esset Irregularis, contra Clemen. *Si furiosus*, de homicidio. Adde quòd, in his casibus Clericus censetur habere licentiam interpretatiuam Pontificis, qua cessat Irregularitas. Si bellum sit iniustum, omnes qui in causa sunt, siue consilio, aut auxilio ut fiat, sunt irregulares, si ex eo homicidium sequatur, etiam si illud non fecerint; quia ad homicidium iniustum cooperati sunt. Clerici verò, licet bellum sit iustum, sunt irregulares, si pugnēt sine licentia Pontificis, vel extra casus necessitatis præallegatos; hoc enim illi prohibet Ecclesia sub pœna Irregularitatis. Hic queri solet, an Clericis prohibeatur bellum ex iure naturę, negat Becanus, sed melius affirmat Valentia Disp. 3. quęst. 16. Pun. 3. de bello, extra casus necessitatis, pro tunc enim duo præcepta naturę urgent Clericos; per primum tenentur secundum dictamen rationis videre conformiter suo statui, & proinde non se implicare negotijs temporalibus; & per aliud tenentur defendere se & Rempublicam, quę absolute indiget defensione Clericorum, quod vltimum præceptum præponderat primo; vnde concludit Valentia ff. *Nec verò*, extra casus necessitatis, inualidam esse dispensationem Summi Pontificis, qui nihil potest contra ius naturę; sed tantum valere in illis casibus, ubi non constaret euidenter, si opera Clericorum esset absolute necessaria Reipublicę; tunc enim hoc explicaret Pontifex.

Dico octauò, pro solutione aliquarum quęstionum quę explicandę remaneant; quòd si queratur primò, an possit fieri bellum contra Hæreticos; Respondendum erit posse fieri, modò Hæretici turbent pacem Ecclesię vel Reipublicę; habetur enim exemplum Moysis, qui interfecit tria millia hominum, quando pars populi commisit Idololatriam. Quantum ad infideles; Si sint subditi de facto Chri-

stia-

stianis, ut sunt Iudæi in Italia, illis potest fieri bellum; quando obfunt bono communi, & crimina committunt: Si sint tantum de iure & non de facto subditi Principibus Christianis, ut sunt Turcæ, potest illis bellum declarari, & ab illis auferri terræ quas habent à Principibus Christianis. Hoc potest, inquam, fieri ab illis Principibus qui ex successione habent ius ad illas terras; imò & ab alijs, maxime si accedat consensus, saltem interpretatiuus, Summi Pontificis. Si denique infideles non sint subiecti Principibus Christianis de iure, nec de facto, non potest cum illis initi bellum; nullum enim ius habetur super illos, nisi impédiant prædicationem Evangelij, ut diximus, agendo de Fide. Dum quæritur secundo, an licite possint Christiani in auxilium vocare infideles contra fideles; Distingui debet; & dici, hoc non esse illicitum ex natura rei; quia, cum infideles possint ex iusta causa præliari cum fidelibus, sic etiam possunt vocari, ut iuvent contra fideles; Dauid enim 1. Reg. 28, præbuit Achis Regi Philistinorum auxilium contra populum Israel: Ratione tamen scandali & periculi hoc est sæpè illicitum; unde Deus prohibuit Israelitis, nè inirent fœdus cum infidelibus; & ideo puniuit Asa regem Iudæ, 2. Paralip. 16. & Iosaphat etiam regem Iudæ, quia iste præbuit auxilium Regi Achaz 2. Paralip. 19. & ille accepit à Benadab Rege Syriæ. Si quæratur tertio, an semper liceat bellare? Respondeo affirmatiue, excepto tempore induciarum; unde in die Festo licita est pugna, si necessaria sit, aut opportunior ad obtinendam victoriam; imo etiam si ita commodè posset obtineri die sequenti, non esset prohibita sub peccato mortali, modò audiatur Missa, aiunt Canonistæ; quia bellum non est opus seruile, cum etiam exerceatur à Principibus; unde, si Cap. 1. de *Tregua & Pace* prohibeatur bellum à Septuagesima ad octauam Paschæ, hic canon non est in usu.

## TRACTATUS SECVNDVS.

*De Ecclesia.*

**C**VM Fides sit anima Ecclesie, qua omnia ipsius membra viuunt, ordo doctrinae postulare videbatur vt agentes de Fide, etiam ageremus de Ecclesia, tanquam de principia regula Fidei: Quia tamen hæc omnia tractata simul, aliquam attulissent confusione, distinctius procedere volentes, congruum sanè visum est, istum ab illo tractatum separare, vt confusorum distinctio claritatem pariat. Tractatus autem iste tribus disputationibus componetur, quarum prima erit de Ecclesia in se, secunda de Summo Pontifice, tertia denique de Concilijs, in quibus examinatur difficultates, quæ sapius oriuntur in Ecclesia.

## DISPUTATIO PRIMA.

*De Ecclesia.*

**P**ROBAUIMUS alias Scripturam solam, aut solas Traditiones non esse sufficientes fidei nostræ regulas, eum Scriptura sit multum obscura, & non contineat omnia quæ ad salutem necessaria sunt, vt vidimus agendo de Fide, de traditionibus verò non possumus indubitanter cognoscere, an sint diuinæ, vel Apostolicæ, vel humanæ: ideo dedit nobis Deus aliam regulam prorsus infallibilem, Ecclesiam nimirum, quæ clarè & distinctè determinat de omnibus credendis, & quæ nullo modo deficere potest. cum ex promissione Christi portæ inferi non possint preualere aduersus eam.

## QVÆSTIO PRIMA.

*Quid sit Ecclesia.*

**E**CCLÆSIÆ nomen à verbo Græco deriuatur, quod est euocatio. seu inuocatio; ita quòd Ecclesia sit cætus vocatorum; Fidelium scilicet, qui non intrant Ecclesiam proprio motu, nec proprijs viribus,

ribus, sed quatenus Dei vocatione præueniuntur. Sumitur in bonam & in malam partem: alia est Ecclesia malignantium: *Odiui Ecclesiam malignantium*: alia est Ecclesia Sanctorum, *Laus eius in Ecclesia Sanctorum*. Psalmo 88. Tamen communiter Scriptura illam sumit in bonam partem. Hic loqui non intendimus de Ecclesia sumpta pro loco ubi aggregatur Fideles, Iudith. 6. *Omnis populus per totam noctem orabat*; sed de ipsa aggregatione Fidelium, ad Rom. 16. *Salutant vos omnes Ecclesia Asia*.

## CONCLUSIO.

**E**cclesia strictè & propriè sumpta, est congregatio seu coetus hominum qui vniuntur in eadem Fidei professione & Sacramentorum participatione, sub legitimo Pastore, Christi in terris Vicario. Sic excluduntur ab Ecclesia illi, qui numquam habuerunt fidem; vt Pagani, Turcz, Iudzi; & illi qui à vera Fide recesserunt, vt Hæretici, quia nostra Ecclesia est coetus fidelium. Excluduntur etiam Catechumeni & Excommunicati, qui non admittuntur ad participationem Sacramentorum. Excluduntur insuper Schismatici, qui verum Pastorem non agnoscunt. Quia ex dictis sonat Ecclesiam esse omnium Fidelium, ideo errant Pelagiani dicentes Ecclesiam esse tantum multitudinem perfectorum, qui nullum habent peccatum, de quibus August. lib. de Hæres. c. 88. Errant 2. Vvicleffitæ, dum putant solos prædestinatos facere Ecclesiam, ex Conc. Cōstantienſi sess. 15, art. 5. Errant 3. Nouatiani & Donatistæ, qui asserunt non quidem omnes peccatores excludi ab Ecclesia, sed illos qui lapsi sunt circa fidem, & eius professionem; ex Cypriano l. 4. Epist. 2. & Aug. lib. de Hæres. cap. 69. Errant denique Calvinus & Lutherus, qui Ecclesiam volunt tantum componi ex iustis prædestinatis; tenent enim nobiscum Fideles esse in Ecclesia, & asserunt contra nos, quod illi, qui semel fidem acceperunt, ea non possint carere, nec vlla peccata mortalia aut venialia illis imputari.

Quæres, vtrum Ecclesia ante Christum dicatur vna cum nostra. Resp. quod etiamſi diuersa appareat in lege naturæ sub Prophetis, in lege scripta sub Sacerdotibus, Leuitis, & Prophetis, & in lege gratiæ sub



sub Summis Pontificibus ; attamen secundum essentiam est vna cum illis ; quia omnes populi sub his legibus existentes profitentur eandem Fidem de Deo & de Christo , & eadem sacramenta participant ; licet illi haberent ea tantum in figura , nos in veritate & realitate ; licet etiam nos distinctius habeamus credenda , quam illi : Attamen , licet illæ Ecclesiæ non differant secundum naturam , diuersæ tamen sunt secundum statum , sicut alius est status hominis in infantia , alius in pueritia , & alius in iuuentute .

## Q V Æ S T I O . II.

*Quando incæpit Ecclesia .*

**A**lij censent Ecclesiam ortum habuisse ab Adamo & Eva ; alij verò à tempore Abelis , qui à Patribus dicitur primus iustorum , sed licet dicatur primus iustorum , hoc est , iustorum , qui nominantur in Scriptura ; probabile tamen est , quòd Adam statim post peccatum poenitentiam egerit , Sapient. 10. *Adam peccauit , & eductus est à dilecto suo* ; quod de Eva credendum est etiam , quæ in omnibus virum suum sequebatur . Adde quòd , licet Abel fuisset primus iustorum , non propterea Ecclesia duxisset ab illo principium ; quia , vt diximus , Ecclesia non est collectio iustorum , sed Fidelium : hoc ergo non probat Ecclesiam incæpisse ab Abel .

## C O N C L V S I O .

**E**cclēsia in statu imperfecto incæpit ab Adamo & Eva , & tempore Abelis ratione videntis perfectionem accepit . Primum probatur primò ; quia Adamus & Eva fidem interiùs habebant , quam exteriùs profitebantur . 2. quia Adamus erat ex se dux Ecclesiæ , cum ipse esset suos filios eruditurus in Fide , vnde ab illo potius , quàm à filiis incæpit Ecclesia . 3. quia extra Ecclesiam nullum est verum Sacrificium ; & probabile est Adamum toto tempore inter peccatum & liberorum procreationem non fuisse sine aliquo sacrificio , quod offerebat ad expiationem peccati , ad gratias agendum Deo , & ipsum glorificandum , in quo Abel imitatus est patrem .

Se-

Secundum euidens est ; quia ex duobus non potest fieri societas Ecclesiæ, iuxta Canonistas, *tres faciunt Capitulum*, ita vt vnus sit superior, alteri inferiores.

Obijcies: Si Ecclesia fuit tempore Adami, tota defecit; tum in iustitia, quoniam ambo peccauerunt; tum in fide, quia vterque errauit, putans se fore similem Deo. Resp. ad primum; Ecclesiam reuera retinere semper aliquid boni; nam secundum se totam non habet maculam neque rugam ex Script. sed hoc intelligi debet de Ecclesia in statu perfecto. Ad secundum dico, primos parentes errasse quidem; qui enim peccat, errat, *errant omnes qui operantur iniquitatem*; non errauerunt tamen in fide, quia non crediderunt se posse deos fieri, sed tantum maiorem excellentiam, quæ est aliqua Dei similitudo, appetierunt.

## Q V Æ S T I O III.

*Verum Ecclesia sit visibilis.*

**H**æretici nostri contendunt Ecclesiam non esse visibilem; aliàs fateri cogerentur se non esse de Christi Ecclesia, cum nullum possint præteritis temporibus illustrem cœtum hominum indicare, in quo fuerit Orationum, Religionis, atque Doctrinæ forma, quam in sæculo præcedenti introduxerunt. Vnde vt se filios tenebrarum ostendant, Ecclesiam, quam se obtinere dicunt, sua luce priuant; asserentes illam pluribus sæculis delituisse vsque ad Lutherum, Caluinum & alios. Catholici autem sic in luce & conspectu hominum positam esse Ecclesiam asseuerant, vt quouis sæculo euidenter non fuerit illa congregatio, quam Ecclesiam Christi esse credimus.

## C O N C L V S I O.

**E**cclēsia Christi est visibilis. 1. quia Psal. 18. *In sole posuit tabernaculum suum*; quod de Ecclesia intelligit August. in hunc Psal. & Epist. 166. ad Donatistas, *Ipsa Ecclesia in sole posita, hoc est, in manifestatione, omnibus nota usque ad terminos terræ* 2. quia in Euan-

Euangelio comparatur Ecclesia à Christo sagenz missa in mare & ex omni genere piscium congreganti : comparatur conuiuio nuptiali ; ad quod boni & mali congregati sunt : comparatur decem virginibus , quarum quinque erant sapientes & quinque fatue ; comparat denique Apostolus domui , in qua sunt vasa in honorem & in contumeliam : hæc autem omnia sunt visibilia. 3. quia illa Ecclesia est visibilis , in qua conuocantur Concilia , fanciuntur Canones , Pastores visibiliter docent subditos , Subditi obediunt Pastoribus , Sacramenta sensibilia administrantur , &c. 4. quia præcipit Christus , ut quando frater noster est incorrigibilis , dicamus Ecclesie , Matth. 18. quomodo autem hoc posset fieri , si Ecclesia esset inuisibilis ? Ex quibus omnibus patet , Ecclesiam Christi esse visibilem , quidquid dicant Lutherani & Calvinistæ cum Donatistis . Vnde Augustinus Epist. 48. ad Vincentium , *Ipsa est Ecclesia , qua aliquando obscuratur , & tanquam obnubilatur scandalorum multitudine , sed etiam tunc in infirmitate eminet .*

Obijcies ex Ierem. 31. distinguente Ecclesiam Noui & Veteris Testamenti , per hoc quod Ecclesia veteris Testamenti sit cōgregatio externa , cuius lex scripta erat in tabulis materialibus ; & Noua sit coetus internus , cuius lex est in cordibus , *Dabo legem meam in cordibus eorum , & ero quis in Deum , & ipsi mihi erunt in populum .* Resp. Prophetam velle tantum ostendere , animam veteris Testamenti esse tantum doctrinam exteriorē , animam verò Noui esse Charitatem , *qua diffusa est in cordibus nostris per Spiritum S.* Quando etiam Scriptura dicit , regnum Dei Luc. 17. non venire cum obseruatione , intra nos esse , non consistere in ceremonijs exterioribus & sensibilibus ; non loquitur de Ecclesia , sed de anima Ecclesie , quæ est Fides , Gratia & Charitas . Si lex dicatur inuisibilis , sicut Sacerdotium & Hostia , ex hoc non sequitur Ecclesiam esse inuisibilem , sed tantum , quod in ea est principalius .

Obijcies 2. Fides non est visibilium ; atqui credimus Ecclesiam , *credo in Ecclesiam* : ergo non est visibilis , aut dicendum est , video seu clarè cognosco Ecclesiam . Resp. quòd duo sint in Ecclesia ; quorum vnum est manifestum , nempe congregatio Fidelium , Deum in Sacramentis , & Sacrificijs sensibilibus colentium , &

& hoc propriè non creditur : aliud est obscurum , quod creditur , nempe quòd regatur à Spiritu sancto , quòd Sacramenta Ecclesiæ conferant gratiam inuisibilem , quòd extra eam nemo possit saluari , quòd sit infallibilis , & cetera . Primum non creditur , benè autem secundum , sicut Christus cognoscebatur secundum humanitatem , & credebatur secundum diuinitatem .

Obijcies 3. Ecclesiam tempore Helix latuisse ; ita ut Helias se solum relictum putaret : Tempore etiam Antichristi ita latebit Ecclesia , ut nullus ausurus sit Christum confiteri . Resp. aliquando vno tempore illam minus esse conspicuam , vel in vno loco , ita ut fuerit cognitu difficilis , iuxta Hilarium contra Auxentium , admonentem tempore Arianorum , non fuisse tunc Ecclesiam in exteriori pompa querendam , sed potius in carceribus & speluncis ; non fuit tamen , aut erit tempus , in quo ita obscura sit Ecclesia , quin semper habeat actus suos visibiles , ut sunt prædicatio Euangelij , oblatio Sacrificij , Sacramentorum administratio , &c. licet hæc omnia aliquando non fiant cum apparatu . Quod ergo dicitur de Helia , solui potest , quòd licet fideles qui erant sub dominatione Achab , essent occulti , respectu Helix , inter se tamen erant cogniti . Adde quòd in alijs duabus tribubus , quæ non parebant Achab , erant multi fideles nempe in tribu Benjamin & Iuda . Quoad tempus Antichristi , licet in eo non futura sit libera confessio fidei , fiet tamen occulta .

Quæres , an Ecclesia sit visibilis materialiter , vel formaliter ? Resp. utroque modo esse visibilem . Primò materialiter , quia cœtus hominum Deo seruientium in Ecclesia visibilis est . Secundò formaliter , quia licet fides , quæ est forma Ecclesiæ , non videatur per se , sicut nec substantiæ videntur , cognoscitur tamen per externam sui professionem quæ fit per verba , aut per actus , sicut substantia cognoscitur per accidens : Ergo Ecclesia est visibilis etiam formaliter , saltem arguitur .

## Q V Æ S T I O I V.

*Verum uniuersalis Ecclesia possit errare in fide.*

**T**itulo quæstionis apparet nos non loqui de tota Ecclesia collectiuè sumpta, quatenus ex Pastoribus & Ouibus conflata est; constat enim aliquam partem Ecclesiæ, seu Christianos aliquos errasse reuerà. Errauit Arius negans Christi diuinitatem; errauit Macedonius negans diuinitatem Spiritus S. errauit Nestorius asserens duas in Christo personas; errauere Eutyches & Dioscorus asserentes in Christo unicam naturam; errauerunt Pelagiàni negantes peccatum originale, &c. An autem tota Ecclesia defecerit, vel possit deficere à fide, hoc quærimus.

Lutherani & Caluinistæ fatentur Ecclesiam Christi, seu Romanam per primos quingentos annos fuisse veram Christi sponsam, nec villo modo errasse toto tempore illo; sed postea cœpisse paulatim deficere à vera fide & religione, ac tandem omnino apostatasse, factamque esse adulteram. Sed hoc nemini mirum videri debet; cum enim Ecclesia hæreticorum errores semper damnauerit; si eius infallibilitatem in fide admitterent, nihil illis ampliùs superesset quo suas tuerentur hæreses.

## C O N C L U S I O.

**V**niuersalis Ecclesia secundum se totam non potest deficere in rebus ad salutem necessarijs, neque in Fide, neque in moribus. Matth. enim 16. *Porta inferi non praualebunt aduersus eam*; Vnde Aug. lib. 1. de Symbolo ad Catechumenos, *Ipsa est Ecclesia sancta, Ecclesia una, Ecclesia Catholica, contra omnes hæreses pugnans; oppugnari potest, expugnari non potest; Hæreses omnes de illa prodierunt, tanquam sarmen- ta inutilia de vite præcisa, ipsa autem manet in radice sua, in charitate sua, porta inferorum non vincent eam*. Vbi Augustinus loquitur de Ecclesia visibili, ex qua hæretici prodierunt; non de inuisibili, in qua sunt soli prædestinati. Frustra ergo Caluinus asserit, Ecclesiam inuisibilem, ex solis prædestinatis compo-  
tam,



ram non posse errare ; benè autem visibilem ex bonis & malis , ex prædestinatis & reprobis conflata , errasse actualiter . Matth. etiam 28 promittit Christus se semper Ecclesiæ suæ adfuturum per directionem & gubernationem , *Ecce ego vobiscum sum usque ad consummationem sæculi* . Quo argumento August. utitur contra Donatistas Conc. 2. in Psal. 101. qui dicebant sicut Lutherani & Calvinistæ , *Ecclesia Catholica iam non est , sed fuit* .

Probatur 2. Ecclesia est sponsa Christi quam Christus sibi indissolubiliter coniunxit . Osee 2. *Sponsabo te mihi in sempiternum* ; & Ephes. 5. *Propter hoc relinquet homo patrem & matrem , & adheret uxori suæ , & erunt duo in carne una ; sacramentum hoc magnum est , ego autem dico in Christo & in Ecclesia* . Sponsus autem non debet à sponsa separari ; ergo nec Christus ab Ecclesia : Sponsa etiam relinquere non debet sponsum , ergo nec Ecclesia directionem Christi ; Vnde Cyprianus lib. de Vnit. Eccles. *Adulterari non potest sponsa Christi , incorrupta est & pudica* . Deinde Christus Matth. 16. dicit se ædificaturum Ecclesiam supra Petram , in quam portæ inferi non præualebunt ; non ut insipiens Architectus , de quo fit mentio Matth. 7. qui super arenam ædificat , & quando oritur vehemens aliqua tempestas , statim corrui . Tandem , Ecclesia dicitur *columna veritatis* ; columna autem est firma & stabilis quæ à veritate deflectere non potest .

Probatur 3. Extra Ecclesiam nemo saluari potest ; at semper aliqui saluantur , aliàs omnes maiores nostri , qui à quinto sæculo vixerunt usque ad Lutherum , periissent , quod nemo , nisi impius dixerit : ergo remansit semper Ecclesia , in qua saltem aliqui salui fierent . Secundò , si in dogmatibus fidei aut morum erraret Ecclesia , hoc attribueretur Christo & Spiritui sancto qui Ecclesiam regunt , Ioan. 16. *Spiritus Domini docebit vos omnem veritatem* , Ad Ephes. 1. *Dedit Deus ipsum* , nempe Christum , *caput Ecclesiæ , quod est corpus eius* , Et cap. 3. *Vir est caput mulieris , sicut Christus Ecclesiæ* : Blasphemum autem est dicere , Christum non conservare sua membra , nec suam uxorem , & Spiritum sanctum contra veritatem Catholicam aliquid inspirare . Tertiò , tenentur fideles assentiri Ecclesiæ , Matth. 18. *Si autem Ecclesiam non*

*audierit, si tibi sicut Ethnicus & Publicanus; Sed nimis durum esset, ad illud astringere Fideles, si Ecclesia posset docere falsum. Quare, Patres huic veritati subscribunt, ut videre est apud Irenæum lib. 3. cap. 4. apud August. disputantem contra Donatistas, qui totam Ecclesiam visibilem Christi perisse dicebant, & solum remansisse in aliquibus iustis in Africa: apud Bernardum Serm. 79. in Cant. in illud, Tenui illum, nec dimittam; & alios.*

Obijcies primò: Synagoga Iudæorum sæpè defecit à fide: ergo & Ecclesia. Negatur consequentia, quia Ecclesia habet promissionem de sua firmitate, *Porta inferi non prævalent adversus eam; non Synagoga.* Deinde, difficile est ostendere Synagogam totam defecisse: nam si dicatur tempore Moysis populum, Exod. 32. errasse in adoratione vituli aurei; nec Moyses qui tunc erat dux Ecclesiæ illum adoravit, neque Leuitæ. Si dicatur, quòd solus Helias remanserit fidelis; hoc solum est quæst. præced. Si dicatur, Synagogam defecisse tempore Christi, hoc est, quia repudiata fuit cum ceremonijs suis, & loco eius substituta est Ecclesia. Si dicatur, quòd Ecclesia deficiet tempore Antichristi, 2. Thessal. 2. *Nisi advenierit discessio primum;* hoc intelligitur quantum ad aliquos, non quantum ad omnes. Si dicatur Daniel. 9. *Deficiet hostia & sacrificium;* hoc est, in Synagoga, non in Ecclesia. Si dicatur quòd Concilium Basiliense deposuerit Eugenium IV. & loco eius creaverit Felicem, & quòd postea Eugenius in Sedem irrepperit sine Canonica electione, à quo ortum habuerunt subsequentes Pontifices, Episcopi, & Sacerdotes: ergo saltem ab illo tempore defecit Ecclesia. Resp. licet hoc Concilium initio fuerit legitimum, dum in illo aderant legati Pontificis; ex quo tamen ipsi sunt revocati ab Eugenio, cessavit Concilium, & factum est Conciliabulum Schismaticum. Si Ecclesia denique comparatur Lunæ, quæ aliquando deficit: in hoc non stat comparatio; sed in hoc, quòd sicut Luna initio mensis exigua est, sic Ecclesia in ortu suo: sicut etiam Luna desumit lumen à Sole, sic Ecclesia fidem & sanctitatem à Christo.

Obijcies secundò: Non minùs promissa est sanctitas Ecclesiæ, quàm Fides, quia sanctitas est una ex notis Ecclesiæ, sanctitas autem potest deficere in om-

omnibus Prælatiſ. Reſp. quòd licèt ſanctitas deficere in Prælatorum congregatione ( quod tamen non eſt probabile ) attamen non deficiet in congregatione omnium Fidelium. Deinde , perſeuerantia in fide magis promiſſa eſt Prælatiſ, quàm in ſanctitate ; quia ſi errarent in definiendo, omnes Fideles errarent qui tenentur obedire Prælatiſ ſuiſ : ex corruptione autem Prælatorum non naſceretur ruina populorum, cum non ſecundum opera eorum teneantur agere , ſed ſecundum diſta . Dices , Promiſſum eſt tantum Eccleſiæ, quòd non deficiet in fide ; ſed error inculpabilis in Fide non deſtruit fidem , quoniam Cyprianus docuit baptizatos ab hæreticis debere rebaptizari , & non fuit infidelis : ergo tota Eccleſia ſaltem inculpabiliter poteſt errare in Fide . Reſp. licèt hoc poſſit accidere reſpectu priuatorum ( vnde aliud eſt errare in Fide, & aliud deficere à fide ) attamen totam Eccleſiam, quæ eſt columna veritatis , numquam permittet Deus definire aliquid contra fidem ; ipſe enim Chriſtus & Spiritus ſanctus cenſerentur definire contra fidem : nam vt ait D. Thom. 3. p. q. 12. art. 1. Solut. ad 3. Chriſtus eſt caput Eccleſiæ & Spiritus ſanctus eiſ cor ; actiones autem vitales corporiſ naturalis attribuuntur capiti & cordi ; ergo ſi Eccleſia proponeret aliquid contra fidem, Chriſtus & Spiritus ſanctus illud definire cenſerentur . Dices , Eccleſia poteſt errare , ſi vult , quia Fides eſt libera . Reſp. Deum numquam permittere quòd tota Eccleſia errare velit . Dices, Infallibilitas non debetur Eccleſiæ , niſi poſt diſquiſitiones & cōſultationes quas poſſunt omittiere omnes Prælati : ergo. Reſp. Deum, qui promiſit infallibilitatem Eccleſiæ ſuæ, mediante diſquiſitione , nunquam permiſſurum quòd illa omittatur.

Vt hæc quæſtio intelligatur diſtinctiùs, Dico primò, quòd Eccleſia toto orbe diſfuſa, in rebus neceſſarijs in fide, aut in moribus non poſſit errare errore culpabili ; & ſic non loquimur de Papa, aut de Concilio Generali, ſed de vniuerſa Eccleſia diſperſa. Hoc probatum eſt in Concluſ. Dico 2. nec etiam totam Eccleſiam poſſe errare errore inculpabili, credendo aut definiendo aliquid contra fidem, vt diximus ; quia licèt nō deſtrueretur illiſ fides, rueret tamē tota certitudo fidei ; dubitaret enim quilibet, an in tali articulo, vel tali nō laborauerit Eccleſia errore inculpabili.

*Boynin Theolog. Pars IV.*

**G**

**Dico**

Dico 3. omnes Prælatos collectiuè sumptos non posse proponere aliquid contra Fidem, siue culpabiliter, siue inculpabiliter: cùm enim populus teneatur doctrinam Pastorum sequi, rueret tota fidei certitudo, si Prælati & populus in errorem laberentur sicq; Prouidentia D. non debet permittere vt omnes Prælati deficiant. Dico 4. probabile esse, quod omnes Pastores & Doctores simul sumpti non possint personaliter errare in fide; si enim omnes sentirent aliquid esse de fide, quod non est, vel è contra, periculosissimum esset, nè idem sentirent populi, illud eis proponendo credendum. Licèt enim credamus Deum impedire, ne Summus Pontifex Hæreticus proponat suum errorem credendum, tale miraculum non est admittendum in singulis Prælatis.

## Q V Æ S T I O V.

*Quinam ad Ecclesiam pertineant?*

**H**Æc quaestio de pluribus intelligi potest, nimirum de Infidelibus, de Iudæis, de Hæreticis, de Schismaticis, de Excommunicatis, de reprobis, de non Perfectis, de magnis Peccatoribus, & de Infidelibus occultis. Quæritur, inquam, potest, an omnes isti sint membra Ecclesiæ, quod soluetur, breuitatis causa, per resolutiones sequentes. Vnde

Dico primò, Infideles, & Iudæos non baptizatos nequaquam pertinere ad Ecclesiam Christi (de Catechumenis loquemur postea) quia Fides & Baptismus sunt ianua Ecclesiæ, & sic non sunt illius membra, 1. Cor. 5. *Quid mihi de his qui foris sunt, iudicare?* id est, de Infidelibus. Nisi fortè dicantur esse de corpore Ecclesiæ, saltem in potentia, quomodo asseruit D. Thom. Christum esse illorum caput.

Dico secundò, Hæreticos non esse membra Ecclesiæ, sicut nec Apostatas; qui in hoc differunt, quod Apostatæ nihil retineant de fide, sed sint in Iudaismo aut Paganismo; Hæretici verò in aliquibus tantum articulis errant, & alios, saltem fide humana, retinent, vt diximus agendo de Fide. Assertio nostra est Concilij Nic. vbi Hæretici dicuntur posse recipi in Ecclesiam, si redierint; ergo sunt extra illam, eo ipso quo sunt hæretici, Ex Concil. etiam Late-  
ran.

ran Cap. *Firmiter de Sum. Trin. & Fide Catholica* : Ecclesia est congregatio Fidelium, & illi nullo modo sunt fideles, vt probauimus Cap. de Fide. Sic Patres omnes, inter quos solum August. referam lib. de Vnitare Ecclesie, Cap. 4. *Qui non credunt Christum in carne venisse, & resurrexisse, non vtrique sunt in Ecclesia*, & Cyprianum in Epist. ad Iubaianum dicentem, hæreticos, cum sint extra Ecclesiam, sibi vindicare auctoritatem Ecclesie more simiarum, quæ cum homines non sint, volunt tamen homines videri. Dum dicit Alphonsus à Castro, hæreticos & apostatas esse in Ecclesia, tanquam membra mortua, quia habent characterem Baptismi, subiunguntur poenis Ecclesie, & Paulus 2, ad Timoth. 2, ait, *In magna domo sunt vasa aurea, argentea, lignea & fictilia* : negatur Alphonsus; Character enim non facit esse actu in Ecclesia, aliàs damnati essent in illa; sed significat saltem aliquando fuisse in Ecclesia. Quod si puniantur hæretici, hoc est vt ad Ecclesiam redeant. Paulus denique per vasa lignea & fictilia intelligit peruersos & reprobos homines : Quod si intelligat hæreticos, vt volunt aliqui, per domum illam non intelligitur Ecclesia, sed mundus.

Dico tertio, Schismaticos non esse in Ecclesia, quia Schismaticus idem est, ac diuisus; est ergo ab Ecclesia separatus, qui est Schismaticus. Deinde, de ratione Ecclesie est, vt reperiatur vnio membrorum inter se, & membrorum cum capite; hanc autem vnionem tollit Schismaticus, dum se separat ab alijs Fidelibus, vel à Summo Pontifice; ergo quoquo modo fiat illud Schisma, semper ab Ecclesia separationem facit. Denique accedit testimonium Ecclesie, quæ in die sancta Veneris orat pro Hæreticis & Schismaticis, vt possint ad Ecclesiam redire. Quod si Schismatici dicantur Catholici, & Ecclesia dicatur Catholicorum congregatio, non proinde sunt in Ecclesia; quia non sunt proprie Catholici, cum non faciant professionem fidei in Ecclesia Catholica à qua separantur. Dices, partes vestis scissæ æquè manere partes ac antea; ergo licet Schismatici sint scissæ ab Ecclesia, non minus sunt eius partes. Resp. Schismaticos scindi ab Ecclesia, non vt partes vestis, sed vt ramos ab arbore, qui statim moriuntur, ipsa viuentē.

G 2

Dico



Dico tertio, Excommunicatos non esse de Ecclesia, ut docet Catechismus Romanus in expositione Symboli, & sacra Scriptura, Matth. 18. *Si Ecclesiam non audierit, sit tibi tanquam ethnicus & publicanus*; id est, si propter suam contumaciam ab Ecclesia excommunicatus sit, sit tibi tanquam Ethnicus, qui non est intra Ecclesiam, & tanquam Publicanus, qui licet sit intra Ecclesiam, tamen eius conuersatio ab omnibus vitatur; Deinde 1. Cor. 7. iubet Paulus incestuosum eijci extra Ecclesiam, id est excommunicari. Adde quod, in die Parasceues Ecclesia orat pro illis, ut possint redire ad Ecclesiam. Si dicas, Excommunicatum retinere baptismum, fidei professionem, & subiectionem Prælato: Resp. quod ut aliquis sit proprie in Ecclesia, præter has condiciones requiritur quod communicet cum alijs in vero cultu diuino, quod non facit Excommunicatus: Vnde Aug. dicit lib. de Vnit. Ecclesiæ cap. vult. *excommunicari, est visibiliter præsindi ab Ecclesia*. Instabis: Si excommunicatus post pœnitentiam ante absolutionem moriatur, saluus erit; sed extra Ecclesiam non est salus; ergo Excommunicatus est in Ecclesia: Resp. pro tunc esse intra Ecclesiam affectu & desiderio, unde saluari potest; non est tamen in Ecclesia externa communicatione, quod requiritur, ut quis sit in Ecclesia visibili. Aliqui non obstantibus his, tenent Excommunicatos esse tantum extra Ecclesiam in actu secundo, quia priuantur beneficijs Ecclesiæ, nempe orationibus publicis; re ipsa tamen, & in actu primo, sunt intra Ecclesiam: vnde si tradantur Sathanæ; hoc est; quia sœuit eos in fortius Sathanas, dum illos videt auxilijs Ecclesiæ destitutos.

Dico quarto quantum ad Catechumenos; quod si nullo modo sint instructi, sed tantum sinant se instrui, non sunt absolutè in Ecclesia, quia nec habent Fidem, nec Baptismum. Si verò, per instructionem præcedentem fidem habeant, possunt dici esse intra Ecclesiam, saltem potentialiter, cum fidem habeant, eamque exterius profiteantur, & parati sint recipere Baptismum, qui est ianua Ecclesiæ; cum illum tamen nondum habeant, non sunt actu in illa, nisi imperfectè & inchoatiuè, sicut foetus in utero matris dicitur homo. Vnde dicit Nazianzenus. Orat. in sanctum Lauacrum, eos esse in vestibulo pie-

pietatis, nec posse dici Fideles, nisi intus ingrediantur. Alij dicunt, quod si per votum Baptismi, gratiam & fidem habeant, sunt de Ecclesia, quantum ad meritum; quia vt sic saluari possunt; non verò quantum ad numerum; quia soli baptizati propriè numerantur inter Fideles. Dices, quod in veteri Testamento Gentiles, vt pote Iob, Melchisedech, & alij erant de Ecclesia, quoniam salui euaserunt sine Circumcisione, quæ erar figura Baptismi. Resp. pro tunc extra Synagogam fuisse salutem, quia circumcisio & ceremoniæ erant tantum pro Israelitis; Baptismus autem est pro omnibus ianua Ecclesiæ & Paradisi.

Dico quintò, quòd reprobj sint intra Ecclesiam, saltem aliqui, sicut & imperfecti & magni peccatores. Primum est contra Caluinum, Vvicleffum & Hussitas, contententes solos prædestinatos Ecclesiam componere; & probatur ex hoc, quòd Iudas dum Christum sequebatur, erat de Ecclesia, quia erat Apostolus. Deinde comparatur Ecclesia decem virginibus, quarum quinque dictum est, *Nescio vos*, comparatur etiam campo, in quo est bonum granum cum zizania, & ista tandem comburitur: comparatur domo in qua sunt vasa in honorem & in contumeliã: comparatur denique conuiuio à quo eijciuntur & proijciuntur in tenebras exteriores, qui non habent vestem nuptialem, per quos intelliguntur Reprobj, quoniam Christus concludit, *Multi sunt vocati, pauci verò electi*. Quod si Ecclesia comparetur arca Noe, in qua omnes saluari sunt, in hoc stat similitudo, quod extra Ecclesiam non sit salus, sicut nec extra arcam. Secundum, quod est contra Pelagianos & Anabapt. patet, quia numquam fuisset Ecclesia, si solis perfectis componeretur; soli enim Christus & Maria fuerunt perfecti, & duo non faciunt Ecclesiam. Tertium denique probatur ex comparationibus præcedentibus de arca, de campo, de conuiuio & domo.

Dico sextò, Hæreticos occultos, qui interiùs non habent Fidem Christianam, exteriùs tamen illam profitentur, frequentando Sacramenta, esse membra Ecclesiæ, licèt arida & mortua. Sic Valdensis, Driedo, Sotus, Valentia & Bellarminus, & alij contra aliquos: Non quod internam coniunctionem habeant

Dico tertio, Excommunicatos non esse de Ecclesia, ut docet Catechismus Romanus in expositione Symboli, & sacra Scriptura, Matth. 18. *Si Ecclesiam non audierit, sit tibi tanquam ethnicus & publicanus*; id est, si propter suam contumaciam ab Ecclesia excommunicatus sit, sit tibi tanquam Ethnicus, qui non est intra Ecclesiam, & tanquam Publicanus, qui licet sit intra Ecclesiam, tamen eius conuersatio ab omnibus vitatur: Deinde 1. Cor. 7. iubet Paulus incestuosum eijci extra Ecclesiam, id est excommunicari. Adde quod, in die Parasceues Ecclesia orat pro illis, ut possint redire ad Ecclesiam. Si dicas, Excommunicatum retinere baptismum, fidei professionem, & subiectionem Prælato: Resp. quod ut aliquis sit proprie in Ecclesia, præter has condiciones requiritur quod communicet cum alijs in vero cultu diuino, quod non facit Excommunicatus: Vnde Aug. dicit lib. de Vnit. Ecclesiæ cap. vult. *excommunicari, est visibiliter præsindi ab Ecclesia*. Instabis: Si excommunicatus post pœnitentiam ante absolutionem moriatur, saluus erit; sed extra Ecclesiam non est salus; ergo Excommunicatus est in Ecclesia: Resp. pro tunc esse intra Ecclesiam affectu & desiderio, unde saluari potest; non est tamen in Ecclesia externa communicatione, quod requiritur, ut quis sit in Ecclesia visibili. Aliqui non obstantibus his, tenent Excommunicatos esse tantum extra Ecclesiam in actu secundo, quia priuantur beneficijs Ecclesiæ, nempe orationibus publicis; re ipsa tamen, & in actu primo, sunt intra Ecclesiam: unde si tradantur Sathanæ; hoc est; quia sœnit eos in fortius Sathanas, dum illos videt auxilijs Ecclesiæ destitutos.

Dico quarto quantum ad Catechumenos; quod si nullo modo sint instructi, sed tantum sinant se instrui, non sunt absolutè in Ecclesia, quia nec habent Fidem, nec Baptismum. Si verò, per instructionem præcedentem fidem habeant, possunt dici esse intra Ecclesiam, saltem potentialiter, cum fidem habeant, eamque exterius profiteantur, & parati sint recipere Baptismum, qui est ianua Ecclesiæ; cum illum tamen nondum habeant, non sunt actu in illa, nisi imperfectè & inchoatiuè, sicut foetus in utero matris dicitur homo. Vnde dicit Nazianzenus. Orat. in sanctum Lauacrum, eos esse in vestibulo pie-

pietatis, nec posse dici Fideles, nisi intus ingrediantur. Alij dicunt, quod si per votum Baptismi, gratiam & fidem habeant, sunt de Ecclesia, quantum ad meritum; quia ut sic saluari possunt; non verò quantum ad numerum; quia soli baptizati propriè numerantur inter Fideles. Dices, quod in veteri Testamento Gentiles, ut pote Iob, Melchisedech, & alij erant de Ecclesia, quoniam salui euaserunt sine Circumcisione, quæ erat figura Baptismi. Resp. pro tunc extra Synagogam fuisse salutem, quia circumcisio & ceremoniæ erant tantùm pro Israelitis; Baptismus autem est pro omnibus ianua Ecclesiæ & Paradisi.

Dico quintò, quòd reprobj sint intra Ecclesiam, saltem aliqui, sicut & imperfecti & magni peccatores. Primum est contra Caluinum, Vvicleffum & Hussitas, contententes solos prædestinatos Ecclesiam componere; & probatur ex hoc, quòd Iudas dum Christum sequebatur, erat de Ecclesia, quia erat Apostolus. Deinde comparatur Ecclesia decem virginibus, quarum quinque dictum est, *Nescio vos*, comparatur etiam campo, in quo est bonum granum cum zizania, & ista tandem comburitur: comparatur domo in qua sunt vasa in honorem & in contumeliã: comparatur denique conuiuio à quo eiijciuntur & proijciuntur in tenebras exteriores, qui non habent vestem nuptialem, per quos intelliguntur Reprobj, quoniam Christus concludit, *Multi sunt vocati, pauci verò electi*. Quod si Ecclesia comparatur arca Noe, in qua omnes saluari sunt, in hoc stat similitudo, quod extra Ecclesiam non sit salus, sicut nec extra arcam. Secundum, quod est contra Pelagianos & Anabapt. patet, quia numquam fuisset Ecclesia, si solis perfectis componeretur; soli enim Christus & Maria fuerunt perfecti, & duo non faciunt Ecclesiam. Tertium denique probatur ex comparationibus præcedentibus de arca, de campo, de conuiuio & domo.

Dico sextò, Hæreticos occultos, qui interiùs non habent Fidem Christianam, exteriùs tamen illam profitentur, frequentando Sacramenta, esse membra Ecclesiæ, licèt arida & mortua. Sic Valdensis, Driedo, Sotus, Valentia & Bellarminus, & alij contra aliquos: Non quod internam coniunctionem habeant

G 3 cum



cum illa per Fidem, sed quia coniunguntur illi visibilibiter per externam professionem: sicut membra corporis quæ vita carent, dicuntur tamen membra eius, quandiu exterius illi adhærent. Ratio præcipua huius assertionis est quia non potest esse caput Ecclesiæ qui non est membrum illius: atqui Summus Pontifex, aut aliquis Episcopus non desinunt esse capita Ecclesiæ propter hæresim mentalem: ergo sunt adhuc membra illius, licet nihil de Fide retineant. Maior ex se patet, & minor habetur, cap. *audiuimus*, 24. quæst. 1. Deinde, omnes actus hæreticorum occultorum sunt validi ex eodem cap. ut Absolutiones, administrationes Sacramentorum, beneficiorum collationes, &c. Nemo autem potest exercere actus iurisdictionis Ecclesiæ, nisi sit in Ecclesia; qui enim sunt extra Ecclesiam, nullam iurisdictionem habere possunt in Ecclesiam, ut habent Cyprianus lib. 1. Epist. 6. Hieronymus in dialogo contra Luciferianos, Augustinus in Enchyridio cap. 65. & alij. Dicendum ergo est, quod in Ecclesia aliqua sunt membra, quæ habent Fidem & Charitatem, alia quæ habent solam Fidem, alia denique quæ habent tantum externam fidei professionem. Si dicatur quod forma Ecclesiæ sit Fides; hoc est falsum, aliàs Ecclesia non esset visibilis. Tandem hæc quæstio bene intellecta potius est de nomine, quam de re.

## Q V Æ S T I O VI.

*Quas prerogativas habeat Ecclesia supra  
Synagogam.*

**N**on sumitur hic Synagoga pro congregatione malorum, quo sensu accipitur Psal. 85. *Deus! iniqui surrexerunt super me, & Synagoga potentium quaesierunt animam meam*: Non sumitur etiam pro illis ædificijs, in quibus Iudæi solebant Scripturam explicare, ut Matth. 4. *Circuibat Iesus totam Galilaam, docens in Synagogis eorum*: Sed sumitur pro congregatione, seu Ecclesia Iudæorum, quatenus constabat ex populo & Sacerdotibus, cui Ecclesiæ Iudæorum successit Ecclesia Christiana quæ habet Christum institutorem, sicut Synagoga habebat Moysen, non quidem



dem pro authore, sed pro publicatore; de qua Ecclesia Christiana quarimus, num habeat quasdam perfectiones, quas Synagoga non habuit.

## CONCLUSIO PRIMA.

**I**N multis perfectior est Ecclesia nostra quàm Ecclesia Iudæorum. Primò Synagoga fuit ancilla, ad Galat. 4. *Non sumus filij ancillæ, sed liberæ.* 2. Synagoga, ut ancilla, fuit repudiata, ad Galat. 4. *Eijce ancillam & filium eius.* Ecclesia autem, cum sit domina, nunquam repudiatur; Esaia 54. *Nō timere, quia non confunderis, neque erubesces.* 3. Synagoga accepit à Moyse nudam legem quæ præcipiebat; Ecclesia autem accepit à Christo legem præcipientem, & gratiam adiuuantem, Ioan. 1. 4. Synagoga fuit exigua & intra Palestinæ terminos comprehensa; Ecclesia verò est Catholica & toto orbe diffusa, *In omnem terram exiuit sonus eorum.* 5. Synagoga non fuit mater omnium fidelium, quia multi extrà illam saluabantur, ut Niniuitæ; Ecclesia autem est mater omnium, & extrà illam nemo saluari potest: Vnde Cyprianus lib. de Vnit. Ecclesiæ, *Non habet Deum Patrem, qui Matrem non habet Ecclesiam.* Quod confirmat August. lib. de Vnit. Ecclesiæ 19. *Ad ipsam salutem nemo peruenit, nisi qui habet caput Christum; habere autem caput Christum nemo poterit, nisi qui in eius corpore fuerit; quod est Ecclesia;* Cuius veritatis rationes adducit Serm. 18. quia in sola Ecclesia immolatur Hostia redemptoris, in sola vinea laborantes mercedem denarii accipiunt, omnes, qui erant extrà arcam Noe, diluvio extincti sunt, &c.

Obijciunt non obstantibus his rationibus hæretici, probare contententes æqualibus Synagogam fuisse cumulatam fauoribus à Deo, ut exinde concludant quòd sicut Synagoga in fide periit, ita etiam Ecclesia defecerit à fide.

Obijciunt, inquam, id quod habetur Deuter. 4. *Non est alia natio tam grandis quæ habeat Deos appropinquantes sibi.* Et Psal. 147. *Qui annunciat verbum suum Iacob, iustitias & iudicia sua Israel: non fecit taliter omni nationi.* Respondeo, has prærogativas fuisse concessas Synagogæ per præferentiam ad alias Gentes, quæ tunc erant, non verò per respectum ad Ecclesiam quæ

nunc est; Nam aliæ gentes, ut plurimum, habebant quidem responsa dæmonum, qui in idolis falsa & ambigua loquebantur; habebant etiam legem Decalogi in cordibus suis, sed penè deletam propter peccata sua; non verò habent legem Decalogi ita recentem, non responsa Dei, qualia Iudæi habebant. Quântum verò ad Ecclesiam Christi, superat in his Synagogam; nam si Iudæi habebant Deum loquentem per Angelos in tabernaculo fœderis, Ecclesia habet ipsum Filium Dei Incarnatum, qui in propria persona locutus est Apostolis. Hebr. xi. *Novissimè diebus istis locutus est nobis in Filio.*

Obijciunt secundò, 3. Reg. 9. *Sanctificavi domum hanc* (inquit Dominus ad Salomonem) *quam adificasti, ut ponerem nomen meum ibi in sempiternum, & erunt oculi mei & cor meum ibi cunctis diebus.* Et Psal. 13 *Elegit Dominus Sion in habitationem sibi, hac requies mea in saculum saculi, &c.* ubi præclaras promissiones facit Deus Synagogæ, quales nunquam, inquit, fecit Ecclesiæ. Respondeo, hæc dici respectu aliarum gentium, non respectu Ecclesiæ, de qua ad Hebr. 8. habetur; *Nunc autem melius sortitus est ministerium, quantò & melioris testamenti mediator est, quod in melioribus repromissionibus sancitum est.* Vbi patet Ecclesiam Christi melioris promissiones habuisse, quàm Synagoga, cuius promissiones fuerunt conditionatæ, ut patebit legentibus primam promissionem, cui subiunctum est; *Si autem auersione auersi fueritis, auferam Israel de superficie terra, templum quod sanctificavi, projiciam à conspectu meo, eritque Israel in proverbium, & in fabulam cunctis populis.* Respectu etiam secundæ promissionis, additum est, *Si custodierint filij tui Testamentum meum, & testimonia mea hæc, qua docebo eos.* Promissiones autem factæ Ecclesiæ plures sunt, quàm duæ & hæ absolutæ, ita ut de earum effectu non dubitandum sit. Hæ autem promissiones factæ sunt Ecclesiæ in veteri Testamento & in nouo. In Veteri quidem, apud Esa. 54. ubi promittitur Ecclesiæ Fœcunditas vers. 1. Amplitudo vers. 2. Firmitas & Perpetuitas vers. 4. & sequentibus, Victoria denique contra hostes, vers. 16. quæ omnia intelliguntur expressè de Ecclesia Christi, inquit Hieronymus cum alijs &, Paulus ad Galat. 4. In Nouo Testamento multæ adhuc promissiones factæ sunt

sunt, quarum prima habetur Matth. 16. *Super hanc Petram aedificabo Ecclesiam meam, & porta Inferi, &c.* Secunda habetur, Matth. 28. *Euntes ergo docete omnes gentes; baptizantes eos, &c.* Et ecce ego vobiscum sum usque ad consummationem saeculi: In quo promittitur remissio peccatorum per Baptismum & sempiternam protectionem Dei contra Ecclesiae suae persecutores. Tertia promissio facta est Ioan. 6. inter alias quae videntur in transcurso Scripturae, ubi Christus promittit pro pane se daturum corpus suum.

Multa de lege Mosayea diximus in praecedenti volumine, agendo de Ordine in Tractat. de Sacramentis, & agendo de Lege diuina Tract. de Legibus.

## CAPUT II.

## De notis Ecclesiae.

**D**ixisse non sufficit, quid sit Ecclesia, quando incœpit, quod sit visibilis, quod non possit errare in fide, quænam sint membra illius, & quas prerogativas habeat supra Synagogam, quæ fuit Ecclesia veteris Testamenti: sed videndæ sunt notæ, quibus vera Ecclesia à falsa discernitur; & hoc est de quo dicturi sumus in hoc capite.

## QVÆSTIO PRIMA.

## De prima nota Ecclesiae, quæ est unitas.

**P**er notas Ecclesiae, intelliguntur quædam qualitates, quæ sunt ita propriæ veræ Ecclesiae & legitimæ Sponsæ Christi, ut nullo modo adulterinis Ecclesijs competere valeant. Quinque admittit Lutherus, quas ad numerum binarium, nimirum veram & incorruptam prædicationem Euangelij, & Sacramentorum administrationem reducit Calvinus. Catholicorum alij admittunt quindecim notas Ecclesiae, ut Bellarminus; Alij pauciores, alij denique admittunt tantum quatuor, quæ veram Ecclesiam infallibiliter designant, & hoc conformiter Symbolo Concilij Constantinopolitani; quæ sunt Unitas, Sanctitas, Catholicitas, seu Vniuersalitas, & quod sit



Apostolica; vnde prima huius capituli quæstio est de Vnitate Ecclesiæ. Porro non tantum probabimus ad adstruendum veritatem Ecclesiæ Romanæ, quod hæc quatuor qualitates illi conueniant, sed insuper probaturi sumus illas deesse Ecclesijs hæreticorum, & præsertim Lutheranæ & Calvinianæ.

### CONCLUSIO PRIMA.

**V**era Ecclesia, quæ Romana est, est vna. Quod verum est, non solum de Ecclesia noui Testamenti, sed etiam vt consideratur ab initio mundi vsque ad consummationem sæculorum; ita vt credentium vniuersitas, quæ fuit ante Legem, sub Lege, & sub Euangelio, semper eadem fuerit; Vnde nil refert quod alia sit forma nunc colendi Deum, alia Sacramenta, aliaque ratio Fidei; hæc enim non tollunt vnitatem Ecclesiæ, sed solum indicant diuersos status & diuersas ætates, manente semper Ecclesia eadem: ante legem enim erat infans, diuinis inspirationibus, velut lacte, nutrita: sub Moyse erat veluti paruula paulatim crescens sub Lege & Prophetis tanquam sub Pædagogis: sub Euangelio denique, tanquam adulta, libertate Christiana donata est, duo vbera habens, scilicet vtrumque Testamentum, quibus lacte cœlestis doctrinæ coepit fecundior esse, vt mundum impleret prole fidei, quæ postea impletura esset cœlum. Sicut ergo nullus homo est alius à se, ob diuersas qualitates ætatum, aut incrementa membrorum, ita nec Ecclesia in diuersis illis tribus statibus, non minus vna & eadem censebitur. Probatur conclusio ex Concilio supradicto, *Credo in vnam sanctam Ecclesiam, Catholicam & Apostolicam*. Quæ quidem Ecclesia multiplici ratione vna est: Primò, est vna in ratione finis, nempe beatitudinis æternæ; ad quam omnes Fideles à Deo ipso vocati & ordinati sunt; Vnde Tertullianus 39. Apologet. & alij Patres respondebant Paganis mirantibus, quod Christiani se Fratres nominarent, ob vnionem inter illos existentem, dicendo hoc non mirum debere videri, quia vnum Patrem Deum, agnoscebant, vnum Spiritum sanctitatis habebant, & ad eandem hæreditatem aspirabant; ex Arnobio Apolog. contra gentes. Secundò, vna est Ecclesia, vnitatem principij, nempe Dei

vocantis, & Christi fundantis & instituentis Ecclesiam. Tertio, est vna ratione mediorum ad hæreditatem Fideles perducentium, quibus vtuntur; quæ media vel sunt interna, vt Fides, Spes & Charitas; vel sunt externa, vt Sacramenta. Sacrificium Eucharistiæ & Lex Euangelica. Vnde Actuum, 4. dicit Paulus; *Credentium erat cor unum, & anima vna in Domino.* Quarto Ecclesia est vna ab vnitæ capitis, nedum inuisibilis, qui est Christus, sed etiam visibilis, qui est Romanus Pontifex Christi vices gerens in terris; ita quod sicut regnum dicitur vnum ab vno rege, familia dicitur vna ab vno patre, & exercitus vnus ab vno duce; sic ab vno Summo Pontifice Ecclesia dicitur vna; *Neque enim aliundè, inquit Cyprianus, Hæreses orta sunt aut nata schismata, quàm quod Sacerdoti Dei non obtemperatur; nec vnus in Ecclesia ad tempus Sacerdos & ad tempus iudex vice Christi, cogitur.* Quinto Ecclesia dicitur vna ratione doctrinæ, de qua loquens Aug. dicit: *Qui valunt vnā linguam, veniant ad Ecclesiam; quia in diuersitate linguarum carnis, vna est in fide lingua cordis.* Vnde Irenæus lib. de vnit. Fidei, cap. 3. *Neque quæ in Germania sunt, fundata Ecclesia aliter credunt, aut aliter tradunt, neque hæc quæ in Oriente, neque hæc quæ in Ægypto, neque hæc quæ in Lydia, neque hæc quæ in medio mundi sunt constituta: Sed sicut Sol creatura Dei in vniuerso mundo vnus & idem est, sic & lumen & prædicatio veritatis ubique lucet.*

Obijcies Scripturam plures Ecclesias commemorantem, vt in Apocalyp. *Ioannes septem Ecclesijs quæ sunt in Asia.* Respondeo, hanc pluralitatem non intelligi respectu Ecclesiæ vniuersalis, quæ vna est in toto mundo, sed respectu Ecclesiarum particularium, quæ sunt diuersa membra Ecclesiæ vniuersalis.

## CONCLUSIO SECVNDA.

**P**Ræcedens nota veræ Ecclesiæ non reperitur in Ecclesijs reformatis Lutheranorum, aut Caluistarum; imò Lutherus & Calvinus in multis dissentiunt; præsertim in fide, in Canone scripturæ, & in Sacramentorum administratione. Differunt primò in Fide: Matthias enim Lutheranus in libello quem nuper Lipsiæ prælo commisit, septemdecim



articulos enumerat, in quibus Lutherani à Calvinistis dissentiunt, de quorum vno tantum dicam; Quòd in Eucharistia Lutherani agnoscant realem præsentiam corporis Christi cum pane; Calvinistæ verò credant esse solum corpus Christi in figura, & non manducari nisi spiritualiter & per fidem. Differunt secundò in Canone Scripturæ; nam in suo Calvinistæ ponunt Epistolas ad Hebræos, B. Iacobi, & B. Iudæ, quas excludunt Lutherani, & vice versa, aliquos libros admittunt Lutherani quos reiiciunt Calvinistæ: In quo dissentiunt à Catholicis, quorum Canon antiquissimus est & quem acceperunt per traditionem ab Eugenio in Concilio Florentino: Eugenius à Gelasio, in Concilio Romano, Gelasius ab Augustino, Augustinus à Concilio Carthaginensi tertio, & Patres huius Concilij ab Innocentio I. ut diximus aliàs. Tertiò dissentiunt in ritibus Sacramentorum, nam Lutherani administrando Baptismum, exorcismum, admittunt & aliquas ceremonias, quas ridiculas sentiunt Calvinistæ.

## Q V Æ S T I O II.

*De secunda Ecclesia nota.*

**E**X antedictis habemus vnicam esse Ecclesiam, velut Arcam Noè, in qua quisquis non fuerit, peribit, regnante diluvio; Vnde multum errant, qui vnumquemque in sua Religione & fide posse saluari putant, indifferenter conuersando cum Hæreticis & Catholicis, modòque sumendo Agnum verum in Eucharistia cum istis; modò cœnam ridiculam cum illis; Videndum nunc est, vtrum sicut Ecclesia est vna, ita sit sancta.

## C O N C L U S I O P R I M A.

**E**cclēsia Christi sancta est. Primò, quia nemo in eam ingreditur, nisi per Baptismum ablutus & sanctificatus; 2. Quia omnia ipsius Instituta, Ceremoniæ, Sacramenta, & doctrina ad Sanctitatem ordinantur, quoniam per ea, vel sanctificamur, vel in sanctitate crescimus. 3. Quia tota Deo dicatur & inseruit in pietate & iustitia; ita ut planè sine macula,

exi-

existat. 4. Quia Christus, qui est caput & sponsus Ecclesie, est Sanctus Sanctorum. 5. Quia extra eam non potest inueniri vera sanctitas; quoniam sanctitas ad beatitudinem ducit, ad quam nulla via est pro illis qui sunt extra Ecclesiam. 6. Quia doctrina quæ traditur in Ecclesia, prorsus sancta est, tum in fide, tum in moribus: Vnde de illa dici potest; *Tota pulchra es amica mea. & macula non est in te*. Est, inquam, tota pulchra in doctrina Fidei, & macula morum in ea nequaquam reperitur, sicut fit in doctrina hæreticorum; nulla enim est secta Paganorum, Philosophorum, Iudæorum, Turcarum & Hæreticorum, quæ non contineat permultos errores rectæ rationi contrarios. Hoc constat de Paganis qui innumera admittebant in suis ritibus flagitia. De Philosophis antiquis hoc patet etiam, quoniam legibus Licurgi permittebantur adulteria, Persæ admittebant incestas nuptias cum matribus & sororibus; Apud Massagetas, propinqui deuorabant eos, qui vicini erant morti; Hircani proiciebant cadauera hominum canibus; Platonis legibus, quæ visæ sunt omnium optimæ, vel laudabantur, vel præscribebantur vitia, vt communio vxorum, extinctio conceptuum & Infantium cædes; Mahumetani docent beatitudinem consistere in cibo, potu & vxorum multitudine, multaque absurda statunt in suo Alcorano: Iudæi qui scripserunt post aduentum Christi, multos errores admiserunt in suo Talmud, quod est ipsorum verbum Dei non scriptum: Nam Rabbi Salomon maximi nominis apud Iudæos in illud Genesis 2. *Hoc nunc de osibus*; dicit, Adam cognouisse omnes bestias, libidinemque non potuisse extinguere, quoad usque Euam habuerit, ipsumque Adam tantæ fuisse staturæ, vt capite cælum tangeret.

Quantum ad Hæreticos, exploratos etiam errores habuerunt: Gnostici enim luxuriam omnem præscribebant, vitabantque conceptum; qui si sequeretur, foetum extrahebant de vtero, & contusum in mortario cum melle & pipere deuorabant; Montanistæ sacrificium efficiebant ex sanguine infantis vnus anni, quem æreis aciculis totum exprimebant; Manichæi æquale peccatum esse volebant præscindere folium de arbore, ac interficere hominem; Do-

natistæ

natistæ de montibus se præcipitabant, vel suffocabant aquis, vel in ignem conijciebant. ut efficerentur martyres.

Lutherani dicebant, infantes uti ratione dum baptizantur, audire verbum Dei, credere & diligere, quod est sanè ridiculum. Anabaptistæ in contrarium errorem inciderunt, asserendo infantes baptizari non posse, nisi usus rationis in illis adfuerit. Tandem Calvinistæ omnia absoluta necessitate euenire dicebant, Deumque faciebant authorem peccati. Ex quibus patet, omnes Hæreticos multa contra rationem admisisse, quod nullo modo reperitur in Ecclesia Catholica, quam sanctam proclamat Concilium Constantin.

Obijcies, in Ecclesia multos pastores & oues quamplurimas reperiri, in quibus nulla prorsus est sanctitas: ergo vel illi non sunt in Ecclesia, vel ipsa Ecclesia non est sancta. Resp. non dici sanctam, quasi solos iustos contineat, ut volunt Hæretici, quoniam est veluti Arca Noè, in qua animalia munda cum immundis admittebantur; vel ut in area in qua triticum reperitur cum palea; vel ut ouile in quo sunt oues & hœdi: Sed dicitur Sancta in se, propter rationes allatas, licet admittat in suo corpore membra putrida. Est, inquam, sancta Ecclesia nostra, tum sanctitate intellectus, quæ consistit in carentia erroris in Fide; tum sanctitate voluntatis & affectibus, quæ consistit in perfecta cordis munditia, qua quilibet Christianus ad Deum conuertitur. Si quis dicat: A maiori parte sumitur denominatio, maior verò pars Ecclesiæ in peccatoribus consistit, multi enim sunt vocati, pauci verò electi: Antecedens falsum est. quando maximè maior illa pars non est nobilior; homo quippe dicitur pulcher, quando faciem habet pulchram, licet in alijs partibus aliquas habeat deformitates. Adde quòd licet omnia membra Ecclesiæ sanctitatem non affectent in actionibus suis, eam tamen profitentur; ideoque Ecclesia semper sancta dicenda est, sicut omnes professi alicuius Ordinis non minus Religiosi dicuntur, licet suæ Religionis transgrediantur præcepta.

CON.



## CONCLUSIO SECVNDA

**E**cclēsia Reformatōrum non est sancta, quia tradit doctrinam sanctitati repugnantem, dum docet Deum esse authorem peccati, nullum peccatum ab homine committi, nisi Deo instigante & impellente, præcepta Decalogi esse impossibilia, nec ab ullo, quantumvis iusto, seruari posse; bona opera nullius esse valoris apud Deum, sed esse sordes & inquinamenta; prædestinatos & reprobos necessariò saluari vel damnari. Quòd hæc omnia sint contraria sanctitati, patet; Dicet enim aliquis intrà se, si Deus impellit ad peccatum, cur illi resistam? Si præcepta Decalogi impossibilia sunt, non est cur caueam à peccatis, nec quòd sollicitus sim de præceptorum Dei obseruatione; Si bona opera nullius meriti sint, imò inquinamenta & sordes, vitari potius debent, quàm accumulari: Si prædestinati necessariò saluentur, & necessariò damnentur reprobi, cur voluptatibus non indulgeam, si sim prædestinatus? si verò sim reprobus, quid frustra bonis operibus studebo?

Confirmatur quòd sanctitas non reperitur in Ecclesijs Reformatōrum, quarum capita, nimirum Lutherus & Caluinus fuerunt peruersa, vbi institutores Ecclesiæ Romanæ nimirum Patriarchæ, Prophetæ, Apostoli, Martyres, Doctores, Confessores, & alij sunt tam sancti, casti & pij, vt nil habeant quod reprehendi possit ab Hæreticis. De Luthero, constat illum fuisse infamem, nam cum duplici Castitatis voto astrictus fuerit (fuit enim Monachus & Sacerdos) vtrumque votum violauit, dum relicto Monasterio, sacrilegas cum Moniali cōtraxit nuptias, reliquoque vitæ decursu, in damnato concubitu perseuerauerit, quod sine dubio maximam infamiam redolet. Quantum ad Caluinum, quis ipsius infamiam contestari potest? quippè qui Nouioduni in Picardia propter crimen Sodomiz, publico iudicio condemnatus fuit ad pœnam ignis, quæ intercessione Episcopi in vstulationem ferri candentis mutata est. Sic Hieronymus Bolsecus Medicus Lugdunensis in vita Caluini cap. 5. Sic etiam Laurentius ad an. Christi 1538. & Thom. Stapletonus, in Promptuario Catholico, Sabbato hebdomadæ tertiæ in Quadragesima.

QVÆ.

## QVÆSTIO III.

*De tertia nota Ecclesiæ, nempe de Vniuersalitate.*

**I**Ta proprium est Ecclesiæ, quòd sit vniuersalis seu Catholica, vt inter alia quæ tenebant Augustinum in gremio Ecclesiæ, erat hæc qualitas: in caput enim 9. Ioan. sic ait; *Multa sunt quæ in gremio Ecclesiæ me tenent. Tenet me consensus populorum; tenet auctoritas miraculis inchoata, spæ nutrita, charitate aucta, vetustate firmata; tenet successio sacerdotum ab ipso Petro; tenet denique ipsum Catholica nomen, quod ita inter tot hæreses Ecclesiæ sola obtinuit, ut cum omnes hæretici se Catholicos dici velint, querenti tamen peregrino alicui, ubi ad Catholicam Ecclesiam conueniatur, nullus hæreticorum Basilicam suam audeat ostendere.* Conformiter ergo Augustino erit nostra

## CONCLUSIO PRIMA.

**E**cclésiæ dicenda est Catholica, seu vniuersalis. Est, inquam, Catholica tribus de causis. Primò ratione loci, quia per vniuersum orbem diffusa est; 2. ratione temporis, quia semper durauit & durabit; 3. ratione hominum saluandorum, qui omnes ad Ecclesiæ gremium vocantur, si saluari peroptant.

Primò, est Catholica seu vniuersalis ratione locorum, cum sit per totum orbem diffusa, neque vnius regni aut Prouinciæ terminis definita, vt hæreticorum coetus; vnde Augustinus docet, Ecclesiam esse vbique & hæresim pariter, cum hoc discrimine, quod Ecclesiæ est vbique vna; hæresis verò vbique diuersa. Hæc assertio fundatur in illud Euangelij: *In omnem terram exiuit sonus eorum*; vnde nullum est regnum, nulla ratio nobis cognita, quæ hanc Religionem vel non habeat adhuc, vel aliquando non habuerit, vel non incipiat habere, vt videre est apud Indos, Iapones, Persas, Mahumetanos, Tartaros, Brasilijs, Mexicanos, & alios omnes apud quos reperiuntur templa, vel saltem altaria, imaginesque Christi & Sanctorum, & celebrantur Missæ, sicut & administrantur Sacramenta, & hoc per prædicationem Apostolorum & virorum zelo incredibili animatorum, qui



qui Euangelium Christi in quemlibet terræ angulum portauere.

Dicitur 2. Catholica, quia semper fuit & semper erit, vbi alix sectæ post eam inceperunt, sensimque interiere; Author enim cuiuslibet, locus, ortus, oppugnation & damnatio facile ostenduntur; pro vera autem Ecclesia, ad Deum initio mundi, ad Christum in medio sæculorum recurrendum est, & ad finem vsque temporum. Ex ipsomet ore hæreticorum Religio seu Ecclesia nostra per mille annos absque vlla interruptione durauit à tempore scilicet D. Gregorij (quòd vltro iure negamus) vbi vix vllam hæresim reperiēs, quæ per vnum sæculum duraerit, sine maxima sui diminutione. Adde quod continua successio Pontificum à D. Petro, ostendit ipsius Ecclesiæ antiquitatem. Si enim Irenæus lib. 3. cap. 3. numeret Episcopos Romanos à Petro ad Eleutherium, qui suo tempore sedebat, ac dicat, per hanc successionem confundi omnes hæreticos, quanto magis nunc confundi debent, vbi successionem non interruptam habemus plusquam ducentorum Pontificum?

Dicitur 3. Catholica, ratione personarum saluandarum; quia vocat & recipit homines cuiuscunque status & conditionis, neque alligata est familiæ particulari, sicut erat familiæ Iacob Ecclesia veteris Testamenti; Imo non est distinctio Iudæi & Græci; Indi & Ægyptij; quoniam quilibet potest effici membrum Ecclesiæ per spiritum sanctum vocantem, & per Spiritum Christi regenerantem in Sacramento Baptismatis. Ostendi potest hæc vniuersalitas tertio, per hoc, quod dixit Ioannes, se vidisse turbam magnam beatorum ex omnibus gentibus, populis & linguis; ad Ecclesiam enim triumphantem nemo transferri potest, nisi prius fuerit sub vexillo Christi in Ecclesia Militante.

## CONCLUSIO SECVNDA.

**E**cclēsia reformata, non est dicenda Catholica, quia toto orbe non est diffusa, nec duratura vsque ad finem mundi, nec denique ratione saluandorum. Primò, non est toto orbe diffusa, cum non reperiatur in Asia, Africa, India, Hispania, Lotha-

tharingia, Lusitania; nec in melioribus partibus Italiae, Galliae, Poloniae, Germaniae aut Belgij; imò verisimile est, nunquam fore, ut per totum orbem diffundatur, cum Ministri reformati non se conferant in exteras nationes, plantandi Euangelij causa. Vnde non apparet illos non esse afflatos eo spiritu, quo olim erant Apostoli, quibus dictum est, *Euntes in mundum uniuersum, predicate Euangelium omni creaturae*; sed hunc spiritum retinuerunt Catholici, cum nullum sit regnum, nec villa gens tam barbara, ad quam non penetrent solo ardore Legem Euangelicam promulgandi.

Secundò, Ecclesia reformata non est Catholica ratione temporum; quoniam vera Ecclesia antiquior est falsa, sicut Deus ante fuit quàm diabolus esset: seminatum enim legimus prius bonum semen, quàm Zizania, Matth. 13. Et nulla est hæresis; cuius author non reperiatur post Christum, & cuius initium non appareat; coepit enim Ariana hæresis in Ægypto anno Dom. 324. Nestoriana in Thracia an. 431. & Lutherana in Saxonia an. 1517. Hæc omnia denotant quaslibet sectas initium ducere, & sic non sunt Catholicæ, nec vniuersales à parte ante. Non etiam sunt tales à parte post, iuxta dictum Pauli 2. ad Timoth. 2. *Sed ultra non proficient*; vnde dicit Cyprianus lib. 4. Epist. 2. Schismaticos semper initia feruentia habere, incrementa verò habere non posse, sed statim cum sua praua æmulatione deficere. Hoc verificari potest in Lutheranis, qui vix nati arescere ceperunt, coepit enim Lutherus an. 1517. vixque septem annis pacificè regnavit, quoniam anno 1525. surrexit Zuinglius & biennio post Anabaptistæ, qui maiorem Lutheranorum partem ad se traxerunt, & ità immutata est hæc secta, ut vix puri Lutherani inueniantur. Quantum ad Calvinum, ipsius error tam breui durauit, vñ penè natus, penè diuisus fuerit, nimirum per Libertinos in Gallia, per Puritanos in Angliâ, per Trinitarios in Polonia, & Samosatenos in Transyluania.

Tertiò, Reformatorum Ecclesia non est Catholica ratione saluandorum; nam omnes qui saluantur, in Ecclesia reformata non saluantur; aliàs ante Lutherum & Calvinum per mille quingentos annos, nullus euasisset saluus. Imò nullus in ea saluari potest; sal-

uaretur enim vel per Fidem solam, vel per Fidem operibus coniunctam. Non proximum quia Iacob. 2. *fides sine operibus mortua est*, & nemo potest saluari mortua fide: Nec secundum, quia si aliquis saluaretur Fide & operibus simul, non esset Lutheranus aut Caluinista, sed purè Catholicus, quoniam Ecclesia in Christianis tantum exigit fidem & opera.

## QVÆSTIO IV.

*De ultima nota Ecclesia, qua Apostolica dicitur.*

**L**icet ex præcedenti conclusione Ecclesia Christi sit vniuersalis & Catholica, non minus tamen Romana dicenda est, & in hoc hæreticis non licitum est nos arguere, quòd ad locum particularem definiamus Ecclesiam, quæ vniuersalis est: Nam Ecclesia dupliciter potest sumi; primò pro Ecclesia particulari, quæ Romæ fuit ab initio & nunc est; Secundò pro tota collectione omnium Fidelium, qui toto orbe diffusi Romano Pontifici adhærent. Primo modo sumpta, Ecclesia Romana non est vniuersalis, sed ad summum Patriarchalis, solum Patriarchatum occidentalem continens: sumpta verò secundo modo (vt sumitur reuerà) est vniuersalis; quia toto orbe diffusa est; & Romana dicitur, quia Romanus Pontifex illi præest, sicut totius orbis Christiani Ecclesijs. Non fuit autem sine speciali cura factum, vt caput Ecclesiæ Romæ sederet, ad quam primò Christus destinauit Petrum, vt scilicet potentiam virtutis suæ ostenderet Christus, collocando princeps regni sui spiritualis, vbi mundus vniuersi imperij caput collocauerat. Non elament ergo hæretici, Romam esse meretricem illam cui nomen datur Babylon in Apocalypsi: licet enim talis fuerit aliquando, pro tempore quo gentilis erat, omnium gentium imbuta erroribus, contra Deum blasphemans & effundens Sanguinem Sanctorum ex Hieronymo & Tertull. postquam tamen nomen Christo dedit, non amplius meretrix, sed sponsa fidelis fuit nominanda; scriptam enim in fronte blasphemiam, Christi confessione deleuit, inquit Hieronym. Non obstante ergo hoc clamore hæreticorum



corum Ecclesia iure dicenda est Catholica, unde videre nobis remanet an sit Apostolica, in quo consistit vltima nota Ecclesiæ.

### CONCLUSIO PRIMA.

**E**cclēsia verè Apostolica est tribus de causis; nimirum, quia ab Apostolis fundata est; quia doctrinam quam habet, ab Apostolis accepit; & ratione successionis continuæ Pontificum ab Apostolis.

Primò, Ecclesia Apostolica dicitur, quia per Christum qui est Apostolus, per duodecim Apostolos à Christo institutos, & per D. Paulum post Christi ascensionem in Apostolum electum fundata est. Quod Christus author & fundator nostræ Ecclesiæ, dicendus sit Apostolus, patet quia Apostolus idem est ac missus; Christus autem à Patre missus est ad homines redimendos & edocendos. Ioan. 20. *Sicut misit me viuens Pater*, &c. Quod etiam D. Paulus vt Apostolus fundauerit Ecclesiam, patet, quia multos Fideles Ecclesiæ genuit per prædicationem. 1. ad Cor. 4. *Per Euangelium ego vos genui*. Et ad Gal. 4. *Filioli quos iterum parturio*. Quibus positis, facile est videre, Ecclesiam esse Apostolicam, quia tum Christus, tum Paulus, tum Apostoli Ecclesiam fundarunt prædicatione & sanguine; ita quòd isti Spiritum Dei habentes, illum communicauerint Ecclesiæ, sicque sunt secundaria fundamenta illius ciuitatis Dei viuētis.

Secundò, Ecclesia est Apostolica, quia nedùm Ecclesiam Apostoli fundarunt, sed etiam per totum orbem propagarunt, inxtà id quod habetur ad Roman. 10. *In omnem terram exiuit sonus eorum*; sed quia Apostolorum doctrinam semper retinuit & retinebit. Ad Gal. 1. *Licet nos aut Angelus de cælo euangelizet vobis præter quod exangelizauimus, Anathema sit*; quod de sola Ecclesia Romana intelligi potest; non verò de Ecclesijs reformatis, quarum pastores nec secuti sunt mores, nec doctrinam Apostolorum; Apostoli enim secuti sunt continentiam, & castitatem amplexantur; Reformati verò Castitatem impossibilem dicentes omni libidini

ni immersi sunt, & vota perfectionis non solum irrita, sed & impia & non seruanda proclamant. Quantum ad doctrinam Apostolicam; omnino illi aduersantur, quia repudiant bona opera contra Petrum dicentem, *Satagite, ut per bona opera certam vestram vocationem faciatis*; Traditiones reiiciunt, contra D. Paulum clamantem, *Tenete traditiones quas didicistis à me*: Extremamque Vnctionem ex numero Sacramentorum tollunt, estò, Iacobus dicat vocandos esse Presbyteros Ecclesiæ, ut vngant infirmos.

Tertiò, Ecclesia est Apostolica, ratione successionis continuæ Prælatorum ab ipsis Apostolis: hæc enim Pontificum successio à Clemente IX. nuper è viuis sublato, deduci potest vsque ad Linum, Cletum, Clementem & Petrum. Hoc nullo modo asseuerare possunt hæretici nostri, quorum capita & institutores fuerunt Lutherus & Caluinus in præcedenti tantum sæculo nati, Nec dicant isti, se habere successionem doctrinæ ab Apostolis, licet non habeant viros Apostolicos sibi inuicem sine interruptione succedentes; hoc enim fieri non potest; nam tempore intermedio ab Apostolis ad Lutherum & Caluinum, ubi erat illa doctrina, certè debuit existere, cum sit accidens in aliquo subiecto, tanquam aliquod depositum deducendum à Maioribus ad posteros; attamen à primis quingentis annis, quo Ecclesia Romana corrupta est, ut prætendunt, nullus erat Fidelis, nec vlla visibilis Ecclesia, quæ talem doctrinam retineret. Melius ergo longè est si concludamus Ecclesiam nostram non verò Reformatam; esse Catholicam. Hic notandum est, quòd, ut successio personalis sit essentialis nota veræ Ecclesiæ, debeat coniungi cum successione in doctrina, vnum enim sine altero non sufficit; nam licet in quatuor Ecclesijs Patriarchalibus Orientis enumerari possint Antistites sibi inuicem succedentes, in qualibet tamen harum Ecclesiarum non viget & sæpè viguit hæresis. In Ecclesia Constantinopolitana, Macedonius, Nestorius, Anthimius, Sergius & alij plures sederunt. In Anthiochena Paulus Samosatenus, Valius, Petrus Gnaseus & alij Hæresiarchæ visi sunt. In Alexandrina, Georgius Cappadox, Lucius, Dioscorus & cæteri. In Hierosoly-

mi-



mitana denique Salustius, Arsenius, Heraclius & alij sedem tenuerunt. In Romana verò nullus vnquam sedit hæreticus, immò deficientibus illis quatuor, semper immobilis remansit. Vndè de ea verificari potest illud Esa. 19. *Erunt quinque ciuitates iurantes per Deum exercituum, verumtamen ciuitas Solis vna vocabitur*; idest, quatuor patriarchales Ecclesiæ in cultu Christi olim florentissimæ, paulatim in hæresim defecerunt; Ecclesia verò Romana, vera ciuitas solis, à qua lux veritatis vndeque diffunditur, semper manet, stabilisque manebit.

## CONCLUSIO SECVNDA.

**E**cclēsia Reformata non est vllō modo Apostolica; non est enim fundata ab Apostolis, nec propagata; sed in Luthero & Caluino initium habuit, & ab illorum discipulis propagata est: Non habuit etiam continuam successionem Prælatorum ab Apostolis vsque ad Caluinum & Lutherum progenitores suos: nec denique habet Apostolorum doctrinam, vt iam probauimus, quod vtrò confirmari debet. Primo, Apostoli docent Deum neminem incitare ad peccatum, cum malorum intentator sit: Caluinus verò Lib. 1. Instit. Cap. 18. §. 4. docet peccatores esse certa Dei destinatione ad peccandum impulsos. Secundo, 2. Petri 3. Scriptura dicitur in multis difficilis intellectu; & Lutherus in præfatione assertionis omnium articulorum à Leone X. damnatorum, dicit, Scriptura ipsa per se est certissima, facillima, apertissima, & sui ipsius interpret. 3. Homo habet vsum liberi arbitrij, 1. ad Cor. 7. *Potestatem habens sua voluntatis*: Lutherus verò art. 36. scribit quòd liberum arbitrium est figmentum in rebus, seu titulus sine re; quia omnia sub Deo sunt, contra quem nihil possumus: Et Caluinus 3. Instit. Cap. 23. §. 9. affirmat reprobos non posse euadere peccandi necessitatem, cum ipsis ex Dei ordinatione iniiciatur. 4. Paulus 1. ad Tim. 2. docet Deum velle omnes saluos fieri, & neminem perire: Caluinus verò Lib. 3. Instit. Cap. 21. §. 1. ait. Palam est Dei nutu fieri, vt alijs vtrò offeratur salus, alij ab eius aditu arceantur. 5. Fidem sine operibus mortuam dicit Iacobus cap. 1. Lutherus verò dicit lib. de Captiuit. Babyl. cap. de Baptismo, fidem

fidem sine operibus sufficere, sicut Calvinus lib. 3. Instit. cap. 4. §. 28. Multa huiusmodi, quæ prolixius esset retexere, contraria Apostolis admittunt Hæretici.

## QVÆSTIO V.

*Quanam sint rationes alia, quibus ostenditur veritas Ecclesia Romana, & falsitas reformatæ?*

**E**X dictis iam constat falsam esse Ecclesiam reformatam, & veram esse Ecclesiam Catholicorum seu Romanam; in quantum ista habeat quatuor notas essentielles, quæ vnicè ad veram Ecclesiam spectant; illa verò nullas earum obtineat, cum non sit Vna, Sacta, Catholica, nec Apostolica. Licet, verò ex illis notis appareat falsitas Ecclesiæ Reformatæ, non desunt tamen aliæ rationes, quibus illius falsitas comprobetur; unde

Dico primò falsam esse Reformatorem Ecclesiam; quia Lutherus & Calvinus seipsum sine legitima vocatione intruserunt ad talem reformationem. Sicut autem in Regno ciuili nemo potest sibi arrogare pro suo libito potestatem gubernandi populum, abrogandi veteres leges & consuetudines, ac totum Politicæ statum mutandi & reformandi, aliàs tyrannus habebitur; sic etiam non potest quis absque legitimo titulo vsurpare potestatem dicendi & dirigendi populum in Fide, ac Religione, nisi fur & latro vocetur. Ioan. 20. *Qui non intrat per ostium in ouile ouium, sed ascendit aliunde, ille fur est & latro.* Cum ergo Lutherus & Calvinus sine vilo iure arrogarint sibi potestatem docendi populum in fide, totumque Ecclesiæ statum immutandi & reformandi, proinde Ecclesia ab ipsis reformatæ vera & legitima esse non potest, defectu legitimæ missionis.

Quod isti Reformatores non fuerint legitimè missi, patet triplici ratione. Primò, quia Spiritus sanctus, à quo dicuntur missi inuisibiliter, est Spiritus Patris & vnitatis, qui contradictionem inspirare non potest; sed in sua reformatione Lutherus multa reponit credenda quæ improbat Calvinus, vt inter aliam realitatem corporis Christi in Eucharistia, quæ asserit Lutherus cum existentia panis, & negat

Cal-

Calvinus, docens corpus Christi esse tantum figuratiue in ea, & manducari solum per Fidem. Secundò, quia illi; qui hactenus missi sunt ad instituendum populum in Fide, à solo Deo scilicet, vt se iactant Lutherus & Calvinus, ita fuerunt à Spiritu sancto directi, vt nullum errorem aut falsitatem credendam proposuerint populo, vt patet de Moyse, & Christo, Prophetis & Apostolis; sapientius tamen mentiti sunt Lutherus & Calvinus, dicentes hominem non habere usum liberi arbitrij: Deum esse authorem peccatis; ipsum velle, absolute vt maior pars hominum peccet; & similes errores proponendo, qui in Deum sunt blasphemi & hominibus horrorem ac desperationem incutiunt. Tertiò, quia illi qui missi sunt à Deo missione extraordinaria, vt se dicunt illi Hæresiarchæ, non habent missionem ordinariam, quæ fit mediante electione, vel concessione eorum hominum, quorum interest, quo pacto confertur Parochis ab Episcopo, Episcopis à Pontifice, & Pontifici, mediante Electione Cardinalium; Illi, inquam, quibus confertur Missio extraordinaria, vt Moyses, Prophetæ, Christus & Apostoli, debent probare suam missionem per viam miraculorum, quod nusquam fecerunt illi Reformatores, & sic eorum Missio non fuit legitima.

Superest ostendendum, eos qui fuerunt missi extraordinarie, probasse suam Missionem miraculis, quòd omninò necessarium est, tum ex parte eius qui mittitur, tum ex parte eorum ad quos mittitur. Si enim asserat aliquis à Deo se missum esse, quod tamen probare non potest, vt impostor habebitur; si etiam illi ad quos fit missio, credant aliquem à Deo mitti sine probatione suæ missionis, non prudenter æstimabunt. Primò, Moise ad Pharaonem missus à Deo, multa coram illo edidit miracula, vt patet Exod. 3. Secundò, quod dicitur de Moyses, verum est de Prophetis, qui suam missionem ad populum miraculis confirmarunt; nam tempore Achab Regis fuit dissertatio inter Eliam & Prophetas Baal, 3. Reg. 18. & cum hi omnes esse legitime missos affirmarent, dixit Elias, se confirmaturum esse missionem suam euidèti miraculo, quod Prophetæ Baal facere non possent; Duo enim boues in frustra concisi, & super ligna positi sunt in holocaustum, alter pro Elia, alter pro

Pro-

Prophetis Baal; Hi inuocato nomine Deorum suorum, non potuerunt à Deo obtinere ignem quo suum Holocaustum consumeretur: Elias autem inuocato Deo Israel, impetrauit; quo miraculo permotus populus, interfecit Prophetis Baal, tanquam impostoribus, Eliam, tanquam à Deo missum, acceptauit. Tertiò, suam missionem coram populo confirmarunt Apostoli, vipotè loquendo varijs linguis, demonia expellendo, morbos vmbra vel verbo curando, mortuos reuocando ad vitā, iuxta illud Marc. 16. *Prædicauerunt ubique Domino cooperante, & sermonem confirmante sequentibus signis.* Quod de se in particulari testatur Paulus 2. ad Corinth. 12. *Signa Apostolatus mei facta sunt super vos in prodigijs & virtutibus.* Quartò, probauit etiam suam missionem Christus per miracula, licèt pro se habuerit vaticinia omnium Prophetarum, licèt habuerit testimonium Ioannis Baptistæ, licèt de eo dixerit Pater cœlestis, *Hic est filius meus dilectus*, &c. tamen adhuc opus illi erat miraculis, quibus refertum est Euangelium, iuxta illud Ioann. 14. *Non creditis quia ego in Patre, & Pater in me est? alioquin propter opera ipsa credite.*

Ex his concludendum est, quòd hæretici nostri qui non habuerunt missionem ordinariam, quoniam illos non elegerunt Prælati, vt contra mores, & ritus Ecclesiæ declamarent, qui etiam non habuerunt missionem extraordinariam, quam probare possint, ridiculos absolutè videri, dum nobis proponunt nouam Ecclesiā, quæ in sponsam Christi insurgere prætendit, affirmantes Ecclesiā Christi à multis iā sæculis in Fide errasse, maiores nostros quotquot in ea vixerunt, damnatos esse, nos omnes qui in ea iā viuimus, in errore & tenebris versari, nominemque omnium nostrum saluari posse. Cum hac omnia maximi sint momenti, non leuiter his impostoribus credendū est; aliàs, vt fatui haberemur, si plus illis, quàm Prophetis & Apostolis adhiberemus fidem, quippe qui nullum miraculum, nullum testimonium diuinum, nec vllum signum euidentius obtinere possint: Nec dicant aduersarij, sufficiens suæ missionis testimonium esse, quòd infiniti propè homines doctrinā Lutheri & Caluini amplexi fuerint statim à principio, & hoc sine miraculis; hoc enim mirum vi-



deri non debet, quia sicut in veteri Testamento in finiti ferè homines adhærebant falsis Prophetis, quia grata prædicabant, sicut etiam in Nouò maior pars orbis Mahumeto adhæret, inquantum blanda sensibus omnia proponit; sic etiam nil mirum est, si voluptuosi sequuntur Caluinistas & Lutheranos, qui castitatem, mortificationem, ieiunia, confessionem auricularem, & similia repudiant.

Dico secundò, falsam esse Reformationum Ecclesiam, quandoquidem in multis articulis subimet contradicunt, quod non est proprium Ecclesiæ, quæ cum verum semper edoceat, nusquam sibi contradicit. De contradictionibus Lutheri quæ prope infinitæ sunt, scribit Ioannes Cochleus in libro qui inscribitur, *Lutherus septiceps*; Modò dicit Lutherus, Ecclesiam multis annis fuisse inuisibilem, & vndequaque dispersam; modò suslinet illam fuisse semper visibilem. Super Psalm. 109. Resolut. 26. Messam sacrificium esse agnoscit, postea illam inuentionem diaboli nuncupat. Sermon de Natiuit. S. Ioann. Baptist. orationes pro mortuis recipit, & contrarium docet Sermon. de Lazaro. Super Eucharistiam triginta sex opiniones omnino contrarias in mente habuit. Quantum verò ad contradictiones Caluini, permultæ sunt, quarum aliquas tantum referam. Primò, lib. 1. Instit. cap. 18. docet Deum esse authorem peccati; contrarium verò astringit in Instructione contra Libertinos, cap. 14. vbi ait, *Temulenti isti à Deo omnia fieri perstreptentes, cum mali authorem constituunt.* Et infra: *Cum Deo nil magis proprium sit, quam sua bonitas, ipsum à se abnegari oportet, & in diabolum transmutari, ut malum efficeret, quod ei ab illis tribuitur.* Secundò, ad cap. 1. Ioann. v. 1. docet Christum esse verum Deum & eiusdem essentia cum Patre: Contrarium tamen insinuat Lib. contra Valentinum Gentilem, vbi tria asserit: 1. Nomen Dei per excellentiam ad solum Patrem pertinere: 2. Solum Patrem propriè dici Creatorem Cœli & Terræ, & impropriè Filium; 3. Impropriam ac duram esse locutionem Symboli Nicæni; *Deum de Deo, lumen de lumine*, in quibus facit Patrem Filio maiorem & excellentiorem, & proinde verum Deum negat Filium, & Patri con-

sub-

substantialem; Vnde illud Ioan. 10. *Ego & Pater unum sumus*, interpretatur eodem modo, quo Ariam, dicens in Comentar. *Abusi sunt hoc loco veteres, ut probarent Christum esse Patri consubstantialem; neque enim Christus de unitate substantia disputat, sed de consensu quem cum Patre habet.* Tertiò, sibi contradicit Caluinus supra limbum Patrum, in quo Patriarchæ, tanquam in carcere detinebantur ante aduentum Christi; illum enim cum Catholicis admittit contra Anabaptistas in Physicopanichia, cum ait; *Nec vero miretur quisquam includi carcere Sanctos Patres; qui Redemptionem Christi expectabant.* Eundem tamen negat libr. 2. Institut. caput 16. paragr. dum dicit, *Nescio quid factum sit, ut posteritas locum putaret esse subterraneum; cui affingit nomen Limbi; sed hac fabula, tametsi magnos authores habet, nil tamen, quam fabula est.* Vnde Caluinistæ per Christum descendente ad Inferos, intelligunt descensum corporis eius in sepulchrum. Quartò, fatetur Caluinus extare præceptum Christi de Baptismo aquæ libr. 4. Institut. cap. 15. paragr. 19. hoc tamen negat in Commentario illius loci; ubi dicit Ioannes 4. *Nisi quis renatus fuerit ex aqua, &c.* dum ait; *Nullo modo adducor ut Christum de Baptismo verba facere credam.* Et ibidem, Spiritum & aquam pro eodem posuit, Sunt & aliæ multæ contradictiones in doctrina Caluini sed hæc sufficiunt, ut ostendatur veritatem non reperiri in Caluini doctrina, quandoquidem veritas semper sibi eadem manet, nullisque in contradictionibus subijciunt.

Dico tertiò, falsam esse Reformationum Ecclesiam, quia non conspirat cum Ecclesia antiqua, quæ primis quingentis annis Apostolicam Doctrinam retinuit ex ipsa voce Hæreticorum. Hoc modo compescuit hæreticus Theodosius Imperator ex Sozomeno libr. 7. caput 12. iubens sectarum principes convenire, à quibus postulauit, an exististimarent antiquos Patres qui Ecclesiam rexerant ante dissidium illud quod tunc de Religione ortum fuerat, rectè consensisse & verè Apostolicos fuisse? quod cum illis affirmassent, subiunxit; *Examinemus ergo Doctrinam vestram ad illorum scripta; & si eum illis consenserit; retineatur;*

H 2 neatur;

neatur ; sin minus , abijciatur . Ex hoc patet , doctrinam veram in fidem non esse , nisi conformis sit antiquæ , qualis non est Doctrina Hæreticorum , maximè Caluini qui toti antiquitati omninò repugnat . Hoc habetur primò , ex libr. 2. Institut. cap. 2. §. 4. vbi ait: *Semper apud Latinos nomen liberi arbitrij existit & apud Græcos , ego uerò ( paulò infra ) huiusmodi vocem neque usurpare velim , & alios si me consulant abstinere optarim.* Secundò , Institut. lib. 2. cap. 14. fatetur se toti antiquitati repugnare dicens §. 3. *Non potest excusari veterum error , quidum ad Mediatoris personam non attendunt , totius doctrina qua in Euangelio Ioannis legitur , ieiunum obseruant sensum , seseque implicant multiloquijs .* Tertiò , loquendo de Satisfactione , Institut. lib. 3. cap. 5. §. 38. *Omnes ferè veteres , inquit , quorum libri extante , aut in hac parte lapsi sunt , aut nimis asperè locuti .* Quartò , agens de oratione pro defunctis , Institut. libr. 3. cap. 5. §. 10. ait; *Ante mille & trecentos annos usu receptum fuit , ut preces fierent pro defunctis : sed veteres omnes , satior , in errorem arrepti sunt .* Quintò , libr. 4. Institut. cap. 15. §. 20. habet: *Multis adhinc sæculis adeoque ab ipso ferè Ecclesia exordio , usu receptum video , ut in periculo mortis laici baptizarent , non video qua possit ratione defendit* Similia videri possunt apud Caluinum in multis in locis . Lutherani etiam seu Centuriatores Magdeburgenses docent eadem dogmata ab antiquis Patribus tradita fuisse ; qualia nos hoc tempore tuemur , quibus tamen ipsi sese opponunt ; ex quo apparet doctrinam tum Caluinistarum , tum Lutheranorum omninò derogare doctrinæ Patrum , qui in primitiua Ecclesia florere .

Confirmatur hæc veritas ex praxi Caluinistarum , qui , ne addeffet aliqua conformitas inter Ecclesiam primitiuam & suam , voluerunt reformare Ecclesiam , sacram Scripturam , doctrinam sanctorum Patrum , Sacramenta , Catholicorum Tempia , Festa & Ieiunia ; de quibus omnibus parùm dicere conuenit . Primò , reformarunt , vel potius difformarunt Ecclesiam , decernentes ipsius regimen ad Consistorium , & ad Reges & ad Princeps sæculares pertinere . Secundò , sacram Scripturam reformarunt , illam spoliantes traditione , quæ illi

ger-

germana soror est, illam priuantes aliquot partibus seu membris, & ipsam tot versionibus transmutantes, vt non sit amplius sibi ipsi similis. Tertiò, Reformatunt Symbolum Fidei, negando Christum ad Limbum descendisse; Vnde per, *Descendit ad Inferos*, intelligunt, Corpus ipsius in sepulchro fuisse depositum. Quartò, reformatunt Doctrinam sanctorum Patrum, ipsis repugnando, vt in præcedenti assertionem visum est. Reformatunt quintò, Sacramenta, duo tantum esse contendentes, nimirum Baptismum & Eucharistiam, quod asserit Augustinum tenuisse Plessæus lib. 3. de Eucharistia cap. 1. quod falsissimum est; Augustinus enim libr. 2. contra litteras Petiliani cap. 104. agnoscit Confirmationem, quam vocat Sacramentum; agnoscit etiam Ordinem libr. 2. contra Epistolas Parmeniani cap. 13. agnoscit Pœnitentiam libr. 1. de adulterinis coniugijs cap. 16. & 28. agnoscit Matrimonium libr. 2. de Nuptijs & Concupiscentia, cap. 10. agnoscit denique Extremam-Vnctionem Sermon. 215. de Tempore. Ex quibus facile apparet iniuria, quam irrogat Plessæus Augustino. Reformatunt sextò Ministros Ecclesiæ tollendo Ordinem & Hierarchiam Ecclesiasticam, liberando eos à Cœlibatu & nouas leges Ecclesiasticas præscribendo illis. Reformatunt septimò Tempia & Monasteria, aliqua destruendo, alia profanando, ab illis imagines eliminando, & incestas nuptias Monachorum & Monialium faciendo. Reformatunt octauò Catholicorum Festa, ipsa reducendo ad diem Dominicam, vt implexeretur quod dictum est per Prophetam Psal. 37. *Quiescere faciamus omnes dies Festos Dei à Terra*. Reformatunt nonò Ieiunia, hoc fundamento moti, quòd illa debeant esse libera, non coacta; vnde sustulerunt Ieiunium Quadragesimæ, Quatuor temporum, Vigiliarum, & abstinentiam à carnibus Feria sexta & Sabbato.



## CAPVT VLTIMVM.

*De Oppugnatoribus, & Propugnatoribus Ecclesiæ.*

**E**odem ferè momento, quo Ecclesiæ nata est ex Christo in Cruce pendente. Infernus liuor & ululatus ipsam præuidendo tanquam Arcam Noë, ab æternitate destinatam, vt hominum vniuersitas à diluuiio æterno liberaretur, in ipsam insurrexit; vt eam ad interitum reduceret; vnde ferocitatem Imperatorum suscitauit, qui in gratiam Paganismi, quem profitebantur, tormentis pluribus, sed inauditis incessanter conabantur membra huius Ecclesiastici corporis exterminare. Vnde ex supputatione aliquorum, plusquam vndecim milliones Christianorum, Tyrannorum gladio occubuerunt, qui numerus sufficeret, vt qualibet die anni celebrare posset Ecclesiæ plusquam triginta millia Martyrum festum diem. Pagani tamen & Idololatriæ non fuerunt crudeliores Ecclesiæ aduersarij, imò quolibet sæculo plus sœuijt in illam hæresis, quàm Imperatorum barbaries, & plures animas damnauerunt Hæresiarchæ, quàm persecutio occiderit corpora; quod Deus prospiciens, vt ipsam conseruaret, quolibet etiam sæculo Apostolos, Apostolicosque Doctores protulit, qui doctrina & virtute ipsius defensionem ad conseruationem susceperunt. In hoc capite non intendimus omnes omnino hæreses enumerare; sicut nec omnes Patres qui se se errori opposuerunt, sed eas solùm hæreses, quæ maioris nominis fuerunt, & Patres cuiuslibet sæculi illustriores, sumus, Deo dante, allaturi.

*De Hæresibus, & Doctoribus.*

## PRIMI SÆCVLI.

**P**rimi sæculi hæreticorum primos fuit *Simon Magus*, qui existimauit donum Dei pecunia obtineri posse, mundum non esse creatum à Deo, non esse liberum arbitrium, bona opera non esse necessarias, animas de corpore in corpus migrare, esse

esse Deum qui apparuit in Samaria , vt Pater , in Iudæa vt Filius , in Gentibus vt Spiritus sanctus , & similia in quibus multos habuit discipulos . Fuit deinde *Menander* easdem tenens opiniones , addens se esse Saluatorem mundi , Baptismum in suo nomine conferri debere , & nullam fore Resurrectionem carnis . *Nicolaita* d. ct. à Nicolao , vno ex septem primis Diaconis , docuerunt licere fornicari , vesci Idolothytis , & luminaria suffocabant in conuiujs suis , vt libentius sua comitterent adulteria . *Cerinthus* & *Ebian* Iesum esse purum hominem ex Iosepho natum docuerunt . Fuerunt & plures alij quos omitti vult nostra breuitas .

Sicut in primo sæculo fuerunt plures Hæresiarchæ contra Ecclesiam , sic pro illa tuenda multi fuerunt Apostoli, Sancti & Doctores, quorum aliquos referemus. Inter alios fuerunt *D. Paulus* qui per coelestem reuelationem in Euangelio plenissimè doctus quatuordecim scripsit Epistolas: *S. Ioannes Apostolus*, qui scripsit Euangelium, Apocalypsim, & Epistolas tres, *S. Matthæus* , qui scripsit Hebraicè Euangelium , *S. Iacobus*, qui Epistolam vnā edidit . *S. Iudas*, frater Iacobi qui vnā breuem scripsit . *S. Marcus* , qui breue conscripsit Euangelium . *D. Lucas*, qui protulit Actus Apostolorum. *D. Clemens* , qui multa scripsisse fertur. *D. Dionysius Areopagita*, Pauli discipulus, qui plura edidit de cœlesti Hierarchia, de Ecclesiastica Hierarchia, de DD. Nominibus , de Mystica Theologia, & quasdam Epistolas, *S. Ignatius* Episcopus Antiochenus , qui plures Epistolas conscripsit , quarum septem enumerat Eusebius lib. 3. Histor. cap. 30.

*De Hæresibus , & Doctoribus*

S E C V N D I S Æ C V L I .

**H**æresiarchæ maioris nominis qui apparuerunt in hoc sæculo , fuerunt *Saturninus* à quo Saturniani: Hi erant discipuli Simonis & Menandri , quorum hæreses sustinebant *Chiliasia seu Milenary*, qui dicebant sanctos regnatos mille annis post Resurrectionem cum Christo in terris . *Carpo-*

*eraticani* à Carpocrate Alexandrino, docente Iesum Christum esse ex Ioseph natum, Mundum fuisse creatum ab Angelis, legemque & opera non esse necessaria Fidelibus, semper sequebatur eum Marcellina sua meretrix. *Valentiniani*, à Valentino, qui factus est hæreticus, quia Episcopatum obtinere non potuit: Hic dicebat, Christum transiisse per vterum virginis, tanquam per canalem, non verò sumpsisse ab ea carnem. Hi propter suam insignem doctrinam se dicebant Gnosticos, seu sapientes, & cognoscentes: *Caiani*, indi dicti sunt quòd Cainum, Sodomitas, Chore, Dathan & Abiron saluatos esse dicerent; Negabant carnis Resurrectionem, Iudamque vt aliquid diuinum agnoscebant, quia tradendo Christum, agnoscebat quantum ipsius mors esset pro futura. *Ophita*, sic dicti quod crederent, serpentem, qui Adā decepit, fuisse Christum: Serpentem verum conseruabant, quem adorabant & faciebant incantationibus ascendere super altare, vbi oblationes lambebat & regrediebatur postea in cauernam. *Cerdonista* duos agnoscebant Deos sibi contrarios, vnum misericordiae. Patrem Christi & authorem Euangelij, alium iustitiae, creatorem mundi & authorem veteris legis, *Marcionista*, in eodem errore fuerunt; erat enim Marcion Cerdonis discipulus, cuius opiniones Romæ sustinuit, negabatque cum illo Incarnationem Christi, dicens eius corpus fuisse de coelo, non de Virgine; carnes & vsum Matrimonij damnabat, volebatque Christum in descensu ad inferos liberasse animas Reprobatorum. *Montanista*, à Montano Phryge, vnde Cathaphrygæ dicti sunt discipuli eius propter peruersam vitam ipsius Montani, cuius nomen, quod ab initio acceperant, reprobarunt postea; Ipse Montanus se Paracletum dicebat, plures seduxit, & inter alios Tertullianum. *Quartadecimani* vel *Paschaita* semper volebant Pascha celebrari quartadecima Lunæ Martij, quod Catholici celebrant Dominica sequentæ. *Adamita* sequebantur nuditatem Adami; credebant non esse licitū hominibus nec foeminis vestitos adesse in suis comitijs, quæ erant verus Paradisus, matrimoniū repudiantes tanquam diabolicum; simul se coniungebat in tenebris, volebantque preces ad Deum omnia cognoscentem esse inutiles, Multis alijs hæresibus referuntur est hoc sæculum.

Inter

Inter sanctos Patres secundi sæculi fuerè *Iustinus Martyr*, an. 150. cuius scripta ad nos peruenerunt, quæ recenset *Eusebius* lib. 4. hist. cap. 17. *Athenagoras* an. 155. qui insignem pro Christianis Apologiam scripsit. *Egesippus* anno 177. qui scripsit Historiam Ecclesiasticam vsque ad sua tempora. *S. Irenæus* Episcopus & Martyr an. 180. multa scripsit, sed ad nos peruenerunt tantum quinque libri aduersus *Valentinum*; probabilius est ipsum Græcè scripsisse, quàm Latine.

## De Hæresis, &amp; Doctoribus

## TERTII SÆCVLI.

**S**Uregerunt in hoc tertio sæculo *Origenista* ex *Origene* qui *Adamantius* vocabatur ob constantiam quam habuit tempore persecutionis; credebat solos Eunuchos possessuros esse Regnum cœlorum; vnde se castrauit non ferro; sed pharmaco, & quia litteraliter interpretabatur hunc textum: *Sunt Eunuchi qui se castrauerunt propter Regnum cœlorum*: Personarum Diuinarum æqualitatem negabat, Filiumque ita à Patre distantem dicebat, ac Apostolos à Christo: Filium Dei, licet ex essentia Patris, creaturam tamen reputabat; sicut Spiritum sanctum. Asserebant homines non posse videre Angelos, nec Angelos Spiritum sanctum, nec Spiritum sanctum Filium, nec Filium Patrē: Animas longè ante corpora creatas fuisse volebat, & ad corpora missas propter peccata: Perpetuitatem status mortuorum negabat, credens animas ad corpora reuersuras de cœlo, & de inferno, & in muudo conuersaturas; vel, vt alij dicunt, dæmones & damnatos fore beatos post annos mille: Omnes hæreses quæ præcesserant, refutabat, & in deteriores incidit: Continentiam maximè affectabat; vnde alij hæretici, *Originiani* dicti, & inhonesti vocati, seu impudici, non ab Origene *Adamantio*, sed ab alio eiusdem nominis traxerūt originem. Non desunt tamen magni momenti authores, vt inter alios *Picus Mirandulanus*, qui originem iustificare conati sunt, vt diximus, agendo de Concilijs. *Tertullianista* dicti à *Tertulliano*, qui cum non posset fieri Episcopus *Carthaginensis* in odium *Victoris*



Papæ, Compatriotæ sui, in Ecclesiam Romanam & Prælatos ipsius inuexit: Traditiones impugnabat; Animas licet immortales, faciebat corporea, & animam Filij ab anima Patris dicebat progenitam, Deum licet nullius figuræ, corporeum tamen asseribat: Animas damnatorum sustinebat conuerti in diabolos post mortem: nullum esse dicebat Baptismum ab hæreticis collatum, occasionemque dedit Agripino Episcopo Carthaginensi, vni ex prædecessoribus sancti Cypriani, idem sentiendi: Se reddidit Montadi fautorem, quem Paracletum æstimabat; sed postea ambitione motus ipsum dereliquit, vt se in principalem Hæresiarcham erigeret. *Elseiti* à falso Propheta Elsi in omnibus iudaizabant; docebantque licitum esse fidem ore negare; modò in corde retineatur. *Nouatiani* à Nouatiano Presbytero Romano Antipapa, & à Nouato Presbytero Cathaginensi dicti, docuerunt non esse in Ecclesia potestatem remittendi peccata post Baptismum commissa: Secundas nuptias illicitas asseriebant. Nolebant baptizatos sacro Chrismata esse confirmandos; vnde ipse Nouatianus, qui vsque ad mortem Baptismum distulerat, noluit confirmari. Rebaptizabant eos qui in nostra Ecclesia receperant Baptismum. Voluerunt vocari *Cathari*, id est puri & mundi; vnde alba veste induebantur. Nouatianus à suis exigebat, vt in sua communione protestarentur semper se tales remansuros esse, & numquam communicaturos cum Papa Cornelio. Porro Nouatiani (mus nostrum Regnum turbauit ministerio Marciani Arelatensis Episcopi, qui Nouatiano amicitia coniunctus erat. *Sabelliani* dicebant vnã tantum esse in Diuinitate personam, quæ tanquam Pater in veteri testamento legem dederat; in Nouo incarnata fuit vt Filius, passa & mortua; & vt Spiritus sanctus descendit super Apostolos. Ideo dicti sunt *Patripassiani*, quòd Pater scilicet mortuus fuerit, quia erat eadem persona cum Filio. Inter alia improbabant Catholicos, quòd se Monachos facerent. *Angelici* mundum ab Angelis factum credebant. *Apostolici* seu Encratitæ hoc nomen vsurpabant quia nihil possidebant, nec matrimonio coniungebantur. *Paulonista*, seu *Samosateni* à Paulo Samosateno, dicebant Christum esse purum hominem, iustum tamen, nec baptizabant in nomine Trinitatis; vnde

ex

ex Augustinum Concilium Nicænum iussit vt rebaptizarentur qui hunc impostorem deseruerant. *Manichæi* à Mane, qui duo docuit principia esse æterna, vnum bonum, alterum malum: Omnia esse corporalia & nihil spirituale: Hominum non esse liberi arbitrij: Se esse Spiritum sanctum quem Christus promissit: Carnem & vinum esse rex ex se immundas, & ideo ab ijs esse abstinendum: Animas de corpore in corpus migrare, & quamplurimi ridicula.

In hoc sæculo vixerunt *Tertullianus* An. 103. initio Catholicos, deinde in Montani hæresim prolapsus, *Clemens Alexandrinus*, presbyter An. 204. *Minutius Felix*, An. 206. *Origenes Adamantius* Clementis Alexandrini discipulus An. 226. Huius opera ascendant ad sena millia; teste Epiphanio, quorum perierunt plurima. *Gregorius* Episcopus Neocæsariensis, ob magnitudinem miraculorum dictus Thaumaturgus Anno 233. *Cyprianus*, Anno 250. *S. Zeno* Episcopus Veronensis, An. 260. *S. Methodius* Episcopus Tyri, an. 285. *Arnobius*, an. 285. qui ex Pagano Christianus, scripsit contra gentes. *Lactantius Firmianus*, an. 290. &c.

*De Hæresibus & Doctoribus*

Q V A R T I S Æ C V L I.

**D**onatus primò apparuit ex Numidia oriundus; Schisma initio fecit, quia condemnatus fuit ab Ecclesia, eò quòd iniuste accusasset Cæcilianum Carthaginensem Episcopum de traditione Bibliæ Idololatri; postea factus est hæreticus, rebaptizans eos qui à Christianis veniebant ad Donatistas: In Ecclesia solos iustos contineri dicebat, volebatque Ecclesiam in suis solis discipulis contineri. Ipsum acriter oppugnauit Optatus Mileuitanus. *Meletiani* nolebant conuenire in orationibus cum conuersis, qui durante persecutione ceciderant: & quod peius est, cum Arianis se coniunxerunt, *Arius Alexandrinus* Presbyter docuit Filium Dei esse creaturam, non esse coæternum Patri, nec coessentialem; Verbum tenere locum animæ in Christo, ipsum creuisse in cognitionibus, vt cæteros homines. Ariani Catholicos ad se conuenientes rebaptizabant more hæ-

reticorum nostrorum nunquam vrebantur nomine Iesu Christi, sed tantum Christi, Conciliaque generalia etiam approbata esse fallibilia, & actu Concilium Nicænum errasse assertebant. *Semi-Ariani* filium Dei dicebant non eiusdem substantiæ cum Patre, sed similis; non *ὁμοῦσιον*, sed *ὁμοιούσιον*, quod veri Ariani negabant: conueniebant tamen inter se, vt bellum Ecclesiæ inferrent. *Anthropomorphita* Deū faciebant corporeum, ad formam hominis, quia dixerat Deus, Genes. 1. *Faciamus hominem ad imaginem nostram*: Pascha celebrabant more Iudæorum, quartadecima Lunæ Martij. Improperabāt Episcopis Catholicis, quod temporalia haberent, &c. *Ciconcoliones*, sic dicti, quia pauperulas incolebant cellulas, Martyres prædicabant eos qui sibi mortem inferebant, de facilique trucidabant illo, quia sua opinione non stabant. *Phetinus* Sirmienfis Episcopus, Christum purum hominem faciebat, Deumque negabat trinum. *Macedonius* Episcopus Constantino politanus, Spiritum Sanctum Deum non esse, sed puram Creaturam, assertebat. *Ætius* & *Eunomius* in eodem errore fuerunt, nisi in quātum Filium Patri omnino dissimilem faciebant, & Macedonius similem. Ipse *Ætius*, cū Episcopus Fieri non posset, Presbytero docebat esse æquales Episcopis, Sacrificia non esse offerenda pro defunctis, nec Ecclesiæ ieiunia obseruanda, *Iulianus Apostata* Monachus ab Ecclesia & Monachatu separatus, se Summum Pontificem declarauit, vt cultum Idolorum restauraret: Destruxit Christi imaginem, quam hemoroissa Euangelij, apud Cæsaream collocauerat, cuius pedibus nascebatur quædam herba omnibus incognita, que omnes morbos curabat, modò attingerent simbriam vestimenta imaginis. Licet illi maximè odio esset sancta Crux, & eius imago; aliqua tamen die cum in templo esse ad consulendum oraculum visionibus extraordinarijs turbatos, se signo Crucis muniuit. *Priscillianista*. Priscilliano Gnostico sic dicti, cum omnibus præcedentibus hæreticis participarunt; nimirum Manichæis, Sabellianis, Arianis, Marcionistis, & Quattodecimanis. Corpus per se malum à malo principio nimirum diabolo, esse dicebant; & sic negabāt corpora resurrectura: Matrimonium detestabantur, credentes pueros semine carnali procreatos ad Deum, per-

pertinere non posse, sed tantum illos qui concipiebantur de Spiritu sancto: Animas asserere esse de substantia Dei, licitumque dicebant iurare & peierare, potiusque prodere secretum. *Eluidius B.* Mariam sentiebat alios filios genuisse post Christum. Sic *Iulianus*, qui insuper matrimonium æquale virginitate dicebat, & omnia crimina æqualia sicut beatorum præmia. *Apollinaris* in Christo corpus coessentialẽ cum Verbo prædicabat, fundatus in hæc verba, Ioan. 1. *Verbum caro factum est.* Sunt & quamplurimæ aliæ hæreses, quibus hoc sæculum abundat.

In hoc quarto sæculo ab an. scilicet 300. ad 400. floruerunt *Eusebius Cæsariensis* & *S. Athanasius Episcopus Alexandrinus*, cuius opera quatuor tomis continentur. An. 340. *S. Hilarius Pictauorum Episcopus*, anno 355. qui iam prouectæ ætatis Christianis factus, tamen breui in Ecclesiastica doctrina, ita profecit, ut Ecclesiæ Catholicæ columna sit meritò nominandus. *S. Optatus Episcopus Mileuitanus* an. 365. septem libros aduersus Donatistas edidit. *S. Cyrillus Hierosolymæ Episcopus*, an. 365. sæpè de sede eiectus fuit, & sedi restitutus postea. *S. Ephrem Diaconus Edeffenus*, an. 365. scripsit plurima opera, quæ teste Hieronymo l. b. de Script. Eccles. post lectionem Scripturæ in Ecclesijs legi solebant. *S. Basilii Magnus*. Archiepiscopus Cæsariensis in Cappadocia, an. 370. Huius præclara opera quatuor continentur tomis. *S. Gregorius Nazianzenus Episcopus*, an. 370. *S. Epiphanius*, an. 370. Salaminæ in Cypro Episcopus fuit. *S. Ambrosius Mediolanensis*, ann. 374. quinque tomos conscripsit impressionis Parisiensis. *S. Gregorius Nisænus*. *S. Basilii Frater*. *S. Hieronymus*. an. 390. Presbyter & Ecclesiæ Doctor fuit. Huius opera in editione Lugdunensi nouem tomi continentur. *Ruffinus* Presbyter Aquileiensis *S. Hieronymi* quondam amicissimus, deinde æmulus factus, libros duos ad historiam Eusebij Cæsariensis addidit, an. 390. *S. Ioannes Chrysostomus*, primum in foro versatus, Monasticam postea vitam exercuit, ab illa ad clerum vocatus, Presbyter Antiochenus factus est; & deinde Episcopus Constantinopolitanus. In quinque tomo illius opera diuiduntur, anno 398.



*De Hæresibus, & Doctoribus*

## QVINTI SÆCVLI.

**E**Cclesiæ bellam intulerunt sequentes hæretici , *Pelagius* Brito Monachus, an. 415. cœpit docere peccatum Adami illi soli nocuisse, nullum in posteritate sua fuisse peccatum originale : Mandata Dei solis naturæ viribus posse observari : Orationes ad Deum inutiles dicebat ad benè agendum, quod poterat ex se liberum arbitrium ; admittebat tamen Baptismum, vt infantes de bono in melius progredierentur : Mortem dicebat non esse pœnam peccati, sed conditionem naturæ, ita vt mortuus fuisset Adamus, etiam non peccans : Sacerdotalia & Episcopalia vestimenta denique improbabat . Ipsum secutus est Celestius hæreticus. *Semipelagiani* dicebant ; liberum arbitrium se posse determinare ad bonum ; vt tamen bonum operaretur, indigere gratia, sicque initium salutis & prædestinationis in nobis reponebant . *Secundinus*, Discipulus Manichæi, Deum mutabilem credebat, Christum Filium Dei naturalem negabat, malamque faciebat substantiam . Ad Augustinum scripsit vt ad Manichæismum rediret, cui respondit Augustinus eloquenti libro, qui habetur 6. tomo. *Vigilantius* docuit inanem esse inuocationem Sanctorum ; cultum, qui reliquijs fertur, esse idololatriam ; Ecclesiastica ieiunia ; sicut Cœlibatum Sacerdotum, reijciebat . *Nestorius* Episcopus Constantinopolitanus in Christo duas personas assererebat esse ; Virginem vt Matrem Dei nolebat agnosci ; & in pane fermentato, cum duabus speciebus, cōsecrabat. & communicabat. *Euthyches* Abbas Constantinopolitanus ; vt Nestorio contradiceret, vnā tantū personam, sicut vnicam naturam, in Christo admittebat ; irridebatque Concilia, maximè Ephesinum & Chalcedonense . *Dioscorus* pecunia suscepit protectionem & iustificationem Eutychetis, *Pontificantes* dicti sunt illi, qui auctore Zenone Imperatore, vnionem quandam faciebant, inter Catholicos & Eutychianos ; ita vt ex vna parte Anathema dicerent Eutycheti, & ex alia Concilium Chalcedonense. vbi damnatus fuerat, contemnerent. *Petrus Cnaphæus* Episcopus Antiochenus sentiebat totam

tam Trinitatem fuisse crucifixam ; vnde in Trifagio, sic loquebatur : *Sanctus Deus , Sanctus fortis , Sanctus & immortalis qui crucifixus es pro nobis , Prædestinati ,* seu *Prædestinati* bonæ opera non prodesse, nec mala obesse asseuerabant , omnia in prædestinationem & reprobationem referentes, quæ prorsus sunt infallibiles .

In quintò sæculo apparuerunt : *D. Augustinus*, anno 420. qui initio doctrinam Manichæi amplexus est, postea verò Catholicus factus multa excellentissima dedit Ecclesiæ opera , quæ nouem tomis continentur . *S. Maximus* anno 420. qui plura scripsit. *Synesius* sanctissimus & doctissimus Episcopus Ptolemaidis anno 420. *S. Paulinus* Episcopus Nolanus , *Senerus Sulpitius*, *S. Paulini* amicissimus an. 420. *Paulus Orosius* præbyter Hispanus , Discipulus Augustini, anno 415. *Sedulius* præbyter Scotus , anno 430. qui composuit hymnos duos de Christo , quorum vnus sic incipit : *A solis ortus cardine , &c.* *S. Cyrillus Alexandrinus* Episcopus , qui præfuit Concilio Ephesino I. nomine *S. Cœlestini* , Nestoriumque Hæresiarcham scriptis & autoritate damnauit , anno 430. *Theodoretus* Episcopus Cyri . Anno 433. Nestorio fuit initio Controuersię , postea tamen resipiscens fuit admissus inter Catholicos in Concilio Chalcedonensi . *Sidonius Appollinaris* Anno 440. *Ioannes Cassianus* , Anno 440. *Vincentius Lirinensis* Anno 440. *Socrates & Sozomenus*, qui Historiam Ecclesiasticam scripserunt, Anno 440. *S. Petrus Chrysologus*, Anno 440. Episcopus Rauennas. Scripsit insignem Epistolam ad Eutychetrem , vt in materia fidei *S. Leoni* præstaret obedientiam. *S. Leo* Papa meritò appellatus Magnus, An. 440. *S. Simeon* vocatus *Stilia*, quia stetit , anno 81. in columna , anno 445. *Hilarius Arelatenfis* Episcopus , Anno 445. *Sanctus Prosper Aquitanus* Anno 445. *Basilius Seleuciensis* Anno 450. *Saluianus* Episcopus Massiliensis An. 463. *Gennadius Massiliensis* , Anno 490. *S. Gelasius* Papa, Anno 462. *S. Casarius* Episcopus Arelatenfis , Anno 499. & alij .

*De Hæresibus, & Doctoribus*

## S E X T I S Æ C V L I

**I**N hac Centuria Thalmudistæ apparuerunt cum suo Talmud, quod dicebant esse veluti explicationem legis Mosaicæ. Iure damnati sunt à Gregorio IX: Innocentio IV. Iulio III. & Paulo IV. qui igni illorum libros dederunt. Abyssum errorum continet Talmud, siue loquamur de Ierosolymitano, siue de Babylonico. Deum dicebant ante creationem huius mundi se exercuisse in edificandis & destruendis pluribus mundis, donec didicisset productionem istius; asserunt Deum tres primas horas diei insumere ad lectionem legis Mosaicæ, Moysenque in cœlum ascendentem reperisse Deum accentus sacre Scripturæ apponentem; asseuerabant Deum in fine diei ad relaxationem suæ mentis ludere cum maximo pisce, nominato *Leuiathan*. Quod prima die nouilunij Septembris Deus vniuersum mundum iudicet, & decem diebus sequentibus adscribat iustos libro vitæ, & malos libro mortis. Quod Deus præscripserit populo Iudaico, vt offerret Sacrificium expiationis quolibet nouilunio, vt expiaretur crimen ab ipso Deo commissum, dū lumen abstulit Lunæ quod dedit Soli Infinita penè similia continet Talmud; sed quia ridicula sunt, ea omittere iustum est. *Petrus Appameus* Pseudo-Propheta, qui se intrusit in Episcopatum Appamæ, omninò Ecclesiam Catholicam & sacros Canones impugnauit, Sanctos mortuos delendo à codice Ecclesiæ anathematizauit, imaginibus eorum abolitis, substituit imagines Dioscori & aliorum Hæreticorum, qui damnati fuerant ab Ecclesia; Monasterijsque expellendo Monachos vi armata, introduxit in ea meretrices. In hoc sæculo maximum incrementum suscepit Eutichianismus, quem palam professi sunt *Anthimus Trebitinus* Episcopus, & *Menophytita*, sic dicti, quia licèt faterentur fuisse duas naturas ante vnionem, post vnionem tamen dixerunt remansisse tantum vnā. *Triteita* nomen naturæ ignorantes ex vna parte tres Deos admittebant, & ex alia confundebant naturas in Christo. *Iacobita* à Iacobo Syro dicti, dogmata sua componebat ex

EIKO.

erroribus Dioscori, Eutychetis & aliorum; vno digito arabant signum Crucis, vt ostenderent esse tantum vnā in Trinitate personam; pueros denique baptizabant cum pirotino fronti vel genis applicato.

Id hoc sexto sæculo visi sunt *S. Fulgentius Carthaginiensis*, Ruspensis Episcopus, anno 500. *Andreas* Episcopus Cesareæ, anno 500. *Ennodius* primò Diaconus, postea Episcopus Ticinensis, anno 503. *Boetius Seuerinus*, anno 518. Senator clarissimus qui multa de re Philosophica & Theologica scripsit. *Dionysius exiguus* nomine, sed doctrina & sanctitate maximus, anno 525. *Anastasius Sinaita*, anno 544. *Procopius Gazæus*, anno 560. *Euagris* qui scripsit historiam Ecclesiasticam libris sex ab eo tempore, in quo desijt Sozomenus, anno 596. *D. Gregorius Turenensis* Episcopus anno 596.

*De Hæresibus, & Scriptoribus*

S E P T I M I S Æ C V L I.

**M**Onotelitæ, authore *Cyro*, Patriarcha Alexandrino, vnā tantum in Christo voluntatem asserbant. Ipse *Cyrus* Sergium Patriarcham Constantinopolitanum ad suum errorem adduxit, Anno circiter 625. *Mahumetus* ex vili gente Arabica oriundus sectam nouam ex omnibus Religionibus coagmentatam suscepit ministerio Sergij cuiusdam, non præcedentis, sed alterius Monachi Ariani & Nestoriani. Mahumetus Epilepsi grauatus populo suadebat, quod sui lapsus erant tot extases, in quibus Deo communicabat, ministerio Gabrielis Archangeli, qui illi credenda proponebat, ex quibus Alcoranum refertum est. Sibi ingentem prædonum copiam adiungens, potentissimum se fecit; ita vt Arabes *Sarraceni* dicti, cum in Regem habuerint cum proposito totum destruendi Christianismum. Tot ab eo sunt producta somnia, vt ea non liceat enumerare. *Armeni* ex Iacobitis & Eutychianis oriundi, Deum mendacii, blasphemix ac sacrilegii accusabant; Spiritum sanctum à solo Patre asserbant; Pâscha suam in manducatione, non Corporis Christi, sed bonum & agnorum collocabant; Peccatum volebant esse



se à libero arbitrio, sed à Sathana; Peccatum originale negabant; Omnes homines ante Passionem Christi damnatos esse dicebant per peccatum Adami nullomodo in illis existens; Vim gratiam conferendi tollebant à Sacramentis; Rebaptizabant eos quos baptizauerant Romani; Cum solo fermentato pane consecrabant; Christum ad Inferos descendentem dicebant liberasse omnes damnatos: Fœminas in sexu virili resurrecturas prædicabant, bellumque continuò inferebant Summo Pontifici. *Pyrrhus* Patriarcha Constantinopolitanus errorem Monothelitarum profitebatur; sicut & *Maronita* & *Macharius* Patriarcha Antiochenus cum *Theodoro* Patriarcha Constantinopolitano, qui fuerunt duo Principes Monothelitarum; solum Honorium Papam æstimabant, quòd crederent falsò in Monothelismum incidisse.

In hoc sæculo apparuerunt *D. Gregorius*, Papa sanctissimus & Doctor Ecclesiæ, qui meritò appellatus est Magnus, Anno 600. *Hesychius* seu *Hisychius* Episcopus Ierosolymitanus, Anno 601. *S. Sophronius* Episcopus Ierosolymitanus, An. 630. *Leontius*, An. 630. *Jonas*, An. 630. non Aurelianensis, sed *Hibernus*, qui Angliam, Gallias & Italiam multùm illustrauit. *Isidorus* Hispalensis Episcopus, Anno 630. *S. Eligius* Episcopus Nouiodunensis, Anno 640. *S. Maximus* Monachus Constantinopolitanus & Martyr eximius, Anno 650. *S. Iudolphus*, qui factus est Episcopus Toletanus, Anno 658. Plura de B. Virgine scripsit. *S. Iulianus* Episcopus Toletanus, Anno 680. *Anastasius*, Nicænus Episcopus, qui vixit post Concilium Trullanum nuncupatum Quinisextum, quia Canones addidit Concilijs generalibus, quinto & sexto.

*De Hæresibus & Scriptoribus*

OCTAVI SÆCVLI.

**I**Conomachi, id est, opugnatores sacrarum Imaginum contra Ecclesiam maximè grassati sunt in hoc sæculo, Idololatriam imputantes illis, qui eas in templis rerinent; vnde *Leo Esauricus* Imperator, dictus propterea *Iconomachus*, seu *Iconoclasta*, editum

etum proposuit, ut ubique sacræ Imagines tollerentur de templis. *Agonyclita* supersticiosos reputabant illos qui flectebant genua inter orandum, vnde erecti semper orabant. *Aldebertini* ab Aldeberto Gallo, credebant sanctissimas, sed incertas reliquias, auctori suo allatas fuisse ab extremis terris, ministerio Angeli, ipsum credebant similem Apostolis, eius capillos & vngues æqualiter colendis asse dicebant, ac reliquias D. Petri; Credebant ipsum cognoscere omnia peccata quæ committebant, & posse illa remittere sine confessione aliqua. *Albanenses* duo principia, vnum bonum, aliud malum tenebant; Aliquem ante aduentum Christi iustum fuisse negabant; Deum credeant, malum non prouidere, nisi ministerio diaboli, Mundum faciebant æternum, & in æternum duraturum: Deum non creare animas de nouo; sed animam mortui in alterum corpus transmigra- re; Nullo modo iuramentum esse licitum; Nullum extare originale peccatum; Sacramenta nullam vim habere, dum à malis conferuntur ministris; Necessitatem in confessione esse nullam; Nullum peruersum posse episcopari; Matrimonium esse illicitum: Ab Ecclesia nihil possidendum esse, nisi in communi; Tandem Resurrectionem corporum negabant. *Elipandus* Christum solum filium Dei asse adoptiuum tenebat, *Pauliannita* à Paulo & Ioanne sic dicti, præter Manicheismum quem profitebantur, tenebant formam Baptismi in his verbis consistere, *Ego sum aqua viva*; & Eucharistiam in istis, *Accipite, & manducate & bibite*, cultum S. Cruci negabant; Sacerdotes nostros reiciebant; seque Christianos vocabant, nos verò Romanos.

In hoc sæculo Ecclesiam multùm illustrauerunt, *S. Gregorius* iunior Papa 2, anno 714. *S. Marcellinus* Presbyter & vir Apostolicus, Anno 717. *S. Germanus*, Constantinopolitanus Episcopus, Anno 720. *V. Beda*, Persbyter Anglus an. 731. qui plura scripsit octo tomis contenta. *S. Ioannes Damascenus*, an. 731. vir magnæ doctrinæ & sanctitatis, qui orientem illustrauit eo tempore quo V. Beda Occidentem. *S. Bonifacius* Moguntinus Episcopus & Martyr, natione Anglus, an. 749. Paulus Diaconus Aquileiensis 774. qui erat à secretis Desiderij, Regis Longobardorum, quando à Carolo Rege Francorum

Papæ, Compatriotæ sui, in Ecclesiam Romanam & Prælatos ipsius inuexit: Traditiones impugnabat; Animas licet immortales, faciebat corporea, & animam Filij ab anima Patris dicebat progenitam, Deum licet nullius figuræ, corporeum tamen asseribat: Animas damnatorum sustinebat conuerti in diabolos post mortem: nullum esse dicebat Baptismum ab hæreticis collatum, occasionemque dedit Agripino Episcopo Carthaginensi, vni ex prædecessoribus sancti Cypriani, idem sentiendi: Se reddidit Montadi fautorem, quem Paracletum æstimabat; sed postea ambitione motus ipsum dereliquit, vt se in principalem Hæresiarcham erigeret. *Elfita* à falso Propheta Elfi in omnibus iudaizabant; docebantque licitum esse fidem ore negare; modò in corde retineatur. *Nouatiani* à Nouatiano Presbytero Romano Antipapa, & à Nouato Presbytero Cathaginensi dicti, docuerunt non esse in Ecclesia potestatem remittendi peccata post Baptismum commissa: Secundas nuptias illicitas asseriebant. Nolebant baptizatos sacro Chrismata esse confirmandos; vnde ipse Nouatianus, qui vsque ad mortem Baptismum distulerat, noluit confirmari. Rebaptizabant eos qui in nostra Ecclesia receperant Baptismum. Voluerunt vocari *Cathari*, id est puri & mundi; vnde alba veste induebantur. Nouatianus à suis exigebat, vt in sua communione protestarentur semper se tales remansuros esse, & numquam communicaturos cum Papa Cornelio. Porro Nouatianismus nostrum Regnum turbauit ministerio Marciani Arelatensis Episcopi, qui Nouatiano amicitia coniunctus erat. *Sabelliani* dicebant vnã tantum esse in Diuinitate personam, quæ tanquam Pater in veteri testamento legem dederat; in Nouo incarnata fuit vt Filius, passa & mortua; & vt Spiritus sanctus descendit super Apostolos. Ideo dicti sunt *Patripassiani*, quòd Pater scilicet mortuus fuerit, quia erat eadem persona cum Filio. Inter alia improbabant Catholicos, quòd se Monachos facerent. *Angelici* mundum ab Angelis factum credebant. *Apostolici* seu Encratitæ hoc nomen vsurpabant quia nihil possidebant, nec matrimonio coniungebantur. *Paulonista*, seu *Samosateni* à Paulo Samosateno, dicebant Christum esse purum hominem, iustum tantum, nec baptizabant in nomine Trinitatis; vnde

ex

ex Augustinum Concilium Nicænum iussit vt rebaptizarentur qui hunc impostorem deseruerant. *Manichæi* à Mane, qui duo docuit principia esse æterna, vnum bonum, alterum malum: Omnia esse corporalia & nihil spirituale: Hominum non esse liberi arbitrij: Se esse Spiritum sanctum quem Christus promissit: Carnem & vinum esse rex ex se immundas, & idè ab ijs esse abstinendum: Animas de corpore in corpus migrare, & quamplurimi ridicula.

In hoc sæculo vixerunt Tertullianus An. 103. initio Catholicos, deinde in Montani hæresim prolapsus, *Clemens Alexandrinus*, presbyter An. 204. *Minutius Felix*, An. 206. *Origene* *Adamantius Clementis Alexandrini* discipulus An. 226. Huius opera ascendant ad sena millia; teste Epiphanio, quorum perierunt plurima. *Gregorius* Episcopus Neocæsariensis, ob magnitudinem miraculorum dictus Thaumaturgus Anno 233. *Cyprianus*, Anno 250. *S. Zeno* Episcopus Veronensis, An. 260. *S. Methodius* Episcopus Tyri, an. 285. *Arnobius*, an. 285. qui ex Pagano Christianus, scripsit contra gentes. *Lactantius Firmianus*, an. 290. &c.

## De Hæresibus &amp; Doctoribus

## Q V A R T I S Æ C V L I.

**D**Onatus primò apparuit ex Numidia oriundus; Schisma initio fecit, quia condemnatus fuit ab Ecclesia, eò quòd iniuste accusasset Cæcilianum Carthaginensem Episcopum de traditione Biblæ Idololatri; postea factus est hæreticus, rebaptizans eos qui à Christianis veniebant ad Donatistas: In Ecclesia solos iustos contineri dicebat, volebatque Ecclesiam in suis solis discipulis contineri. Ipsum acriter oppugnauit Optatus Mileuitanus. *Meletiani* nolebant conuenire in orationibus cum conuersis, qui durante persecutione ceciderant: & quod peius est, cum Arianis se coniunxerunt, *Arius Alexandrinus* Presbyter docuit Filium Dei esse creaturam, non esse coæternum Patri, nec coessentialem; Verbum tenere locum animæ in Christo, ipsum creuisse in cognitionibus, vt cæteros homines. Ariani Catholicos ad se conuenientes rebaptizabant more hæ-

reticorum nostrorum nunquam vtebantur nomine Iesu Christi, sed tantum Christi. Conciliaque generalia etiam approbata esse fallibilia, & actu Concilium Nicænum errasse asserebant. *Semi-Ariani* filium Dei dicebant non eiusdem substantiæ cum Patre, sed similis; non *ὁμοῦσιον*, sed *ὁμοιούσιον*, quod veri Ariani negabant: conueniebant tamen inter se, vt bellum Ecclesiæ inferrent. *Antropomorphita* Deū faciebant corporeum, ad formam hominis, quia dixerat Deus, Genes. 1. *Faciamus hominem ad imaginem nostram*: Pascha celebrabant more Iudæorum, quartadecima Lunæ Martij. Improperabāt Episcopis Catholicis, quod temporalia haberent, &c. *Circumcisiones*, sic dicti, quia pauperculas incolebant cellulas, Martyres prædicabant eos qui sibi mortem inferebant, de facilique trucidabant illo, quia sua opinione non stabant. *Photinus* Sirmienfis Episcopus, Christum purum hominem faciebat, Deumque negabat trinum. *Macedonius* Episcopus Constantino politanus, Spiritum Sanctum Deum non esse, sed puram Creaturam, asserebat. *Ætius* & *Eunomius* in eodem errore fuerunt, nisi in quātum Filium Patri omnino dissimilem faciebant, & *Macedonius* similem. Ipse *Ætius*, cū Episcopus Fieri non posset, Presbytero docebat esse æquales Episcopis, Sacrificia non esse offerenda pro defunctis, nec Ecclesiæ ieiunia obseruanda, *Iulianus Apostata* Monachus ab Ecclesia & Monachatu separatus, se Summum Pontificem declarauit, vt cultum Idolorum restauraret: Destruxit Christi imaginem, quam hemoroissa Euangelij, apud Cæsaream collocauerat, cuius pedibus nascebatur quædam herba omnibus incognita, que omnes morbos curabat, modò attingerent simbriam vestimenta imaginis. Licet illi maximè odio esset sancta Crux, & eius imago; aliqua tamen die cum in templo esse ad consulendum oraculum visionibus extraordinarijs turbatos, se signo Crucis munitit. *Priscillianista*. *Priscilliano* Gnostico sic dicti, cum omnibus præcedentibus hæreticis participarunt; nimirum Manichæis, Sabellianis, Arianis, Marcionistis, & Quattodecimanis. Corpus per se malum à malo principio nimirum diabolo, esse dicebant; & sic negabāt corpora resurrectura: Matrimonium detestabantur, credentes pueros semine carnali procreatos ad Deum per-

per-



pertinere non posse, sed tantum illos qui concipiebantur de Spiritu sancto: Animas asserere esse de substantia Dei, licitumque dicebant iurare & peierare, potiusque prodere secretum. *Eluidius B.* Mariam sentiebat alios filios genuisse post Christum. Sic *Iovinianus*, qui insuper matrimonium æquale virginitate dicebat, & omnia crimina æqualia sicut beatorum præmia. *Apollinaris* in Christo corpus coessentialē cum Verbo prædicabat, fundatus in hæc verba, Ioan. 1. *Verbum caro factum est.* Sunt & quamplurimæ aliæ hæreses, quibus hoc sæculum abundat.

In hoc quarto sæculo ab an. scilicet 300. ad 400. floruerunt *Eusebius Cæsariensis* & *S. Athanasius Episcopus Alexandrinus*, cuius opera quatuor tomis continentur. An. 340. *S. Hilarius Pictauorum Episcopus*, anno 355. qui iam prouectæ ætatis Christianis factus, tamen breui in Ecclesiastica doctrina, ita profecit, ut Ecclesiæ Catholicæ columna sit meritò nominandus. *S. Optatus Episcopus Mileuitanus* an. 365. septem libros aduersus Donatistas edidit. *S. Cyrillus Hierosolymæ Episcopus*, an. 365. sæpè de sede eiectus fuit, & sedi restitutus postea. *S. Ephrem Diaconus Edessenus*, an. 365. scripsit plurima opera, quæ teste Hieronymo l. b. de Script. Eccles. post lectionem Scripturæ in Ecclesijs legi solebant. *S. Basilus Magnus*. Archiepiscopus Cæsariensis in Cappadocia, an. 370. Huius præclara opera quatuor continentur tomis. *S. Gregorius Nazianzenus Episcopus*, an. 370. *S. Epiphanius*, an. 370. Salaminæ in Cypro Episcopus fuit. *S. Ambrosius Mediolanensis*, ann. 374. quinque tomos conscripsit impressionis Parisiensis. *S. Gregorius Nisænus*. *S. Basilii Frater*. *S. Hieronymus*, an. 390. Presbyter & Ecclesiæ Doctor fuit. Huius opera in editione Lugdunensi nouem tomi continentur. *Rufinus* Presbyter Aquileiensis *S. Hieronymi* quondam amicissimus, deinde æmulus factus, libros duos ad historiam Eusebij Cæsariensis addidit, an. 390. *S. Ioannes Chrysostomus*, primum in foro versatus, Monasticam postea vitam exercuit, ab illa ad clerum vocatus, Presbyter Antiochenus factus est; & deinde Episcopus Constantinopolitanus. In quinque tomo illius opera diuiduntur, anno 398.

*De Hæresibus, & Doctoribus*

## QVINTI SÆCVLI.

**E**Cclesiæ bellam intulerunt sequentes hæretici . *Pelagius* Brito Monachus, an. 415. coepit docere peccatum Adami illi soli nocuisse, nullum in posteritate sua fuisse peccatum originale : Mandata Dei solis naturæ viribus posse observari : Orationes ad Deum inutiles dicebat ad benè agendum, quod poterat ex se liberum arbitrium ; admittebat tamen Baptismum, vt infantes de bono in melius progredierentur : Mortem dicebat non esse pœnam peccati, sed conditionem naturæ, ita vt mortuus fuisset Adamus, etiam non peccans : Sacerdotalia & Episcopalia vestimenta denique improbabat . Ipsum secutus est Celestius hæreticus. *Semipelagiani* dicebant ; liberum arbitrium se posse determinare ad bonum ; vt tamen bonum operaretur, indigere gratia, sicque initium salutis & prædestinationis in nobis reponebant . *Secundinus*, Discipulus Manichæi, Deum mutabilem credebat, Christum Filium Dei naturalem negabat, malamque faciebat substantiam . Ad Augustinum scripsit vt ad Manichæismum rediret, cui respondit Augustinus eloquenti libro, qui habetur 6. tomo. *Vigilantius* docuit inanem esse inuocationem Sanctorum ; cultum, qui reliquijs fertur, esse idololatriam ; Ecclesiastica ieiunia ; sicut Cœlibatum Sacerdotum, reiciebat . *Nestorius* Episcopus Constantinopolitanus in Christo duas personas assererebat esse ; Virginem vt Matrem Dei nolebat agnosci ; & in pane fermentato, cum duabus speciebus, cōsecrabat, & communicabat . *Euthyches* Abbas Constantinopolitanus ; vt Nestorio contradiceret, vnā tantum personam, sicut vnicam naturam, in Christo admittebat ; irridebatque Concilia, maximè Ephesinum & Chalcedonense . *Dioscorus* pecunia suscepit protectionem & iustificationem Eutychetis, Pontificantes dicti sunt illi, qui auctore Zenone Imperatore, vnionem quandam faciebant, inter Catholicos & Eutychianos ; ita vt ex vna parte Anathema dicerent Eutycheti, & ex alia Concilium Chalcedonense. vbi damnatus fuerat, contemnerent. *Petrus Cnaphes* Episcopus Antiochenus sentiebat totam

tam

tam Trinitatem fuisse crucifixam ; vnde in Trisagio, sic loquebatur : *Sanctus Deus , Sanctus fortis , Sanctus & immortalis qui crucifixus es pro nobis , Prædestinati , seu Prædestinatiani* bona opera non prodesse, nec mala obesse asseuerabant , omnia in prædestinationem & reprobationem referentes, quæ prorsus sunt infalibiles .

In quintò sæculo apparuerunt : *D. Augustinus*, anno 420. qui initio doctrinam Manichæi amplexus est, postea verò Catholicus factus multa excellentissima dedit Ecclesiæ opera , quæ nouem tomis continentur . *S. Maximus* anno 420. qui plura scripsit. *Synesius* sanctissimus & doctissimus Episcopus Prolemaidis anno 420. *S. Paulinus* Episcopus Nolanus . *Senecus Sulpitius*, *S. Paulini* amicissimus an. 420. *Paulus Orosius* præbyter Hispanus , Discipulus Augustini, anno 415. *Sedulius* præbyter Scotus , anno 430. qui composuit hymnos duos de Christo, quorum vnus sic incipit : *A solis ortus cardine , &c.* *S. Cyrillus Alexandrinus Episcopus*, qui præfuit Concilio Ephesino I. nomine *S. Cœlestini* , Nestoriumque Hæresiarcham scriptis & autoritate damnavit , anno 430. *Theodoretus* Episcopus Cyri . Anno 433. Nestorio fauit initio Controuersix , postea tamen resipiscens fuit admissus inter Catholicos in Concilio Chalcedonensi . *Sidonius Appollinaris* Anno 440. *Ioannes Cassianus* , Anno 440. *Vincentius Lirinensis* Anno 440. *Secrates & Sozomenus*, qui Historiam Ecclesiasticam scripserunt, Anno 440. *S. Petrus Chrysologus*, Anno 440. Episcopus Rauennas . Scripsit insignem Epistolam ad Eutychetrem , vt in materia fidei *S. Leoni* præstaret obedientiam. *S. Leo* Papa meritò appellatus Magnus, An. 440. *S. Simeon* vocatus *Stilia*, quia stetit , anno 81. in columna , anno 445. *Hilarius Arelatensis Episcopus* . Anno 445. *Sanctus Prosper Aquitanus* Anno 445. *Basilii Seleuciensis* Anno 450. *Saluianus* Episcopus Massiliensis An. 463. *Gennadius Massiliensis* , Anno 490. *S. Gelasius* Papa, Anno 462. *S. Casarius* Episcopus Arelatensis , Anno 499. & alij .

*De Hæresibus, & Doctoribus*

## S E X T I S Æ C V L I

**I**N hac Centuria Thalmudistæ apparuerunt cum suo Talmud, quod dicebant esse veluti explicationem legis Mosaicæ. Iure damnati sunt à Gregorio IX; Innocentio IV. Iulio III. & Paulo IV. qui igni illorum libros dederunt. Abyssum errorum continet Talmud, siue loquamur de Ierosolymitano, siue de Babylonico. Deum dicebant ante creationem huius mundi se exercuisse in edificandis & destruendis pluribus mundis, donec didicisset productionem istius; asserunt Deum tres primas horas diei insumere ad lectionem legis Mosaicæ. Moysenque in cœlum ascendentem reperisse Deum accentus sacre Scripturæ apponentem; asseuerabant Deum in fine diei ad relaxationem suæ mentis ludere cum maximo pisce, nominato *Leuiathan*. Quod prima die nouilunij Septembris Deus vniuersum munus iudicet, & decem diebus sequentibus adscribat iustos libro vitæ, & malos libro mortis. Quod Deus præscripserit populo Iudaico, vt offerret Sacrificium expiationis quolibet nouilunio, vt expiaretur crimen ab ipso Deo commissum, dū lumen abstulit Lunæ quod dedit Soli Infinita penè similia continet Talmud; sed quia ridicula sunt. ea omittere iustum est. *Petrus Appameus*. Pseudo-Propheta, qui se intrusit in Episcopatum Appameæ, omninò Ecclesiam Catholicam & sacros Canones impugnauit, Sanctos mortuos delendo à codice Ecclesiæ anathematizauit, imaginibus eorum abolitis, substituit imagines Dioscori & aliorum Hæreticorum, qui damnati fuerant ab Ecclesia; Monasterijsque expellendo Monachos vi armata, introduxit in ea meretrices. In hoc sæculo maximum incrementum suscepit Eutichianismus, quem palam professi sunt *Anthimus Trebizentinus* Episcopus, & *Menophytita*, sic dicti, quia licet faterentur fuisse duas naturas ante vnionem, post vnionem tamen dixerunt remansisse tantum vnā. *Triteita* nomen naturæ ignorantes ex vna parte tres Deos admittebant, & ex alia confundeabant naturas in Christo. *Iacobi* à Iacobo Syro dicti, dogmata sua componebat ex

CXXO.

erroribus Dioscori, Eutychetis & aliorum; vno digito arabant signum Crucis, vt ostenderent esse tantum vnā in Trinitate personam; pueros denique baptizabant cum pirotino fronti vel genis applicato.

Id hoc sexto sæculo visi sunt *S. Fulgentius Carthaginiensis*, Ruspensis Episcopus, anno 500. *Andreas* Episcopus Cesareæ, anno 500. *Ennodius* primò Diaconus, postea Episcopus Ticinensis, anno 503. *Boetius Seuerinus*, anno 528. Senator clarissimus qui multa de re Philosophica & Theologica scripsit. *Dionysius exiguus* nomine, sed doctrina & sanctitate maximus, anno 525. *Anastasiuſ Sinaita*, anno 544. *Procopius Gazæus*, anno 560. *Euagrius* qui scripsit historiam Ecclesiasticam libris sex ab eo tempore, in quo desijt Sozomenus, anno 596. *D. Gregorius Turenensis* Episcopus anno 596.

*De Hæresibus, & Scriptoribus*

S E P T I M I S Æ C V L I.

**M**Onotelitæ, authore *Cyro*, Patriarcha Alexandrino, vnā tantum in Christo voluntatem asserabant. Ipse *Cyrus* Sergium Patriarcham Constantinopolitanum ad suum errorem adduxit, Anno circiter 625. *Mahumetus* ex vili gente Arabica oriundus sectam nouam ex omnibus Religionibus coagmentatam suscepit ministerio Sergij cuiusdam, non præcedentis, sed alterius Monachi Ariani & Nestoriani. *Mahumetus* Epilepsi grauatus populo suadebat, quod sui lapsus erant tot extases, in quibus Deo communicabat, ministerio Gabrielis Archangeli, qui illi credenda proponebat, ex quibus Alcoranum refertum est. Sibi ingentem prædonum copiam adiungens, potentissimum se fecit; ita vt Arabes *Sarraceni* dicti, cum in Regem habuerint cum proposito totum destruendi Christianismum. Tot ab eo sunt producta somnia, vt ea non liceat enumerare. *Armeni* ex Iacobitis & Eutychianis oriundi, Deum mendacii, blasphemix ac sacrilegii accusabant; Spiritum sanctum à solo Patre asserabant; Páscha suam in manducatione, non Corporis Christi, sed bonum & agnorum collocabant; Peccatum volebant esse



etum proposuit, ut ubique sacræ Imagines tollerentur de templis. *Agonycleta* supersticiosos reputabant illos qui flectebant genua inter orandum, vnde erecti semper orabant. *Aldebertini* ab Aldeberto Gallo, credebant sanctissimas, sed incertas reliquias, auctori suo allatas fuisse ab extremis terris, ministerio Angeli, ipsum credebant similem Apostolis, eius capillos & vngues æqualiter colendis asse dicebant, ac reliquias D. Petri; Credebant ipsum cognoscere omnia peccata quæ committebant, & posse illa remittere sine confessione aliqua. *Albanenses* duo principia, vnum bonum, aliud malum tenebant; Aliquem ante aduentum Christi iustum fuisse negabant; Deum credeant, malum non providere, nisi ministerio diaboli, Mundum faciebant æternum, & in æternum duraturum: Deum non creare animas de nouo; sed animam mortui in alterum corpus transmigra- re; Nullo modo iuramentum esse licitum; Nullum extare originale peccatum; Sacramenta nullam vim habere, dum à malis conferuntur ministris; Necessitatem in confessione esse nullam; Nullum peruersum posse episcopari; Matrimonium esse illicitum: Ab Ecclesia nihil possidendum esse, nisi in communi; Tandem Resurrectionem corporum negabant. *Elipandus* Christum solum filium Dei asse adoptiuum tenebat, *Pauliannita* à Paulo & Ioanne sic dicti, præter Manicheismum quem profitebantur, tenebant formam Baptismi in his verbis consistere, *Ego sum aqua viva*; & Eucharistiam in istis, *Accipite, & manducate & bibite*, cultum S. Cruci negabant; Sacerdotes nostros reiciebant; seque Christianos vocabant, nos verò Romanos.

In hoc sæculo Ecclesiam multum illustrauerunt, *S. Gregorius* iunior Papa 2, anno 714. *S. Marcellinus* Presbyter & vir Apostolicus, Anno 717. *S. Germanus*, Constantinopolitanus Episcopus, Anno 720. *V. Beda*, Persbyter Anglus an. 731. qui plura scripsit octo tomis contenta. *S. Ioannes Damascenus*, an. 731. vir magnæ doctrinæ & sanctitatis, qui orientem illustrauit eo tempore quo V. Beda Occidentem. *S. Bonifacius* Moguntinus Episcopus & Martyr, natione Anglus, an. 749. Paulus Diaconus Aquileiensis 774. qui erat à secretis Desiderij, Regis Longobardorum, quando à Carolo Rege Francorum

captus est, & Regnum ipsius enersum. Deinde ipse Paulus Monachus factus est Cassinensis; ubi piam & religiosam vitam duxit: Inter alia scripsit hymnum, qui decantatur in natali sancti Ioannis Baptistæ, *Ve queant laxis*, &c.

*De Hæresibus, & Doctoribus*

## NONI SÆCVLI.

**G**odescalcus, quem alij ex Gallia, alij ex Belgio oriundum putant, condemnatus fuit in Concilio Moguntino, quia renouabat Hæresim Prædestinarianorum; dicendo Deum sine præuisione boni & mali aliquos absolutè prædestinasse, alios absolutè reprobasse, consequenter tenebat Christum non esse pro omnibus mortuum, nec Deum velle omnium salutem. *Claudius Taurinensis Episcopus*, contra quem *Ionas Aurelianensis Episcopus* tres libros scripsit, hæreses Nestorianorū, Iconoclastarum & Arianorum profitebatur, Inimicus Sāctorum verè fuit; Peregrinationes ad sacra loca condemnabat, reputabatque Baptismū nullum esse sine signo Crucis, *Photius* fuit vexillifer Græcorum Schismaticorum, quorum Schisma, quatuordecies renouatum, sic incoepit; In Concilio quodam Constantinopolitano, anno 854. per Ignarium Patriarcham fuit condemnatus, Grægorius Syracusanus Episcopus, sub hac conditione, quod ratam haberet talem depositionem *Leo IV. Papa*; sed mortuo Leone, talis ratificatio fuit solū facta per *Benedictum III.* anno 856. de quibus Gregorius indignatus deponi fecit Patriarcham Ignatium, cui substituit Photium Eunuchum, qui antea erat laicus: hic verò Photius Schismati Græcorum ab Ecclesia Latina initium dedit. Græci ergo in his erroribus versabantur; Spiritum sanctum à solo Patre procedentem, agnoscebant; Animas ante iudicium fore beatas negabant; Purgatoriū & suffragia pro mortuis infirmabant; Licita dicebant esse damna inimicis suis illata; Viduas à secundis nuptijs, quas reputabant illicitas, arcebant; Matrimonium indifferenter posse dissolui tenebant; Vsuram dicebant licitam, sicut sacrorum venditionem; Baptizatos à Latinis rebaptizabant, nec dabant Baptismum pueris ante octauum diem

diem, quacumque instante necessitate; Eucharistiam in pane azymo posse fieri negabant; ipsam volebant debere fieri cum solo vino sine aqua; Necessariam asseriebant communionem sub vtraque specie; Credebant prauos recipientes panem consecratum non recipere corpus Christi; Affirmabant sacramentum Eucharistiæ efficacius esse die Iouis sancta quàm alijs; vnde in illa tantum celebrabant, & per totum annum asseruabant panem consecratum, vt ægrotis porrigeretur; Necessarium asseriebant dari infantibus Eucharistiam; Primatum Ecclesiæ Romanæ tollebant, vt illum attribuerent Constantinopolitanæ; More tandem Iudæorum se abstinebant à suffocatis & à carnibus prohibitis in veteri lege. *Ioannes Scotus*, non doctor Subtilis, qui sanctissimus fuit, sed Monachus S. Benedicti, qui fuit discipulus V. Bedæ, scripsit librum, in quo dicere videbatur, solam figuram corporis Christi esse in Eucharistia; vnde hic liber damnatus est in Concil. Vercellensi, vt testatur Lanfrancus Episcopus Cantuariensis; propter hoc Alanus & alij Ioannem Scotum Sacramentariorum authorem putant, quod non verisimile tenet Bellarminus lib. 3. de Euch. cap. 8.

In hoc sæculo fuerunt *Alcuinus Angelus*, V. Bedæ æqualis, anno 800. quem in Galliam euocauit Carolus Rex Francorum, hic multa scripsit. *S. Nicephorus*, Episcopus Constantinopolitanus, qui Chronologiam fecit & quatuor Opuscula scripsit contra Iconomachos, an. 811. *Vsuardus*, Monachus natione Gallus Alcuini discipulus, qui Martyrologium satis accuratum, quò multæ Ecclesiæ vsæ sunt, conscripsit, anno 812. *S. Lutgerus*, an. 812. primus Episcopus Monasteriensis; qui cum à Carolo Magno Imperatore vocatus esset pluries, ire recusauit, quia occupatus erat in laudibus Dei recitandis; vnde postea Imperatori dixit, quòd maiori Domino obsequium tunc præstaret. Factum hoc multum laudauit pius ac religiosus Imperator. *Jonas Aurelianensis*, an. 820. qui scripsit tres libros contra Claudium Taurinensem Episcopum pro defensione sacrarum Imaginum, signi S. Crucis, & peregrinationum ad loca sancta. *S. Theodorus Studites*, qui fortiter dimicauit pro imaginum cultu, an. 820. *Rabanus Maurus*, natione Germanus, anno 835, Episcopus fuit Moguntinus, & *Eulogius*.

martyr & Episcopus Toletanus, anno 850. *Simeon Metaphrastes*, an. 858. qui scripsit vitas Sanctorum per singulos menses, in quibus tamen multa addidit ex proprio ingenio, non vt gesta fuerunt, sed vt geri potuerunt. *Anast. sius bibliothecarius* & Abbas Romanus, anno 854. scripsit vitas Pontificum à D. Petro vsque ad Nicolaum I. *Hinemarum Rhemensis*, anno 850. alios omitto.

*De Hæresibus, & Scriptoribus*

DECIMI SECVLI.

**I**N hoc sæculo pauci reperti sunt Hæresiarchæ, nisi illi qui incæperunt in præcedenti, sed in illo maxima fuit continuatio Schismatis Græcorum.

Scriptores qui apparuerunt, fuerunt *Leo VI.* Imperator, qui dictus est *sapiens*, quod scripserit Insignem Epistolam ad Regem Sarracenorum de veritate fidei Christianorum, & Sarracenorum impietate, vbi disertè affirmat Spiritum sanctum à Patre & Filio procedere, anno circiter 911. Hoc sæculum illustravit, alioqui valdè obscurum, hic Imperator; *Marcus Herennius*, an. 906. præcedenti Imperatori decennium vitæ prædixit, illumque curauit saucium. *Berno Abbas Augiensis*, an. 1014. quo tempore cœpit Symbolum Fidei in Missa decantari. *Hermanus*, Monachus Augiensis, valdè pius, *Contractus* dictus est à membrorum ferè omnium debilitate. De eo dicitur quòd scripserit antiphonas *Salve Regina*, & *Alma redemptoris Mater*, sicut prosam. *Veni sancte Spiritus*, an. 1050. *Sanctus Leo*, Papa IX. ex Episcopo Tullesi Sedem Apostolicam occupavit. Scripsit insignem Epistolam ad Michaellem Episcopum Constantinopolitanum contrà Græcorum errores, anno 1050. *Moses Barcephæ*, Episcopus Syrus, scripsit librum de Paradiso in duas partes diuisum, qui cautè legendus est.

*De Hæresibus , & Scriptoribus*

## V N D E C I M I S Æ C V L I.

**B**erengarius Archidiaconus Andegauensis docuit in Eucharistia corpus Christi non existere, nisi figuratiuè. Cum postea hunc errorem reuocasset, docuit substantiam panis esse cum corpore Christi, addiditque paruulos non esse baptizandos: *Zuingliani* in primo errore, *Lutherani* in secundo, & *Anabaptistæ* in tertio eum secuti sunt. Resipuit tamen, & in Fide Catholica mortuus est. *Simoniacæ* venditionem & emptionem reddituum Ecclesiasticorum licitam proclamabant, *Reordinantes* è contra Sacerdotes *Simoniacos* admittere nolebant, nisi prius reordinarentur. *Incestuosi* licitum asseriebant Matrimonium in quarto gradu consanguinitatis celebratum contra Canones Ecclesiæ.

Scriptores huius sæculi fuerunt *S. Fulbertus Carnotensis*, *S. Odilo*, Abbas Cluniacensis. *S. Burcardus*, Episcopus Vormacensis. *S. Odo* Abbas Caluniacensis, sui que ordinis in Gallia reparator. *Luitprandus Tiberbonensis* Diaconus & postea Cremonensis Episcopus. *Humbertus* Cardinalis, Episcopus Syluæ Candidæ: à Leone X. Legatus Constantinopolim missus est, tanquam Græcè & Latinè doctissimus, *Petrus Damianus* ex Monacho S. Benedicti, S. R. E. factus Cardinalis Episcopus Ostiensis. Cum esset æsteræ vitæ amator ardentissimus, non semel petijt à Nicolao II. Pontifice facultatem redeundi ad eremum, sed non impetrauit. *S. Anselmus Mantuanus*, Episcopus Lucensis creatus ab Alexandro II. cum in Monasterium se abdidisset, à Gregorio VII. ad Episcopatum reuocatus est. Multa post mortem edidit miracula. *S. Anselmus*, Cantuariensis Archiepiscopus, natione Italus, professione Monachus, sanctitate admirandus, discipulusque & successor Lanfranci. *Georgius Cedrenus*, Historiographus Græcus, *Ado Treuirenensis*, de quo dubitatur quidem, an Martyrologium Adonis sit eius, an Adonis Viennensis, *Ioannes Curopalates*, qui scripsit historiam ab Anno Dom. 811. vsque ad 1081. *Teophylactus*, Archiepiscopus Bulgarorum qui scripsit in Prophetas Minores, in qua-

tuor



tuor Euangelia & Epistolas Pauli, in quibus ita secutus est Chrysostomum, ut ipsius Abbreviator dici possit. *Lanfrancus* Archiepiscopus Cantuariensis, qui in Conc. Romano disputavit cum Berengario, quem ita conuicit, ut Berengarius librum suum proiecerit in ignem; sed cum ad suum vomitum rediret Berengarius, scripsit Lanfrancus in illum insignem librum de realitate Corporis Christi in Eucharistia. In eodem sæculo vixerunt. *Guidmundus* Episcopus Aduersanus, *Adelmanus* Episcopus Brixienfis, *Anselmus* Lugdunensis, *Bertholdus* Constantiensis, *Micrologus*, *Occumenius*, *Marianus* Scotus, *D. Bruno*, *Tuos Carnotensis*, & *Samuel Mazzochianus*, qui ex Iudæo Christianus factus, multa contra Iudæos scripsit.

*De Hæresibus, & Scriptoribus*

## DVODECIMI SÆCVLI.

**I**N duodecimo sæculo *Marcilius de Padua* volebat Papam non esse successorem Christi, Ecclesiasticos arcendos esse à possessione temporalium, nullamque esse differentiam inter Episcopos & Presbyteros. *Bongomilius* ab autore Basilico Medico, quem cremare fecit *Alexius Comnenus Imper.* Trinitatem in Diuinitate negabant, Deum forma humana præditum asserabant, mundumque à dæmonibus creatum; Obsequium redditum imaginibus improbabant; Credebant nostrum Baptismum esse Baptismum Ioannis, & suum esse Baptismum Christi; Fictionem in materia religionis affirmabant licitam, *Michaelemque* Archangelum incarnatum proclamabant. *Tandennius* vel *Tanquelinus* laicus Antuerpiensis sola fide homines iustificabat; Cœnam proclamabat non esse necessariam, sed copulationem carnalem indifferenter licere. *Petrobussiani* à quodam *Petro de Bruys* Antuerpiensi tenebant Baptismum non esse paruulis necessarium; Christum non esse realiter in Eucharistia, nec preces esse utiles mortuis. *Petrus Abailardus* tempore D. Bernardi fidem sine ratione non admittebat; Deum volebat esse compositum; Illum non esse authorem omnis boni, nec solum æternum; Adiutum fuisse ab Angelis in mundo creando; Potestatem

tem esse proprietatem Patris, Sapientiam Filij, & Bonitatem Spiritus sancti tuebatur, Negabat Christū incarnatum fuisse pro salute peccatorum; Spiritum sanctum animam mundi dicebat; Nullam esse libertatem in Deo, Angelis & homine; Sanctos Deum non contemplari, & in omnibus fidei articulis nos debere sequi dictamen intellectus. Discipulus eius fuit *Arnoldus Brixianfis*, *Gilbertus Porretanus* esse Dei nolebat esse Deum, distinguebat proprietates à Personis DD. reijciebat merita, & vim diminuēbat Baptismi. *Henriciani* ab *Henrico* quodam Tolosano eandem tenebant doctrinam ac *Petrus de Bruys*, addebantque eos Deum irridere, qui caneant in Ecclesia. *Apostolici* se Apostolos nuncupabant, missosque immediatē à Deo; Matrimonium, vsus ciborum conditorum lacte, paruulorum Baptisma, Purgatorium, preces pro defunctis & omnia iuramenta condemnabat. *Valdenses* à *Valdo* Lugdunensi, quia sua bona pauperibus erogauit, *pauperes de Lugduno* dicti sunt; obedientiam Summo Pontifici, cultum Imaginum, Orationes ad Sanctos, Festa, Ecclesias, Baptismi Oleum Confirmationem, Aue Maria, Confessionem auricularem, Remissionem peccatorum, Purgatorium, Merita, Ordines Religiosos, Extremam vnctionem, Miracula, Iuramenta, Cantus Ecclesiæ, Horas Canonicas, & penè omnia quæ in Ecclesia Romana vigent, reijciebant; Asserebant Prælatos & Principes auctoritatem amittere propter peccatum; Ecclesiam errasse tempore Syluestri Papæ; Symbolum esse reijciendum, & omnem copulationem licitam. *Petrus Ioannis* docuit hoc tempore, latus perforatum fuisse Christo viuenti; Animam rationalem non esse formam corporis; Ecclesiam Romanam esse Babylonem de Apocalyp. & Papam esse mysticum Antichristum. *Almaricus*, Doctor Parisiensis, docuit legem Patris durasse vsque ad Christum, legem Filij vsque ad *Almaricum*, & legem Spiritus sancti vsque ad mundi finem. *Albigenses*, non solum concionibus; sed etiam armis diu vexauerunt Ecclesiam in Aquitania. Negabant Purgatorium, realitatem corporis Christi, Confessionem auricularem, Imagines, Ecclesiarum campanas, Vsum carnis, lactis & ouorum. Duo principia, vnum bonum, aliud malum admittebant, nostraque corpora esse à Dæmone; Deum fingebant habere

*Boyuin Theolog. Pars IV.*

I

duas

duas vxores, ex quibus filios & filias procreat; duosque Christos fuisse, vnum bonum in regione incognita natum, alium malum in Bethleem Iuda. *Corrj* erroribus Petrobusianorum addebant V. Mariam fuisse Angelum; Corpus Christi fuisse corruptum; & animas non esse glorificandas ante Resurrectionem. *Ioachim* Abbas docebat, in Trinitate ens generare ens, ob quod damnatus fuit in Concil. Occumenico Lateranensi sub Innocentio III.

In hoc sæculo multi scriptores apparuerunt: præsertim *Sigebertus* Historiographus an. 1100. *S. Bernardus* Abbas Clarauallensis, an. 1130. scripsit multa opera, quorum aliqua illi tribuuntur, quæ non sunt eius. *Petrus Cluniacensis* an. 1130. *Hugo de S. Victore* Monachus anno 1130. *Richardus de S. Victore* Monachus anno 1130. *Gratianus* Monachus S. Benedicti anno 1145. Scripsit decretum, siue concordantiam discordantium Canonum, in quo Canones plurimos collegit ex Scripturis, Responsis Pontificum, Concilijs, & Patribus. *Petrus Lombardus* Episcopus Parisiensis anno 1145. collegit Theologorum sententias in quatuor libros; vnde dictus est Magister sententiarum. *Arnoldus Carnotensis* an. 1177. *Petrus Blesensis* an. 1177. *Guerricus* Abbas Ignacensis anno 1180. *Theodorus Balsamon* an. 1191. Patriarcha Antiochenus, qui fuit Schismaticus, & Romanæ Ecclesiæ infensissimus.

*De Hæresibus, & Doctoribus*

TERTIIDECIMI SÆCVLI.

**G**uilelmus à *Sancto Amore* Doctor Parisiensis ab Alexandro IV. condemnatus, odio Religiosorum mendicantium docuit paupertatem actualem esse illicitam, & sufficere habitualement, nempe eam qua quis in corde paratus est omnia relinquere propter Christum; Omnes Religiosos indifferenter volebat viuere de operibus manuum suarum; nec licitum esse Ordinem ingredi, qui saltem in communi non haberet possessiones. Scripserunt contra eum D. Thomas & D. Bonauentura: In eodem errore fuit *Desiderius Longobardus*, *Flagellantes* dicebant Baptistis.

primo aquæ successisse Baptismum sanguinis; unde se usque ad sanguinem flagellabant, dicentes, hoc esse maioris meriti, quam martyrium, quia talis flagellatio erat libera. *Fraticelli*, authore Hermanno, tenebant authoritatem R. E. propter malitiam Prælatorum cessasse; se solos esse in vera Ecclesia volebant; nulli obedientiam deberi asserebant, exercebant copulationem indifferenter, puerosque ex illa procreatos occidebant. *Beguardi & Beguina*, authore Bogonato, erant Monachi & Moniales sine votis, docebāt hominē posse esse in hac vita impeccabilem, & ampliùs non teneri ad ieiunia, imò in gratia crescere posse; Viros perfectos & Ecclesiasticos ab omni obedientia liberos asserebant; Sustinebant illum peccare, qui mulierem deosculabatur, non verò qui eam carnaliter cognosceret, quia ad hoc inclinata natura, non ad illud. *Lolardus Galterus* docuit luciferum iniuste à Deo damnatum. In fine huius sæculi *Vuicleffus Vuicleffistarum* caput, natione Anglus, professione Sacerdos, artium Magister, multos errores edidit, qui enumerantur in Sess. 8. & 45. Conc. Constant. sub Martino V. qui eius ossa exhumare fecit & extra Ecclesiam eieci. In particulari docebat, substantiam panis manere in Eucharistia; Christum non esse realiter præsentem in illa; Episcopum aut Sacerdotem in peccato mortali non conferre ordines, nec consecrare, nec baptizare. Confessionem exteriorē esse superfluam contrito. Nullum excommunicari debere, nisi antea à Deo excommunicatus credatur; Nullum esse dominum temporalem, nec Prælatum, si sit in peccato: Decimas esse puras eleemosynas, quibus frustrari possunt propter peccata. Quòd largientes eleemosynam mendicantibus Religiosis, sunt excommunicati ipso facto. Quòd Religiosi viuentes in Religione priuata non sint de Religione Catholica; Quòd Sancti peccauerint instituendo Religiones particulares; Quòd omnia fato eueniant. *Sagarellus*, Pseudo Apostolorum caput ann. 1296, se & duos dicebat Apostolos, quia paupertatem profitebantur. Dicebat bona opera sine voto esse maioris meriti, quàm alia; Nihil debere asseruari de vno die pro alio, Ecclesias consecratas non esse aptiores ad orandum, quàm alia loca; Dissolubilia tenebant Matrimonia ijs qui

I 2 suam

suam sectam amplecti volebant.

Scriptores huius sæculi fuerunt *Innocentius III.* vir multæ pietatis & doctrinæ. *S. Antonius de Padua* appellatus, quia in hac ciuitate multa sanctitatis edidit signa, ibidem obiit, & sepultus mirificè honoratur an. 1220. *Guillelmus Antistiodorensis Episcopus* anno 1224. *Guillelmus Parisiensis* anno 1240. vir admodum pius & doctus. *Alexander Alensis* anno 1245. natione Gallus, Ordinis S. Francisci, vir doctus, qui iussu Innocentij Papæ IV. Summam Theologiæ egregiè scripsit. *Vincentius Bellouacensis* anno 1250. Ordinis Prædicatorum, qui quatuor specula conscripsit, Doctrinale, Historiale, Naturale, & Morale. *Robertus Sorbon*, vir multæ doctrinæ & pietatis qui Collegium Sorbonæ toto orbe celeberrimum Parisijs instituisse dicitur anno 1265. *Albertus Magnus*, anno 1265. *Thomas Cantipratensis* anno 1265. *D. Thomas Aquinas* an. 1265. huius omnes norunt sapientiam & sanctitatem. *D. Bonauentura*, *Doctor Seraphicus*, anno 1265. Ordinis S. Francisci Minister Generalis, postea Albanensis Episcopus, & deinde Cardinalis creatus à Gregorio X. *Petrus Tarentasiensis*, anno 1265. cum D. Bonauentura Cardinalis creatus & Gregorij successor sub nomine Innocenti V. *Ægidius Romanus*, anno 1290. *Remundus Lullus*, anno 1290. qui multa scripsit. Accusatum fuisse scribunt, quòd plusquàm trecentos errores continerent eius opera, imò aliqui ipsum hæreticum dicunt; plurimi tamen eundem colunt vt S. Martyrem & scripta eius orthodoxa prædicant. *Richardus de Mediavilla*, natione Anglus, Ordinis S. Francisci, anno 1290. *Henricus Gandauensis*, anno 1290. vir doctissimus.

### *De Hæresibus, & Scriptoribus*

## Q V A R T I D E C I M I S Æ C V L I :

**I**oannès de Poliacò sustinebat Confessionem factam Regularibus reiterandam esse Pastori, posito Canone, Omais vtriusque sexus: Dicebat, nec Papam, nec Deum ipsum posse dispensare à confessione suorum peccatorum Parocho, Asserebat etiam, nec Papam, nec Deum posse dare licentiam

ge.



generalem alicui Sacerdoti, vt omnes indifferenter audiat. *Michaslem de Cesena* à Papa Ioanne 22. vel 20. condemnatus, prædicabat, nec Christum, nec Apostolos, nec ipsorum sectatores habuisse aliquid in particulari. *Iacobus Iusti & Bononatus Begardorum* authores pro Martyribus colebant eos, qui condemnati fuerant propter talem hæresim. *Richardus Armacanus*, Ordini S. Francisci infensus, mendicantem voluntariam repudiabat, Sacerdotesque simplices in absentia Episcoporum omnia eorum munera exercere posse sustinebat, vt consecrare altaria, conferre Ordines, &c. *Bertoldus de Borbaco*, Begardinus, inter alia affirmabat, Christum in sua Passione ità fuisse derelictum, vt de sua salute dubitauerit. *Turlupini* sub Gregorio II. igne exterminati, dicebant nullum verecundari debere, omnes corporis sui partes etiam secretas ostendere, innumerasque patrabant impudicitias.

Hoc sæculum illustre fecerunt, *Ioannes Duns Scotus*, Ordinis nostri. Plura scripsit subtiliter, vnde *Subtilis* dictus est; Inter alia, Scriptum Oxoniense in quatuor libros Sententiarum, Scriptum Parisiense in totidem libros, Librum Quodlibetorum, & alia, tum in Theologia, tum in Philosophia. *Augustinus Anconitanus* An. 1301. *Nicephorus Callistus* qui scripsit historiam à Natiuitate Christi ad annum 625. *Idiota*, qui proprio nomine suppresso, plura edidit. *Petrus Aureolus*, *Antonius Andreas*, vterque ex Ordine Minorum. *Durandus*, *Franciscus Maironis*, *Guillelmus Ocham*, *Nicolaus Liranus*, qui ex Iudæo Christianus factus, Ordinem Minorum assumpsit, in quo scripsit commentarium siue postillam in Bibliam vni-

uersam. *Pelagius Aluarus* Ordinis Mino-

rum. *Petrus Paludanus*, *Ludolphus*

*Carthusianus*, *Ioannis de Ba-*

*cone*, *Robertus Hilcot*,

*Gregorius Ariminen-*

*sis*, *Franciscus Pe-*

*trarcha*, &

alii plu-

rimi.

\*\*\*

*De Hæresibus, & Scriptoribus*

## QVINTIDECIMI SÆCŪLI.

**I**N hoc sæculo Boemiam infecerunt Hussitæ, sic dicti à Ioanne Hus Boemo An. circiter 1407. qui Ioannes in Concilio Constantiensi damnatus, & igne combustus fuit cum suo complice & compatriota Hieronymo Pragensi. Hussitæ sustinebant Ecclesiam continere tantum prædestinatos; D. Petrum nunquam fuisse Ecclesiæ caput, nec Paulum membrum Sathanz, dum persequeretur Christianos, licet actiones perpetraverit similes actionibus malignorum: Papam Imperatori subijci, nec esse caput Ecclesiæ, aut Christi Vicarium; Episcopos carnifices esse, dum tradunt brachio sæculari sibi inobedientes. Multa insuper talia sustinebant, ut videre est in Concil. Constant. Illis se iunxit Hieronymus Pragensis. In varias sectas diuisi sunt Hussitæ, quorum alij *Orobite* dicti sunt, alij *Thaborite*, alij *Orphani*, alij *Adamite*, siue *Picardi*, authore quodam Picardo Gallo, qui suis sectatoribus præcipiebat, ut nudi incederent. *Ruthenij* aut *Russiani* schisma fecerunt ab Ecclesia Romana, ut Græcos sequerentur; Vnde cum vellet eos ad Ecclesiam reuocare Polonorum Rex, cuius ditionis erant, se Imperatori Moscovitarum sui schismatis protectori subiecerunt. Petrum negabant verum fuisse Pontificem; Ecclesiam Romanam aliarum caput non esse dicebant; scripta Patrum Latinorum reiiciebant, sicut determinationes Conciliorum, Excommunicationem, Purgatorium & Sacramenta Confirmationis & Vnctionis extremæ. *Petrus de Osma* Salmanticensis professor Theologus negabat confessionem institutam esse à Deo, sed tantum esse ex institutione hominum. *Hermanus Rissuick Batavius*, affirmabat, Angelos non esse à Deo creatos; Animam perire cum corpore; Non esse infernum; Christum fuisse seductorem; fabulam esse Scripturam, & Euangelium falsissimum; propter tales blasphemias igni addictus est.

Vixerunt in eodem sæculo *Vincentius Ferrerius*, *Ioannes Capreolus*, *Franciscus Zarabella*, Cardinales *ab Alliaco*, *Ioannes Gersoa*, *Thomas Valdensis*, *Augusti-*

*gustinus de Roma, Henricus kalteissen* qui in Concilio Basileensi disputauit contra Hussitas. *S. Bernardinus Senensis*, doctrina & miraculis clarus, qui multa conscripsit. *B. Ioannes Capistranus*, qui Ecclesiam acriter defendit contra Turcas, fuit ex Ordine Minorum. *Alphonsus Tostatus* Episcopus Abulensis. *Nicolaus Panormitanus* Archiepiscopus & tandem Cardinalis. *S. Antoninus Florentinus* Archiepiscopus. *Aneas Siluius* Secretarius Imperatoris, Episcopus Senensis, Cardinalis, & denique Summus Pontifex sub nomine Pij II. obiit dum expeditionem maximam aduersus Turcas moliretur. Quæ scripsit iuuenis pro Concilio Basileensi, retractauit Senex & Pontifex Maximus. *Laonicus Chalcondila*, qui historiam Turcarum scripsit. *Ioannes de Basolis*, Ordinis Minorum. *B. Laurentius Iustinianus* Venetianus Episcopus, Cardinalis à Turrecremata. *Nicolaus de Cusa* Cardinalis. *Dionysius Carthusianus*, *Thomas à Kempis* *Gabriel Biel*, *Ioannes Picus Mirandulanus*, Comes, ingenio & doctrina maximus. *Marsilius Ficinus*.

*De Hæresibus, & Scriptoribus*

SEXTI-DECIMI SÆCVLI.

**T**Ota in pace composita erat Ecclesia, cum Lutherus in Saxonia nascitur Anno 1483. qui eam perturbauit totaliter. Vocatus fuit primò *Ludder*, id est, prædo, & irrisor, vnde assumpsit nomen Lutheri, id est, puri. Quodam die deambulans cum socio, qui ictu fulminis percussus fuit, timore & non deuotione commotus in Monasterium Augustinianorum Erfordiensium se contulit anno 1504. Leo X. videns Selimum Turcarum Imperatorem, qui vndequaque Ecclesiam persequabatur, misit in totum orbem Christianum Indulgentias Cruciatæ; vt ad defensionem Ecclesiæ excitarentur Princeps Christiani. *Albertus Brandenburgens* Archiepiscopus, cui deuolutæ fuerant illæ Indulgentiæ, deputat Dominicanum quemdam ad illas prædicandas, cum exclusione Augustinianorum, quibus hic honor deferri solitus erat. Hoc audiens Vicarius Generalis Augustinianorum *Stambis* nomine, excitauit Lutherum, vt Cathedras ascen-

deret contra Indulgentias declamaturus; quod fecit reuera iste Ann. 1517. à quo tempore bellum semper Ecclesiæ intulit, totā Germaniam infestauit, pluresque & diuersas suscitauit Hæreses. Moritur ipse Lutherus An. 1545. Vuitembergique sepultus est, cuius tumulo apposuerunt illius discipuli hunc versum, quem antea fecerat: *Pestis eram uiuus, moriens ero mors tua, Papa!* In multis Lutheranorum templis constructa videtur effigies ipsius cum his verbis, Diuus & sanctus Doctor Martinus Lutherus Propheta Germaniæ. Imò eò impudentiæ deuenerunt sectatores Lutheri, vt dicere ausi fuerint D. Ambrōsium & D. Augustinum annuntiasse tempus, quo Ecclesiam impugnaturus esset, dum dixerunt in suo Hymno, tibi Cherubin & Seraphin Incessabili Voce proclama-  
Mant; quasi illæ litteræ numerales designarent An-  
num 1517.

Miserè in suo errore mortuus est Lutherus post-  
quam hæreses plurimas adinuenit; vtpote, hominem sola fide iustificari; Liberum arbitrium peccato A-  
dami perijisse; Papam esse Antichristum; in Eucharistia remanere substantiam panis cum corpore Christi; In-  
dulgentias esse inualidas; Purgatorium esse puram  
diaboli inuentionem; Sacramenta gratiam non con-  
ferre; Peccata non remitti aut deleri per poeniten-  
tiam, sed tantum nom imputari, &c. Sectatores Lu-  
theri in duas classes diuisi sunt; ex quibus infinitus  
propè Hæresiarcharum numerus pullulauit; Alij e-  
nim sunt Lutherani molles, qui duce *Melanctone* Con-  
fessionem Augustianam profitentur; & hi dicuntur  
*molles*, quia aliquas opiniones Lutheri, maximè illam  
de libero Arbitrio, temperare conati sunt. Alij dicun-  
tur *Seueri*, quia tali non vtuntur moderatione, vt  
Centuriatores Magdeburgenses.

*Andreas Carlostadius* natus Franconiæ, Archidiaconus Vuitembergensis factus eo tempore, quo se in  
hanc Ecclesiam Lutherus intrusit, fuit primus Luthe-  
ri discipulus & primus Sacerdos, qui se vxori conu-  
bio iunxit, Anno 1524. se in nouæ hæresis authorem  
erexit, quæ *Sacramentariorum* dicitur: post Berenga-  
rium enim primus publicauit in Eucharistia nihil  
aliud esse, præter figuram Corporis & Sanguinis  
Christi. Absente Luthero ab vrbe Vuitembergen-  
si, cum ingenti sociorum copia Ecclesiam Vuitem-  
ber-

bergensem ingrediens, demoliiuit imagines, prophanis manibus dedit Eucharistiam, solum in eam panem esse prædicans, altaria confregit, carnis indifferentem permisit vsum, & vbique libertatem proclamabat Christianam. Quod audiens Lutherus, eius audaciam verbis asperissimis reprimere conatur; quæ correctio, cum esset inutilis, aduersus Carlostadium, omnes commouet Lutherus; quod tamen nihil proficit, quia noui huius Hæresiarchæ doctrina omnibus pergrata videbatur. Carlostadius amore omninò accensus se matrimonio copulauit publico, quo die celebratam fuisse Missam testatur Florimundus nouo ritu compositam, in cuius introitu hæc verba decantata fuerunt, *Dixit Dominus Deus; Non est bonum hominem esse solum, faciamus ei adiutorium simile sibi*. Huius Missæ oratio composita erat ad excitandos alios Sacerdotes ad matrimonium, quæ sic habet; *Deus, qui post tam longam & impiam Sacerdotum tuorum cecitatem, Beatum Andreæ Carlostadium ea gratia donare dignatus es, ut primus, nulla habita Papistice iuris ratione, uxorem ducere ausus fueris; de qua sumus, ut omnes Sacerdotes recepta sana mente, eius vestigia sequentes, eiectis concubinis, aut eisdem ductis, ad legitimum consortium thori conuertantur. Per Dominum nostrum, &c.* Tali matrimonio summè Lutherus gaudius est, qui iam à longo tempore Monialem quandam Catharinam de Bora nomine, in uxorem ducere prætendebat, quod tamen nondum fuerat ausus, nè Saxoniæ Dux ipsius protector in illum irasceretur. Ipso tamen mortuo, ad tales conuolauit nuptias. Porro, sicut Lutherus Vuittembergum elegit in sedem suæ Ecclesiæ, sic Carlostadius primò ad urbem Oclamondam se contulit, ex qua expulsus auctoritate Ducis Saxoniæ suscitati à Luthero, apud Zurichenses confugit.

Zuinglius Constantiensis Canonicus in regione Heluetiorum An. 1525. hæresin suam attulit, in omnibus quasi similem errori Carlostadij; Dicebat enim in Eucharistia nihil aliud reperiri præter signum Corporis & Sanguinis Christi, sed sui signi rationem diuersam faciebat à Carlostadio. Cum non posset carnis petulantiam continere, sua vendidit beneficia, ut uxorem duceret, & familiam valeret sustentare. Quadam die nimirum 13. Aprilis, anxius hæ-



rens in explicatione horum verborum, *Hoc est Corpus meum*; apparuit illi phantasma aliquod, vt inquit ipsemet, de quo se non meminisse dicit, an nigrum esset vel album, quod illi dixit, hæc verba sic intelligi debere, *Hoc significat Corpus meum*, sicut Exod. 12. habetur; est enim Phase Domini, id est, hoc significat transitum Domini.

*Ioannes Oecolampadius* Monachus apostata, qui fuit Præceptor filiorum Comitis Palatini, Zuinglio maximè auxiliatus est, an. 1525. in Eucharistia solum signum Corporis Christi esse dicebat. Sicut apud Zurichenses Pontificatum suum constituit Zuinglius, sic apud Basileenses Oecolampadius sedem suam fundauit, nouam erexit Ecclesiam, veteremque & veram totaliter destruxit, quod in causa fuit, cur Erasmus Basileam deseruerit, cum non posset tales approbare nouitates, licet non semper fuerit in hac mente.

*Philippus Melancthon* Lutheri discipulus & ipsi fidelis Achates, Confessionis Augustanæ author, Luthero viuenti numquam illi contradixit, licet illius opinio esset eadem, ac Carlostadij, Zuinglij & Oecolampadij. Ipsum semper in honore habuit Lutherus; vnde vulgò dicebat contemptibilem animam esse, quæ contemnit Philippum; è contra verò Philippus, qui ore tenus suum magistrum vocabat Lutherum, clam tamen eum improbabat maximè: Mortuo Luthero, *Melancthon* opinionem Sacramentariorum propagauit, licet seruauerit semper integrum sui magistri honorem. In Confessione Augustana opinionem Lutheri temperauit recipiendo liberum arbitrium, non reiiciendo Sacrificium Misse, nec Confessionem, docendo Corpus Christi fieri verbis sacramentalibus; vnde illi, qui talem sequantur Confessionem, Lutherani molles vocantur.

*Anabaptistarum* secta à Luthero orta est an. 1527. authoribus *Baltazaro*, *Pacimontano*, & *Bernardo Rotmanno* Presbytero apostata. Baltazarus ille primò suum errorem abiurauit in vrbe Zurichensi, in qua carceri mancipatus fuit; sed ad suum vomitum reuertens, & in Moravia prædicans Anabaptismum, igne combustus est. Illi successit *Mercerus* Apostata Sacerdos, qui iisdem erroribus totam Germaniam perturbauit, & hic erat discipulus *Carlostadij*: Suam sedem habuit Anabaptismus sicut Lutheranismus, in

in Saxonia videlicet: Vbique proclamabat Muncerus, se vulgò communicationem habere cum Gabriele Archangelo, & specialiter inspiratum esse, vt seueram Papæ Religionem & libertinam Lutheri sectam destrueret. Anabaptistarum præcipuus error erat, quòd paruuli non essent baptizandi, & quòd deberent rebaptizari, si antea Baptismum recepissent. Talis sectæ perniciem conspiciens Georgius Saxonix Princeps, Muncerum apprehendi iussit, ipsumque damnari ad mortem, in qua maximam constantiam testatus est. Mortuo Muncero, illius errores in diuersas Prouincias sparsi sunt, & pullulant quotidie, maximè in Frisia Orientali, & Occidentali, Prussia, Silesia, Morauia, Boemia & Polonia, non verò in Gallia neque in Germania, aut Hispania, vbi Catholici & Lutherani dominantur; Neminem pro fide violentandum putant; Christianos nulla de causa morti damnandos, sed tantum excommunicandos & eijciendos asserunt; Cùm Zuinglianis realitatem corporis Christi negant, Cenamque tantum modò faciendam volunt in testimonium mutux Charitatis inter Christianos, & ad renouandam memoriam Passionis Christi.

Ex hæresi Lutherana multi alij Heresiarchæ exortiti sunt, nimirum *Vbiquitarj*, qui auctore *Brentio*, humanitatem Christi, vbique præsentem esse dicebant. *Maiorista*, à *Georgio Maiore*, docente, nec etiam paruulos saluari posse sine bonis operibus. *Osiandrista* ab *Andrea Osiandro*, volente in Eucharistia corpus Christi pati. *Augustiniani* in Boemia docētes nullum Paradisum ingredi ante finale iudicium. *Adamita* à quodam Adamo, cui sectatores nudi incedunt. *Sabbatarisani*, qui reijciebant diem Domini, tanquam non repertum in Scriptura, & Sabbatum sanctificabant. *Clancularj*, qui solo corde Religionem profitebantur, & credebant preces maioris esse efficacitatis in domo, quàm in Templo. *Dauidista*, à *Dauid Ioris Batauo*, qui se Messiam à S. Spiritu missum vocabat. *Mennonista* à *Mennone* quodam ex Frisii, Christum, attulisse carnem è Cœlo, non ex Maria volebant. *Deista* seu *Triteista* tres Deos gradu differentes fingebant sibi. *Antitrinitarj*, Trinitatem personarum & duas naturas in Christo negabant, ab auctore *Michaele Serneto* orti sunt, quæ comburi fecit *Caluinus*.

apud Genebenſes, vt per hoc iuſtificaretur, quod nullo modo faueret Arianis, de quo accuſabatur, eo quòd hanc Orationem improbat, *Sancta Trinitas unus Deus, miſerere nobis*. *Antimariani* virginitatem Mariæ negabant, cui plures dabant filios, quoniam Scriptura mentionem facit de fratribus Chriſti; non attendentes quòd illi qui ſunt ex eadem familia, fratres in Scriptura nominentur, vt Loth qui dictus eſt frater Abrahæ. *Antinomiani* legem reiſcientes, requirebant tantum fidem. *Infernales*, Chriſtum aſſerebant deſcendiſſe tantummodò in ſepulchrum, omnemque negabant infernum præter malam conſcientiam. *Quintiniſta*, à *Quintino Picardo*, omnes reiſcebant Religiones, in hoc ſimiles illi *Lucianiſta*, qui librum conſcripſit aduerſus tres Impoſtores, quorum nomina incipiunt per M. hoc eſt, contra Moïſen, Meſſiam & Mahumetum. *Infrontes* ſibi ſanguinem è fronte extrahi faciebant, per hoc baptizari credentes. *Petrus Martyr* Canonicus Regularis negabat potentiam diuinam poſſe conſtituere idem corpus in pluribus locis. *Bucerus Argentina* natus Iudæi cuiuſdam filius, mortuo patre, Prædicatorum Ordinem ingreſſus eſt, à quo apoſtatans ad copias Lutheri confugit; Lutheri, Melancthonis & Zuinglij, vñionem tentat in dicta, Auguſtana, An. ſcilicet 1530. ſed perperam: Sc̄ primò Sacramentarium cum Zuinglio prædicat, quam opinionem reuocat poſtea aſſerens ſe in hoc erraſſe; & denique ad Sacramentarios redit. Tribus vicibus vxorem duxiſſe referunt. Sunt & multi alij Hæreſiarchæ, qui è Lutheri ſchola prodierunt, quos retexere longius eſſet.

*Ioannes Caluinus* Nouioduni in Picardia natus 10. Iulij an. 1509. vocabatur primò Chauvinus, deinde Caluinus; Beneficium ab Epifcopo Nouiodunenſi obtinuit in Cathedrali Eccleſia: cum alio Rurali, Pariſios tranſijt, vnde exire cogitur, propter erroneas opiniones, quas à Melchiore Volmar Lutherano hauſerat. Adit Germaniam, vbi prælo dedit ſuam Inſtitutionem, nimirum Baſilæ. Italiam viſitat, vnde rediens Geneuam ingreditur, in qua vrbe inuenit Guillelmum Farelum cum Petro Vireto prædicantem: Dum ibi ſuam erroneam Theologiam explicaret, formam Confessionis & diſciplinæ compoſuit;

ſed

sed illicò exire iussus est; vnde Basileam & deinde  
 Argentinam se contulit. Idellestam *de Bura* sibi co-  
 pulauit Matrimonio, qua decessa, viduus remansit  
 vsque ad mortem. Tandem grauissimis pluribus mor-  
 bis moritur Geneuz, vbi restitutus fuerat Ann. 1564.  
 Multos publicauit errores, vtpotè, Fidem non esse  
 vnā, ipsam esse coniunctā cum incredulitate, du-  
 bio, incertitudine, imò & erroribus: Fidem impliciā  
 esse phantasticā, & nihil aliud præter ignorantia:  
 Bonitatem diuinā & suæ salutis certitudinem esse  
 solum Fidei obiectū, vnde fidem cum spe confunde-  
 bat: Traditiones esse reiiciendas, quia Scriptura om-  
 nia necessaria ad salutem continebat: Expungendos  
 esse à Canone libros Tobiz, Iudith, vnā partem li-  
 bri Esther, Sapientiam & Ecclesiasticum Salomonis,  
 Prophetiam Baruch, vnā partē Danielis & Macha-  
 bæorum: Solum textum Hebraicum veteris Testa-  
 menti esse authenticum, sicut textum Græcum noui,  
 nullamque versionem esse admittendam: Scriptu-  
 ram sacram ex se omninò facilem esse, & ad quem li-  
 bet Fidelem spectare Scripturarum interpretatio-  
 nem, non recurriendo ad determinationem Ecclesiæ:  
 Fidem amitti non posse, & solis Prædestinatis infun-  
 di; Deum prædestinasse homines ad damnationem,  
 nullis præcedentibus demeritis, neque etiam Adam;  
 vnde aliquos creauit vt peccent & damnentur:  
 Deum esse authorem omnis peccati, nec absolute  
 esse omnipotentem, cum non possit constituere  
 idem corpus in pluribus locis: Essentiam diuinā  
 distingui realiter in Personis: Christum non esse  
 propriè Creatorem mundi, nec Filium Dei recipere  
 suam essentiam à Patre, Christum hominem fuisse  
 ignorantem, & ita assumpsisse nostrā naturam, vt  
 esset peccator & maledictionis reus. Perpetuam Vir-  
 ginitatem Mariæ non esse credendam, sed eam pepe-  
 risse, more aliarum: Christum distulisse quantum po-  
 tuit, executionem officij Redemptoris; Ipsum mor-  
 rientem inconsideratè dixisse, *Pater si possibile est,*  
*&c.* quasi oblitus fuisset se esse missum, vt per mor-  
 tem Redemptoris officio fungeretur; ipsum timuisse  
 pro sua salute, imò & vocem misisse desperatio-  
 nis clamando, *Deus Deus meus! ut quid dereliqui-*  
*sti me?* denique tormenta sustulisse damnatorum.  
 Christum mortuum non, migrasse ad Inferos, sed

tan.

tantum ad sepulchrum descendisse: Purgatorium non existere, neque Lymbum Patrum, nec proinde preces requiri pro mortuis: Christum non resurrexisse de sepulchro clauso, nec ad discipulos intrasse sine apertura: Ecclesiam, quæ inuisibilis est, solos sanctificatos continere, ipsamque posse errare, & reuera errasse, totaliterque esse corruptam: Papam non esse Petri successorem, sed verum Antichristum: Ecclesiam non posse condere leges obligatorias in conscientia: Monachatum & Religiosos Ordines Christianismo repugnare, mendicitatem Religiosorum inuentam fuisse à diabolo: Omnem superioritatem esse reiiciendam: Hominem libero carere arbitrio, quo bonum possit operari, & malum vitare queat: Primos motus concupiscentiæ etiam consensum præuenientes esse peccata: Facilem esse distinctionem peccatorum mortalium à venialibus, sed omnia esse mortalia reprobis, & venialia Prædestinatis: Peccata non deleri ab anima, sed tantum non imputari: Hominem iustificari sola fide sine operibus: Fidem in beatis remanere: Nullum sperandum esse præmium pro bonis operibus: Precum reiterationem esse prohibitam: Orationes publicas fieri debere idiomate populari; Nullum esse meritum in observatione mandatorum: Nullo modo Sanctos inuocari debere, nec Imagines aut reliquias Sanctorum coli: Ieiunia & abstinentias carniū certis diebus obseruari non debere: Duo tantum esse Sacramenta, Eucharistiam & Baptismum, quæ adhuc non habent iustificandi virtutem: Corpus Christi contineri tantum in figura, in Sacramento altaris: Benedictiones Ecclesiasticas, vt aquæ, panis, & aliarum rerum esse ridiculas; Cæteras Caluini opiniones omittam breuitatis causa, sicut & alios hæreticos, qui in hoc sæculo Ecclesiam persecuti sunt, quippè qui sunt tantum veluti rami harum pessimarum arborum Lutheri & Caluini.

Inter Scriptores qui hoc sæculum exornarunt, floruerunt primò R.R. P.P. Societatis Iesu, quorum Ordo initium duxit à tempore, quo Lutherus & Caluinus insurrexerunt in Ecclesiam. Deindè apparuerunt etiam *Ioannes Trithemius*, *Thomas Cæcilianus*, *Baptista Mantuanus*, *Ioannes Franciscus Picus*, nepos *Ioannis Picus*, *Ioannes Almyrus* Doctor Ratifien-  
sis.



sis Ioannes. Maior, Franciscus Lychetus Ordinis nostri, Ioannes Echius, qui fortiter se opposuit Luthero disputationibus & scriptis. Franciscus Titelmanus, Minorita, Ioanne Faber, Ioannis Driedo, Ioannes Cachlaus, acerrimus fidei propugnator, qui multa scripsit contra Lutheranos. Dominicus Soto, Ambrosius Catharinus, Martinus Nauarrus, & quamplurimi alij.

*De Hæresibus & Scriptoribus huius  
seculi.*

**C**alvinismus admixtus Sectæ Reginæ Angliæ, cui nomen erat Elisabeth, ortum dedit in Anglia Puritanis, qui se Calvinistas Reformatos dicebant; taliterque nominabantur, vel quia sequebantur purè Scripturam, vel quia purissimos & sanctissimos se proclamabant. Illi, sicut Calvinistæ à sine Psalmorum sustulerunt Versum, *Gloria Patri, & Filio, &c.* quem in illis apposuerat Ecclesia contra hæreticos, qui Filium cum Patre adorare volebant. *Antipuritani* adhuc in Anglia opinionibus Puritanorum omnino opponuntur. *Pacificatores* auctore Ioanne Sturmio, Religionem Calvinisticam à Catholica essentialiter non differre dicunt; vnde Minister Anonymus quidam sub nomine Christiani Constantis scriptis plura de conformitate vtriusque Ecclesiæ. *Arminiani*, seu *Remonstrantes*, aut *Molles Calvinistæ*, ortum duxerunt à Iacobo Arminio Ministro Amsterodami, qui factus fuit postea Professor Theologiæ Caluini in Academia Leydena apud Batavos, cuius Cathedram antea tenuerat Franciscus Gommarus, Hic Arminius, Calvinista semper reputari volebat, licet multas opiniones multum distantes à Caluino & Calvinistis Rigidis sustineret. *Contra Remonstrantes*, seu *Rigidi Calvinistæ* Authorem habent Gommarum, qui disputationem aggressus est contra Iacobum Arminium. Hi sequebantur rigorem opinionum Caluini de libero Arbitrio, de Gratia, de Reprobatione, & alijs. *Conradus Vorstius* Minister Batavus perfectiones diuinas contestabatur, vtpotè, Simpliciter Dei, Infinitatem eius, Immensitatem, & æternitatem; Quod maximam diuisionem Reformati-

maris

matris Batauiæ affert, etiam his temporibus *Metaphorista* omnia ad Metaphoras reducentes Filium Dei dicebant; non esse propriè nec Verbum Patris, nec Imaginem, sed per Metaphoram. *Marcus Antonius de Dominis*, qui se fraude intrufit in Archiepiscopatum Spalatensem in Dalmatia, auctoritatem Papæ deprimere semper conatus est: De ipso loquuti fuimus Disputationibus de Concilijs, & de Summo Pontifice: In Bataua, Boemia, Germania & Anglia nouæ Sectæ oriuntur continuò, quarum numeratio est impossibilis.

Nostro sæculo non defuerunt Illustrissimi viri, ut potè, *Cæsar Baronius* Cardinalis. *Robertus Bellarminus* Cardinalis. *Petronius* Cardinalis, *Franciscus à Rupefalcata*, *Franciscus Feuardentius* Minorita, *Florinzandus Raymundus*, *Franciscus Salefus*, & innumeralij, quorum sufficientiæ recens est memoria.

Antequàm finem faciamus Capiti de Hæresibus, non omittendum est, maiores Hæresiarchas infelicem semper habuisse exitum: *Simon Magus*, cum volare veller, orationibus B. Petri deiectus, sibi tibias fregit; & paulo post cum summa ignominia mortuus est. Sic *Egesip. Lib. 3. cap. 2. de Excidio Ierosol.* & *Arnobius lib. 2. contra gentes. Marichæus* viuis excoriatus est à Rege Persarum, quia filium Regis curaturus occidit, ex *Epiph. Hæresi 66. Montanus, Theodotus & eorum Prophetista* seiplos laqueis necauerunt. *Eusebius Lib. 5. Histor. cap. 16. Donatista* ab iisdem canibus lacerati sunt, quibus Eucharistiam proieciabant. *Optatus lib. 2. contra Parmenianum. Arius* in Ecclesiam intrare volens, subito alui motu ad latrinas publicas accessit, & simul cum excrementis intestina omnia effudit, & animâ, ex *Athanas. Orat. 1. contra Arianos: & ex Rufino lib. 10. Histor. cap. 13. Valens Arianus* viuis à Gothis crematus est, ex *Ruf. lib. 11. Histor. cap. 13. Nestorius* lingua impia à vermibus consumpta, miserrimè interiit, ex *Euagrio lib. 1. Histor. cap. 6. Anastasius* Imperator Eutichianorum fautor, fulminis ictu interiit ex *Cedreno & Zonara. Lutherus*, cum vesperi opiparam sumpisset cœnam, lætus & sanus, omnesque facetijs suis ad risum prouocans, eadem nocte mortuus est, ex *Cochleæo in vita Lutheri.*

*Zwinglius,*

*Zuinglius* in bello contra Catholicos trucidatus est. *Oocolampadius*, cum vesperi sanus cubitum iuisset, manè inuentus est ab vxore mortuus in lecto, ex *Cochl.* in actis *Lutheri* An. 1531. *Carlostadius* à dæmone est interfectus. Sic Ministri Basileenses in Epist. quam ediderunt de morte *Carlostadij*. *Ioannes Caluinus* denique horrendis & sensibilibus morbis grauat-  
 tus, vermibus consumptus, expirauit, vt testatur *Ieron.* *Bolsesus* in eius vita, addens, eum blasphemantem obijisse, dæmonibus inuocatis. Hæc est finis miseranda eorū, qui Ecclesiam Christi persecuti sunt; nobis concedat misericors & præpotens, Deus vt firmi & cōstātes viuamus, & moriamur in eius gremio.

## DISPUTATIO SECVNDA.

*De Summo Pontifice.*

**T**Riplex hominum status est ab orbe condito ad nos vsque distinguendus, vixit enim homo, vel in lege naturæ, nempe ab Adamo ad Moysen; vel in lege scripta, à Moysè ad Christum; vel in lege Gratæ, à Christo scilicet, vsque ad finem mundi. In primo statu omnes Primogeniti erant Sacerdotes & cultui D. specialiter dedicati: In lege Mosaica voluit quidem Deus primogenitos sanctificari, sed in illorum locum ex duodecim Tribubus Israel elegit sibi Tribum Leui, quam diuino seruitio applicauit præ cæteris, iuxta id quod habetur Num. 3. *Tuli Leuitas pro cunctis Primogenitis filiorum Israel, vt seruiant mihi in tabernaculo, & orent pro eis.*

Licet in hac Tribu omnes dicerentur Leuitæ, attamen ex vsu scripturæ Leuitæ distinguebantur in tres ordines; quorum primus erat Leuitarum simpliciter, qui Sacerdotibus ministrabant; alter erat Sacerdotum, qui offerebant Sacrificia super Altare Holocausti; nutriebant perpetuum ignem, subiiciendo illi quotidie ligna, vesperè & manè; adolebant incensum super Altare Thymiamatis, effuso oleo oliuarum bis in die concinnabant lucernas, quæ erant prope idem altare in candelabro aureo; singulis Sabbatis panes calidos ponebant supra mensam Propositionis, veteresque remoueant ad suū vsum; adiurabant mulieres in casu Zelotypiæ, immolabant Vaccam Ru-

Rufam extra castra ; discernebant inter Lepram & & Lepram ; mundabant Leprosos , Seminifluos , Puerperas & Menstruatas ; denique legem Dei tenebantur scire , & docere .

Præter hunc duplicem ordinem Leuitarum & Sacerdotum , in tertio constituebatur Pontifex , qui & Summus Sacerdos dicebatur . Præcedentes functiones illi erant communes cum alijs Sacerdotibus . sed insuper quatuor alia officia illi erant propria . Semel in Anno intrabat in Sanctuarium ad publicam expiationem populi , vt habetur Leuitici 16. 2. consecrabat Leuitas & Sacerdotes . 3. in Controuersijs Legalibus vltimam ferebat sententiam ; 4. in rebus dubijs magni momenti Deum consulebat ; à quo accipiebat responsum ; siue per Angelum , vt volunt aliqui ; siue per reuelationem , vt dicunt alij ; siue , vt vult Iosephus , per splendorem gemmarum in Rationali supra pectus Pontificis insertorum ; quæ si plus solito splendebant , signum erat felicitis euentus ; sin minùs , res significabatur malè successura ; si nec plus , nec minùs , denotabatur per hoc , Deum nolle respondere . Porro , probabile est hunc modum consulendi Deum per Summum Pontificem cessasse ab initio Captiuitatis Babylonicæ , quo tempore propter sua peccata spoliati sunt Iudæi libertate , Sacrificio & Oraculo .

Sicut ergo in veteri Lege , quæ vocari potuit Ecclesia Mosaica , erant Leuitæ , Sacerdotes , & Summus Pontifex ; sic in Ecclesia Christi reperiuntur Leuitæ , nimirum Diaconi & Subdiaconi ad ministrandum Sacerdotibus instituti ; reperiuntur Sacerdotes supra Corpus Christi naturale & mysticum potentiam habentes ; Sacerdotes , inquam , simplices , & maiores , quales sunt Episcopi , Archiepiscopi , Primates , & Patriarchæ , super quos omnes denique præminet Summus Pontifex , de quo hanc disputationem institui-  
mus , plures quæstiones continentem , quarum resol-  
uemus plurimas , alias maioris momenti iudicio do-  
ctorum reservantes , cùm hactenus controuersæ fue-  
rint , præsertim in Gallia ; vnde mentis nostræ tenui-  
tas illarum solutionem asserre non præsumet , sibi sat  
esse persuadens , si vtriusque partis rationes afferat ,  
relicta cuilibet libertate eligendi alterutram .

## QVÆSTIO PRIMÆ.

*Qua nam regiminis forma alteri præferenda est?*

**N**obis loquuturis de Summo Pontifice, Ecclesiam Vniuersalem regente, de regimine ipso in se considerato prius dicendum est. Vnde sciri debet in primis, quòd triplex sit regendi forma, nimirum Monastica, Oeconomica & Politica. Monastica est, qua homo priuatus se legit, & componit suos mores: Oeconomica est ea, qua caput familiæ suos subditos ducit: Politica est ea, qua populus seu Respublica gubernatur.

Politica forma regendi Rempublicam triplex est, scilicet Monarchica, Aristocratica & Democratica: Monarchica est quando tota regendi potestas residet apud vnam: Aristocratica est quando pauci, & ipsi optimates regunt: Democratica est, dum totus populus regimen habet, vel saltem aliqui, tum ex plebeis, tum ex nobilibus, ex populi electione. De his ultimis tribus regendi formis quærimus nobiliorem & vtiliorem. Calvinus ex Bellarmino Monarchicum regimen expellere nititur ab Ecclesia, dum ipsum deterius censet Aristocratico & Democratico, præsertim si in toto mundo, vel in tota Ecclesia constitui attemptetur: Vnde Ecclesiasticam potestatem cœtui seniorum tribuit, regimen ciuitatum approbat, quæ excusso principum iugo, à populo & senatu gubernantur; vt sit apud Geneuenses.

## CONCLUSIO.

**N**obilior & perfectior gubernandi forma est Monarchica. Sic inter Gentiles Philosophos, Plato in Politica post medium; Aristoteles lib. 8. Ethic. cap. 10. Homerus lib. 3. Iliados, Herodotus lib. 3. Hist. Platarchus Opusculo toto de Monarchia. Inter Iudæos idem sentit Philo lib. de confusione linguarum. Ex Christianis Patribus denique hoc pariter habent Iustinus Oratione Exhortatoria ad Gentes, Cyprianus tract. de Vanitate Idolorum, Hieronymus Epist. ad Rusticum, Augustinus denique inter cæteros Serm. 25. de Verbis Domini.



mini , ad confirmandam hanc sententiam rectè ait : *Da unum , & populus est ; tollè unum , & turba est : quid enim est turba , nisi multitudo turbata ?*

Probatur hæc veritas primò ratione ; quia natura quæ tendit semper in perfectius , principatum vnus expetit , vt patet ex Cypriano , qui tract. de Idolorum Vanit. dicit, quòd *Rex vnus in Apibus , Dux vnus in Gruibus , & in Armentis Rector vnus* . Hoc idem innuit Hieronymus Epist. ad Rusticum , *Grues vnus sequuntur ordine litterato* . Nec hoc debet irridere Caluinus , dum lib. 4. Instit. cap. 6. §. 9. dicit , non ex toto orbe confluere Apes , vt regem eligant , imò suis aluearibus contenti sunt singuli reges apum ; & in Gruibus quælibet caterua proprium regem habet ; sic , inquit , singulæ Ecclesiæ debent sibi attribuere singulos Episcopos . Quam fragilis sit illa responsio , patet ex hoc , quòd vnum alueare non sit vnum cum alio , & sic quodlibet exigit summ regem ; quælibet autem Ecclesia est vna cum alia , & ideo debet habere vnum rectorem cum illa .

Probatur secunda ratione ; quia scilicet gubernatio Monarchica perfectiùs regimè Dei imitatur ; sicut enim omnia solius Dei imperio subiacent , sic in Monarchia omnes subditi Principis legibus obsequuntur . Adde quòd Monarchicam instituit gubernationem Deus in populo Iudaico , apud quem fuerunt primò Patriarchæ , vt Abraham , Iacob , & cæteri , qui erant veluti Principes : Deinde fuerunt Duces , vt Moyse , Iosue , &c. tum Iudices , vt Iamnes , Samson , & alij : postea Reges , vt Saul , Dauid , Salomon ; postremò adhuc Duces , vt Zorobabel & Machabæi ; & hæc omnia durarunt vsque ad Christum natum , qui regnans super omnes terminos orbis terrarum , vnico visibili Monarchæ voluit suos populos esse obsequentes , nimirum D. Petro , eiusque successoribus .

Probatur tertia ratione ; vel potius pluribus coadunatis , breuitatis causa ; Primò , quia Monarchia respicit bonum Reipublicæ tanquam proprium , & sic omnem curam adhibet ad illud comparandam . Secundò , quia fortior est Respublica , vbi maior est ciuium coniunctio : vires enim vnitæ fortiores sunt dispersis ; atqui magis inter se coniunguntur ciues , qui dependent ab vno imperante , quàm si à multis

de

dependere, quia pro tunc partialitates oriuntur; Ergo melior est Monarchia. Tertiò, quia, quando multi regunt, nascitur ambitiosa contentio inter illos, ita ut alii alios impedian; vel saltem unus alium respiciens, in collegam suum onus reiiciat; & sic nemo bono communi intendit, imò priuato tantum inuigilat.

Obiicies: Illud regimen est deterius, quod facilius vergit in tyrannidem; Monarcha autem, qui nullius subditur emendationi, facilius deuiabit, & cum deuiauerit, difficilius emendabitur: Ergo, &c. in aliis autem regiminibus, timor aliorum quemlibet ab insolentia impedit; & si deuiauerit, ab aliis corripietur: Ergo gubernationem deterior est Monarchica. Resp. quòd reuera ratione summæ potestatis, facilius Monarcha possit in tyrannum mutari; difficilius tamen hoc fiat, quia respicit bonum commune, ut suum, & sic illud conseruare nititur; Optimates verò, cum ultra publicum bonum, priuatum etiam habeant, vergent facilius in Tyrannidem, ut ex aliorum deuastatione bonum proprium augeant. Dices: Cum Populus Israel Regem petiit, respondit illi Samuel, *Nescitis quid petatis*. Ad hoc dico, Deum non damnare moderamen Regis, cum ipse se regem regum nominet; sed populum condemnat, qui abiecto regimine Dei, hominem pro Rege habere peroptat.

## Q V Æ S T I O II.

*Vtrum regimen Monarchicum uigeat in Ecclesia.*

**N**emo dubitat quin sit in Ecclesia aliquod regimen, cum ipsa Cant. 4. sit ut castrorum acies ordinata, & Act. 20. Spiritus sanctus posuit Episcopos regere Ecclesiam Dei. Neminem enim latet, quin regimen Ecclesiasticum sit spirituale, & non politicum; quoniam non se extendit ad necem & vitam, nec regulariter ad bona temporalia. An sit autem Monarchicum, præter Calvinum & alios hæreticos, Edmundus Richerius Doctor Theologus, & Collegii Cardinalitii Archididascalus, & Simon Vigorius Regius Confiliarius in Maiori Consilio, aduersus sacratissima Summi Pontificis iura exardescences, insinuare nisi sunt circa

circa Annum millesimum sexcentessimum vndecimum, Regimen Ecclesiasticum non esse Monarchicum, nè suprema autoritas in manus Pontificis deuolueretur: Hoc videns Cardinalis *Perronius*, Archiepiscopus Senonensis, suæ Prouinciæ Episcopos congregauit, decretumque tulit contra hanc doctrinam, quæ in populo magnum scandalum generabat, quod quidem decretum Paulus V. confirmauit.

Quantum ad Richerium, vno aut altero ante obitum anno, laudabiliter resipuit, propositiones à se adductas vehementer condemnans; cuius rei Declarationem propria manu conscripsit, quam voluit apud Eminentissimum Cardinalem Richelium obsignari in testimonium suæ obedientiæ erga sedem Apostolicam. Hoc instrumentum conscriptum fuit anno Domini 1629 die Veneris 7. Decemb. presentibus Magistro Carolo Talon, Parocho S. Geruasij Parisiensis, & Patre Ioseph Parisiensi Ordinis Capucinatorum, utroque subsignato cum Richerio. Insuper instante morte, sumpto à Parocho viatico, coram illo & multis astantibus publicè professus est, se sponte & sine metu (vt susurrabant aliqui) prædictam declarationem scripsisse, & eam adhuc ratam habere, quod verum esse declararunt Anno Dom. 1631. coram Petro *le Gay* S. Sedis Apostolicæ Notario, Leonardus *Fourment* Presbyter, Collegij Cardinalitij rector, Ioannes *du Tour*, Doctor Theologus, & Carolus *Ternois* Baccalaureus, tanquam præsentis declarationi prædicti Richerij. Vtraque certificatio habetur apud D. *Dunal* in Tractatu, quem edidit de suprema Summi Pontificis potestate.

### CONCLUSIO.

**R**egimen Ecclesiæ est Monarchicum. Probabilissimum enim est, quòd Christus suæ sponsæ, pro qua mortuus est, nobiliorem & vtiliorem inter tres gubernandi rationes reliquerit, nempe Monarchicam; vnde in Scriptura, Ecclesia insignitur multis titulis, qui Monarchiam redolent; modò enim, Daniel 2. vocatur *Regnum*, modò *exercitus ordinatus* Cant. 4. ad Timoth. 3. comparatur *domui*, 1. Petri 3. *Nauis* & Ioan. 20. vocatur *Ovis*, quæ omnia gubernan-

nantur ab vno moderatore . Nec respondendum est , quòd habeat vnum Regem nempe Christum , quod sufficit , vt Ecclesiæ status dicatur Monarchicus ; hoc enim non sufficit , quia licèt Christus sit Rex inuisibilis Ecclesiæ , in quam inuisibiliter influit per gratiam , assistentiam , & directionem internam , cùm tamen Ecclesia sit visibilis , debet habere Pastorem visibilem , ad quem confugiat in necessarijs .

Probatur 2. quia omnes Ecclesiæ per totum orbem dispersæ vnā debent constituere Rempublicam , aliās Ecclesia non esset vna . Vt autem ex omnibus Ecclesijs resultet vna , non sufficit vnitas Fidei & Sacramentorum , sed opus est aliquo tribunali & rectore , qui controuersias oboriri solitas inter Ecclesias particulares dirimere possit ; quia ad hoc non possunt institui omnes Episcopi collectiue sumpti , qui omnibus difficultatibus simul præsto esse nō possent , nec etiam possunt institui Principes sæculares , cùm sint oues , non pastores , & sic requiritur vnus supremus Pastor , qui discordantes Pastores particulares & diffidentes Ecclesias conciliet . Deinde , multæ controuersiæ circa Fidem oriuntur , vixque diuersi homines à se seiuncti eadem sentire possunt , nisi vnius authoritati acquiescere teneantur : vnde Ieremias c. 12. multitudinem Pastorum nemini obedire volentium vituperat , dicens , *Pastores muti demoliti sunt vineam meam , &c.* Tandem correctio Episcoporum & supplementum eorum negligentia arguit necessitatem supremi Monarchæ in Ecclesia , qui contineat Episcopos in suo officio , & subditos aliquando Episcopis rebelles ad obedientiam reuocet ; vnde Gregorius Indictione 13. Epist. 52. *Vnumquodque tunc salubriter completur officium , cùm fuerit vnus ad quem possit recurri ; vnus inquam , qui ceteris inuigilet , ceterosque hortetur , & corripiat .*

Probatur 3. ex doctoribus Parisiensibus , quorum aliqui reuerà ponunt supremam Ecclesiæ auctoritatem in Concilio ; alij tamen ipsam constituunt in Summo Pontifice . Primò Alliacensis in Collegio Nauarræ Archididascalus , Cardinalis , & Cameracensis Archiepiscopus Tract. de Origine Ecclesiast. Potest. conclusione 2. sic habet . *Ideo Dominus prouidens schisma & dissensionem , contulit Petro & successoribus suis auctoritatem disponendi Ministros Ecclesiæ , &*  
deter-

determinandi eorum iurisdictionem, dicens, *Pasce oves meas*; sis Pastor & Prælatus generalis ad quem pertinet regimen regale ovium & ouilis. Secundo Ioannes Gersonius Cancell. Parisiens. lib. de Auferibil. Papæ Considerat 8. sic habet, *Nullam aliam Politiam in Ecclesia instituit Christus, præter Monarchicam & quodammodo regalem*; & oppositum sentientes, quod videlicet fas est dicere; plures Papas, aut quod quilibet Episcopus in sua Diocesi est Papa vel Pastor supremus, equalis Papa Romano, errat in fide & unitate Ecclesia, contra articulum hunc, *Et unam sanctam Ecclesiam*; & si pertinaces maneant, iudicandi sunt Hæretici, sicut *Marsilius de Padua*, & quidam alijs. Tertiò Almainus de Suprema Potest. Ecclesiastica cap. 4. ita loquitur; *Christus fuit sapientissimus, quia plenus sapientia, & quod instituerit optimam politiam; sed optima politia debet regi regimine regali, ut dicit Arist. in Politic. ita ut unus sit, qui in quemque habeat potestatem, & nemo in eum*: Ergo verisimile est quod in spiritualibus Christus instituerit superiorem, qui habeat quemlibet coercere, & nullus eum. Sufficiant hi tres illustris notæ & magnæ authoritatis pro omnibus alijs Doctoribus, qui adduci possent in huius propositionis confirmationem.

Obijcies 1. *Christus est caput Ecclesia*, ad Ephes. 4. & sic faceret iniuriam Christo, qui admitteret aliud caput in Ecclesia. Negatur consequentia, quia non admittitur aliud caput cum Christo, sed sub Christo, ut eius Minister & Vicarius; sicut Regi non fit iniuria, si admittatur Prorex sub Rege. Quod si Ecclesia nusquam dicta fuerit corpus Petri, sed Christi; hoc est quia solus Christus est caput principale & perpetuum eius; sic regnum non dicitur esse proregis, sed regis. Dices: Solus Deus per potentiam suam posset Ecclesiam regere, si esset Monarchica. Resp. reuera quod vnus simplex homo hoc non possit per se; bene autem per alios, & maximè si sit adiutus speciali assistentia Spiritus sancti. Quod si æqualiter mittat Apostolos Ioan. 20. *Ecce ego mitto vos*: per hunc textum Petrus reuera non præponitur alijs, bene autem per alios, ut cum dicitur, *Pasce oves meas*; & *Super hanc petram adificabo*, &c. & in hoc est Monarcha.

Obijcies 2. Paulus describens Hierarchiam Ecclesia-



fiasticam, quam Christus reliquit, multis tradit regimen Ecclesiæ, & mentionem non facit vnus capiri, ad Ephesios 4. *Dedit quosdam Apostolos, quosdam Prophetas, alios Euangelistas, alios autem Doctores & Pastores.* Resp. summam authoritatem datam fuisse omnibus Apostolis, vt celerius in toto orbe terrarum Fides disseminaretur; in solo autem Petro remansit illa, mortuis omnibus Apostolis. Dices. Luc. 22. facta contentione inter Apostolos, quisnam esset maior, respondit Christus, *Reges gentium dominantur eorum, vos autem non sic:* Arcet ergo Christus ab Ecclesia regimen Regale, & Monarchicum. Resp. Christum per hoc tantum velle regimen Ecclesiæ non esse tale, quale est inter Reges; ita quod velit quidem vnū alijs præesse, sed cum humilitate & absque libidine dominandi, vt faciunt Reges, qui sapius sunt tyranni, imperant subiectis vt seruis, & omnia referunt in bonum priuatum; vbi vult Christus suum Vicarium præesse Ecclesiæ, non propriam honorem, sed ouium commodum querendo, ad exemplum ipsius Christi, qui modò dicit, *Non veni ministrari, sed ministrare;* & modò vult vocari *magister & dominus.*

## Q V Æ S T I O III.

*Vtrum gubernatio Ecclesiastica sit Aristocratia temperata.*

**N**egant absolutè Hæretici statum Monarchicum in Ecclesia, vt diximus; Vigorius autem, qui illum admittere cogitur, negat ipsum esse absolutè Monarchicum, vultque esse Aristocratia temperatum; ita quod Princeps Ecclesiæ nihil agere possit, nisi de consilio & consensu Episcoporum, qui sunt Ecclesiæ principes; quasi verò tribus primis sæculis, vbi nullum habitum fuit concilium, Supremus Pontifex multos Hæresiarchas non condemnauerit, quales fuerunt Cerdon damnatus ab Higinio, Marcion ab Eleutherio, Theodorus Coriarius à Victore; Pelagiani, Valentiniani, Nouatiani, Appelliani & multi alij, ab alijs Pontif. & illicò Ecclesia vniuersalis horū omnium hæreses tanquā sufficiēter damnatas tenuit; Hoc confirmat Augustinus contra Pelagium & Sectarios, Concilium Generale prætendentes ad examinā-

dam

Boyuin Theolog. Pars IV. K

dam suam doctrinam iam in duobus Concilijs Africanis damnatam, confirmatis ab Innocentio & Zoσιμο: Sic loquitur Augustinus lib. 4. contra duas Epistolas Pelagianorum, in fine libri. *Aut verò congregatione Synodi opus erat, ut aperta perniciēs damnetur, quasi nulla hæresis aliquando, nisi congregatione Synodi damnata sit; cū potius rarissimè inueniantur, propter quas damnandas talis necessitas extiterit: Cū ergo tribus primis trecentis annis Ecclesiæ, Summus Pontifex sine conuocatione Concilij & congregatione Optimatum Ecclesiasticorum determinauerit, de rebus Fidei, assignanda est iure nostra*

## C O N C L U S I O.

**M**onarchia Ecclesiæ non est Aristocratia permixta, quasi in actibus suis dependeat absolute ab alijs, licet sæpè sæpius admittat optimates Ecclesiæ ad suum regimen in suis Concilijs. Hoc patet, quia Pontifex potest ex solo præcipere, prohibere, punire, compensare, & de rebus Fidei determinare, ut mox dicebamus; vnde Sorbona recepit libenter Bullas Apostolicas Innocentij X. & Alexandri VII. quibus hi Pontifices declarabant opiniones nouas, hæreticas; & hoc sine Concilio & conuocatione generali Optimatum Ecclesiæ. Hoc clarè habetur in Concilio Florentino, vbi in disputatione contra Rhodanensem Archiepiscopum, qui non poterat ferre, quòd Papa cum Latinis Episcopis aliquid mutasset in Concilio; Archiepiscopus Florentinus autoritate Concilij sic terminauit Sessionem septimam; *Quoties de fide oritur aliqua dubitatio, Romanus Pontifex debet, ac tenetur illam explicare, atque illo docente omnes Synodi, atque Ecclesia vniuersalis debet huiusmodi veritatem sequi: & hoc dicit Epistola recitata, scilicet Agathonis, approbata in sexta Synodo.*

Confirmatur hoc ab Ecclesia canente, *Simon Petre, antequam de nauis vocarem te, noui te; & super plebem meam principem te constitui; quod autem canit Ecclesia, id credendum est, ex Chrysoft. quia legem credendi facit lex prædicandi. De Apostolis omnibus etiam dicitur Psal. 44. Constitues eos principes super omnem terram, & de Petro canitur, Tu es Pastor ouium,*  
prin-

*Princeps Apostolorum* : Si autem est Princeps Apostolorum, illis imperat; & sic Episcopi qui dicuntur tenere locum Apostolorum, non habent summam potestatem in Ecclesia Vniuersali, licet iurisdictionem habeant in solidum in suis Diocesisibus. Dicendum ergo est Regimen Ecclesie esse simile, non quidem illis regnis, quæ absque consensu procerum non possunt leges condere, nec tributa exigere, ut est regnum Angliæ, quod est Monarchicum Aristocratia & Democratia temperatum, quia Rex nil agit nisi dependenter à classe Nobilium & ea quæ est Plebeiorum; sed est simile illis regnis, quæ hæc & cætera faciunt independentem à Comitibus Generalibus, & à consensu Optimatum, ut in Regno Gallie, in quo, si aliquando Comitatus Generalia conuocantur, hoc est ad melius esse, & non necessariò. Adde quod, quidquid determinauerint illa Comitatus, semper liberum est Principi aut illud confirmare, aut reijcere: unde si Edicta Regis soleant à supremo Senatu verificari, hoc non est ex necessitate, sed est conditio; ut voluntas Regis constet populo.

Obijcies. Si Monarchia Ecclesie non sit temperata & aliquo modo limitata, poterit Pontifex dispensare super ius naturale & diuinum, quod falsum est. Resp. dici non temperatum & limitatum, quia ab alio non dependet; est tamen limitata, quia omnia absolutè non potest facere; nil enim potest contra Ius Naturale, cum non possit vllò modo ea immutare, quæ ex natura sua bona sunt aut mala; nec contra Ius Diuinum, nec contra Scripturam aut Traditionem; licet possit explicare Ius Diuinum & Naturale, declarando ipsa iura obligare, vel non; sed non potest super ipsa dispensare. Quod si Apostoli statuerint multa, super quæ dispensat Ecclesia, ordinando Bigamos, Homicidas, &c. contra D. Paulum 1. ad Timoth. 3. & usum permittat sanguinis & suffocatorum, contra Act. 15. Resp. hæc omnia esse tantum Iuris Ecclesiastici, quia ea non statuerunt Apostoli, tanquam Euangelij promulgatores, sed tanquam Pastores & Episcopi. Quantum ad Ius Ecclesiasticum, potest quidem in illo dispensare, etiam in toto, ut volunt plurimi, modò hoc non cedat scandalo, nec Status Ecclesiasticus videatur euersti; quod fieret si v.g. Pontifex puerum promoue-

ret ad Ordines sacros, si conferret alicui viginti beneficia, si ritus generales in Ecclesia inueteratos aboleret, &c.

Obijcies 2. Quando Rex est verè Monarcha sine limitatione, potest disponere de omnibus Officiarijs regni, & ipsos deponere, prout voluerit, quod non potest facere Papa circa Episcopos qui non sunt Vicarij Papæ, sed in solidum partem Ecclesiæ regunt. Resp. hoc non requiri; in Gallia enim, cuius Princeps est absolutè Monarcha, Cancellarius, Comesstabuli, & alij similes non possunt deponi, bene autem priuari exercitio officij. Deinde, licet ad libitum non possint deponi, quia gradus Episcopalis est ex Jure Diuino; attamen, supposito crimine, deponi possunt. Et reuerà S. Stephanus Papa Helenum Episcopum Tracensem, & Eutimianum Archiepiscopum Casariensem in Cappadocia excommunicauit, cum alijs qui docebant rebaptizandos esse hæreticos, dum ad fidem redirent, & hoc in 3. sæculo. In 4. D. Athanasius à S. Damaso deprecatur, vt Auxentium excommunicet & eijciat è sede Mediolanensi, in Epist. ad Episcopos Africæ quæ incipit, *Sufficiunt quidem scripta*; & reuerà hoc fecit Damasus. In quinto sæculo, expulso Chrysostomo ab Ecclesia Constantinopolitana, aduersarij eius loco instaurarunt Vrsatium, cui Innocentius primus communionem suam negauit, expunxitque ex numero Episcoporum, ex Epist. Damas. ad Imperatorem Arcadium. In 6. Agapetus deposuit Anthimum à sede Patriarchali Constantinopolitana. Hoc idem verificari posset per multa exempla quæ longius esset retexere.

Obijcies 3. ex S. Anacleto, *Ceteri Apostoli cum Petro pari consortio honorem & potestatem acceperunt, & ipsis decedentibus, in locum eorum successerunt Episcopi. Cap. in nouo Testamento. Dist. 21.* Resp. ad primum cum Cardinali Perronio, Dominis Duual, de Raconis & Mauclero, Apostolos esse æquales Petro, quantum ad Apostolatus dignitatem & functiones illi annexas; quia à Christo immediatè missi erant ad annuntiandum Euangelium in toto mundo; Non vero erant æquales in iurisdictione, vt Episcopi & Pastores iuxta dictum Maucleri part. 2. de Monarch. Ecclesiast. lib. 1. *Sanctus Petrus aqualis fuit Apostolis ratione Apostolatus superior tamen ratione Episcopatus & Pastoralis*

*ralis dignitatis.* Quando ergo Christus mittit Apostolos ad prædicandum Euangelium, dicit omnibus, *Sicut misit me viuens Pater, & Ego mitto vos:* dum verò agitur de constituendo Pastore super vniuersam Ecclesiam, soli Petro dixit, *Pasce oues meas.* Ad secundum vbi habetur in obiectione, quod Apostolis succedant Episcopi; Resp. quòd succedant illis in Episcopali ordine, ratione cuius Sacerdotes consecrant, Chrisma conficiunt, super Fideles manus imponunt in Confirmatione, &c. non verò propriè succedunt Apostolis in autoritate, aliàs omnes Episcopi per totum mundum Euangelium prædicare possent; Vnde Sorbona damnauit hanc propositionem Antonij de Dominis Spalatensis Archiepiscopi, *Episcopi dicuntur Apostolorum successores, &c.* Ratio autem quare D. Petrus successores habuit; est, quia D. Petrus erat Pastor ordinarius, cui vti morienti debuit alius succedere, Apostoli verò erant extraordinarij Ministri; & hoc est quod dicit cum Duuallio Tract. de Romani Pontificis potest. part. 1. quæst. 3. Bellarminus tom. 1. de Rom. Pont. lib. 4. cap. 5, *Apostoli enim erant quasi delegati Pastores.*

## QVÆSTIO IV.

*In quo resideat potestas Ecclesiæ.*

CHRISTUS apud homines visibiliter degens, suam Sponsam Ecclesiam, tanquam supremus Monarcha regebat, admittens secum Apostolos, non quidem in partem potestatis suæ, aliàs non diceret ipse Matth. 28. *Data est mihi omni potestas in cælo & in terra;* sed vt Ministros suos, qui vbique prædicarent Euangelium: Postquam autem opus nostræ Redemptionis compleuit, antequam ad Patrem reuerteretur, providere voluit de Pastore Ecclesiæ, qui eam regeret, quo loco Petrum instituit tanquam sui Vicarium, vt post Ascensionem idem Regimen Monarchicum remaneret in Ecclesia, quod ante illam instituere voluerat tanquam nobilius Aristocratico & Democratico, vt inquit Aristoteles lib. 5. Politicorum cap. 11. *Quantò pauciorum est potestas omnis, tantò maiori tempore necesse est eam durare:* Sic

K 3 Gen.



Gennadius Patriarcha Constantinop. in exposit. Concil. Florent. Titulo 5. Capitis Sec. 2. *Christus in terris erat Dominus, Pater & Pastor Discipulorum; sic cum decreuisset ad Paternum thronum ascendere, Petrum prefectum ipsis constituit & Magistrum, & ut uno verbo dicam, suum Vicarium ac successorem. Ex quo clarè patet quòd sicut in Christo vigeat suprema autoritas, sic eam Petro transmisit. Quia tamen quædam controuersia inter Catholicos & Hæreticos remansit, præsertim inter Antonium de Dominis, & nuper Authorem libri de duobus capitibus Ecclesiæ; ideo hæc quæstio longius protrahenda est.*

### CONCLUSIO.

**S**uprema Ecclesiæ potestas in Petro residet, tanquam in capite Ecclesiæ & Christi Vicario. Licet hæc veritas sit manifesta cunctis Euangelium scientibus, ex S. Gregorio Papa, attamen illam probare conabimur ex Scriptura, Concilijs & Patribus.

Probatur ergo primò ex Scriptura, Math. 16. *Tu es Petrus, & super hanc Petram edificabo Ecclesiam meam, & tibi dabo claves regni Cælorum; & quodcumque ligaueris super terram, erit ligatum & in cælis; & quodcumque solueris super terram, erit solutum & in cælis.* Habetur etiam Ioan. ultimo, *Pasce agnos meos, pasce oves meas*: Vbi D. Hieronymus ait; *Soli Petro pœnitenti potestatem Pastoris Dominus communicauit.* Super hos textus hæc reflexio fieri potest; Vel Christus non potuit dare Petro illam potestatem, quam ut Monarcha possidebat, vel non voluit: Primum est falsum, quia cum potestas Christi fuerit ordinaria, illi competens ratione Vnionis Hypostaticæ, eam alteri potuit communicare. Secundum est contrarium verbis Christi allegatis, quomodò enim clariùs potuisset suam mētem de Petro eligendo in Vicarium suum aperire, quàm dicendo, *Tu es Petrus, &c. tibi dabo claves regni cælorum, &c. pasce oves meas*? Hæc verba in prauum sensum detorquere prætendentes hæretici, dicunt per Petram non intelligi Petrum, sed Christum; Sic Calvinus lib. 4. Instit. cap. 6. § 6. Lutherus vult intelligi Fidem, seu Fidei Confessionem lib. de potestate Papæ: Erasmus Petram explicat de quolibet Fidei; sed longè melius Catholici com-

communiter per Petram intelligunt personam Petri, quam alloquebatur Christus. Hoc patet clarè per pronomen *hanc*, cùm dicitur, & *super hanc Petram*; illud enim pronomen designat aliquam Petram, de qua Dominus antè locutus fuerat; loquutus verò fuerat de Petro, quem vocauerat Petram: Hoc confirmat Concilium Calcedonense Act. 3. appellans Petrum, *Petram & crepidinem Ecclesia Catholica*; & omnes Patres, tum Græci, tum Latini, ut videre est apud Bellarminum lib. 1. de Rom. Pontif. cap. 10.

Verba etiam Matth. 16. allata; *Tibi dabo claves regni Cælorum*, præendunt hæretici, Calvinus, Lutherus, & Magdeburgenses, pertinere ad totam Ecclesiam, cuius Petrus personam gerebat, & nihil spectare ad personam priuatam Petri; sed circumstantiæ comitantes verba Christi satis indicant personam particularem Petri. Primò, per vocem, *tibi*, quæ est pronomen singulare; Secundò explicat nomen inditum in Natiuitate, *Beatus es Simon!* Tertiò, addit nomen patris, *Bar-Iona*, id est filius Ionæ; Deinde illi dictum est, *tibi dabo claves*, qui dixerat, *tu es Christus Filius Dei*; illicò enim subiunxit; *Ego dico tibi*; sed Petrus illa verba protulit; Ergo ista ad personam Petri pertinent, sicque *confessio mercedem accepit*, ait Hieronymus. Tandem illi dictum est; *tibi dabo claves*, &c. cui paulò post dixit Christus; *Vade post me, Sathana! scandalum enim mihi es*; sed iste fuit Petrus, non in persona Ecclesiæ, sed priuata, ut patet ex Euangelio & ex Hilario lib. 6. & 10. de Trinit. Theophylacto, Hieron. Chrysostomo in cap. 16. Matth. & ex August. lib. 2. contra duas Epistolas Gaudenti; cap. 23. ergo etiam Petrus fuit ille, cui dixit Christus, *tibi dabo claves*. Quod si dicatur, Petrum respondisse: *Tu es Christus Filius Dei viui*; nomine omnium Apostolorum ut habetur ex Chrysostomo, *Petrus fuit os Apostolorum*; ex Hieronym. *Petrus pro omnibus est loquutus*; & ex August. *Vnus pro omnibus respondit*, Serm. 13. de Verbis Domini. Ad hoc dico Petrum non respondisse, tanquam ab alijs commissionem habentem, sed dicitur respondisse nomine omnium, quia erat omnium caput & Princeps, ut habet Cyrillus lib. 12. in Ioan. cap. 64. Hoc non impedit tamen, quin confessio sit propria Petro, licet dicatur communis; quia omnes illam silentio suo appro-

barunt: Hoc confirmat Hilarius in hunc locum , *Petrus primus iudicatus est dignus , qui quod in Christo esset , primus cognosceret ; si primus cognouit , ergo illi primò reuelatio facta est ; & sic singulariter fecit hanc confessionem .* Sic August. Serm. 124. de Temp. *Hic est Petrus qui diuina reuelatione primus omnium veritatem meruit confiteri , dicens , Tu es Christus , &c.* Sic etiam D. Leo Serm. 11. de Passione Domini ; *Petrus omnium ora celerimè praueniens , inquit , Tu es Christus Filius Dei .*

Probatur secundo ex Concilijs tum Orientis , tum Occidentis . Primo ex Concilio Niceno , lib. 3. Can. 39. versu , *Consideret Patriarcha : Petrus cui data est potestas in omnes Principes Christianos & omnes populos , ut qui sit Vicarius Domini nostri Iesu Christi .* Ex Concil. Ephesin. *Beatissimus Petrus Apostolorum Princeps & caput , fideique columna , Ecclesia Catholica fundamentum , à Domino nostro Iesu Christo clauis regni accepit ,* Part. 2. Art. 3. non ergo iurisdictio Petri est humana , ut voluerunt aliqui . Concilium Constantinopol. principatum Petri his verbis fatetur ; *Beatus Petrus Apostolorum Princeps nos commonet : Epist. quæ incipit , Consideranti mihi , ad Imperatorem .* Concilium Basileense oratione facta coram omnibus Patribus , quæ incipit , *Humanissimam & sanctissimam ,* sic habet *Præfulatus potestas & authoritas Petro tributa fuit non ab hominibus , sed à Christo Salvatore .* Idem patet secundo , ex Concilijs Occidentalibus , præsertim ex Florent. B. *Petrus Apostolorum Princeps , verus Christi Vicarius , totiusque Ecclesiæ caput , & omnium Christianorum Pater & Doctor .* Et ex Tridentino sess. 6. c. 11. ubi Petrus Apostolorum Princeps vocatur ; Lugdunense , Viennense , Lateranense , & alia idem penitus asserunt .

Probatur tertio ex Patribus Orientalibus & Occidentalibus , qui vnanimi consensu asserunt Petrum fuisse præpositum aliis Discipulis . Inter Orientales , Basilii sic habet ; *Alijs omnibus Discipulis antepositus fuit .* Serm. de Iudic. Dei. D. Athanasius Respons. 72. ad Antiochum , *Petrus Apostolorum primarius .* Gregorius Nazianz. *Petrus Ecclesiæ columen .* Chrysostomus Homil. 55. in cap. 16. Matth. *Petrus Pastor & caput Ecclesiæ .* Epiphanius scribens contra hæresim 51. nu. 17. *Petrus Apostolorum Princeps à Christo*  
etc.

*electus: ergo non ab hominibus. Damascenus, Petrum  
 cœlestis regni clauicularium instituit. Orat. de Trāsfu-  
 rat. Theophylactus super Euang. Ioan. cap. vlt. Pāſce  
 agnos meos: pāſce oues meas, quali Paſtor fuit, talis & tu  
 ſis. Sic cæteri, quos omitto, vt ad Patres Occiden-  
 sales tranſeamus. S. Clemens Epist. 2. Quoniam,  
 ad D. Iacobum Apoſtolum; Petrus omnium Apoſtolorum  
 pater: Si autem Iacobus vnus ex Apoſtolis nullam  
 reprehensionem fecerit Papæ, ſiguum eſt, quòd hanc  
 ipſe veritatem agnoſceret. Chryſoſtomus Homil.  
 87. in Ioan. Si quis à me percontaretur, quomodo Ia-  
 cobus ſedem Hieroſolymitanam accepit; reſponderem ego,  
 Petrum totius orbis Maſtrum illum propoſuiſſe: Vnde  
 Mauclerus de Monarch. Eccleſ. Par. 2. lib. 1. cap. 9.  
 Petrus Spiritui ſancto inſpiranti, unicuique Apoſtolorum  
 ſuas terras, veluti Dioceſes aſſignauit: Hoc autem  
 non feciſſet, ſi ſupremam in Apoſtolos non habuiſ-  
 ſet authoritatem. Cyprianus Epist. 40. Fratres cha-  
 riſſimi! Deus vnus eſt & Chriſtus vnus, & Eccleſia  
 vna, & cathedra vna, ſupra Petrum, Domini voce funda-  
 ta. Per Cathedram intelligitur authoritas. Hierony-  
 mus lib. 1. cap. 14. contra Iouinianum, inter duode-  
 cim vnus eligitur, vt capite conſtituto, ſchiſmatis colla-  
 tur occaſio. Optatus Mileuitanus lib. 7. contra Par-  
 menianum, Stant Apoſtoli innocentes, & peccator ac-  
 cipit clauis. Ambroſius in cap. 12. 2. ad Corinth. Prior  
 ſequutus eſt Andreas Saluatorem, attamen primatum  
 non accepit, ſed Petrus. Hieronymus Epist. 53. ad Eu-  
 ſtochium, Sapiffime rogatus, ait, ſoli Paſtoris poteſta-  
 tem poſt reſurrectionem ſuam Petro pœnitenti Dominus  
 commiſit? & quam ſolus habuit, Petro tribuit. Sic Arno-  
 bius in Pſal. 136. Auguſtinus denique vocat Petrum,  
 Saxum immobile operis Chriſtiani molem continens.  
 in Matth. cap. 16. Vnde Clemens Alexandrinus ait  
 apud Sophronium, in Prato cap. 73. quòd Chriſtus  
 ſolum Petrum baptizauerit, Petrus autem Andream,  
 Iacobum & Ioannem, & hi alios. Videat ergo An-  
 tonius de dominis, ſi meritò dixerit, quòd diſparitas  
 poteſtatis inter Apoſtolos ſi humanum inuentum  
 videant alij, ſi iure reponant duo Capita in Eccleſia;  
 videant denique reliqui, quam ineptè aſſerant Pa-  
 pam ſucceſſorem Petri eſſe tantummodò primum in-  
 ter æquales, ſicut Cicero eſt primus inter Oratores, &  
 Ariſtoteles primus inter Philoſophos.*

Obijcies primò, Iacobum maiorem fuisse Petro, qui fuit Episcopus Hierosolymæ, vbi Christus instituit Ecclesiam, & proinde fuit eius Vicarius. Resp. Iacobum fuisse Episcopum vnus Ecclesiæ particulæ, & Petrum omnium Ecclesiarum; imò fuit ipsemet Petrus, qui Iacobum Episcopum Hierosolymitanum instituit ex Chrysost. præcitato in 3. probat. Vnde Bernardus lib. 2. de Consider. *Iacobus vna Hierosolyma contentus, vniuersalitatem Petro cedit.* Si dicatur, quòd Hierosolyma sit mater omniũ Ecclesiarũ, hoc verum est de iure antiquitatis, non potestatis. Si Petrus non sederit Hierosolymis; hoc est, quia congruum erat, vt locus Summi Sacerdotis mutaretur, quoniam mutata est lex & Sacerdotium per aduentum Christi. Dices, Paulum, qui vocatur Apostolus per Antonomasiã, debere potius esse caput Apostolorum. Resp. dici talem, quia fuit doctior & sapientior cæteris, qui plus scripsit, & plantauit fidem in pluribus locis, quod est munus Apostoli; vnde 2. Corinth. 15. de se ait: *Plus omnibus laboraui.* Quia cæteri missi sunt ad certas prouincias, Paulus ad omnes Gentes: Petrus autem excelluit quantum ad authoritatem; & sic ab Ecclesia canitur *Princeps Apostolorum.* Hæc solutio est Aug. lib. 3. ad Bonifac. cap. 3. Quod si in antiquis sigillis quibus, diplomata obfignabantur, imago Pauli erat à dextris & Petri à sinistris; non satis constat, an eo tempore dextera esset nobilior sinistra; deinde, sicut in diplomatibus, Paulus obrinet dexteram, sic Petrus illam tenet in numismatibus, & fortè id fecit Ecclesia, vt significaretur, hos Apostolos aliquid habere in quo vnus alteri præcellat, nimirum Petrus in authoritate & Paulus in sapientia; vnde dicit S. Maximus Serm. vltimo de sanctis Petro & Paulo, *Clauem potestatis Petro & clauem scientiæ Paulo datam esse.* Adde quòd si nominandi sunt Apostoli, primus nominatur Petrus Matth. 10. *Duodecim autem Apostolorum nomina sunt hæc: primus Simon, qui dicitur Petrus.* Sic Matci 3. Luc. 6. Act. 1. Si inuocentur in Litanij, præcedit Petrus, si festa de illis agantur, primo celebratur memoria Petri.

Obijcies secundò, Ecclesia omnibus æquè commendata est, *Euntes docete omnes Gentes: sicut misit me Pater viuens, &c.* Resp. omnibus commendatam fuisse, non æqualiter; soli enim Petro dixit, *Pasce*

oies

1



*oues meas.* Dices ex Cypriano, *hoc erant ceteri Apostoli, quod fuit Petrus, pari consortio pradii & honoris & potestatis, sed exordium ab unitate proficitur, ut Ecclesia una monstretur.* Resp. ante electionem capitis fuisse æquales, sed ex æqualibus in potestate post Resurrectionem, Petrum elegit Christus in caput aliorum, & supremam authoritatem illi tribuit, dum dixit, *Pasce oues meas*, ut status Monarchicus, quem ipse in Ecclesia constituit, conseruaretur; sic intelligendi sunt alij Patres. Si dicat Augustinus lib. de Agone Christiano cap. 30. *datas fuisse clauces omnibus, cum data sunt Petro, qui Ecclesia personam sustinebant; & omnibus dictum fuisse, Pasce oues meas, cum hoc Petro dictum est:* Resp. hoc dictum fuisse omnibus medietate, quia mediante authoritate concessa à Petro, ipse met Petrus illā cōmunicauit Apostolis post Ascensionem, ipsos mittendo in diuersas Prouincias. Si dicatur, quod Petrus non exercuerit Primatum, quia etiam alij Apostoli instituerunt primos Diaconos, Act. 6. quia Apostoli miserunt Petrum & Ioannem in Samariam Act. 8. quia denique Paulus & Barnabas questionem de Circumcisione tulerant ad omnes Apostolos; Resp. Licet in institutione Diaconorum non exercuerit Principatum, in alijs tamen exercuit. 2. Apostoli miserunt Petrum, non ex authoritate & imperio, sed de consensu eius, & de consilio. 3. Illam controuersiam delatam fuisse ad omnes Apostolos, quibus præsidebat Petrus, ut decisio fieret cum maiori partium satisfactione: Hoc tamen non impedit Primatum Petri, sicut nec quando affertur causa civilis Senatui coram Rege. Dices: Gal. 2. Paulus restitit Petro: ergo non agnoscebant Principatum Petri, vel erat arrogans, corrigendo Superiorem. Resp. aliam esse correctionem ex Iustitia quæ fit per inflictionem pœnæ, & hæc competit tantum Superiori; aliam ex Charitate, per fraternam correctionem: Hanc adhibuit Paulus, videns Petrum errasse, non in fide, sed in facto; quia incauere simulabat Iudaismum: Vnde Augustinus Epist. 19. ad Hieronymum: *Ipse Petrus quod à Paulo fiebat utiliter, libertate charitatis, sancta & benigna humilitatis pietate accepit.*

Obijcies 3. Antonius de Dominis falsus Archiepiscopus Spalatensis in Dalmatia, Primatum Petri repeti ex eius primaria vocatione, non ex aothoritate.

particulari. Resp. quòd licèt Petrus esset primò vocatus, hoc non esset contra nos, quia potuisset Christus cum primò vocare, vt ipsum caput Ecclesiæ faceret; non tamen fuit primò vocatus. Primò enim admissi sunt ad Christum Andreas, Petrus, Philippus & Nathanael, non vt cum illo manerent, sed vt audirent illum; & tunc Andreas præcessit Petrum, lo. 1. Secundo, vocati sunt propriè à Christo, vt cum illo manerent; Petrus & Andreas, sed simul & eodem tempore, Matth. 4. Tertiò, omnes vocati sunt ex Discipulatu ad Apostolatam, sed simul & eodem tempore; vt patet ex Luc. 6. non ergo Petrus fuit primus vocatione. Dices ex eodem Antonio, Primatum Petri procedere ex antiquitate ætatis, ob quam multa dixit & fecit, ac si esset primus. Resp. quòd non satis constet, an fuerit senior Andreas; contrarium enim docent Epiphanius Hæresi 51. Baronius Tomo 1. Annal. Anno 31. §. 23. Lorinus, Serarius, & plurimi; Licèt alij dicant contrarium, vt Cassianus, Chrysostomus & cat. sed estò hoc verum esset, nonne potuit Christus antiquiori dare principatum super Apostolos; Porro ipse Spalatensis reponit primatum Petri in feruore; sed quis iudicare poterit, an Petrus plus dilexerit Christum, quàm Ioannes discipulus dilectus, an Paulus qui dixit se non posse separari à Charitate Christi. Dices denique, Non est verisimile, quòd ille, qui atrocius peccauerat, principatum super alios obtineret; sed hoc factum est, vt maiorem compassionem haberet de peccatoribus, qui ad ipsum recurrerent.

## Q V A E S T I O V.

*Vtrum suprema Petri potestas transmissa sit ad Pontifices Romanos.*

**C**umius successionis Romanorum Pontificum fundetur in hoc, quod Petrus iubente Christo, sedem suam ibi collocauerit, quatuor nobis esset examinanda, antequam præponeretur ita quaestio, an scilicet Petrus Romæ fuerit, an Romæ mortuus sit, an Romæ Episcopus extiterit, an denique vsque ad mortem fuerit Romæ Episcopus: sed quia hoc soli Hæretici ne-

negant, ideo de his omnibus paucissima referam.

Dico primò, Petrum fuisse Romæ, vbi Romanam Ecclesiam fūdauit; ipsemet enim in fine prioris Epistolæ dicit, *Salutat vos Ecclesia in Babylone collecta, & Marcus filius meus*. Per Babylonem autem intelligitur Roma, dum Imperatores Romani in ea regnabant ex Eusebio lib. 2. Histor. cap. 15. & ex Hieronymo lib. de Viris Illustribus, *Petrus in Epistola 1. nomine Babylonis Romam intelligit*. Quod autem Ecclesiam Romanam fundauerit Petrus, testatur Leo Papa Serm. 3. de Natali Apostolorum Petri & Pauli, *Cum Apostoli imbuendū Euangelio mundum suscepissent, Petrus Princeps Apostolici ordinis ad arcem Romani, destinatur imperij*; Sic etiam cum Theodosio Imp. codice *De Summa Trin. & Fide Catholica*, Eusebius lib. 2. Hist. cap. 14. Arnobius lib. 2. contra Gentes & multi alij cum Gregorio Turonensi li. 1. Historiæ Francorum cap. 25. *Beatus Petrus Apostolus sub Imperatore Claudio (nempe an. 2.) Romam aggreditur, ibique prædicans, manifestissimè Christum esse Filium Dei comprobauit; ab illis enim diebus Christiani apud ciuitatem Romanam esse cæperunt*. Si dicat Paulus Act. 19. quòd oporteat se ire Romam; hoc est, non ad Romanorum conuersionem, sed ad confirmationem in fide, vt ipse testatur ad Rom. cap. 1. fuit ergo Petrus Romæ, vbi sedet viginti quinque annis, & antea septem annis Antiochiæ.

Dico secundò, Petrum Romæ mortuum fuisse, & Paulum similiter; vnde, quia vterque suum sanguinem fudit pro fide Romanæ Ecclesiæ, ambo pariter dicti sunt fundatores ipsius. Quantum ad Petrum, multos annos in vrbe Roma Pontificatum gessit, & post deuictum publicè Simeonem Magum, iussu Neronis, in cruce, capite deorsum verso, vitam finiuit. Vsq̃ue ad Vuiclesum, hoc est, vsq̃ue ad quartum decimum sæculum hanc opinionem nemo contestatus fuerat; sed iste Hæresiarcha contrariam sententiam persuadere conatus est, quasi nouum lumen habuerit, vt nullus per mille quadringentos annos potuerit inueniri, qui falsitatem opinionis tam antiquæ detegeret. Nostra sententia est omnium Patrum, incipiendo à Dionysio Corinthio, qui centum annis ab obito Apostolorum floruit, cum Romæ esset, sic ait apud Eusebium li. 2. hist. cap. 23. *Ambo in hac vrbe simul docentes, etiam martyrio pariter uno & eodem tempore*

*tempore coronati sunt.* Sic Origenes lib. 3. in Genesim, ut refert Eusebius lib. 3. Historiæ cap. 2. *Petrus ad ultimum commemoratus in urbe Roma, ibi & crucifixus est, deorsum capite verso: quod ipse ita fieri precatus est, ne exaquari Domino videretur.* Sic Athanasius Apologia pro fuga sua. Tertull. de Præscript. Chrysostomus, Ambrosius, Augustinus & cæteri.

Dico tertio, Petrum non solum Romæ prædicasse Euangelium, sed fuisse Romanæ Ecclesiæ, quam fundavit, Episcopum. Contrarium tenet Antonius de Dominis, dicens, Petrum solo Apostolatus titulo fuisse Episcopum Romanæ Ecclesiæ; 1. per prædicationem Euangelii, & proinde in hoc nihil habere præ Paulo. At Patres longè contrarium sentiunt. Eusebius in Chronico An. 44. *Petrus natione Galilæus, Christianorum Pontifex primus, cum primum Antiochenam Ecclesiam fundasset, Romam proficiscitur; ubi Euangelium prædicans, viginti quinque annis eiusdem urbis Episcopus perseverat.* Hieronymus in Catal. Scriptorum Ecclesiæ. *Petrus Roma viginti quinque annis Cathedram Sacerdotalem tenuit.* Sic Seuerus Sulpitius lib. 2. Hist. Augustinus lib. 2. contra litteras Petiliani cap. 15. *Cathedra tibi quid fecit Ecclesia Romana, in qua Petrus sedet, & in qua nunc Anastasius sedet? Longius esset alios retexere. Quod si Linus & Clemens, qui proximè successerunt Petro, fuerint discipuli Pauli; ex hoc inferri non potest quod Paulus fuerit Episcopus Romanus: Deinde non satis constat, an fuerint discipuli Pauli. Porro omnes qui catalogum Pontificum fecerunt, à Petro incipiunt, & nullus à Paulo.*

Dico quarto, Petrum fuisse Episcopum Romæ usque ad mortem suam; si enim deseruit Sedem Romanum; dicatur quæso, ubi nam habitauerit Petrus? cum autem hoc reperiri non possit; credendum est mortuum fuisse, dum regeret illam, & il i successit Linus, Lino Anacletus, & isti Clemens ex Irenæo lib. 3. c. 3. texente Catalogum Romanorum Episcoporum. Posito ergo quod Petrus Romam venerit, quod ibi Episcopus fuerit usque ad mortem, quod Pontifices Romanos habuerit pro successoribus; quæritur, utrum successerint Petro in autoritate Monarchica & suprema potestate, quæ concessa est Principi Apostolorum.

CON-

## CONCLUSIO.

**S**uprema & Monarchica Ecclesiæ potestas Summo Pontifici competit, & hoc Iure Diuino; quoniam Christus voluit vt idem regimen in Ecclesia maneret post mortem suam, consequenter voluit, vt quemadmodum Petrus fuit suus successor, vt Petrus successores Ecclesiæ Monarchas supremam auctoritatem possidentes haberet. An autem supremus Pontificatus sit ita annexus Episcopo Romano, vt non possit Pontifex Romanum Episcopatum deserre, & in alio sedere, hoc non est ita in confesso apud omnes Catholicos, quin Scotus in 4. dist. 24. quæst. 2. art. 5. dicat, supremum Pontificatum non esse iure D. annexum Episcopatui Romano, sed tantum ex facto Petri, qui cum à Christo primatum accepisset, Antiochenam Ecclesiam reliquit, & fixit suam sedem Romæ. His positis,

Probatur primò Conclusio nostra, contra Nilum Episcopum Thessalon. in lib. aduersus primatum Petri dicentem, quòd Papa reuerà succedat Petro, vt erat Episcopus Romanus, non verò vt erat caput Ecclesiæ; sed ex Conciliorum decretis statutum esse, vt primus esset Episcoporum, primus sederet, primus sententiam ferret, non verò alijs imperarer, quod est dicere, Petrum esse primum inter Episcopos æquales. Quòd autem hoc falsum sit, patet, quia Christus in Ecclesia instituit regimen Monarchicum immutabile; sicut ergo Christus fuit caput Ecclesiæ ex iure D. sic Petrus qui illi successit, fuit etiam caput Ecclesiæ ex iure D. & illi Pontifices qui Petro succedunt, eodem iure talem iurisdictionem possident.

Probatur, inquam, Conclusio nostra ex Concilijs Orientalibus & Occidentalibus. Inter Orientalia, Concil. Nicæn. apud Alphonsum Pisarum l. 3. Can. 39. §. *Sic quis præst, sic habet. Qui tenet sedem Romanam, caput est & Princeps omnium Patriarcharum, quandoquidem ipse est primus, sicut Petrus, vt qui sit Vicarius Christi super cunctos populos & cunctam Ecclesiam Christianam; qui contraxerit, à Synodo excommunicatur.* Vbi Nota quòd si Pontifex sit primus, sicut & Petrus, eius primatus est ex institutione Christi, qui



qui voluit conseruare Monarchiam in Ecclesia, ita quòd ex voluntate Christi, eodem instanti quo creatur Pontifex, in iura Petri ingrediatur. Nota etiam, quòd si est Vicarius Christi super Ecclesiam non sit tantum primus in Ecclesia, sed super omnia membra Ecclesiæ, vt sunt Patriarchæ, Primate & Episcopi, qui illi parere debent, sicut Christo. Nota denique, quòd Papa non sit Vicarius Concilij generalis, nec suam ab eo potestatem hauriat, sed à Christo, Matth. 16. & Ioan. 20. Concilium Sardicense an. 349. sub Iulio primo, determinauit *Episcopum non posse iudicari à suis Coepiscopis, si remitti postulet ad Episcopum Romanum*, Can. 5. & hoc insertum est in antiquis legibus Galliarum; quod denotat, in nullo esse iurisdictionem supremam, nisi in Summo Pontifice. Ex Conc. Ephes. P. 2. Act. 3. *In omnibus sæculis notum est, quòd sanctus Petrus Apostolorum Princeps à Christo Clauis regni accepit, qui ad hoc usque tempus & semper in suis successoribus uiuit, & iudicium exercet.* In Concilio Chalced. part. 5. Epist. ad Leonem Papam, quæ incipit, *repletum est gaudio os nostrorum*, omnes Episcopi, numero plusquam quingenti, submitunt D. Leoni Papæ omnia Conc. decreta, *Omnes nobis gestorum vim insinuauimus ad comprobationem nostra sinceritatis, & ad eorum quæ à nobis gesta sunt, firmitatem.* In Concilio Constantino. Epist. ad Agathonem in Episcopum Senioris Romæ, quæ incipit, *Sanctum & uniuersale Concilium*, Patres his verbis Papæ loquuntur, *Tibi, vt prima sedis Antistiti uniuersalis Ecclesia, quid gerendum sit, relinquimus.* Idem docent Concilia Occidentalia, vt pote Lateranense 4. sub Innocentio III. c. 5. Titulo *de dignitate Patriarcharum*. Viennense sub Clemente V. Epist. ad Philippum Regem Franciæ, quæ incipit *Regnans in cælis*. Constantiense durante schismate condemnat Ioannem Hus dicentem art. 9. dignitatem Papæ non esse de iure D. sed Imperatorum autoritate: & art. 10. Episcopum Romanum non esse caput Ecclesiæ Romanæ. Concilium Basileense part. 1. in Appendice, *Constat Episcopum almae urbis esse Petri successorem.* Tridentinum Sess. 24. cap. 1. in Decreto de Reform. *Beatissimus Romanus Pontifex, sollicitudinem uniuersa Ecclesia ex muneris sui officio habet.* In expositione Concilij Florentini sub Eugenio IV. Gennadius Patriarcha Constantinopolit. Tit. 5. Capitis Sess. 2. sic habet,

bet, *Decreuimus Apostolicam sedem & Romanum Pontificem in uniuersum orbem primatum obtinere, eumque esse Beati Petri Apostolorum Principis successorem, Christi Vicarium & omnium Christianorum magistrum; & profectò nescio quomodo quis inficiari possit. Attulifemus verba omnium Conciliorum Latinorum, nisi obstitisset nostra breuitas.*

Probaturn 2. ex Summis Pontificibus qui extiterunt initio nascentis Ecclesiæ, & ex iure Canonico. Anacletus an. 104. *Episcoporum iudicia, aut si difficiliores orta fuerint quæstiones, ad sedem Apostolicam deferantur, quoniam Apostoli hoc statuerunt iussione Saluatoris.* Hoc ostendit potestatem esse in Pontificibus Iure Diuino. Euaristus Anacleti successor iubet Ecclesijs quibusdam, quæ Episcopos deposuerant; vt illos in sede sua restituant Epist. 2. *Vnum nos fratres sentire oportet, quæ pro titulo habet, De Episcopis electis.* Alexander Euaristi successor Epist. quæ incipit. *Cogitationibus nobis, dicit, Relatum est ad huius S. Sedis apicem, cui summarum dispositio causarum & omnia Ecclesiasticæ negotia ab ipso Domino tradita sunt, dicente Petro, Tu es Petrus, &c. Quod æmuli quidam Christi, & eius Ecclesiæ, Sacerdotes Dei ad iudices publicos accusare presumant, &c. & inferius illos excommunicat.* Ex quibus verbis patet potestatem Pontificum esse à Christo. Sixtus, Telesphorus, Higinus, Pius, Anicetus, Victor, Pontianus, Anterus, S. Fabianus, Marcellus, Marcus, & pene omnes alii idem prædicarunt. Quantum ad Ius Canonicum, hoc confirmatur sexcentis in locis, duo tantum afferemus, & primo id quorum habetur, *omnem humanam creaturam subesse Romano Pontifici, est de necessitate salutis.* Extra. *Vnam sanctam, de maior. & obed.* Hoc habetur etiam titulo de Elect. & Elect. potest. In 6. *Plena libertate petitur, nec ulli subest homini, quia ore diuino cunctis præfertur.*

Probaturn tertiò ex Patribus Græcis, Latinis, & ex illustrioribus Theologis, quorum omnium ob breuitatem aliquos tantum afferemus. Quoad primos, D. Basilii statum deplorandum Ecclesiæ Orientalis videns, suadet Athanasio, vt postulet à Papa, *Quod viros doctos, ac sapientes sua auctoritate mittat, qui reprimant pacis Ecclesiasticæ perturbatores, & possint à conciliabuli Ariminensis declarare nulla; quod fecit Athanasius, Marco Pontifici scribens; hoc autem*

non

non fecisset vterque, si non agnouissent supremam  
 auctoritatem in Papa. Epistola Basilij est 52. quæ  
 incipit. *Quam de dignitate tua*, & Epistola Athanasij  
 ad Pontif. quæ incipit, *Ad vos peruenisse non dubita-*  
*mus*. S. Chrysostomus, expulsus per Theophilum Pa-  
 triarch. Alexandr. & per Episcopos factionis Eu-  
 doxiæ, ad Romam recurrit, mittens ad Papam qua-  
 tuor Episcopos cum litteris quadraginta Episcopo-  
 rum & totius populi Constantinop. deprecabantur-  
 que hi omnes, vt Papa Chrysostomum in suam se-  
 dem restitueret; & in hoc potestatem Papæ agnosce-  
 bant. Sic legitur in Epistola, *Etiā antiquam*, quæ  
 reperitur inter Epist. Innocentij Papæ. Quoad Lati-  
 nos, D. Augustinus cum cæteris Episcopis in Concil.  
 Mileuit. existentibus, Innocentium primum exorat,  
 vt pro sua auctoritate succurrat Ecclesiæ, quæ maxi-  
 mē opprimebatur per Hæresim Pelagianam, Epistol.  
 62. inter Augustinianas, & incipit; *Quia te Dominus*,  
 Deinde, cum in duobus Concilijs prouincialibus A-  
 fricanis damnati essent Pelagiani, & Papa illa confir-  
 masset, nihilominus expeterent Concilium generale,  
 ad examinandam denuò illorum doctrinam; respa-  
 Augustinus, *Iam de hac causa duo Concilia missa sunt*  
*ad Sedem Apostolicā, inde etiā rescripta venerunt, cau-*  
*sa finita est, error utinā finiatur!* Sermon. 2. de ver-  
 bis Apostoli contra Pelagium; hæc duo Concilia  
 fuerunt, Carthaginense & Mileuitanum. Optatus  
 Mileuitan. Episcopus, hanc solam rationem affert,  
 contra Donatistas; *Iudicium Melchiadis Papa senten-*  
*tia clausum est*, Lib. 1. contra Parmenium. Hierony-  
 mus ad Damasum dicit, *se esse coniunctum suæ commu-*  
*nioni*. Epist. ad Damasum, quæ est 25. & incipit, *Quo-*  
*niam vetusto*; non dicit verò, *se esse coniunctum*  
*communioni Patriarcharum Constant. Antiocheni,*  
*Alexandrini & Hierosolomytani*. Ambrosius in 1.  
 Timot. c. 3. *Ecclesia domus Dei dicitur, cuius hodie rector*  
*est Damasus*.

Quantum denique ad Theologos, Albertus Ma-  
 gnus Episc. Ratisbon. sic loquitur, *Papa potestatis habet*  
*plenitudinem, estque Ordinarius omnium hominum, quia*  
*vir Dei est in terris*. Tract. 24. q. 141. membro 3. D. T.  
 contra errores Græc. c. 23. Versu, *Similis autem error,*  
*ait. Similis autem est error dicentium Christi Vicarium, Ro-*  
*mana Ecclesia Pontificē non habere vniuersalis Ecclesia*  
 pri-

*primatum, erroneè dicentium Spiritum S. à Filio non procedere.* D. Bonaventura, Sermion. 22. in Hexameron, Titulo de Statu Ecclesiæ militantis, *Et si alia quatuor sedes plenam authoritatem habeant super Ecclesijs particularibus, sola tamen Romana uniuersaliter, sicut sol inter Planetas, habet plenitudinem potestatis super omnes.* Ioannes Gersonius Tract. de Statibus Ecclesiæ, titulo, *Pro Statu summi Pontificis*, Considerat. 1. *Status Pa-palis institutus à Christo immediate, tanquam primatum habens Monarchicum in Ecclesiastica Hierarchia; quem statum qui impugnare, vel diminuerè, aut alicui statui Ecclesiastico particulari coequare præsumit, si hoc pertinaciter faciat, hæreticus est, schismaticus, impius & sacrilegus.* Ad hoc attendant sedis Romanæ aduersarij. Lib. etiam de Origine Iuris & legum, Conclus. 2. apud Mauclerum de Monarc. Ecclesiæ. par. 2. cap. 6. li. 1. idem Gersonius sic habet. *Plenitudo legis Ecclesiastica non potest esse de lege ordinaria, nisi in uno Summo Pontifice, formaliter & subiectiue, alioquin Ecclesia habere posset multiplex caput, quod est hæreticum.* Videatur in hac materia D. Andreas Duval, qui Tract. de Suprema Pontificis Romani authoritate, docet aduersus Antonium de dominis, Vigorium Iuriconsultum, & Richerium, ex Script. Concilij, & Patribus nostram conclusionem.

Obijcies ex Anacleto Epist. 2. *Apostolicum Petro pari consortio authoritatem habuerunt, & ipsum principem suum esse voluerunt.* Resp. primum intelligi de tempore, quo nondum Petrus primarum acceperat; & secundum de voluntate consentiente, & approbante, non instituyente; contrarium enim docet Epist. 3. Dices Ex Can. ego Ludouicus, Dist. 63. *Papa dicitur Vicarius Petri; ergo à Petro habet iurisdictionem, non à Christo.* Resp. sexcentis in locis vocari Vicarium Christi, deinde Vicarius. i. Successor. Dices, Pontifex fit à Cardinalibus, non à Christo, Resp. Cardinales designare quidem, seu eligere personam, quæ debet Pontificatum gerere; sed est ipsemet Christus, qui facit coniunctionem Pontificatus & authoritatis supremæ cum persona electa. Porro Cardinales intelligi possunt; vel vt clerici Ecclesiæ Romanæ, vel vt Procuratores omnium Ecclesiarum, & isto modo eligunt Pontificem. Si dicatur quod Phocas Imperator sanctionem fecerit declarantem, Ecclesiam Romanam

nam esse caput omnium Ecclesiarum. Resp. id sanxisse, non instituendo, sed declarando, ob superbiam Patriarcharum Constantinop. qui se primos esse omnium Episcoporum iactabant. Dices, Paulus non minus fundauit Ecclesiam Romanam, quam Petrus: ergo Papa non est potius successor Petri, quam Pauli: Negatur antecedens, quia Petrus primò Euangelium prædicaui Romæ, & Episcopatum huius urbis tenuit, non Paulus, vt diximus in annotatione.

## Q V Æ S T I O VI.

*Verum Papa possit dici Episcopus vniuersalis :*

**E**X dictis in præcedenti quæstione, constat Episcopum Romanum habere authoritatem supremam super omnes Ecclesias, quod multimodè probauimus: hic superaddentes censuras Sorbonæ aduersus contrarium sentientes: Dum enim An. 1120. Marsilius de Padua sustinuit, Petrum non maiorem alijs Apostolis habere potestatem, & proinde Pontificem non debere agnosci, vt Christi Vicarium super omnem Ecclesiam, illico Vniuersitas Parisiensis hunc errorem tanquam Hæreticum reprobauit. Censura hæc iuxta Mauclerum inserta est libr. 1. Conclusionem Facultatis. Dum etiam Episcopus Spalatensis multas erroneas propositiones in lucem edidit contra Papam, quarum vna erat, *Monarchia forma non fuit immediate in Ecclesia à Christo*; hæc propositio declarata fuit *Hæretica, Schismatica & Ordinis Hierarchy subuersiua*. Alia erat, *Planum est Papatum esse totum fictitium, commentum hominum, à Christi institutione remotissimum*. Hanc propositionem vt hæreticam damnauit Theologia Parisiensis, sicut & alias eiusdem farinae, vt habetur apud Duualium tract. de Supr. Pontif. authoritate parr. 1. q. 2. Hoc posito, quòd nemo post tot argumenta possit dubitare de potestate vniuersali Papæ quæritur, vtrum possit dici Episcopus vniuersalis.

CON-



## CONCLUSIO.

**P**otest meritò Summus Pontifex vocari Vniuersalis Episcopus. Concilium enim Chalcedonenſe hoc titulo appellabat Leonem Pontif. in Epistolâ Theodori Diaconi Alexandrini, quæ incipit, *Quæ & Reuerendiſſimo, & inserta est Act. 3. Concilij, vbi habetur, Vniuersali Archiepiscopo & Patriarcha Magnæ Romæ Leoni.* In Lateran. Concilio Episcopus Cese-nenſis apud Rauennates, Papam Martinum vniuerſalem Episcopum nominat: *Beatissimo, & toto orbe Apostolico vniuersali Pontifici Martino Papa.* Tom. 2. Conc. par. 2. In Conc. Constantinop. 4. Patres Adriano II. ſcribentes, ſic loquuntur, *Summo Sacerdoti ac vniuersali Papa, Sancta & vniuersalis Synodus Conſtan-tinopoli congregata, ſalutem in Domino.* Act. 10. & habetur to. 3. Conc. Sect. 2. Eminentiffimus Cardinalis de Alliaco Doctor Nauarricus apud Mauclerum part. 4. lib. 8. c. 5. explicat ſic hæc verba, *Pasce oues meas*, hoc eſt, *ſis Paſtor & Prælatus generalis ad quem pertinet diſpoſitio & regimen ouium & ouilis.* Tract. de origine po-teſtatis Eccleſiaſt. loco cit.

Hoc confirmari poteſt ex Concilijs & Patribus, aſ-ferentibus Papam eſſe Episcopum vniuerſalis Eccle-ſiæ; ſi enim Eccleſia cui præeſt, eſt vniuerſalis, ipſe dici debet Episcopus vniuerſalis. Quòd autem illud ſit verum, patet ex Pontiano Pontifice & Martyre, qui Anno 232. ad omnes Chriſtianos ſcribit his ter-minis, *Pontianus ſanctæ & vniuerſalis Eccleſiæ Episco-pus.* Athanaſius Epist. quæ incipit, *Domino ſancto,* ſcri-bit, *Beatissimo Marco vniuerſalis Eccleſiæ Papa.* Hanc dignitatem aſſumebat Epistol. 2. Sixus Eccleſiæ vni-uerſalis Eccleſiæ Episcopus. Victor Pontifex factus Ann. 194. ſe nominabat Archiepiscopum Eccleſiæ Romanæ & vniuerſalis. In Concil. Remenſi Ann. 1049. ſub Papa Leone IX. declaratum eſt quòd ſolus Romanæ Sedis Pontifex vniuerſalis Eccleſiæ Primas eſſet.

Idem ſentiunt Doctores Pariſini, teſte decreto quod 1. Decembr. Ann. 1554. emiſerunt in Collegio Sorbonæ, vbi examinantes Bullam Pauli III. datam Anno 1543. & Iulij tertij datam 1550. in fauorem Societatis Ieſu; ſic pronuntiant, *Omnes & ſinguli Ma-*

*Magistri nostri palàm, apertoque ore professi sunt, nihil se a'uersus summorum Pontificum auctoritatem aut decernere; aut moliri. Et infra; Ipsum Romanum Pontificem, ut summum & vniuersalem Iesu Christi Vicarium, & vniuersalem Ecclesia Pastorem, cui plenitudo potestatis à Christo data sit, &c. fideliter & libenter agnoscunt ac consentunt. Apud Mauclerum de Monarchia Ecclesiastica. Par. 4. lib. 8. c. 6.*

Obijcies, Ioannem Patriarcham Constantinopolitanum olim damnatum fuisse, quia utebatur illo vocabulo Episcopi vniuersalis; vnde D. Gregorius Epistol. 2. ad Mauritium Augustum, quæ incipit, *Pysimus*, ait, *Omniū Sacerdotum honor adimitur, dum ab uno sibi met dementer arrogatur*; vbi Gregorius insinuare prætendit, quod si vnus Episcopus se Episcopum Vniuersalem dicat, omnes alij non sunt Episcopi, sed Episcoporum Vicarij. Resp. vt hæc intelligantur, duo esse aduertenda: Primum, quòd Ecclesia Constantinopolitana in ortu suo erat tantum simplex parochia in Diocesi Heracleæ, vt notat Scipio Duplex, in vita Clotarij II. loquendo de statu Ecclesiæ an. 590. postea in Episcopatum erecta, tandem facta est Ecclesia Patriarchalis secunda, vt vrbs illa, in qua residebant Imperatores magis honoraretur. In Const. Concil. an. 381. absentibus Legatis canonem tertium inseruerunt Græci, qui habebat; *Constantinopolitana ciuitatis Episcopus habet honorem primatus post Romanum Episcopum*, vt fauerent huic Patriarchæ in præiudicium Patriarcharum Alexandriæ & Antiochiæ: Sed hæc noua dignitas semper illi contestata fuit, vsque post annum quingentesimum, quo tempore Summus Pontifex ei concessit secundi Patriarchatus eminebentiam, ad supplicationem Iustiniani Imperatoris. Tandem hac parochia Patriarchali facta, Patriarcharum ambitio eò deuenit, vt Ioannes Ioinnator dictus, sub Pontificatu Pelagij secundi præsumperit, inconsulto Papa, Concilium congregare ex omnibus Episcopis Orientalibus, in quo voluit nominari *Episcopus vniuersalis*. In illum ergo agit D. Gregorius, dum libr. 4. Epist. 38. Eo tempore, dicit, *quo indignum te esse fatebaris, vt Episcopus dici debuissis, ad hoc quandoque perductus, vt es despectis fratribus. Episcopus appetas solus vocari*: Ex quo patet, nomen *Episcopi vniuersalis* interdicti tantum

tantum illi Patriarchæ, non verò Summo Pontifici :

Notandum secundò, nomen *Oecumenici* duplicem habere significationem, vt notat Eminentissimus Cardinalis Perronius in Replica ad Regem Maioris Britannia lib. 1. cap. 34. In significatione Grammaticali, idem est, ac *solus*, ita quòd dicere, Papam esse Episcopum Vniuersalem, seu oecumenicum (hæc enim duo verba idem sonant) asserere sit, Papam esse solùm Episcopum, quòd falsissimum est : Vnde D. Gregorius Magnus in hoc sensu nolebat vocari Episcopus Vniuersalis; & dicebat Eulogio Patriarchæ Alexandriæ qui eum Episcopum Vniuersalem vocabat, *Si vestra sanctitas me Episcopum vniuersalem nominet, negat se esse Episcopum* lib. 7. Epist. 30. quæ incipit, *Communis filius*. Rationem addit libro 4. Epistol. 36. *Dum pradicatur, Si vnus sit Episcopus Vniuersalis, omnes alij non sunt Episcopi*. In isto sensu ergo non dicimus, Papam esse Vniuersalem Episcopum : sed nomen oecumenici & Vniuersalis ex præcitato Perronio habet alium sensum translatum & metaphoricũ, per quem significat Episcopum super alios intendentem, & sic quia Papam authoritatem super alios habet Episcopos & super omnes Ecclesias, pro quibus potest leges condere, Episcopos illarum delinquentes deponere, ipsos restituere & similes actus authoritatis exercere, consequenter cū Patribus citatis, & Concilijs allegatis in probatione nostræ conclusionis, possumus non immeritò vocare Papam, Episcopum vniuersalem; & hæc soltio, vni fallor, debet opiniones conciliare. Nec dicatur consequenter Episcopos esse tantum Vicarios Papæ; hoc enim falsum est, quia Episcopi tales sunt in solidum in sua Diœcesi, vt Papa in tota Ecclesia, sed tantum inferri potest quòd Papa sit superioris ordinis.

Quæres primò, vtrum Summus Pontifex possit deponere Episcopos, dum se sui muneris indignos reddunt. Hæc quæstiuncula, sicut & sequentes, confirmabunt authoritatem Papæ super omnes Episcopos. Resp. ergo ad eam affirmatiuè, si enim status Ecclesiæ sit Monarchicus, ipsius Monarcha debet habere vniuersalem authoritatem super omnia membra eius, siue sint Patriarchæ, siue Primates, aut Episcopi, & sic potest illos corrigere, si delinquant.

done congregatorum, præside Theophilo Alexandrino Patriarcha, & Chrysoftomi aduersario, ad Innocentium I. appellauit, à quo in suam sedem Constantinopol. restitutus est. sic Sozomenus lib. 8. cap. 26. qui si dicat Chrysoftomum appellasse ad Concilium generale, antequam appellasset ad Pontificem, hoc vult bat facere, non vt iudicaret de sua causa Concilium definitiuè, sed vt suam innocentiam coram tota Ecclesia manifestaret, & confunderet Theophilum Alexandrinum suum aduersarium. S. Leo Celidonium in sua sede, à qua eiectus fuerat per Archiepiscopum Arelatensem restituit; sic etiam permisit Episcopis Africæ, vt in sua iura Donatum, qui hæresim Nouatianorum abiurauerat, restituerent, modò suam fidei confessionem mitteret, Concilium Trecentense in nostra Gallia sub Ioanne VIII. celebratum Anno 878. sic Pontificem, qui excommunicauerat Formosum Episcopum Portuensensem & aliquos alios, alloquitur, *Quos excommunicastis, excommunicatos tenemus; quos ab Ecclesia eiectis, rōcimus; & quos regulariter facientes vestra auctoritas receperit, recipimus*, apud Aimonium libr. 5. cap. 37. Obijciunt Aduersarij Concilium Mileuitanum, vbi Can. 22. Presbyteris & Clericis inhi- betur, ne Romam appellent, sed ad suos Episcopos & Concilia Africæ recurrant. Respondet hoc Concilium ideo tantum determinasse, ad impediendos abusus appellationum ad Summum Pontificem; pro minimula enim pœna à suis Episcopis inflicta Clerici ad Romam appellabant: Mens verò Concilij non fuit, impedire absolutè tales appellationes; aliàs quare Concilia Mileuitanum & Carthaginense Romam remisissent Pelagium & Celestium inferiores Clericos, hæresi notatos? Quare Summum Pontificem rogauerunt, vt sua decreta confirmaret? Quare etiam mortuo Innocentio, ad successorem suum Zosimum miserunt sua decreta, vt illa confirmaret, si prohibitum erat causas euocare ad Roman. Pontificem? Dicendum ergo est, in Concilijs Mileuitano & Carthaginensi damnatos fuisse abusus appellationum, non appellationes in se, quæ semper fuerunt in usu. Per omnia supradicta solutio affirmatiua traditur illis, qui quærunt, an Episcopi grauati possint appellare ad Summum Pontificem.

*Boydin Theolog. Pars IV.*

L

Qua-

Quæres 3. an Pontifex habeat authoritatem condendi leges, dispensandi, & puniendi per censuras. Quandoquidem hæc omnia sunt actus iurisdictionis supremæ quam habet Summus Pontifex super omnia membra Ecclesiæ, vt probauimus, consequenter affirmatiua est responsio nostra; vnde dico primò Summum Pontificem reuera condere leges quæ totam Ecclesiam obligant; nam postquam S. Leo Epistolam primam scripsit ad Episcopos Campaniæ, Piceni, Tusciæ, & vniuersas Præuincias, tandem Epist. vltima ita loquitur: *Hæc admonitio nostra denuntiat, quod si quis Fratrum contra hæc constituta venerit, vel venire tentauerit, & prohibita ausus fuerit admittere, à suo se neuerit officio submouendum.* Hilarium Papam in Concilio Romano præsentem cū at Bellarminus, sic loquentem, *Nulli fas sit sine status sui periculo, Apostolica sedis decreta temerare,* Resp. 2. cum eodem Bellarmino, Summum Pontificem posse in iure Canonico dispensare, modò absit scandalum, vt diximus in obiectione 1. quæst. 3 Sic Gelasius Papa in Epistol. 1. *Necessaria rerum dispositione; & sanctæ Sedis moderamine conuenimur, sic Canonum paternorum decreta liberare, & prædecessorum nostrorum præcepta metiri; vt quæ præsentium temporum necessitas relaxanda deposcit; adhibita consideratione diligenti, quantum potest fieri, moderemur, & ibi reuera in multis dispensat.* Gregorius etiam lib. 1. Epistol. 3. 1. dicit Felici Episcopo Siciliæ se dispensasse cum Anglis in gradibus matrimonij prohibitis, & ipsemet dispensat cum Episcopis Siciliae, vt semel tantum in anno Concilium celebrent, contra Canonem 5. Concilij primi generalis. Resp. 3. quòd nedum Papæ sibi aliquos casus referuent, de quibus non possunt ordinariè absoluerè Episcopi, & quasdam censuras; sed etiam ipsimet in toto Orbe Catholico quaslibet personas, siue Ecclesiasticas, siue Laicas ligare possint censuris: saluæ tamen & incolumes maneant immunitates Ecclesiæ Gallicanæ. Leo Imperator Græcus à Greg. 3. excommunicatus est ex Zonara in vita Leonis Isauri. Nicolaus I. excommunicauit Episcopos Coloniensem & Treuirenses, ex Sigeberto, in Chronico Anno 872. Cū denique Pius primus decreuisset, vt Pascha non celebraretur cū Iudæis decima quarta Martij, sed Dominica sequente, & Asiani acquiescere nollent, Victor primus



primus Papa illos excommunicauit Anno Domini 390 sic Eusebius lib. 5 hist. cap. 24.

**Quæres 4.** Virum Summus Pontifex possit mittere suos legatos ad exercendam iurisdictionem Papalem in totum orbem Gallicum. Resp. hoc satis in usu esse, vt constet ad hoc se extendere auctoritatem Papæ: Liberius enim ab elapsis mille trecentis annis in Orientem misit pro legatis Episcopos Vercellensem & Calariensem, vt in suam sedem aliquos Orientales Episcopos restituerent, & in sua legatione Concilia celebrarunt, reconciliarunt Episcopos pœnitentes, & alios iurisdictionis exercuerunt actus, vt refert Baronius an. 362. D. Leo legatum misit Lucianum Episcopum Constantinopolim, vt ipse scribit ad Pulcheriam Augustam Epist. 55. *Sanctis & Deo placitis*. Papa Simplicius audiens Accacium Constantinopolitanum fortiter restitisse Imperatori Basilio in hæresim Eutychianam lapso, illum constituit suum Legatum, vt ad pœnitentiam reciperet Episcopos Asianos, qui litteris Imperatoris consenserant, Epist. 17. *Miramur pariter & dolemus*. Papa Symmachus potestatem concessit circiter annum 496. sancto Cesario Arelatensi Archiepiscopo Pallium ferendi, & ipsum suum legatum instituit super omnes Gallie Ecclesias; Epist. 6. *Dilectissimo fratri Cesario*. Pelagius etiam primus Epistol. 6. *Maiorum nostrorum*. Sabaudium Arelatensem Episcopum, suum Vicarium instituit super vniuersam Galliam, his verbis, *Fraternitati tuae curas iniungimus, vt sedis nostre Vicarius institutus, ad instar nostrorum in Galliarum partibus primi Sacerdotis locum obtineas; & quidquid gubernationem vel dispensationem Ecclesiastici status concernit, seruat is Patrum regulis, dispensas*; Quis ergo dicere ausus fuerit Papani non posse per se aut per alios, actus iurisdictionis exercere in Diœcesibus singulis, maxime, cum à duobus annis legatum habuerimus in Gallia Eminentissimum Cardinalem Ducem Vindocinensem, & aliquot præcedentibus annis Eminentissimum Cardinalem Chigi, quorum auctoritas se extendebat ad visitandas, siue per se, siue per viros probatos virtute & sufficientia, Ecclesias Primatiales, Metropolitanas, Cathedrales, Collegiatas, Parochiales, & alias, sicut continetur pagin. 3. de potestatibus huiusce Legati, Parisijs, apud Alexandrum Lesselin 11. Iulij

anno 1664. Ratio nostræ conclusionis desumi potest ex Concil. Roman. sub Gregorio VII. *contra simoniacos*, cap. 23. *liquidò enim demonstratur, quod quilibet Episcopus non habet super gregem sibi commissum tantâ potestatem, quantam Præsul Apostolicus.* Sic Almainus Theologus Parisiensis Tract. de Supr. potest. Eccles. His addi potest quòd sicut Episcopi iurisdictionem suam exercere valent in Ecclesijs Parochialibus, siue per se, siue per deputatos, instituendo in illis Prædicatores & Confessores, etiam inconsultis Parochis; quia scilicet subsunt iurisdictioni Præsuli; ob hanc rationem Summum Pontifex, supremam habens auctoritatem in omner orbis Christiani Ecclesias, ad quamlibet potest Legatos mittere, quoslibet actus iurisdictionis exercere valentes, iuxta tenorem legationis suæ.

## Q V Æ S T I O VI.

*Vtrum à Summo Pontifice deriuetur immediatè potestas Episcoporum.*

**D**E potestate Ordinis non est controuersia, quia consistit in Caractere, & Character habetur per Sacramentum Ordinationis; Sacramentum verò est à Christo, & proinde potestas Ordinis est ab illo. Quæstio ergo tantum est de auctoritate iurisdictionis, à quo communicetur immediatè in Episcopos, apud quos actu residet, vtrum scilicet à Papa sit, qui illam communicet immediatè Episcopis; an vero à Christo illis immediatè conferatur; ita quod Christus instituens statum Episcopalem, qui est de Iure diuino, iusserit Petro & successoribus consecrare tot Episcopos, quot necessarij viderentur ad gubernandos Fideles. & pro tunc, ipsis consecratis, transiret ad illos Episcopalis iurdictio ex Christi institutione: Hanc quæstionem positiuè resolvere non intendimus, ob maximam controuersiam quæ est inter antiquos Doctores Facultatis Parisiensis, & recentiores, qui censura notarunt defensorem auctoritatis Apostolicæ, nomine Vernantium, dum dicit pagina 49. Episcopos suam iurisdictionem à Summo Pontifice recipere, vbi antiquiores Theologi & multi ex recentioribus contrarium sustinent; clauem scilicet Ordinis esse

esse in Episcopis à Deo, clauem verò iurisdictionis esse à Christo mediata & immediata à Summo Pontifice : Opinionem vtramque cum suis fundamentis asserere conabimur; sed vt melius vnusquisque ad alterutram opinionem se determinet;

Notandum primò, potestatem Ecclesiasticam tum Ordinis, tum iurisdictionis, in se consideraram, & vt abstrahit à subiecto, esse à Deo immediate: nam vtraque potestas est supernaturalis & nihil supernaturale ab homine esse potest. Not. 2. Statum Episcopalem à Christo Domino esse institutum, vt patet ex 2. ad Ephes. & 1. ad Cor. 12. vbi dicitur. Deum Pastores & Doctores Ecclesiæ suæ prouidisse vsque ad consummationem sæculorum; quòd intelligitur maxime de Episcopis; vnde etiam Act. 20. habetur; *Spiritus sanctus posuit Episcopos regere Ecclesiam.* Not. 3. Christum non solum Petrum elegisse, & alios Apostolos, quibus potestatem dedit prædicandi, baptizandi, ligandique & soluendi, tum ante Passionem suam, tum post illam. Not. 4. illius Apostolicæ potestatis limites nullos esse à Christo præscriptos, sed in vniuersum orbem fuisse extensam; Matth. ult. *Docete omnes gentes*: & Marci ultimo. *Prædicate Euangelium omni creaturæ.* Vnde in qualibet orbis parte Ecclesias erigere poterant & illis præficere Pastores. Hoc vtique necessarium erat, quia ad vnum non faciliter recurritur, & Euangelij prædicatio retardata fuisset, si ex omnibus prouincijs vbi erant Ecclesiæ erigendæ & Pastores instituendi, recurri debuisset ad Petrum. Not. 5. hanc potestatem in Petro fuisse ordinariam, postquam institutus fuit in caput Ecclesiæ, Domino illi dicente, *Pasce oues meas* paulò ante Ascensionem. Ioan. 21. transit consequenter ad successores; in cæteris verò Apostolis fuit extraordinaria, vnde successores non habuerunt, aliter isti haberent iurisdictionem in vniuersam Ecclesiam vt Apostoli, quòd falsum est, possent scribere libros Canonicos, haberent donum linguarum & miraculorum, mittere valerent prædicatores ad missionem infidelium, &c.

Notandum 2. quòd constituta Ecclesiæ forma, Apostoli non passim vsi fuerint sua autoritate extraordinaria; imò remansit solum ordinaria in Petro, maxime post Ascensionem Christi, & cæteri Apostoli cœperunt habere auctoritatem Episcopalem.

limitatam ad certas Ecclesias, siue omnes fuerint ordinati ante Ascensionem Christi, per ipsum scilicet; siue tantum aliqui, & alij per Petrum, siue omnes denique à Petro, & nullus à Christo, instituti fuerint, ut vult Ioannes Antonius Cardinalis Alexandrinus, super caput in nono dist. 21. *Petrus factus fuit solus Episcopus à Christo ante Ascensionem, & Petrus solus Episcopus fecit Ioannem Episcopum; deinde Petrus cum Ioanne consecrante Episcopo, Iacobum Zebedei Episcopum fecit.* Hoc idem Cardinalis à Turrecremata sustinet tanquam opinionem SS. Patrum, quam probat nouem rationibus lib. 2. suæ Summæ Ecclesiasticæ cap. 32. ubi postquam numerauit præfatas Ordinationes, addit, *Tunc Petrus ordinauit, quod deinceps non ordinaretur Episcopus, nisi à tribus Episcopis.* Mauclerus cum suis octo approbatoribus, quorum nomina recensentur in q. 9. sequenti, idem sentit par. 2. lib. 4. c. 10. Hic Mauclerus dicit, Patres illos benignè esse explicandos, dum asserunt omnes Episcopos fuisse à Christo ordinatos; hoc est non immediate, sed per Petrum, cui commisit Christus talem ordinationem ob necessitatem Ecclesiæ, ibidem.

## CONCLUSIO PRIMA.

**D**ico, probabilem esse opinionem eorum qui dicunt potestatem Episcopalem esse à Christo immediate, & Papam conferre tantum designationem personæ & materiæ, hoc est, talem personam designari tanquam Episcopum ad talem Ecclesiam, & ad istos & illos populos; & statim atque aliquis sic designatus est à Pontifice, illicò communicatur ipsi authoritas, quam Christus voluit annecti ordini Episcopali per se.

Probatur primò, quia sunt ministri Christi 2. Corinth. 3. non autem Summi Pontificis: Ergo à Christo debent habere potestatem, 2. Quia ordo Monarchicus Ecclesiæ exigit, ut sicut Monarcha Ecclesiæ habet iurisdictionem à Christo, sic etiam Episcopi, qui sunt illi subordinati, & Parochi, illam debent habere, 3. Quia hoc exigere videtur dignitas Episcopalis, quæ cum sit à Christo, ita & eius authoritas ab illo esse debet. 4. Quia censuram dixit Vernantio Facultas Parisiensis, eo quod diceret, iurisdictionem Episcoporum

scoporum esse immediatè à Summo Pontif. 5. Quia obiectioes contrariæ huic assertioni possunt solui faciliter, respondendo ad Doctores, qui dicerent v.g. iurisdictionem Episcoporum esse immediatè à Papa, hoc esse verum, quantum ad designationem personæ quæ eligitur à Papa in Episcopum, & quantum ad designationem loci idest Diocesis v. g. Parisiensis aut Lugdunensis, quæ etiam designatio est à Papa.

## CONCLUSIO SECUNDA.

**D**Ico 2. contrariam opinionem, qua dicitur, omnem iurisdictionem esse quidem mediatè à Christo, & immediatè à Summo Pontifice, esse etiam probabilem, maximè cum nitatur authoritati Patrum & Doctorum Illustrissimorum & antiquissimorum. Tertullianus enim in Scorp. contra Gnosticos, *si adhuc Cælum putas clausum, memento claves Dominum Petro, & per Petrum Ecclesia reliquisse.* Optatus Milevit. contra Parmenianum, *Beatus Petrus claves regni cælorum communicandas cæteris solus accepit.* Lib. 7. Notetur hoc verbum, *Solus.* Gregorius Nissenus, *Nihil falsi aut mendacij scriptum est in Euangelijs, per Petrum Episcopis dedit claves cælestium bonorum.* Innocentius primus ad Episcopos Africæ in 2. Conc. Carthagin. congregatos an. 404. sic scribit. *A Petro ipse Episcopatus & tota huius nominis authoritas emerfit.* Epist. 24. in requirendo & Epist. 91. inter Epist. August. ubi notandum est, quòd Papa Episcopos alloquens, huic Epistolæ non restiterint. D. Leo Serm. 3. de Assumptione sua, *Gaudeo dilectissimi, ait, magnum & mirabile Petro consortium sua potentia tribuit diuina dignatio; & si quid cum eo commune cæteris voluit esse principibus, nunquam nisi per ipsum dedit, quidquid alijs non negavit.* Concilium Romanum sub Gregoro 7. cap. 23. *Licet præsul Apostolicus curam suam in singulos Episcopos diuiserit.* Hæc omnia confirmant verba, quibus vititur Pontifex in creandis Episcopis, *Providemus Ecclesiæ tali de tali persona, & proficimus cum in patrem, & Pastorem & Episcopum talis Ecclesiæ, committentes ei administrationem in temporalibus & spiritualibus, in nomine Patris, & Filij & Spiritus sancti. Amen,*

L 4 Acce-



Accedunt testimonia Doctorum D. Thomas libr. 4. contra Gentes cap. 76. *Dominus soli Petro promisit claves regni cœlorum, ut ostenderetur quòd potestas clauium erat per eum ad alios deriuanda.* Gersonius Tractat. de potest. Ecclesiast. considerat. 10. *potestas Apostolica est formaliter & subiectiue in solo Summo Pontifice;* Si est ergo formaliter in solo Summo Pontifice, potestas Episcoporum ab illo deriuatur. Ipsemet libro de Statibus Ecclesiast. Titulo de statu Prælatorum, Considerat. 3. *Status Episcopalis Prælationis habuit in Apostolis & in successoribus usum suæ Prælationis sub Papa Petro & successoribus eius, tanquam sub habente vel habentibus plenitudinem formalem auctoritatis.* In hoc apparet quòd sicut Apostoli post Ascensionem Christi immediatè subiecti fuerunt Petro, ut conseruaretur Monarchia Ecclesiæ, ita ut sine commissione eius actus Hierarchicos nō potuerint exercere, ut habet excellentissimus Doctor Henricus Kalteisen; *Apostoli post gloriosam Christi Ascensionem, in prædicando, baptizando & absoluen-do fuerunt Summo Pontifici Petro immediatè subiecti;* ita etiam nunc Episcopi immediatè subijciuntur Papæ, in quo est fontalis potestas Episcopalis auctoritatis, ut habet Gersonius. Mauclerus cum approbatione octo Doctor. Parisiens. opinionem contrariam non æstimat tutam in fide, par. 2. lib. 4. c. 8. libro etiam 5. c. 1. dicit Patriarchas, Primates, Archiepiscopos & Episcopos non differre ordine, sed iurisdictione à Romano Pontifice immediatè procedente. Dom. Gamachæus, postquam dixit Tract. de Sacramento Ordinis cap. 9. in margine: *Iurisdictione Episcopis non competit ratione caracteris, sed beneficij, quod confertur immediatè à Papa,* addidit: *Clarissimi Theologi sustinent Episcopos habere potestatem caracteris immediatè à Christo, non tamen potestatem iurisdictionis, sed eam habent à Summo Pontifice.* Non est ergo hæc mens solius Gamachæi Professoris regij in Sorbona, & multorum Doctorum magistri, sed & plurium clarissimorum Theologorum. Duuallius Tract. de supr. Roman. Pontif. potest. part. 1. quæst. 3. *Petrus accepit claves Ecclesiæ,* Et infra, *quia ab illo in reliquos Ecclesiæ Pastores tanquam à fonte, capite & radice erant deriuanda.* Mirabiliter hoc dicit Illustrissimus Dominus de Raconis, licet Episcopus, Tract. de Summ. auctorit. Pe-

tri cap. 5. Ratiocinat. 2. §. 6. Sic & Cornelius Iansenius Episcopus Gandauensis cap. 66. super Euangelia.

Sectatoribus huius opinionis non desunt rationes. Prima desumitur ex Num. 11. vbi cum solus Moyses non posset totum regere populum, Deus iussit adesse septuaginta seniores, *& auferens de spiritu Moysis, dedit illis, ut unà cum Moyse populum regerent*; vbi per istam ablationem spiritus à Moyse non intelligitur ex August. quæst. 18. in librum Numer. diminutio spiritus Moysis, sed deriuatio virtutis seniorum à virtute Moysis. Secunda accipitur ex statu Monarchico Ecclesiæ, vbi omnis authoritas est, in vno, à quo in alios deriuatur. Tertiam allegant ex Cypriano lib. de vnitae Ecclesiæ, vbi sedem Petri comparat radici, capiti, fonti, soli, à quibus deriuantur fructus, spiritus, riuuli, & radij. Ad primam rationem contrariæ sententiæ respondent, quòd Prælati non minùs sunt ministri Christi, à quo habent clauem Ordinis immediatè, & iurisdictionis mediatè. Ad secundum dicunt melius conseruari statum Monarchicum in hac opinione, vbi omnis potestas est à principe. Tertiam soluunt, dicendo non derogari dignitati Sacerdotij, cum Christus sit author illius, tum secundum caracterem immediatè, tum secundum iurisdictionem mediatè; quòd Deus sic voluit, ut sicut ipse tanquam Monarcha authoritatem dedit Apostolis, sic & Petrus tanquam caput Christo succedens dareteam Prælati. Quantum denique ad censuram doctrinalem Vniuersitatis Parisiensis; respondent, illam esse reuocatam per Breue Alexandri VII. Summi Pontificis. Quòd si Concilium Constantiense dicat Concilium generale habere immediatam à Deo potestatem: Respondet Duuallius, hoc esse verum tempore Schismatis, vbi Papa est dubius: deinde, hoc propriè non definit, cum non faciat de eo canonem.

## QVÆSTIO VIII.

*Verum in rebus fidei definiendis & morum, Papa sit infallibilis.*

**I**N duplici statu considerari potest Summus Pontifex; vel ut Doctor particularis, vel ut ex cathedra pronuntians. Dicitur autem pronuntiare ex cathedra, quando adiuncto cœtu solito Consiliariorum, precibus præmissis, & implorata Spiritus sancti gratia, ut successor Petri & Christi Vicarius aliquod dogma credendum vel præceptum aliquod observandum præcipit toti Ecclesiæ. Dicitur verò agere ut Doctor particularis; quando in propria & priuata sua persona aliquid proponit, ut quando Bonifacius VIII. sextum Decretalium edidit. Albertus Pighius contendit Papam infallibiliter pronuntiare, etiam ut est Doctor particularis; quia succedit Petro, qui nunquam errauit post Christi orationem tam pro illo factam, quam pro successoribus, Luc. 22. *Oraui pro te, Petre, ut non deficiat fides tua*: sed quia non est necesse ut Pontifex fruatur omnibus Petri priuilegijs, quoniam non habet impeccabilitatem, Charismatum plenitudinem & donum Linguarum; ideo Doctores Catholici sentiunt communiter, Pontificem personaliter consideratum errare posse, ex ignorantia scilicet, teste Ioanne XXII. qui ex Gersonio & Adriano 6. quæst. de confirmatione sub finem, & alijs doctoribus, censuit animas Beatorum non videre essentiam D. ante Resurrectionem corporum in finali iudicio. Non loquimur ergo de Papa, ut est priuatus Doctor, sed ut ex Cathedra pronuntiat. At

Notandum est primò, Pontificem ut Pontificem, etiam cum Concilio generali, posse errare in Quæstionibus Facti particularibus, quæ ad paucos pertinent & quæ dependent à relatione hominum v. g. an talis sit promouendus ad Episcopatum, an talis sit deponendus, an talis sit bene Ordinatus. Vnde aliquando excommunicantur, qui non debent excommunicari, & absoluuntur qui absolui non debent, & ideo Pontifex quidam dicebat: *Nos si incompetenter aliquid egimus, & in subditis iustæ legis tramitem non conseruauimus, vestro ac vestrorum iudicio cuncti volumus*

*mus emendari*. In quæstionibus autem Facti vniuersalibus, quæ totam Ecclesiam respiciunt, vt sunt canonizatio Sanctorum, Religionum approbatio, &c. errare non potest; non enim est probabile Spiritum sanctum qui iugiter assistit Ecclesiæ, sinere Pontificem in errorem labi, qui in totam Ecclesiam redundaret, si damnatos in inferis canonizaret aliquando, vt vult Vvicleffus Anglus Sacerdos, qui sustinet Augustinum, Benedictum & Bernardum propter suos institutos Ordines damnatos esse: Ipsum damnauit Constantiense Concilium sess. 8.

Notandum 2. quòd in confesso sit apud omnes Pontificem cum Concilio generali errare non posse; quia tunc tota Ecclesia congregatur: quæ in errorem non potest labi, iuxta dictum Christi, *Super hanc Petram edificabo Ecclesiam meam, & porta inferi non praualebunt aduersus eam*. Certum est etiam, Pontificem ex Cathedra loquentem sine Concilio, semper esse reuerenter audiendum, eique parendum, siue errare possit, siue non, vt volunt Almainus & Gersonius; dicentes quòd licet aliquando errare possit, non est tamen dogmatizandum contra ipsius definitiones, nisi error illius esset omnino manifestus. Sed nostra difficultas est, an Summo Pontifici ex Cathedra loquenti, ita sit annexa infallibilitas, vt nusquam errare possit, dum aliquid præcipit credendum aut faciendum toti Ecclesiæ. Alij dicunt, non posse errare, modò pronuntiet de consilio aliquorum saltem Prælatorum: alij respondent reuerà errare non posse, etiamsi solus definiat; Facile tamen conciliandi sunt, quia negare nolunt isti, quin teneatur Pontifex maturè procedere, & proinde ex consilio Doctorum & Episcoporum; sed volunt infallibilitatem non procedere ex Consiliarijs, sed ex solo Pontifice. Dum autem quæritur, an Pontifex erraret, si temerè definiret; vtique authores respondent, hoc non posse fieri; Deus enim qui promisit finem, nullo modo potest negare media, & sic perperam proponitur illa quæstio,

## CONCLUSIO.

**P**robabile est Summum Pontificem esse in decretis fidei & morum infallibilem, modò ex cathedra loquatur; non quòd vllum Articulum Fidei facere valeat, sed quia infallibiliter determinare potest aliquid esse de Fide, vel non; aliquid esse faciendum, vel vitandum. Dixi, hoc probabile esse, nè post tot rumores inter excellentissimos viros, imò & Facultates integras exortos, temeritatis accusari videret, si assertiuè pronuntiare attentaret ingenii mei tenuitas. Dixi etiam, modò pronuntiet ex Cathedra, quam distinctionem irrident aduersarii; quasi non esset maxima differentia inter Præsidentem Senatus supremi inter familiares de aliqua re colloquentem, & ipsummet throno iudiciali assidentem, cum sententiam vltimam dicit. Sic dicimus, multum differre Papam, cùm loquitur vt Doctor priuatus nomine suo, & cùm loquitur nomine Christi, proponens aliquid Ecclesiæ, vt caput eius. Primo modo consideratus, nullam, vt diximus, infallibilitatem habet, bene autem secundo, nam Spiritus sanctus illi iugiter præsto est impediens, nè Vicarius Christi in errorem labatur, & nè Ecclesia decipi possit.

Probatur primò ex Analogia Noui Testamenti cum Antiquo, vbi legimus Summum Pontificem errare non potuisse, aliàs nimium crudelis fuisset punitio lata Deuteron. 17. vbi habetur, *Qui autem superbiebit molens obedire Sacerdotis imperio, qui eo tempore ministrat, morietur homo ille.* Deinde legimus Caipham perditum hominem, non obstante rabie qua in Christum furebat, prophetasse; Ioan. enim 11. dixit, *Nescitis quicquam, oportet ut unus homo moriatur pro populo, & non tota gens pereat; hoc autem à semetipso non dixit, sed, cùm esset Pontifex anni illius, prophetauit, quod Iesus moriturus erat pro gente.* Quòd si atrocissimum crimen machinanti astitit Deus, à fortiori Summo Pontifici Ecclesiæ Romanæ in arduis rebus, quæ fidelium salutem concernunt, declarandis, non minus astiturum credendum est.

Probatur secundò ex Matth. 16. *Tu es Petrus, & super hanc Petram aedificabo Ecclesiam meam, &c.* Si porro inferi non possunt præualere, nec in errorem in-

du-



ducere Ecclesiam, quæ fundatur super Petrum: Ergo nec ipse Petrus errare potest. Lucæ etiam 22. *Simon, Simon! ecce Sathanas expetiuit vos, ut cribaretis sicut triticum: ego autem rogavi pro te Petre! ut non deficiat fides tua, & tu aliquando conuersus confirma fratres tuos.* Quatuor expositiones huic textui afferuntur. Primò dicitur quòd Christus hic orauerit pro tota Ecclesia, orando pro eius capite, & non pro persona priuata: sic Alliensis, Geston, Almainus & aliqui Doctores Parisini. Alij dicunt, Christum orasse tantum pro Petro, ut perseveraret in gratia. Tertij asserunt per contextus citatos Petrum esse quidem infallibilem; non verò hoc colligi de successoribus eius, de quibus non fit mentio. Quarti denique per hunc textum volunt concessum fuisse, ut nunquam caderet in fide, & nunquam ut Pontifex posset aliquid docere contra fidem. Et hæc est opinio, quam in conclusione diximus esse probabilem, & quæ talis patebit ex refutatione primarum expositionum.

Primò ergo verba Christi non intelliguntur, nisi de persona Petri; loquitur enim Christus de nomine proprio Petri, quod repetit dicens, *Simon, Simon*; Deinde, semper vitur Christus pronomine secundæ personæ, *pro te, fides tua, & tu, fratres tuos*: Quod significat Christum impetrasse aliquid pro Petro. Tandem Dominus, qui coeperat loqui in plurali, *ecce Sathanas expetiuit vos*, quare non eodem numero dixisset *pro vobis*; si loquutus fuisset de tota Ecclesia per Apostolos repræsentata? Porro cum dicitur, *Tu aliquando conuersus confirma fratres tuos*? hoc non potest intelligi, nisi de Petro; cui ex officio competit confirmare Apostolos & Episcopos, qui sunt fratres Petri, quorum illi scandalizati erant, dum à Christo in Cœna didicerunt vnum ipsorum traditurum esse Christum, vnde Cœna facta, hæc verba protulit.

Secunda explicatio horum verborum non est recipienda; quia loquitur Christus in oratione sua pro fide Petri, & non pro perseverantia in gratia, *Oraui ut non deficiat fides tua*. Deinde, si orasset Christus pro perseverantia Petri in gratia, non multum profuisset oratio Christi, quoniam illicò Petrus Christum negando peccauit, Quantum ad tertiam explicationem,

qua

qua dicunt aliqui infallibilitatem fuisse quidem in Petro, sed non transisse ad successores, contrarium docebimus in sequenti probatione, nunc tantum asserentes verba Cyrilli Alexand. apud S. Tho. contra errores Græcorum Opusc. 1. cap. 32. Tit. de Rom. Pontif. *Sicut Christus accepit à Patre sceptrum Ecclesiæ & plenissimam potestatem, sic Petro & successoribus plenissime commisit.* Remanet ergo tantum, quod quarta explicatio sit vera, quæ dicimus, orationem Christi impetrasse Petro, ut non posset errare in Fide, nec proponere Ecclesiæ, cuius erat caput, aliquid credendum contra fidem. Quod si dicatur, post orationem Christi Petrum negasse ipsum tempore Passionis, & sic non pro Petro, sed pro Ecclesiâ orasse Christum: Resp. Petrum pro tunc Fidem non perdidisse, neque secundum habitum quo inclinamur ad credendum ea quæ sunt reuelata, neque secundum actum internum, quo reuelatis assensum præbemus; nihil enim contra fidem credidit Petrus in mente sua; sed perdidit tantum actum exteriorum & secundarium Fidei, quia scilicet non professus est ore Fidem, quam in corde habebat. Vnde licet grauer peccauerit, & actum exterioris infidelitatis exercuerit; propriè tamen non errauit in Fide; cum error in fide sit actus intellectus, quo quis sibi falsum persuadet. Hanc distinctionem afferunt Patres; Chrysostomus enim hom. 83. in Matth. ait, *Non dixit, non negabis, sed ut non deficiat fides tua; cura enim ipsius factum est, ne omnino fides Petri euanesceret.* Theophylactus etiam in cap. 32. Lucæ inquit, *Quamuis breui tempore concutendus sis, habes recondita semina Fidei: etiam si folia abieceris spiritus inuadentis, radix tamen uiuet, & non deficiet fides tua:* Vnde diximus, per orationem Christi, Petrum habuisse duo priuilegia, primum, quo non posset ipse errare; aliud, quo non posset aliquid contra fidem proponere. Vtrumque probat Bellarminus, primum ex Chryl. & Theophylacto citatis; quibus additur Augustinus libro de Corrept. & gratia cap. 8. *Quando rogauit ut non deficeret fides eius, rogauit ut haberet in fide liberrimam, fortissimam, perseverantissimam voluntatem.* Secundum probant testimonia Bulgariæ Archiepiscopi Theophylacti, dum dicit in cap. 22. Lucæ. *Quia te habeo ut principem discipulorum, confirma ceteros; hoc enim te decet, qui post me*  
*Pe-*

*Petrus est Ecclesia & fundamentum*; non confirmaret autem, si proponeret aliquid contra Fidem; & Leonis Serm. 3. de Assumptione sua, *Firmitas qua per Christum Petro tribuitur, per ipsum ceteris Apostolis confertur.*

Probatum tertio infallibilitas Pontificum; quia requiritur infallibilitas in illo qui determinat aliquid esse de fide, & aliquid esse hæreticum, aliàs fidei posset falsum subesse; atqui Pontifices Romani sine Concilio damnaverunt multas hæreses, & contrarium proinde determinaverunt esse de Fide; nam ante Concilium Nicænum, quod fuit primum generale, celebratum an. 325. multæ hæreses damnatæ fuerunt à solis Summis Pontificibus, & illicò tota Ecclesia illas respuere cœpit, quòd denotat, à primitiva Ecclesia Papam fuisse æstimatum infallibilem; si enim opiniones à Papa damnatæ non essent infallibiliter damnatæ, donec accederet determinatio Concilii, ante Concilium Nicænum licitum fuisset assentiri opinionibus hæreticorum à Papa damnatorum, quales fuerunt Cerdon, Marcion, Valentinus, Ophitæ, Caiani, & reliqui; tot enim hæreses à solis Summis Pontificibus damnatæ sunt, ut Augustinus lib. 4. contra duas Epistolas Pelagianorum dicat in fine libri contra Pelagium & sectarios Concilium expetentes, *quasi nulla hæresis aliquando nisi Synodi congregatione damnata sit, cum potius rarissima inveniuntur propter quas damnandas talis necessitas extiterit.* Idem Augustinus volens indicare Papam esse iudicem supremum & infallibilem in materia fidei, loquens de hæresi Pelagiana sic loquitur, *Iam de hac causa duo Concilia missa sunt ad Sedem Apostolicam, inde etiam rescripta venerunt, causa finita est, utinam error finiatur.* Sic optatus Mileuitanus convincit Donatistas hac ratione, *Iudicium Melchiadis Papa sententia clausum est.* Non esset autem clausum, si infallibiliter non pronuntiaret Papa. Gelasius videns Episcopum Constatin. Euphemium nolentem delere Acacium prædecessorem suum è tabulis sacris, quia damnatus non fuerat à Concilio, sed tantum à Felice III. scribit Epistolam ad Episcopos Dardaniæ, ubi rationibus probat, ad Papam pertinere hæreseon & hæreticorum condemnationem; *Nec prætermittimus, quòd Apostolica sedes, nulla existente Synodo, habuerit facultatem damnandi, quos*

qua dicunt aliqui infallibilitatem fuisse quidem in Petro, sed non transisse ad successores, contrarium docebimus in sequenti probatione, nunc tantum asserentes verba Cyrilli Alexand. apud S. Tho. contra errores Græcorum Opusc. 1. cap. 32. Tit. de Rom. Pontif. *Sicut Christus accepit à Patre sceptrum Ecclesiæ & plenissimam potestatem, sic Petro & successoribus plenissime commisit.* Remanet ergo tantum, quod quarta explicatio sit vera, quæ dicimus, orationem Christi impetrasse Petro, ut non posset errare in Fide, nec proponere Ecclesiæ, cuius erat caput, aliquid credendum contra fidem. Quod si dicatur, post orationem Christi Petrum negasse ipsum tempore Passionis, & sic non pro Petro, sed pro Ecclesiâ orasse Christum: Resp. Petrum pro tunc Fidem non perdidisse, neque secundum habitum quo inclinamur ad credendum ea quæ sunt reuelata, neque secundum actum internum, quo reuelatis assensum præbemus; nihil enim contra fidem credidit Petrus in mente sua; sed perdidit tantum actum exteriorem & secundarium Fidei, quia scilicet non professus est ore Fidem, quam in corde habebat. Vnde licet grauitè peccauerit, & actum exterioris infidelitatis exercuerit; propriè tamen non errauit in Fide; cum error in fide sit actus intellectus, quo quis sibi falsum persuadet. Hanc distinctionem afferunt Patres; Chrysostomus enim hom. 83. in Matth. ait, *Non dixit, non negabis, sed ut non deficiat fides tua; cura enim ipsius factum est, ne omnino fides Petri euanesceret.* Theophylactus etiam in cap. 22. Lucæ inquit, *Quamuis breui tempore concutendus sis, habes recondita semina Fidei: etiam si folia abieceris spiritus inuadentis, radix tamen uiuet, & non deficiet fides tua:* Vnde diximus, per orationem Christi, Petrum habuisse duo priuilegia, primum, quo non posset ipse errare; aliud, quo non posset aliquid contra fidem proponere. Vtrumque probat Bellarminus, primum ex Chryl. & Theophylacto citatis; quibus additur Augustinus libro de Corrept. & gratia cap. 8. *Quando rogauit ut non deficeret fides eius, rogauit ut haberes in fide liberrimam, fortissimam, perseverantissimam voluntatem.* Secundum probant testimonia Bulgariæ Archiepiscopi Theophylacti, dum dicit in cap. 22. Lucæ. *Quia te habeo ut principem discipulorum, confirma ceteros; hoc enim te decet, qui post mo-*  
*Pe-*

*Petra est Ecclesia & fundamentum* ; non confirmaret autem, si proponeret aliquid contra Fidem ; & Leonis Serm. 3. de Assumptione sua , *Firmitas qua per Christum Petro tribuitur , per ipsum ceteris Apostolis confertur* .

Probatur tertio infallibilitas Pontificum ; quia requiritur infallibilitas in illo qui determinat aliquid esse de fide , & aliquid esse hæreticum , aliàs fidei posset falsum subesse ; atqui Pontifices Romani sine Concilio damnarunt multas hæreses , & contrarium proinde determinarunt esse de Fide ; nam ante Concilium Nicænum , quod fuit primum generale , celebratum an. 325. multæ hæreses damnatæ fuerunt à solis Summis Pontificibus , & illicò tota Ecclesia illas respuere cœpit , quod denotat , à primitiua Ecclesia Papam fuisse æstimatum infallibilem ; si enim opiniones à Papa damnatæ non essent infallibiliter damnatæ , donec accederet determinatio Concilii , ante Concilium Nicænum licitum fuisset assentiri opinionibus hæreticorum à Papa damnatorum , quales fuerunt Cerdon , Marcion , Valentinus , Ophitæ , Caiani , & reliqui ; tot enim hæreses à solis Summis Pontificibus damnatæ sunt , vt Augustinus lib. 4. contra duas Epistolas Pelagianorum dicat in fine libri contra Pelagium & sectarios Concilium expetentes , *quasi nulla hæresis aliquando nisi Synodi congregatione damnata sit , cum potius rarissima inueniantur propter quas damnandas talis necessitas extiterit* . Idem Augustinus volens indicare Papam esse iudicem supremum & infallibilem in materia fidei , loquens de hæreti Pelagiana sic loquitur , *Iam de hac causa duo Concilia missa sunt ad Sedem Apostolicam , inde etiam rescripta venerunt , causa finita est , utinam error finiatur* . Sic optatus Mileuitanus conuincit Donatistas hac ratione , *Iudicium Melchiadis Papa sententia clausum est* : Non esset autem clausum , si infallibiliter non pronuntiaret Papa . Gelasius videns Episcopum Constatin. Euphemium nolentem delere Acacium prædecessorem suum è tabulis sacris , quia damnatus non fuerat à Concilio , sed tantum à Felice III. scribit Epistolam ad Episcopos Dardaniæ , vbi rationibus probat , ad Papam pertinere hæreseon & hæreticorum condemnationem ; *Nec pratermistimus , quòt Apostolica sedes , nulla existente Synodo , habuerit facultatem damnandi , quos*



quos oportuit. Epistola incipit, *Valde mirati sumus.*

Probatur 4. ex Concilijs; Nicænum enim postquam Arium damnauit, petit à S. Siluestro, ut suum iudicium confirmet, Epist. *Quoniam omnis corroborata.* In Conc. Chalced. S. Leo Epist. ad Flavianum, *lectis dilectionis tue litteris*, decernit quæ credenda sunt contra doctrinam Eutychetis, quam condemnat, & illic omnes Patres plusquam quingenti numero exclamauerunt, *Nos ita credimus, sicut Leo, ita credimus, nostrorum nullus dubitat*, in fine actionis secundæ & in 3. In 6. Synodo generali nempe Constantinop. Patres eiciunt è Concilio Macharium Patriarcham Antiochenum, quia nolebat se submittere condemnationi Monothelitarum ab Agathone damnatorum, vnam tantum voluntatem admittentium, & unicam operationem in Christo. Actione 8. & postea adhuc dimissus fuit ad Papæ iudicium, ut seuerius puniretur. In 7. Concilio generali Nicæno II. Patres se submittere litteris Adriani Pontif. super cultum imaginum; dum enim Legati Apostolici interrogant Patres, *Dicat nobis sancta Synodus, si admittat litteras S. Papa senioris Roma, an non?* sancta synodus dixit; *Sequimur, suscipimus, ac admittimus.* Act. 2. Sic & alia Concilia Græca & Latina. Sed quid his opus est? cum habeatur ex Concilio Hierosolym. ubi cum orta fuit disputatio, an Gentiles qui ad finem Christi transibant, deberent subijci observationibus Moisaicis, Petrus definitiuè pronuntiauit illos non esse subijciendos Circumcisioni, & tacuit omnis multitudo, Act. 15. ubi Hieronymus dicit, *in sententiam ipsius Petri Iacobus Apostolus, qui erat huiusce-  
vrbis Episcopus, & omnes simul Presbyteri transferunt.* Epist. 11. inter Epist. Augustini, in Concilio Florentino Sessio. 7. terminata fuit per Iulianum Cardinalem, quoties de fide aliqua oritur disputatio, Romanus Pontifex tenetur illam explicare; atque illo docente, omnes Synodi, & uniuersalis Ecclesia debet huiusmodi veritatem sequi, & hoc dicit Epistola recitata (scilicet Agathonis) approbata in 6. Synodo.

Probatur 5. ex Episcopis Galliarum. S. Exuperius Tolosanus Archiepiscopus contra hæresim Vigilantij petijt ab Innocentio I. quid credendum & docendum esset; & iuxta responsum Vicarij Christi suæ responsioni firmiter & vnicè adhaesit. Epistola Papæ, *Consulenti tibi*  
fra-

*frater charissimè ! reperitur* 1. Tom. Conc. D. Hilarius & D. Prosper Romam accedant, declaraturi Papæ afflictionem Ecclesiæ Gallicanæ ob hæresim Semipelagianam; Papa non congregat Concilium generale, sed Episcopis Galliæ significat quid credendum esset in hac materia, & illicò determinationem Romanam sequuntur, & cogunt hæreticos cedere iudicio Apostolico; Epistola incipit, *Apostolici verba præcepti sunt*. S. Auitus Viennensis Archiepiscopus duos clericos Romam mittit, nomine totius prouinciæ, super aliquos errores, vt sciant ab Hormisda Pontifice, quid credendum esset; & hæc sunt verba Archiepiscopi, *Quasumus ergo, vt qui filijs vestris fratribus meis* (Gallicanis) *si consular, respondere debeamus, instruatis*. Tandem nuperrimè Galliæ Episcopi num. 83. super propositiones Iansenij miserunt ad Innocentium X. se absolutè submitteres iudicio eius, & illi dicentes, *Maiores causas ad Sedem Apostolicam referre solennis Ecclesia mos est, quia fides Patri nunquam deficiens perpetuò retineri prout iure suo postulat*: & postquam illas propositiones tanquam hæreticas condemnauit in Bulla, quæ incipit, *Cum occasione impressionis*; vltima die Maij An. 1653, hæc Bulla oblata fuit vniuerso Galliæ Clero, & magna cum lætitia recepta à Prælatiis, & in suo cœtu Parisijs publicata. Nonnè hoc indicat Prælatorum Galliæ mentem esse, quòd solus Pontifex hæreses possit iudicare, & condemnare hæreticos, & consequenter quòd sit supremus iudex in materia fidei?

Probatur vltimò ex Doctoribus Parisiensibus, ex quorum multitudine quatuor assimemus tantum. Mauclerus in primis lib. 4. de Monarchia Ecclesiast. Cap. 4. titulum integrum proponit, vbi probat quòd Romano Pontifici supremum iudicium determinandi ea quæ sunt de Fide, debetur. Et infrà: *Quod si in condemnatione hæreticorum sententia generalis Concilij esset semper expectanda, nec Romani Pontificis iudicio in eorum reprobatione & multis sisteretur, hac expectatio non tantum inanis, sed sapissimè pernicioza Ecclesiæ foret*. Approbatio octo Doctorum Parisiensium, qui huic libro subscripserunt, opinionem Maucleri probabilissimam efficiunt. Illi sunt Domini de Saussay; nunc Tullienis Episcopus, Lambertus Profes-

sor

Tor Regius, Frogerius sancti Nicolai de Cardineto Parochus, Ægidius à sancto Amore apud Patres Dominicanos Prior, Charronius, Houssier S. Mederici rector, Gilbaud apud eosdem Dominicanos regens, & Bandel. Dominus Andreas Duval Tract. de Roman. Pontif. infallibilitate part. 2. quæst. 1. sic loquitur, fol. 751. *Absolute certum est; Papam neque in Fide, neque in moribus ex cathedra decernendis errare posse, statimque à sua electione canonica, infallibilitatis privilegio à Christo donari.* Dominus Basil Propænitentiarius Parisiensis tom. 1. Conciliorum tractat. de Tripl. Verbo Dei, dum quærit, *An extra Concilia generalia nulla sit certa definitio in rebus fidei;* respondet, *cum prima sæcula sine concilijs extiterint, & infra, propterea melius censent a'ij à Christo prouisum esse Ecclesie, dum asserunt Summum Pontificem loquentem de rebus Fidei ex cathedra, nec falli, nec fallere.* Dominus de Racois, dum esset adhuc Baccalaureus, prælo mandauit librum respondentem Epistolæ quatuor Ministrorum Charëtonensium, per duos doctores Vniuersitatis approbatum; Lambertum scilicet & Loppem, quo Ministris probat Christum soli Petro & non Ecclesiæ loquutum fuisse, dum diceret, *Rogauipro te Petre! Ut non deficiat fides tua.* His addi potest D. Thomas 2. 2. quæst. 1. artic. 10. *Ad Summum Pontificem pertinet finaliter determinare ea que sunt Fidei, ut ab omnibus inconcussa fide teneantur.*

Obijcies primò ex 1. ad Timoth. 3. *Omnis Pontifex ex hominibus assumptus circumdatus est infirmitate;* Ergo infallibilitate non gaudet. Resp. vt homo & priuata persona, circumdatus est infirmitate, sicque falli & fallere potest; non verò quatenus perpetua Spiritus S. assistentia munitur. Dices, ex Can. *si Papa*, dist. 40. Papam non posse iudicari, nisi sit hæreticus: ergo potest in hæresim labi, & sic non est infallibilis. Resp. Canoncs loqui de Papa vt Summo Pontifice, sed de Papa vt priuata persona; & adhuc non dicunt, quod possit esse hæreticus (hoc enim non est omnino certum) ideo vtuntur cautela, volentes non posse iudicari, nisi fieret hæreticus; non decidendo, an possit esse, nec nè; sed de hoc postea. Dices, Ergo inutilia sunt Concilia, si Papa sine Concilio est infallibilis, Aliquando multas utilitates Concilio-  
rum

rum afferemus, dicturi tantum in presenti, Concilia esse necessaria, vt finis controuersijs imponatur, & vt decreta Fidei melius obseruentur; quilibet enim Episcoporum pro tunc fortius curat de illorum obseruatione. Dices, Ergo sunt Hæretici vel saltem grauitè peccant, qui decretis Papæ resistunt, vt fecit D. Cyprianus resistens pertinaciter Stephano, definiendi Hæreticos non esse baptizandos. Resp. illos Hæreticos absolutè non censerì, qui conclusionem allatam negant; hoc enim non definitum est expressè, & quoad Cyprianum in particulari, non fuit Hæreticus; quia Hæreticos non determinauit Stephanus, tanquam de Fide non esse rebaptizandos, aliàs excommunicasset Cyprianum; imò Cyprianus in Concil. octoginta Episcoporum, definiens ipsos esse rebaptizandos, non determinat hoc esse de Fide, protestans se propterea non velle separare à communione Pontificis. Quòd si ex Eusebio & August. Papa censuit excommunicandos esse illos, qui rebaptizarent; est tantum comminatio. In hoc Cyprianum tantum peccasse venialiter docet Augustinus, quia peccauit ex ignorantia, alij verò sentiunt peccasse mortaliter, quia debuit parere iudicio Pontificis.

Obijcies secundò, Vniuersitatem Parisiensem ob hoc damnaſſe defensorem authoritatis Papæ, qui se, nomine inuento, Vernantium appellat; quia verſus Nannetas traxerat originem, Resp. primò, quòd idè tantum damnare videatur hunc Authorem, in quantum credit, illum tollere infallibilitatem ab Ecclesia; hæc sunt enim verba Censuræ, *Hæc propositionis quatenus excludunt infallibilitatem ab Ecclesia, falsa sunt, temeraria, scandalosa & hæretica*; Nos autem (quidquid sit de illo) dicimus infallibilitatem actiuam conuenire & Papæ ex Cathedra loquenti, quæ exprimitur his Christi verbis, *Orati pro te Patre*; & Concilio canonicè celebrato repræſentanti totam Ecclesiam, de qua dictum est, *Porta inferi non preualebunt aduersus eam*: Infallibilitatem verò passiuam Ecclesiæ competere, quæ scilicet falli non potest, sicut colligitur ex iisdem verbis, *Porta inferi, &c.* Resp. secundò, huic censuræ, Tract. de Rom. Pont. Tit. de infallib. Sum. Pontif. quæst. 4. aliam eiusdem Vniuersitatis opponi, quam refert Dominus Bail Tom.

Tom. 1. Concil. quæst. 49. inter 75. quas proponit de authoritate Pontif. Tract. de Triplici verbo Dei. Quidam Theophilus Brachet an. 1644. docet, definitiones Papæ non esse infallibiles, nisi in Concilio; & respondet Censura: Hæ propositiones, in quantum infallibilitatem Ecclesiæ in nullo statu, quàm in Concilio Oecumenico tribuunt, temerariæ sunt, & Ecclesiæ iniuriosæ, & Hæreticæ.

Obijcit tertio Vigorius, Concilium Basileense contrarium determinasse. Resp. hoc Concilium non fuisse Oeconomicum & Canonicum. Quod ut probeatur, sciendum quod Papa Martinus V. illud Florentiæ indixerit, sed cum pestis hanc inuasisset urbem, transtulit illud Senas idem Pontifex; cum autem videret Regem Arragoniæ Pontifici maximè aduersarium largitionibus suis Prælato sollicitantem, ut derurbaret à Sede Apost. Conc. antequam inchoaretur, inhibuit, & aliud post septem annos Basileæ indicauit, ubi Cardinalem Iulianum deputauit Legatum: interim Martinus V. moritur, in cuius locum sufficitur Eugenius IV. qui indictionem Concilij & Legationem Iuliani confirmauit. Hæc initia fuere laudabilia, sed non sic de cæteris, imò Concilium cessauit esse Oecumenicum, eò instanti, quo reuocata fuit delegatio Iuliani, & reuocatio proinde Concilij; à quo tempore maior pars Episcoporum secessit, solusque cum paucis remansit Archiepiscopus Arelatensis, neque ulli patebat ingressus, nisi illis qui contra Eugenium & iura Ecclesiæ protestarentur. Hæc videri possunt apud Aeneam Silvium, huius Concilij. Scribam, qui initio propugnauit Concilium esse legitimum, & postea cum calore nimio ab hac opinione resiliit: Quid mirum ergo, si contra Papam cuncta determinauerit illud Concilium, ut potè ad ipsum non spectare definitionem rerum Fidei & Concilio subesse? Quod si dicatur, Eugenium à Basileensibus supplicatum, confirmasse hoc Concilium: Resp. confirmasse quidem Concilium in genere, non verò cuncta eius decreta: quod tamen necessarium perhibetur ex Leone, qui approbauit quidem Concilium Ephesinum in genere, non tamen singula decreta, vnde aliqua illorum abrogata fuerunt in Concil. Chalcedonensi. Sic in proposito, cum multi quærerent ab Eugenio in Concil. Florent. An Basilea Decreta approbasset, respon.



pondit, *Nos quidem Concilij progressum approbauimus, non tamen eius decreta approbauimus, aut approbamus, & sic Decreta huius Concilij sunt nullius momenti.*

Obijcies 4. Ex argumentis antecedentibus patet quidem Papam esse infallibilem in Decretis Fidei; sed nullum eorum probat, in moribus decernendis ipsum habere infallibilitatem. Resp. hoc tamen esse certissimum, scilicet Pontificem in condendis legibus circa virtutes & vitia ad statum vniuersalem Ecclesie pertinentibus & ad salutem necessarijs, errare non posse; licet ipse non sit impeccabilis in priuata persona, & possit condere leges inutiles & superfluas, quæ non sunt necessariae ad salutem. Probatur hoc, quia si in Decretis morum erraret Papa, præcipiendo v. g. usuram, aut prohibendo restitutionem; Deus contra suauitatem suæ Prouidentiae illi deesset, & non deberet præcipere, vt Fideles Papam vt Legislatorem perpetuò audirent, si posset errare in moribus decernendis. Deinde, si in hoc errare posset, hoc fieret præcipiendo vitium & prohibendo virtutem; sed tunc iret contra Fidem, quæ docet vitium esse de se malum & virtutem bonam; sicque illud non potest præcipere, nec prohibere istud.

#### Q V Æ S T I O IV.

*Verum Papa tanquam priuata persona possit esse Hæreticus.*

**B**ellarminus Cap. 6. de Rom. Pontif. lib. 4. asserit probabile esse Pontificem vt personam priuatam non posse Hæreticum fieri, nec aliquid contra Fidem pertinaciter credere, cum Christus dixerit Petro, *Oraui pro te Petre! vt non deficiat fides tua*; quæ oratio duplex priuilegium Petro impetrauit, vt nec ipse Personaliter errare posset in Fide, nec vt Pontifex proponere Ecclesiae aliquid contra Fidem, sicut diximus in probatione 2. præcedentis Conclusionis; quia tamen opinio contraria longè est communior, ideo erit

CON-

## CONCLUSIO.

**P**robabilius est, Pontificem personaliter in Fide posse deficere. Vnde ad rationem Bellarmini dicendum est; Infallibilitatem personalem fuisse quidem communicatam Petro, se non transisse in successores; non est enim necesse quòd omnia privilegia Petro concessa communicentur illius successoribus; sed sufficit, si habeant ea quæ ad generalem Ecclesiæ gubernationem necessaria sunt, scilicet infallibilitatem, dum pronunciant ex Cathedra, i. dum aliquid proponunt & præcipiunt toti Ecclesiæ credendum aut faciendum: non verò necessarium est quòd habeant Charismatum dona, Linguarum & miraculorum, quæ habuit Petrus, maximè post descensum Spiritus sancti, &c.

Probat hęc conclusio ex Ioanne XXII. qui ex Gersonio & Adriano VI. quæst. de Confirmat. & alijs Doctoribus plurimis, censuit animas electorum Essentiam diuinam ante diem iudicij & corporum resurrectionem non videre; quòd cum vellet proponere Ecclesiæ, per providentiam diuinam morte correptus est; pridie tamen, quàm moreretur, suam opinionem retractavit.

Probat 2. intellectus Pontificis, ut priuatæ personæ; per suam electionem non apparet magis illustratus quàm ante, nec voluntas eius magis confirmata in bono; potest ergo voluntas Papæ esse malè affecta erga Dogmata quædam Fidei, & sic imperare intellectui, ut eliciat actum contrarium illis; assensus enim Fidei pendet ab intellectu tanquam à causa imperante.

Probat 3. Qui Honorium ab errore vindicant, dicunt eum fuisse accusatum in 6. & 8. Synodo, per falsos testes; si autem horum Conciliorum Patres credidissent Pontificem nusquam posse fieri Hæreticum nunquam contra eum recepissent accusationem, ~~unde~~ <sup>unde</sup> denotat illos fuisse in nostra opinione. Adde etiam peccata ad naufragium in fide conducunt, ex Cypriano, non error peccatum gignit: cum ergo Papa peccare possit, proinde potest fieri Hæreticus.

Obijcies: Si Papa ut singularis persona posset errare,

re, Ecclesia magno periculo exponeretur; posset enim suum errorem definire & Ecclesie proponere, aut certè grande miraculum esset, si vnum sentiret in mente, & contrarium definiret. Resp. Deum per suam specialem Prouidentiam impedire, quominus Papa erret in definiendo pro tota Ecclesia, quæ maximè labefacteretur; non verò Deus cauet, nè ut priuata persona erret, quia hoc non est maiori præiudicio, quàm si alius doctor erraret. Deinde, non maius esset miraculum, si Papa ut persona priuata vnum sentiat & aliud definiat, quàm videre Cai-pham, qui prophetando ut Pontifex, sententiam tulit pro Religione, quam in mente sua oppugnabat. Denique si Pontifex non posset errare, quia est infallibilis in definiendo ex Cathedra circa fidem, pari iure non posset peccare, qui est infallibilis circa mores.

Obijcies 2. Papam grauitè peccare, si vnum haberet in mente & aliud definiret. Negatur; Confessarius enim non peccat, si iudicium poenitentis, in-nixum Doctoribus, suo præferat: ita nec Papa, si post consultationem Doctorum & Prælatorum, vnum definiat, cuius contrarium sentit. Dices; V-nius propositionis non possunt esse opposita iudicia. Resp. quòd sicut scientia & opinio, dum habentur ex diuersis medijs, non sunt opposita; sic nec iudicium Papæ, dum habetur ex medio extrinseco, nempe ex resolutione Prælatorum, opponitur iudicio, quod trahit ex mente propria. Dices. Doctores vindicare conantur Pontifices ab erroribus, quod denotat eos non credere quod possint deficere à Fide. Resp.

velle tantum probare, quod non errauerint ut Pontifices, sicut prætendunt Hæretici.

Porrò licet Bellarminus dicat opinio-nem contrariam piè credi. Li-bro tamen 2. de Roman.

Pontif. cap. 30. §. res-  
pondeo, dicit non  
esse commu-  
nem.

\*\*\*

QVÆ.

## Q V Æ S T I O X.

*Verum Papa Hæreticus deponi possit.*

**A**lbertus Pighius & alij, qui tenent, Papam non posse fieri Hæreticum, hanc quæstionem non proponunt; nos verò illius solutione indigemus ob diuersas opiniones quæ circa eam reperiuntur. Ioannes de Turrecremata vult, Papam in hæresim solum interiore lapsum, esse extra Ecclesiam, & censeri à Deo depositum. Aliqui ex opposito tenuerunt Papam nec propter Hæresim occultam aut manifestam deponi posse, quia suprema Sedes è nemine iudicatur. Caietanus Tract. de authoritate Papæ & Concilij cap. 20. & 21. sustinet Papam Hæreticum manifestum non esse ipso facto depositum, sed ab Ecclesia deponendum: diuersa ab his opinionibus erit nostra

## C O N C L U S I O.

**P**apa eo ipso quo est Hæreticus manifestus, à dignitate excidit, ita quòd Ecclesia non necesse habeat ipsum deponere, sed tantum ipsum depositum declarare. Dixi, eo ipso quo est manifestus Hæreticus, per hæresim enim internam & occultam Hæretici non censentur esse extra Ecclesiam.

Probatur conclusio, quia Pontifex manifestè Hæreticus non est amplius Ecclesiæ membrum; non enim cohæret Ecclesiæ, nec coniunctione interna, per Fidem scilicet; nec coniunctione externa, per professionem Fidei (quomodo adhærent Hæretici occulti) ergo non potest esse Papa, cum non possit esse Caput illius corporis, cuius non est membrum, quoniam Caput est membrum corporis nobilius: Deinde, qui non est verè Christianus, non potest esse caput Christianorum; manifestus autem Hæreticus non est amplius Christianus, ex Cypriano lib. 4. Epist. 2. Athanasio Sermon. 2. contra Arianos, & August. lib. de Gratia Christi cap. 20. ergo eo instanti, quo Papa in Hæresim manifestam lapsus est, ita vt nulla ratione possit excusari, non tantum deponi potest ab Ecclesia, vt patet Dist. 40. Can. *si Papa*; sed est ipso facto depositus, Per hoc ruit opinio Caietani, & à fortiori opinio

opinio illorum qui dicunt Papam non posse deponi nec per Hæresim internam, nec per externam; miserrima enim esset conditio Ecclesiæ, si lupus manifestè grassantem pro Pastore agnoscere teneretur.

Quæres, utrùm propter solam Hæresim deponi possit Summus Pontifex. Resp. propter Schisma Papam etiam esse deponendum. Sic Cyprianus libro 4. Epist. 2. ubi asserit Nouatianum se dicentem Summum Pontificem, à Pontificatu esse amotum, etiamsi esset verus Pontifex; quia se ab unitate Ecclesiæ separabat, & nolebat communione coniungi cum alijs Episcopis Catholicis, qui lapsos ad pœnitentiam recipiebant. Ratio huius est, quia Schismaticus ab Ecclesia separatus, non est amplius Ecclesiæ membrum; ergo caput illius esse non potest. Sed, inquires, quoniam Schisma est separatio à capite Ecclesiæ, quomodo Papa erit Schismaticus? Hoc fiet primò, si se à communione totius Ecclesiæ & Prælatorum ob causam iniustam separet, & cum quibusdam tantùm sibi adhærentibus communicare velit, ut faciebat Nouatianus, quem Schismaticum Cyprianus vocat loco præcitato. Secundò, fiet Schismaticus, si se destituat libenter Papatu, nec tamen submitti velit successorì. tertio, si antiquos ritus Ecclesiæ ex traditione Apostolica emanantes velit immutare, & ob hoc se separet à Prælatorum cætu.

Quæres, num etiam propter alia crimina deponi possint Pontifices. Affirmatiuè respondet Vigorius Summo Pontifici semper infensissimus; nos verò dicamus, verum & indubitatum Pontificem pro nullo crimine, exceptis Schismate & Hæresi, esse deponendum; quamdiu enim benè docent Prælati, semper audiendi sunt. Matth. 23. *Super Cathedram Moysi sederunt Scribæ & Pharisei; quacumque dixerint, faci'e; opera autem eorum nolite facere.* Vnde Marcellinus Pontifex, qui cum maximo Ecclesiæ scandalo tormentorum meru Idolis adoleuerat, non fuit iudicatus à Concilio Sinuesano, ubi se contulerat, ut iudicaretur à Patribus; imò Patres responderunt primam Sedem à nemine posse iudicari, ex Nicolao 1. Epist. 8. ad Michaellem Imperatorem. Hoc etiam determinauit S. Siluester in Concil. Rom. Quòd si Concilium Basiliense teneat, Papam deponi posse pro alijs criminibus



bus ab Hæresi; Resp. hoc Concilium non esse Canonicum, quia indictum & congregatum fuerat sub prætextu reformandi mores; attamen Rex Aragonicæ illud sollicitauerat, ut multa priuilegia Ecclesiæ Romanæ tollerentur; & ob hoc cogebat Prælatos, ut suam sequerentur mentem: Sic nil mirum, si in hoc Concil. pro varijs criminibus deponi posse Pontifices determinatum fuerit, & Papam subijci Concilio, ob quam rationem Eugenius suum Legatum Cardinalem Iulianum reuocauit. De hoc loquuti fuimus in obiect. 3. quæst. præcedenti. Quod si ob peccata diuersa à Schismate & Hæresi aliqui Pontifices fuerint destituti, hoc factum est ex violentia, non ex iure.

### Q V Æ S T I O XI.

*De Pontificibus quos in errorem lapsos esse dicunt Hæretici.*

**H**æretici semper Sedi Apostolicæ irati, nedum Pontificem Romanum Antichristum esse protestantur, quæ propositio refutatur de se, cum Antichristus sit persona quædam particularis in fine sæculorum ventura ad Fidelium subuersionem, ubi sunt & fuerunt multi Pontifices; sed insuper plurimos eorum erroribus onerant, dicentes v.g. Marcellinum thus Idolis adoleuisse, Liberium consensisse Arianis, Anastasium 2. fauisse Nestorianis, & Honorium Monothelitis, &c. Ad eos respondetur vulgò, potuisse reuerà Pontifices errare, imò & in Hæresim incidere, ut sunt personæ singulares, non verò posse, ut sunt Pontifices, Hæresim vllam tradere credendam Ecclesiæ. Quia tamen per hos errores Ecclesiam labefactare prætendunt Hæretici, in multis nos ipsi eos iustificare prætendimus, non quidem loquendo de omnibus illis Pontificibus, quibus imponunt, præsertim Magdeburgenses, sed tantum ea quæ sunt magis notatu digna attingemus; tum quia tantam prolixitatem non patitur nobis affectata breuitas; tum etiam quia hæc habentur apud Bellarminum, lib. 4. de Summo Pontif. cap. 8.

Dicunt ergo primò, Petrum bis errasse circa Fidem, negando scilicet Christum, & Gentiles Iudaiza-

re cogendo; ad Gal. 2. Zephirinum in errorem Montani incidisse, Marcellinum Idolis sacrificasse & Liberium Ariana heresi fuisse infectum.

Respondeo primò, Petrum non fuisse Pontificem, dum Christum negauit; sed cum post resurrectionem Christus illi dixit, Ioan. vltimò . *Pasce oves meas* . Quantum verò ad Iudaizationem; non illam præcepit; imò contrarium docuit Act. 15. sed hoc fecit bono animo, nè offenderet Iudæos de nouo conuersos. Quoad Zephirinum, longè semper ab errore Montani fuit; sed deceptus est à Montanistis, qui illi persuaferunt opinionem suam esse opinionem Romanæ Ecclesiæ; & ob hoc ad communionem suam ipsos reuocauit . Quòd si Tertullianus in lib. contra Praxeam, scribat Pontificem Romanum agnoscere Prophetias Montani; non est ille credendus, quia Montanista erat, & sub hoc prætextu alios in eundem errorem volebat adducere . Quantum ad Marcellinum; verum est, ipsum metu tormentorum Diocletiani thus adoleuisse Idolis; sed cum semper Fidem in mente retinuerit, actu tantum externo errauit, nihilque contra Fidem definiuit . Quoad Liberium denique; à principio Pontificatus vsque ad exilium fuit semper acerrimus Fidei Propugnator, post exilium suum fuit semper Orthodoxus; quippe qui cum in Sede restitutus fuisset à Clero Romano post mortem Felicis, noluit recipere Macedonianos in Ecclesiam, nisi publicè suam Hæresim detestarentur; vnde à Basilio, Ambrosio & Epiphanio vir beatissimus appellatur: Durante tandem exilio, Sulpitius, Socrates, Sozomenus & Nicephorus asserunt, ipsum fuisse semper constantem in Fide; Athanasius tamen, Hilarius & Hieronymus dicunt, eum redio exilij affectum voluntati Imperatoris acquiescisse, Athanasium condemnasse, & in Concilio Sirmiensi conuenisse cum Ursacio & Valente Arianis; sed ad extremum, ipsius error fuit tantum personalis, cum nihil contra Fidem definierit; imò Hæreticus dici non debet, quoniam peccauit tantum actu externo, mentaliterque Fidem semper retinuit, & vsque ad mortem crimen suum infidelitatis externæ lachrymatus est: De hoc adhuc in Disput. de Concilijs; dum agemus de Concilio Nicæno.

Dicunt 2. Felicem II. Arianum fuisse; sed hoc  
M a fal-

falsum est, licet cum Arianis communicauerit, eo tempore quo verus Papa nondum erat. Ut hoc clarè concipiatur, sciendum; quòd Liberio in exilium misso à Constantio Imp. Clerus Romanus iurauit se, viuo Liberio; nullum in Pontificem electurum; sed opere Arianorum, & præsertim Casariensis Episcopi, Felix Diaconus Romanus in locum Liberij sufficitur, qui Felix ob collatum ab Arianis beneficium cum illis communicabat, licet Arianus mente non esset. Post biennium aduenit lapsus Liberij, vnde tunc clerus Romanus, ipsum Liberium à Sede abrogauit; & hoc iure, quia præsumebatur Hæreticus. quamuis homines non possint corda scrutari; & loco illius Felicem, quem Catholicum sciebat, suffecit; tùm Felix verus Papa factus, Deo inspirante, ad conseruandam Ecclesiam recessit à conuersatione Arianorum, & coacto Concilio, condemnauit Imper. Constantium & Episcopos Ursacium & Valentem; ob quod Liberium, cum quo pacem fecerant, ad urbem & ad Sedem reuocarunt, eieceruntque Felicem, qui non diu postea, siue morte violenta, siue ærumnis, mortuus est. Mortuo Felice, Liberius sibi conciliauit Clerum Romanum, à quo in Pontificem Catholicum de nouo electus est. His positis, patet Felicem nunquam fuisse Arianum, licet cum Arianis communicauerit, dum non esset verus Papa viuente Liberio, quod si dicant Hæretici ex Hieronymo in Catalogo Sanctorum, Acacium tantam auctoritatem habuisse, vt Felicem loco Liberij Arianum Episcopum constituerit: Resp. vocem illam *Arianum* irrepsisse nec reperiri in manuscriptis: vt notat Marinus Victorinus.

Dicunt 3. Vigilum in Hæresim Eutychetis lapsum fuisse, cùm in Epistola quam scripsit ad Theodoram Imperatricem, & alios hac Hæresi infectos confirmauerit Hæresim ipsorum, & anathematizauerit contradicentes. Resp. si Vigilus damnauerit Catholicam Fidem in hac Epist. saltem extrinseca professione, nil ad nos; quia hoc fecit dum esset falsus Papa, viuente scilicet Siluerio; quod ita factum est: Cùm Papa Agapetus deposuisset è Sede Constantinop. Anthemium Hæreticum, Imperatrix à Siluerio successore petijt, vt illum restitueret; quo reluctante, Vigilus Archidiaconus promisit Theodoræ, se reuocaturum.

An-

Anthemium, si Pontifex fieri posset; tunc Imperatrix è Sede expellere fecit Siluerium & in exilium mitti, cuius loco positus est Vigilus; & tunc, cum esset Pseudo-Papa, nil mirum, si Hæreticus tunc potuerit esse saltem extrinsecè; cum hoc fecerit tantum animo Papatum obtinendi: Mortuo autem Siluerio, Vigilium, quem in mente Catholicum sciebat Clerus Romanus, eligit in verum Pontificem, ab isto tempore nil contra Fidem egit; imò noluit Anthemium restituere, sed Imperatrici hoc sollicitanti respondit, se hoc temerè promississe, grauiterque in promittendo peccasse, vnde in exilium missus est, & multis miserijs vexatus vsque ad mortem. Hæc habentur in Pontificali & apud Paulum Diaconum in vita Iustiniani, & Aimonium lib. 2. cap. 23. de gestis Francorum.

Dicunt 4. Honorium primum in Monothelitarum errorem incidisse, qui dicebant esse tantum in Christo vnā voluntatem; vnde in 5. Synodo Honorius vt Hæreticus damnatur, & eius epistolæ combustæ sunt: in septima verò Synodo Ast. vltim. Concilium dicit Anathema Honorio, Sergio, Cyro, & alijs Monothelitis. Resp. nunquam Honorium Monothelitis fauisse, sed prudentissimo consilio ad Sergium Constantinop. scripsisse, ob pacem Ecclesiæ, cum nondum res esset definita; de vna, aut duabus operationibus in Christo, tacendum esse, nè qui dicerent vnā in Christo operationem, Eutycheti vnā naturam admitti fauere viderentur: qui verò duas assererent, Nestorium viderentur sequi, qui duas in Christo personas admittebat. Hoc clarissimis verbis patet in vtraque Epistola Honorij ad Sergium. Quod si dixerit, *Vnam voluntatem fatemur Domini nostri*, tunc loquebatur de voluntate humana Christi, in quo voluit asserere, non fuisse duas voluntates repugnantes, sicut in nobis, vbi *Caro concupiscit contra animam*.

Quantum ad ea quæ obijciuntur: Dico exemplaria quintæ & sextæ Synodi corrupta per Græcos, & opera Theodori Constantinopolit. Monothelitæ deprauata fuisse; qui cum damnatus fuisset à 6. Synodo, loco Theodori, iuxta exemplaribus posuit nomen Honorij. & super talia exemplaria falsificata, qui successerunt, damnarunt Honorium. Deinde Patres

horum Conciliorum damnare de Hæresi Honorium non potuerunt, nisi contradicant Epistolæ 1. Agathonis, quæ in sexta Synodo lecta est Sess. 4. in qua Imperatorem certum facit omnes prædecessores suos, quorum vnus erat Honorius, Hæresibus semper restitisse, suosque fratres in Fide confirmasse. Tandem Agatho numerans Monothelitas, loquitur tantum de Cyro, Sergio, Pyrro, Paulo, Petro & Theodoro, Orthodoxamque Fidem in Ecclesia Catholica perseuerasse asserit. Hæc Epistola à toto Concilio probata est, Act. 8. & 18. vbi Patres dicunt, non tam Agathonem quàm D. Petrum Agathonis ore loquutum. Quomodo ergo hoc Concilium condemnasse Honorium, dum Agatonem laudat, qui asserit nullum prædecessorum suorum errasse.

Dicunt 5. Ioannem XXII. credidisse animas electorum non frui beatitudine, nisi post corporum resurrectionem. Ioannem XXIII. accusatum fuisse in Conc. Constant. quòd non crederet vitam æternam. Item Bonifacium VIII. determinasse in Extrauaganti *vnam sanctam*, omnia subesse Pontifici, quod determinauit, non vt Doctor, sed vt Papa, cum dixerit, *Declaramus, definimus, & pronunciamus*. De primo quem vulgus falsò nominat vigesimum secundum, qui est tantum 20. dico hanc opinionem habuisse reuerà, dum nulla erat circa eam Ecclesiæ definitio; cum tamen voluit illam definire, & esset in consultationibus, mortuus est, vt refert Benedictus XIII. eius Successor; sed paulò ante mortem, istam opinionem retractauit, ex Guiljelmo Ochamo aliàs Ioanni infensissimo, cum his verbis, *Nunquam mea intentionis fuit, dicere aliquid contra Fidem; & si aliquid diximus, totum ex tunc reuocamus*: Vnde Doctores Parisienses coram Rege Philippo Valesio dixerunt, se audiuisse à fide dignis, hoc nunquam assertiuè dictum fuisse à Papa, quod testimonium instrumento publico munierunt an. 1333. vt videre est apud Dominum Coeffeteau pag. 1040. & 1041. suæ responsionis ad mysterium iniquitatis. De secundò, qui potius est 21. quam 23. dicendum, quòd nullam consequentiam faciat: erat enim incertus Papa; quoniam duo alij, nempe Benedictus XIII. & Gregorius XII. se Pontifices dicebant, De tertio denique, constat quòd ex odio contra Gallos fecit Constitutionem, qua determinauit tempora-

pota-



poralia & spiritualia subesse Romano Pontifici, sed in definitione & conclusione constitutionis, ad quam solum attendendum est, cum sola obligationem inducat, pronuntiat tantum in genere, dicens omnem creaturam subesse Romano Pontifici: quod Clemens V. ex Gallia oriundus intelligit de subiectione in Spiritualibus; non verò in Temporalibus: Innocentius enim III. Regem Galliarum in temporalibus superiorem non agnoscere dicit, nullius enim dignitatis, nec etiam Papalis Rex Galliarum est feudatarius & vassallus. Quam plurima mala dicunt Hæretici de Grego. VII. quæ pura sunt mendacia. Primò quod per vim militarem Pontificatum inuaserit: contrarium docet S. Anselmus Lucensis Episcopus. Dicunt 2. quòd innocentem Henricum IV. Imperat. excommunicauerit; sed crimina eius Stephanus Episcopus Halberstatis, vir utriusque sanctus, in Epist. ad Vualramum Episcopum commemorat. Dicunt 3. ipsum Berengarium fuisse; seu negasse realitatem corporis Christi; imò ipse tanquam Legatus Summ. Pontif. confutauit Berengarium: ex Guilmundo lib. 3. de Euchar. Addunt 4. fuisse Simoniacum, adulterum, homicidam, & omnium pessimum; quæ sunt pura mendacia adinuenta à Benno Cardinali factò à Clemente III. quem Imperator creauit Antipapam in odium Gregorij; cum ergo esset creatura Pseudo Papæ, in omnibus calumniabatur verum.

Dicunt 6. vetam mulierem meretricem in sede Pont. exaltatam fuisse, quæ vocata fuit Ioannes VIII. & vulgò Ioanna Papissa nuncupatur. Sed hoc esse puram fabulam probat Onuphrius, in Additione ad Platinam ex Græcis & Latinis, singulariter ex Anastasio Bibliothecario, qui vixit eo tempore, quò fingunt illam Papissam. Dicunt 1. illum Ioannem octauum fuisse inter Leonem IV. & Benedictum III. & vixisse in Pontificatu duobus annis & quinque mensibus, circa annum 850. Attamen inter vtrumque Pontificem sedes vacauit tantum per spatium 15. dierum, ex Onuphrio. Sic etiam Ado Episcopus Viennensis, qui eodem vixit tempore; & sic loquitur in Chronico Anni 861. *Pontifex Romanus moritur, eius loco ordinatur Sergius, illo defuncto succedit Leo, quo obuante Benedictus substituitur.* Sic & omnes Historici vsque ad Martinum Polonum, qui finxit hunc Ioan-

M 4 nem.

nem VIII. quadringentis annis postea contra fidem omnium antiquorum, & hunc sequuti fuerunt recentiores Pontificum aduersarij. Vt pateat magis falsitas huius fictionis, attendatur varietas opinionum. Dicit 2. Martinus, istam foeminam esse Anglicam ex Moguntia; sed quia Moguntia non est in Anglia, Platina dicit fuisse conceptam in Anglia, & natam Moguntiae; Magdeburgenses è contra & Theodorus Bibliander, sustinent, natam fuisse Moguntiae & educatam in Anglia. Dicit 3. studiuisse Athenis, sed pro tunc Athenis remansit solum nomen Academiae, inquit Synesius. Dicunt Magdeburgenses, ipsam peperisse in itinere, cum ex Vaticano inire vellet Ecclesiam Lateranensem; at Pontifices non manserunt in Vaticano, sed in Palatio Laterano, nisi ad tempora Bonifacii IX. hoc est usque ad An. 1390. ex Onuphrio lib. 7. de Ecclesijs. Deinde non est verisimile quod mulier voluerit procedere ad publicam professionem, ut vult Martinus, se tot mensium grauidam videns. Dicunt 5. vestigia huius rei usque ad hoc tempus remansit, nimirum ex hoc quod remansit cathedra perforata ad explorandum cuius sextus essent Pontifices futuri; ex statua etiam mulieris cum puero quae remansisse in loco, ubi Papissa peperit; denique ex hoc quod Pontifices ex Vaticano ad Lateranum pergentes, declinent hanc viam, ubi partus factus est. Sed haec omnia ridicula sunt; nam cur seruetur haec cathedra, & conseruetur statua, quae in dedecus Romanae Sedis cederent Quod si etiam haec via declinetur, hoc est ob eius angustiam.

Dicunt 3. aduersarij infallibilitatem Pontificis eludere volentes, non posse concipi, quomodo illa donetur. Resp. 1. Infallibilitatem non competere Pontifici, quasi illi fiat reuelatio definiendorum: Sunt enim tantum quatuor Reuelationum genera, nempe sensibilis, cum Deus vel Angelus in specie externa apparet; secunda est vocalis, qua aliquid auditur; tertia est imaginaria, qua Deus aliquid insinuat per phantasmata, quae efformat Deus in phantasia, siue in somno, siue in vigilia; quarta denique est intellectualis, cum Deus producit species intelligibiles in intellectu; sic Testatus quæst. 2. in cap. 63. Regum, Neutro autem horum modorum illumi-

natur Pontifex; quia nulla fit illi apparitio, nec vox vlla infusurratur, nec phantasmata producit Deus, nec speciem intelligibilem; quoniam omnia hæc miraculosa sunt & personalia: Infallibilitas verò est communis cuilibet Pontifici; ergo infallibilis non est Pontifex per reuelationem: Vnde Resp. 2. Infallibilitatem procedere ex natura, disquisitione & examinatione definiendorum, quæ fit inter Doctores, quæ posita, Spiritus sanctus, ita adest Pontifici, ut sine errore definiat. Sed quid respondebitur de Pontifice, qui pro vero Pontifice creditur, attamen propter inhabilitatem occultam non esset verus? Dicerem, quòd esto non esset infallibilis, quia non est Papa, attamen falsum definire non posset; quia cum non sit Pontifex propter se, sed propter Ecclesiam, nunquam Deus ipsum errare sineret, ex Mat. 16. *Et porta inferi non praualebunt aduersus eam.* Vel licet aliquid falsum proponeret, nusquam reciperetur ab Ecclesia, quæ Infallibilitate passiva gaudet. Quid etiam dicetur de Infallibilitate Pontificis, si quæstionem quam vult definire non proponat examinandam Cardinalibus, Prælati & Doctoribus? Respondeatur, Deum qui vult finem, nempe Pontificem non errare, nunquam permissurum omissionem mediorum, nec consequenter Papam aliquid determinaturum inconsultis Prælati. Quòd si per impossibile hoc fieret; alij dicunt signum esse, quòd non intendat definire ex cathedra; alij quòd non posset in hoc errare, sed maximè peccaret.

## APPENDIX QUÆSTIONCVLARVM,

*Quæ adhuc ad Summum Pontificem spectant.*

**Q**uæstiones præcedentes satis prolixæ ea explicant sufficienter, quæ Summum Pontificem concernunt; nè tamen aliquid indictum remaneat, alias quasdam paucis verbis explicandas quasi transcurrendo subiungi per necessarium mihi visum fuit, ne styli nostri breuitas rebus cognoscendis officiat.

Quæres ergo primò, an ius habeat Summus Pontifex recipiendi & iudicandi appellationes totius Ecclesiæ. Sicut hoc iam asseuerauimus in transcurso, sic etiam & affirmamus. Sic Concilium Sardicense

M s quod

quod generale & semper in Ecclesia receptum fuit. Can. enim 4. quem alij vocant 3. hoc habetur expressè & Can. 7. qui canones hanc potestatem non conferunt Pontificibus, sed tantum asserunt esse in illis; sicut enim Christus dedit illis potestatem supremam in tota Ecclesia, sic etiam ab ipso Christo, & proinde à iure Diuino habent, quòd recipiant appellationes: Vnde Papa Anterus in Epist. ad Episcopos Boeticæ & Tolentanæ Prouinciæ scribit. *Facta subditorum iudicantur à nobis, nostra verò iudicat Deus*, Sic Gelasius Papa in Epistol. ad Episcopos Dardaniæ, *De qualibet mundi parte ad illam sedem canones appellari voluerunt, ab illa autem nemo est appellare permisus*. Hoc confirmant exempla, nam Marcion ab Episcopo suo excommunicatus in Ponto, venit Romam vt absolueretur, inquit Epiphanius Hæres. 42. sic an. 341. ex Baronio to. 3. Annal. Athanasius ab Orientalibus depositus venit ad Iulium primum vt restitueretur, quòd illicò factum est. Chrysostomus etiam An. 400. depositus à Theophilo Alexandrino ad Innocentium primum prouocauit. D. Gregorius denique priuat Ioannem Episcopum Græcum, quòd iudicaret Episcopum Thebanum, qui ad Apostolicam sedem prouocauerat. Quod si Patres aliqui, vt Cyprianus, appellationes reiiciant; hoc est, quando aliquis de crimine conuincitur; ideò enim recurritur ad prouocationem, vt declinetur iustitia.

Quæres 2. an Pontifex possit condere leges obligantes in conscientia. Vualdenses, Vuicleffus, Ioannes Hus & Lutherus hoc absolutè negant, & volunt Prælatos solùm exhortari posse ad obseruanda mandata Dei. Lutherus lib. de captiuitate Babylonica cap. de Baptismo ait, *Quo iure Papa super nos leges constituit? quis ei dedit potestatem captiuanda libertatis per baptismum nobis donata? cum neque Papa, neque Episcopus, neque ullus hominum habeat ius constituenda syllaba super Christianum hominem, nisi fiat eius consensu*. Vnde Lutherus Ann. 1520. totum corpus iuris Canonici publicè combussit. Vigorius cum suo Caluino auctoritatem condendi leges & canones Pontifici quidem tribuit, sed tantum in Synodo generali Episcoporum. Contra illos Respondeo, quòd licet Papa in Concilijs multas leges condiderit, tamen sine illis condere potest viros pios & doctos

doctos in consilium adhibendo. Non multum immorabimur in hac materia, cum eam soli hæretici contestentur. Ex Deuteron. 7. conclusio patet, *Qui superbiert; nolens obedire Sacerdotis imperio, qui eo tempore ministrat Domino, ex decreto iudicis morietur*; hoc à fortiori verum est de Summo Pontif. ex Matth. 16. *Quicumque ligaueris, &c.* ligare autem est legem imponere. Matth. 23. *Alligant onera importabilia*. Et ad Roman. 13. *Omnis anima potestatibus sublimioribus subdita sit; non est enim potestas, nisi à Deo: itaque qui potestati resistit, Dei ordinationi resistit; qui autem resistunt, ipsi sibi damnationem acquirunt*; Et postea, *Ideoque necessitate subditi estote, non solum propter iram, sed & propter conscientiam*. Paulus 1. Timoth. 3. statuit nè bigami ordinentur, & propterea Concilium Carthag. 4. Can. 69. priuat contradicentes iure ordinandi. 1. Corinth. 11. *Laudo vos quòd præcepta meatenetis*. Et ibidem, *Qui hac spernit, non hominem, sed Deum spernit*. Hoc confirmat Gratianus; *Alia, inquit, sunt decreta Pontificum, alia statuta Conciliorum; alia sunt Vniuersalia, alia sunt Prouincialia, &c.* Dist. 3. Ratio nostra petitur ex potestate, quam habent Reges condendi leges coactiuas pro subditis; licet enim omnes homines sciant se debere actiones suas conformare rectæ rationi, quia tamen ex spiritu componuntur & carne, caro concupiscit aduersus animam & allicit communiter ad actiones quæ deuiant à ratione; idè ut tollatur talis peruersitas, Principes leges condere solent; Sic licet Christiani habeant legem Euangelij, quia tamen est nimium vniuersalis, non sufficit ad dirigendas actiones nostras, nisi per determinationes Prælatorum; imò contrauenirent Euangelio communiter, nisi essent leges quæ obligant in conscientia: licet enim vulgò clamitent Hæretici, Christianum Baptismo liberum esse; hoc verum est de libertate à peccato, non à concupiscentia. Quod si Deuter. 12. Dicat Deus, *Quod præcipio tibi, hoc facito tantum; non addas quicquam, neque minuas*; hoc est non addas quicquam legibus meis contrarium: Deus enim alio loco dicit, *Qui vos audit, me audit*. Si reprehendat Deus Marci 7. Traditiones & mandata hominum; hoc est, quia irritum faciebant mandatum Dei propter traditiones suas. Adde quòd Traditiones



Pharizorum erant purè humanæ; licèt autem præcepta Papæ & Prælatorum non sint à Deo immediatè, sunt tamen ab illo mediatè, *Qui vos audit, me audit*; vnde sunt aliquo modo diuina. Dum Calvinus obijcit Paulum non permittere conscientias Fideiū subdi hominibus. 1. Cor. 7. *Prelio empti estis, nolite fieri serui hominū*; hoc est, nè seruiamus hominibus propter homines, sed propter Deum, vt explicat ad Ephes. 6. *Serui obedite dominis carnalibus, &c. Non vt hominibus placentes, sed vt facientes voluntatem Dei*.

**Quæres 3.** An Papa sit Antichrist. Eò dementiæ venerunt Hæretici, vt credant Papam esse Antichrist. quasi hoc ita verum sit, ac Deum esse Creatorem visibilium & inuisibilium; & proinde Antichr. qui in Scrip. homo peccati & filius perditionis nominatur, iam aduenisse prædicent. Sed in hac materia tanta est hæreticorum diuersitas, vt exinde faciliter illorum malitia sine vlla veritate esse cognoscatur: Si enim quæritur ab illis, quando venit Antichristus? Tempore Apostolorum, ex Iunio & Beza. Venit post annum Christi 600. tempore Phocæ Imperatoris ex Luthero. Venit An. Christ. 763. ex Bullingero. Venit an. 1200. post tempora D. Bernardi, ex Vuolfendo. Natus est tempore Apostolorum, cœpit regnare tempore Phocæ Imper. reuelatus est tempore Lutheri, & in fine mundi destruetur, ex Pouello. Conceptus est an. 400. formatus & nutritus in vtero matris circa an. 500. natus an. 600. circa tempora Phocæ Imp. ex alijs. Quærendo deinde ab illis, si Pontifex est Antichristus, qui eorum cœpit esse talis? Gregorius Magnus, homo pessimus, dicent Centuriatores. Non est ita, inquit Lutherus, Gregorius enim fuit vir sanctus & bonus. Si quærat 3. quis sit Antichristus propriè dictus, quem Apostolus vocat hominem peccati & filium perditionis; Non est homo singularis, inquit Centuriatores cum Pouello, sed regnum aliquod seu Princeps alicuius regni, qui regno Christi omninò aduersatur: imò est persona vnica & singularis, ait Iunius. Denique si quærat, quem caracterem imprimet subditis; Vactionem Chrismatis in fronte, ex Henrico Bullingero; non, sed professionem Rom. Fidei, inquit Bibliander.

**Quæres 4.** Quid nomine Antichristi propriè intelligatur. Sicut nomen Christi dupliciter sumitur, pro-

proprie scilicet, pro Verbo D. Incarnato, & analogicè pro illis, qui habent aliquam cum eo similitudinem, vt sunt Prophetæ, Prælati, Reges, &c. de quibus dicitur, *Nolite tangere Christos meos*; sic etiam nomen Antichristi sumitur proprie, pro quodam homine eximio Christi aduersario, qui nascetur in fine sæculorum, & quem D. Paulus 2. ad Thessal. 2. vocat *hominem peccati & Filium perditionis*. Analogicè verò sumitur pro omnibus, qui quodam modò Christum oppugnant 1. Ioann. 2. *Audistis, quia Antichristus venit, & nunc multi Antichristi sunt*. Hoc sensu Irenæus vocat Valentinianos & Marcionistas Antichristos; Hilarius, Arianos; Cyprianus, Nouatianos, Hieronymus in cap. 2. Prophetæ Nahum ait, *Tot sunt Antichristi quot dogmata falsa*. Hoc posito, licet Calvinus dicat, per Antichristum proprie sumptum non intelligi propriam personam, quia ex D. Paulo 2. Thessal. 2. iam suo tempore in mundo versari Antichristi; attamen Respondeo, Antichristum esse singularem personam Ioan. enim 5. cap. accipietur Antichristus à Iudæis pro Messia. Per Messiam autem intelligunt ipsi certum & singularem hominem. Paulus etiam 2. ad Thess. 1. *Nisi venerit discessio primum, & reuelatus fuerit homo peccati, filius perditionis, &c.* Et infra. *Et tunc reuelabitur illa iniquus, quem Dominus Iesus interficiet spiritu oris sui*. Daniel denique 7. 10. & 11. non vocat Antichristum regnum, sed regem vnum, qui ex decem regibus quos in mundo inueniet, tres omnino tolle è medio, & septem alios sibi subiiciet. Apocal. denique 1. & 17. prædicitur regnum Antichristi, esse duraturum tribus annis cum medio.

Quæres 5. Quid dicendum sit de generatione Antichristi, quod probabit ipsum non esse Papam. Rabanus sub nomine Augustini in fine Tomi 9. dicit, Antichristum nasciturum de Virgine opera diaboli, vt Christus opera Spiritus sancti, sed hoc est effectus solius omnipotentis, nisi admittatur opinio de incubis dæmonibus, quos tamen Medici dicunt non posse generare. Hypolitus Mart. Orat. de Cōsummat. mundi docet esse diabolum, qui de falsa Virgine falsam carnem assumet; sed 2. ad Thessal. 2. vocatur *homo peccati*. Aliqui crediderunt, esse diabolum

hu-

humanatum per Incarnationem; sed hoc non potest fieri naturaliter, ut probauimus Tractat. de Incarnat. Alij sentiunt esse Neronem resurrectum, vel reſeruatum alicubi, ad nouam perſecutionem fidelium; ſed hanc ſententiam, quæ eſt Sulpitij libr. 2. ſacræ Hiſtor. miram præſumptionem vocant alij. Damascenus docet, ipſum naſciturum de fornicaria muliere. Communiùs reſpondebitur, quidquid ſit de opinione tantum probabili Damasceni, Antichriſtum naſciturum eſſe de Tribu Dan, ex Irenæo, Ambroſ. Auguſtin. Proſpero, Theodoret, Gregor. Beda, Ruperto, Anſelmo, &c. Quod probatur ex hoc quòd Apocal. 7. ubi ſignantur duodecim millia ex omni Tribu filiorum Iſrael, non ſit mentio de Tribu Dan; quod ex odio Antichriſti ex ea naſciturum factum eſſe creditur. Antichriſtus autem venturus eſt præcipuè propter Iudæos, à quibus, ut Meſſias expectatur; Theſſal. 2. *Et quòd claritatem veritatis non receperunt, ut ſalui ſiant; ideo mittet illis Dominus ſpiritum erroris, ut credant mendacio*. Hoc intelligit Hieronymus de Antichriſto & Iudæis qu. 1. ad Algaſiam. Ex hoc patet, Antichriſtum fore Iudæum & Circumciſum; non recipere enim Iudæi pro Meſſia Incircumciſum. Ex quo iam patet, Papam Antichriſtum non eſſe, quòd mox prolixius ſumus probaturi.

Quæres 7. Quid dicendum ſit de Sede, Doctrina & miraculis Antichriſti. Ad primum Reſpondent hæretici, ſeſſurum in Cathedra Romani Pontificis, quia. 2. Theſſal. 2. dicitur ſeſſurus in templo Dei; & in vrbe Roma, quoniam Ioannes Apocal. 17. dicit ſedem Antichriſti fore urbem magnam, quæ ſedet ſuper ſeptem colles. Catholici autem reſpondent ſedem Antichriſti fore templum Salomonis & urbem Ieruſalem; Apocal. enim 17. Ioannes aſſerit Enoch & Heliam pugnaturus cum Antichriſto in Ieruſalem, & ibi occidendos ab Antichr. *Corporaque, inquit, eorum iacebunt in plateis ciuitatis magna ubi Dominus eorum crucifixus eſt*. Vnde Aretas in hunc locum ait, *Corpora eorum inſepulta proijciat in plateis Ieruſalem, in ea enim regnabit tanquam Rex Iudæorum*. Hieronymus etiam & Theodoretus ex Daniel. 11. colligunt Antichriſtum fixurum tentoria in regione Hieroſolymorum, & occidendum in monte Oliueti; & propterea Lactantius lib. 6, cap. 15, docet, eo tempore ſum.

summum regnum fore in Asia, & Occidentem serui-  
turum Orienti; pro tuncque, dicunt alij, restituetur  
templum Salomonis, dictum templum Dei, quia in  
gloriam Dei erectum est. Tandem cum Antichristus  
futurus sit Iudæus, probabile est, ipsum ibi regnatu-  
rum. Dum dicunt ergo Hæretici, per Ecclesiam intel-  
ligi Romam, ubi sedet Papa; per hoc conuincuntur,  
ipsum non esse in Ecclesia Dei, cum sint extra Eccle-  
siam Romanam. Cum dicitur, urbem illam se exten-  
dere super omnes montes: hoc est supra vniuersita-  
tem superbiorum.

Ad secundum Resp quod inter alia docebit, Iesum  
non fuisse verum Messiam, sed seductorem, & proin-  
de nostra Sacramenta esse purè fictitia, nec Circum-  
cisionem cessasse. Afferet deinde se esse verum  
Deum & Messiam tot sæculis expectatum à Iudæis.  
Postea affirmabit se esse Deum, & pro vero Deo coli  
volet; itavt in templo Dei sedeat, ostendens se tan-  
quam sit Deus. Denique, is non solum Deum dicet,  
sed & vnicum Deum; Daniel 11. *Et Deum Patrum  
suorum non reputabit, nec quemquam Deorum curabit,  
quia aduersus vniuersa consurget.* Quod si Daniel  
11. dicitur, quod colet Deum Maozim. Resp. ipsum  
fore magum, clamque adoraturum dæmonem, cuius  
ope mirabilia faciet; Maozim autem idem est ac for-  
tissimus.

Quantum ad miracula, Respondeo nullum esse fa-  
cturum, quia miracula ad solam Dei omnipotentiam  
spectant; sed mirabilia portentosa, 1. res insolitas fa-  
ciet, quæ apparebunt tanquam miracula. Matth. 24.  
*Dabunt signa & prodigia magna, ita ut in errorem indu-  
cantur si fieri posset, etiam electi;* ubi loquitur Euan-  
gel. de Antichristo & ministris eius. Inter mirabi-  
lia, tria faciet solemniora, nempe ignem de cœlo  
descendere, imaginem bestię loqui, & seipsum mori  
& resurgere, ex Apocal. 13. Quod autem hæc omnia  
non sint vera miracula testatur Paulus 2. Thessal. 2.  
*In omni virtute, signis, & prodigijs mendacibus.* Porro,  
Antichristus ex humillimo loco prodibit, Daniel  
11. & dolo regnum Iudæorum inuadet. Pugnabit  
deinde cum tribus regibus, Ægypti, Liybæ & Æ-  
thiopię, quorum regna occupabit, Daniel 11. Po-  
steà subiugabit septem alios reges qui supererunt,  
sicque totius mundi Monarcha euasurus est: vnde

Chry-

Chrysostomus in, cap. 2. Thessa'lon. asserit, Antichristum successurum Romanis, sicut Romani Græcis, Græci Persis, & Persæ Assyrijs. Tandem cum copiosissimo exercitu Christianos persequetur, & hoc est prælium Gog & Magog, multi enim per Gog intelligunt Antichristum, & per Magog exercitum eius. De hoc Ioannes loquitur Apoc. 20. Licet autem Antichristus cum suo exercitu sit Ecclesiam persequuturus, non tamen absolute deficiet fides, *Porta enim inferi non praevalent adversus eam*; quis enim crederet Antichristum reportaturum victoriam supra Christum; Diabolum vincere Deum; & Infernum subiugare Paradisum? & sic opinio Dominici à Soto non est sustinenda, illam tradit in 4. dist. 46. q. 1. ar. 1.

Quæres 7. an venerit Antichristus. Hæretici contendentes Papam esse Antichristum, ipsum proinde iam à longo tempore venisse clamitant; nos verò dicimus, Antichristum improprie sumptum pro Christi adversarijs advenisse quidem, non verò illum Antichristum de quo loquitur Paulus 2. ad Thessal. 2. & de quo mentio fit in Apocal. Probatur istud, quia Antichristus proprie sumptus non veniet, nisi post eversum Imperium Romanum; sed nondum eversum est; ergo. Maior probatur ex Patribus Græcis & Latinis, Cyrillus enim Catechesi 15. *Veniet prædictus Antichristus, cum impleta fuerint tempora Romani Imperij.* Chrysostomus enim in 2. 3. ad Thessal. *Quando è medio sublatum fuerit Imperium Romanum, tunc veniet Antichristus* \* *Quando autem desolabitur Imperium Romanum, dividetur in Reges decem, & tunc undecimus parvulus nasciturus est, qui illos subiugabit, in quo habiturus sit totus Sathanas corporaliter; qui erit homo peccati, filius perditionis, ita ut in templo Dei sedere audeat, faciens se quasi Deum.* Sic Hieronymus quæst. 11. ad Algaziam. Minor probatur etiam, quia licet fuerit facta declinatio Imperij Roman. 1. quando Roma capta est à Gothis: 2. quando Imperiū defecit in Occidente: 3. quando restaurato in Occidente per Carolum Magnum, destructum est in Oriente per Turcas; attamen nunquam facta fuit subversio integra Imperij, nec amissum est nomen

aur.



aut dignitas Imperatoris Romanorum : ergo nondum venit Antichristus . Adde quòd , nondum venerunt Helias , & Enoch qui venturi sunt tempore Antichristi ; & sic nondum venit . Quòd si textus aliquis Scripturæ asserat venisse Antichristum , vt 1. Ioan. 2. *Filioli , nouissima hora est , quia Antichristus venit* , ibi fit mentio de Antichristo communiter sumpto , pro illo genere virorum qui sunt contra Christum , vnde additur , *& sunt Antichristi multi* .

Quæres octauò , an Papa sit Antichristus . Tam proposuimus illam quæstionem , & in transcurso eorum quæ diximus de Antichristo , illam aliquo modo soluimus , vt pote dicendo , Antichristum non venturum nisi post euersionem Romani Imperij , Antichristum occisurum duos illos Prophetas , de quibus antea , denique ipsum tantum regnaturum per tres annos cum dimidio , ex Daniel. 7. *Sermones contra excelsum loquetur , & Sanctos Altissimi conteret , & tradentur in manu eius usque ad tempus , & tempora , & dimidium temporis* ; Vbi per tempus intelligitur vnus annus , per tempora duo anni , & per dimidium temporis semianus , ex veteribus Patribus , quorum opinio confirmatur ex Apocal. 11. vbi Ioannes dicit , Antichristum regnaturum mensibus 42. & deinde , asserit illos Prophetas , qui regnanti Antichristo se opponent , prædicaturos diebus 1260. qui numeri faciunt tres annos cum dimidio . Licet , inquam , ex triplici illa conditione pateat , Summum Pontificem non esse Antichristum , hoc fortius probandum est , ostendendo decem notas Antichristi , quas dicunt Hæretici reperiri in Papa , nullo modo illi conuenire ; vnde

Quæres nonò , vtrum notæ quas attribuit Scriptura Antichristo , reperiantur in Papa , vt volunt Hæretici , dicentes , has decem notas illi rectè adaptari , nempe 1. Deficere à fide , 2. Thessal. 2. 2. Sedere in templo Dei , ibidem . 3. Se ostendere vt Deum , ibidem . 4. Extollere se supra omnem Deum . 5. Negare Christum 1. Ioan. 22. 6. Idola colere , Daniel. 11. 7. Facere prodigia & miracula falsa . 8. Imprimere subditis Characterem , Apocal. 13. 9. Blasphemum esse . Daniel 7. 10. Sanctos Dei persequi , vt Hussium , Lutherum , Calvinum . Ad hæc omnia respondendum est

&

& ostendendum nullo modo conuenire Papæ .  
Igitur

Dico primò, Papam non defecisse à fide ; Hæretici enim qui hoc prætendunt , non possunt dicere , quando defecit , nec in quo defecit , nec an remanserit Ecclesia visibilis in illa defectione ; si enim remansit , ex quibus componebatur , & vbinam fuit ? si non remansit , Christus fuit sine sponsa . Ad primam quæstionem , alij dicunt se ignorare tempus ; alij definiunt aliquod tempus ; alij aliud ; alij denique dicunt non maximè curandum esse de tempore , cùm constet de veritate rei . Ad secundam , primi dicunt , Papam defecisse à Fide , asserendo nullum esse Deum , nullum Christum , nullamque Resurrectionem , aut vitam æternam . Secundi asserunt , defecisse astruendo Purgatorium , inuocationem Sanctorum , & Indulgentias . Tertij tenent illum defecisse in Libero Arbitrio , iustificatione , Eucharistia & Traditionibus . Nonne talis diuersitas de falsitate arguit ?

Dico secundò , Antichristum sessurum esse in templo Dei , ex 2. ad Thessal. 2. sed non in templo Romano , vt hæretici volunt , & probauimus in Quæstiuncula 6. imò in Templo Ierusalem , vt notant antiqui Patres ; Damascenus lib. 4. cap. 24. *In Templo , non nostro , sed veteri Iudaico* . Et Cyrillus Cath. 15. *In Templo quod reliquum est Iudaorum ; absit enim , vt in hoc id fiat , in quo nos sumus .*

Dico tertio , quòd reuerà Antichristus se tanquam Deum ostendet 2. Thessal. 2. sed hoc non facit Papa , qui nec sibi nomen Dei vindicat , neque honorem , neque potestatem eius . Non vindicat sibi nomen Dei , quia non se vocat Deum , sed seruus seruorum Dei nuncupatur . Non sibi assumit honorem Dei , sed se illius tantum Vicarium proclamat . Non denique sibi arrogat potentiam Dei , quia indiget milite vt conseruetur , & medico vt sanetur , quæ duo , sicut alia , redolent infirmitatem .

Dico 4. quòd reuerà Antichristus extolletur supra omne quod dicitur Deus , aut quod creditur . 2. Thessal. 2. Sed hoc nullo modo conuenit Papæ , qui se vocat seruum seruorum Dei , & sic cùm se subijciat in famulatum seruorum Dei , tantum abest vt se extollat supra omne , quod dicitur Deus .

Dico

Dico 5. quòd licet ex 1. Ioan. 2. Antichristus debeat negare Christum , *Quis est mendax, nisi is qui negat ; quoniam Iesus est Christus ? hic est Antichristus .* Sed quis audebit asserere Papam, qui est Christi Vicarius, negare Christum, neque dicto, neque facto corrumpendo doctrinam eius, cum sit ipse qui confirmat subditos suos in Christi Confessione . *Et tu aliquando conuersus confirma fratres tuos ;* & qui doctrinam Christi commendat .

Dico 6. vnā ex notis Antichristi esse cultum idolorum . Daniel 11. *Deum autem Maozim in suo loco venerabitur ; & Deum quem ignorauerunt patres eius , colat auro & argento .* Sed nonne mendacissimus est, qui hoc Papæ imputat ; qui è contra mittit quotidie prædicatores in partes infidelium , vt simulachra idolorum destruat ? Nec dicatur adorare panem, & imagines ; quia non panem sed Christum sub specie panis adorat ; nec colit absolutè imagines ; sed tantum respectiue, honorando id quod per illas representatur .

Dico 7. ex Matth. 7. Antichrist. & eius ministri *dabunt signa magna & prodigia ; ita vt in errorem inducantur, si fieri potest , electi .* Quod falsissimum est de Papa ; nam Antichristus Apoc. 13. faciet descendere ignem de coelo, quod nusquam facere attentauit Papa ; sicut nec facere loqui bestiam, vt faciet Antichristus Apoc. 13. Licet autem Papæ non faciant falsa miracula, hoc tamen non impedit quin Deus multis eorum gratiam miraculorum dederit, sicut regibus nostris potestatem curandi Strumas . Primum negabunt hæretici , sed secundum ob euidentiam suam fateri cogentur .

Dico 8. ex Apocal. 13. Imprimet Antichristus suis subditis Characterem in manu, vel in fronte, quod facit Papa, inquit hæretici ; qui quidem Character iuxta illos est Vnctio Chrismatis in Confirmatione vel professio Fidei Romanæ, aut Fidelitas promissa Summo Pontifici. Sed quòd hæc omnia non sint Character Antichristi, patet, quia hæretici volunt Gregorium Magnum fuisse primum Antichristum, aut vnū ex successoribus eius, hæc omnia autem vsitata fuerunt ante ipsum Gregorium, vt constat : ergo non sunt Character Antichristi, aliàs Character Antichristi fuisset ante ipsum Antichristum .

Dico

Dico 9. Antichristum fore Blasphemum , Daniel 6. & 11. & Apocal. 13. Dicunt pariter Papam blasphemum esse , 1. quia Deum pingit in forma humana . Sed Daniel fuitne blasphemus , dum dicit se Deum vidisse in tali forma ? si viderit , quare non licet pingere ? 2. quia fingit Christum esse Legislatorem , sed nunquid blasphemus Isaias dicens , *Domini- nus legifer noster ipse saluabit nos* ? 3. quia dum asserit merita & satisfactiones Sanctorum , facit Christum non perfectum Redemptorem ; sed cur Apostolus non dicitur blasphemus , dum 1. Corinth. 3. dicit , *Vnusquisque propriam mercedem accipiet iuxta laborem suum* ?

Dico ultimò , quòd Antichristus persequetur Sanctos , Daniel. 7. & Apocal. 11. Id facit Papa , aiunt aduersarij , dum persequitur Vvaldenses , Albigeneses , Hussitas , Calvinistas , Lutheranos . Sed proh Deus ! quales sancti illi omnes , quorum vita improbissima , mors deplorabilis , & actiones conspirarunt in solam destructionem & corruptionem Christi sponsæ ! Ex his omnibus liquet , mendacissimos & insolentissimos esse hæreticos , dum pro sua malitia Papā Antichristum faciunt , vbi nulla notarum , quas Antichristo attribuit Scriptura , Papæ conueniat . Ex quo videre est , qua fronte potuerit dicere Pouellus Calvinista , *Deum testor , me tam certò scire , Pontificem Romanum esse magnum illum Antichristum , quàm Deum ipsum esse in celo , esse creatorem visibilium & inuisibilium , & Iesum Christum esse verum Messiam* .

Quæres decimò , quid dicendum sit de electione Ministrorum Ecclesiæ , & præsertim maiorum , quales sunt Episcopi . Dico primò , quòd nullus eligendi modus sit iuris diuini ; nullum enim præscribit Scriptura , nec habetur per Traditionem diuinam , quod enim dicitur Act. 14. *Cùm constituissem Paulus & Barnabas per singulas Ecclesias Presbyteros* : & Act. 13. *Tunc ieiunantes & orantes imposuerunt illis manus* : & 1. ad Thimoth. 4. *Noli negligere gratiam , qua tibi data est per impositionem manuum Presbyterij* , non sonat præceptum diuinum de eligendis ministris Ecclesiæ per Clericos maiores , sed tantum quid factum sit describitur . Cùm verò dicitur , electionem Ministrorum Ecclesiæ per Clericos esse de tra-  
di-

ditione Apostolica, quæ est paris momenti ac sacra Scriptura ex Sess. 4. Concilij Tridentini; Respondendum est; duplicem esse Traditionem Apostolicam, aliam diuinam, quàm à Christo acceptam tradiderunt Apostoli, de qua Paulus, *Ego enim accepi à Domino, quod & tradidi vobis*: aliam purè Apostolicam, quam Apostoli vt Pastores Ecclesiæ constituerunt autoritate propria, vt institutio Quadragesimæ & Quatuor Temporum, & aliæ quas denotat Paulus 1. Cor. 7. *Præcipio ego, & non Dominus*: Et postea, *Dico ego, non Dominus*. Primæ sunt Iuris D. non secundæ. Institutio ergo Episcoporum per Clericorum electionem est tantum de Traditione Apostolica secundo modo sumpta; & sic potuit illam immutare Summus Pontifex, & ideò aliquando soli Clerici eligebant, aliquando in electione vox populi est admissa, & nunc in Gallia Papa contulit Regis ius nominandi Episcopos, & Abbates, & solum retinuit ius conferendi minora Beneficia, & hoc à tempore Concordatorum Leonis X. & Francisci I.

Dico secundo, populum nec habere, nec habuisse nunquam vllum ius ad eligendos Ministros Ecclesiæ; quia talium Ministrorum potestas est merè spiritualis, populus verò nullam habet potestatem, nisi humanam & ciuilem: ergo, cum non possit dare id quod non habet, non potest eligere Ecclesiæ Ministrum. Deinde illa electio requirit maximam scientiam & prudentiam in eligente, vt cognoscatur capacitas eligendi: populus autem omninò ignarus est, demens, & præcipitis iudicij: ergo, &c. Quod si aliàs admissus fuerit ad hoc populus. Resp. 1. admissum fuisse ex Cypriano lib. 1. Epist. 4. vt plebs præsentem, vel detegerentur malorum crimina, vel bonorum merita prædicarentur; vnde Concilium Carthaginense Can. 22. ad electionem duo requirit; Episcoporum examen, & Populi testimonium. Resp. 2. quod aliquando expectabatur etiam consensus Populi, solius politicæ causa, vt Populi Episcopum, in cuius electionem consensissent, ardentius diligerent, & promptius ei obedirent. Ille tamen consensus populi non fuit absolutè necessarius, Episcopus enim, *reluctante plebe, Ordinatus honorem Episcopalem retinere iubetur*,

Dico 3. Quod si Imperatores & Reges aliquando  
ius



ius eligendi Episcopos habuerint , vt nunc etiam habent in Gallia; illud non habuerunt vi Reg æ & Imperatoris authoritatis , sed ex indulto Summi Pontificis , aut Ecclesiæ , quæ v g. in gratiam beneficiorum à Carolo Magno acceptorum , statuit nè vl'us in Pontificem eligeretur , nisi de eius consensu . Idem priuilegium contulit Leo VIII. Othoni primo Can. in Synodo dist. 63. & etiam concessum fuit Græcis Imperatoribus longè ante Carolum Magnum , vt dist. 23. habetur cap. *Agatho.* & regibus Hispaniæ , ibidem cap. *Non longe.* A hoc semper factum est de consensu Ecclesiæ , quia illorum authoritas requirebatur ad canonicam electionem Pontificum : Sicque Leo X dedit Galliæ Regibus ius nominandi ad maiora Beneficia ; quod tamen reuocari non potest , quia non est gratuitum , sed per modum transactionis ; unde vocatur concordatum .

Dico 4. quantum ad electionem Summorum Pontificum , non decet vt sibi inuicem succedant per carnalem generationem , vt in Testamento Veteri ; cum enim nostrum Sacerdotium sit longè perfectius , & purè spirituale , iustum est vt Pontificum propagatio fiat per electionem , quæ spiritualis est ; aliàs pueri , ignari , dementes , & incapaces sæpius tenerent Petri Cathedram . Non est etiam committenda fortibus electio Pontificis , hoc enim prohibitum est ab Ecclesia , extra , *De sortilegijs* , cap. *in Ecclesia* , & in hoc tentaretur Deus . Non expedit denique , vt prædecessor eligat successorem ; posset enim quilibet eligere Nepotem & Consanguineum ; atque ideo dici posset , *Hereditate possideamus Sanctuarium Dei* . Quod si Petrus nominauerit Clementem , hoc non urget ; agebat enim , vt plurimum , inspiratione D. & hoc non considerauit Ecclesia , quæ elegit Linum & Clerum ante Clementem ; & Armacanus dicit Petrum non elegisse Clementem , sed tantum dixisse Christianis quid de eo sentiret . Porro , licet Pontifex , non possit eligere sibi successorem , potest tamen condere formam illum eligendi ; sic Alexander III. Can. *licet* , extra *de electione* decreuit in Concil. Lateranensi. vt Papa per solos Cardinales eligeretur , duplici parte illorum suffragante in electionem ; non quòd per hoc Cardinales habeant potestatem in electum , sed tantum in electionem : Licet enim Cardinales

nales designent Papam, non tamen illi auctoritatem conferunt, sed solus Christus, ut patet hoc exemplo. Si ex mandato Regis vni pauperi inter plures per procuratorem electo concederetur summa pecuniarum, iste pauper haberet quidem electionem à Procuratore, sed pecuniam à Rege.

## AD DISPUTATIONEM TERTIAM

### *De Concilijs prælibatio.*

**O**Rdo naturalis postulauit, ut in hoc tractatu quæ est de Ecclesia, loqueremur primò de illa in se considerata: secundò, de ipsius supremo capite, quæ est Summus Pontifex: tertio denique de Concilijs, quæ sunt congregationes quædam à Summo Pontifice conuocatæ, cum aliquid determinandum est, spectans ad fidem, vel ad mores, vel ad aliam necessitatem Ecclesiæ. Cum ergo hætenus duas primas Disputationes attigerimus, aggredi debemus & tertiam: sed aliquid antea prælibandum de Verbo Dei; non quidem, de Verbo Personali, quod mirabiliter unitum est nostræ naturæ, ut pretium nostræ redemptionis offerret Patri per mortem, & nos docuit media, quibus vitam æternam consequi valeremus; sed de Verbo accidentali nobis concesso ad instructionem Fidelium. Verbum illud triplex est; Scriptum scilicet, quod consistit in Scriptura, non Scriptum, quod est Traditio; & Definitum seu explicatum per Ecclesiam, siue extra Concilia, nimirum à Summo Pontifice, siue in Concilijs, ut cum maiori facilitate acquiescant hæretici & fideles determinationi factæ ab vniuersali Præsulorum Ecclesiæ consensu. Antequàm igitur de Verbo Dei explicato per Concilia, seu de Concilijs agamus, quædam nobis dicenda sunt de Verbo Dei scripto & non scripto, seu de Scriptura & Traditionibus.

### *De Verbo Dei scripto, seu de Scriptura.*

**S**criptura, quæ nihil est aliud, quàm Verbum Dei litteris consignatum per scriptores ab Ecclesia approbatos, diuiditur in Vetus & Nouum Testamentum. Vetus Testamentum est collectio libro-  
rum

rum, quæ promittunt Messiam, & præcepta legis antiquæ continent; vbi Nouum est collectio librorum qui præsentem exhibent Christum, & tradunt præcepta legis nouæ; Virumque vocatur iure Testamentum; quia sicut Testamentum est codex, quo declaratur vltima voluntas hominis, sic in libris sacris continetur voluntas Dei, & lex quam vult Deus seruari ab hominibus, vt possideant hæreditatem æternam. Librorum veteris Testamenti, alij sunt legales, vt Genesis, Exodi, Leuitici, Numerorum, & Deuteronomij, qui sunt quinque libri Moysis. Alij sunt Historiales; vt Iosue, Iudicum, Ruth, Regum quatuor, Paralipomenon duo, Esdræ tres, cum quarto qui inter apocrypha scribitur; Tobias, Iudith, Esther, Iob, Machabæorum duo, & Psalmorum qui sunt diuersi generis. Alij sunt Sapientiales, vt Prouerbia, Ecclesiastes, Canticum Canticorum, Sapientia, Ecclesiasticus. Alij denique libri sunt Prophetales, quatuor scilicet Maiorum Prophetarum, qui sunt Isaias, Ieremias, Ezechiel, & Daniel; & duodecim Minorum, qui sunt Oseas, Ioel, Amos, Michæas, Abdias, Ionas, Nahum, Abacuc, Sophonias, Aggæus, Zacharias & Malachias. Et sic in Veteri Testam. sunt quadraginta duo libri. Ad libros autem Noui Testamenti, spectant quatuor Euangelia, nimirum Matthæi cum viginti octo capitibus, Marci cum sexdecim, Lucæ cum viginti quatuor, & Ioannis cum viginti vno; Acta Apostolorum; quatuordecim Epistolæ D. Pauli, vna D. Iacobi, duæ D. Petri, tres D. Ioannis, vna Iudæ, & denique Apocalypsis. Euangelia Noui Testam. correspondent libris Legalibus Moysis, Acta Apostolorum Historialibus, Epistolæ Pauli & aliorum, Sapientialibus, & Apocalypsis Prophetalibus. Porro omnes illi libri Canonici sunt, quia sunt scripti ex speciali instinctu Spiritus S. vt testatur Ecclesia, quæ continua successione ab initio natiuitatis suæ vsque ad tempora nostra pro canonicis semper habuit hos libros.

Libri isti dicuntur Canonici, quia relati sunt in Canone, seu in Catalogo Librorum sacrorum à Deo inspiratorum Scriptoribus. Hic Canon habetur in Conc. Trident. Sess. 4. Patres huius Concilij illum acceperunt ab Eugenio Papa in Concil. Florent. ex

Bar-

Bartholomæo Carranza in Summa Conciliorum ; Eugenius illum accepit à Gelasio Papa in Concil. Romano, Gelasius ab August. lib. 2. de doctrina Christ. cap. 8. Augustinus à Concil. Carthaginensi 3. quod alij quintum aut sextum vocant, & Patres huius Concilij ab Innocentio primo Epist. 3. ad Exuperium cap. 7. Innocentius autem vixit Ann. 401. Vnde per continuam traditionem à primitiua Ecclesia ad nos usque peruenit ille canon, Quod si Calvinistæ expugnant Tobiam, Iudith, Sapientiam, Ecclesiasticum & Machabæos, & præter hos libros reiiciunt Epistolam ad Hebræos, B. Iacobi, B. Iudæ, & Apocalypsim ; nil mirum est, quia imitantur in hoc Manichæos, de quibus August. lib. de bono Perseuerantiæ scripsit, *Scripturas sic accipiunt, ut suo quodam privilegio, imò sacrilegio, quod volunt, sumant ; quod nolunt, reiiciant* ; Quod si Tobias, Iudith, Sapientia, Ecclesiasticus, & Machab. non fuerint in Canone Iudæorum ; hoc non necessarium est, quod soli libri habeantur Canonici apud Christianos, qui tales erant apud Iudæos, *Ecclesia enim, non Iudæi, pro canonicis habet illos*, ex August. lib. 18. de Ciuit. Dei cap. 36. Sic & Isidorus in proœmio de libris Veteris & Noui Testamenti, Si Denique aliqui Patres, qui scripserunt ante Innocen. IV. & August. excluderint hos libros à Canone ; hoc est, quia licet extarent multi codices, in quibus hi omnes libri pro canonicis habebantur, attamen ille numerus, quem tenet Ecclesia, nondum ab ea determinatè definitus fuerat ; sed primus qui illum determinauit, fuit Innocentius, cuius definitionem secutus est Augustinus cum alijs Episcopis Africæ in Concil. Carthag. Exuperius cum Episcopis Galliæ, Gelasius in Concil. Rom. totus denique orbis, exceptis Luthero & Caluino. Porro, quoad Machabæos, nil mirum, si non reperiantur in Can. Iudæorum ; quia cum consignatus fuerit ab Esdra, vel eius tempore, nondum erant scripti libri Machabæorum.

Quantum ad versionem Scripturæ quæ est multiplex, nempe Hebraica, Chaldaica, Syriaca, Græca, & Vulgata, quam Italiam vocat Augustinus ; hanc ultimam esse retinendam cum suis partibus, decreuit Concilium Tridentinum ; quia scilicet textus originales puri non remanserunt, sed corrupti sunt, partim

rum, quæ promittunt Messiam, & præcepta legis antiquæ continent; vbi Nouum est collectio librorum qui præsentem exhibent Christum, & tradunt præcepta legis nouæ; Virumque vocatur iure Testamentum; quia sicut Testamentum est codex, quo declaratur vltima voluntas hominis, sic in libris sacris continetur voluntas Dei, & lex quam vult Deus seruari ab hominibus, vt possideant hæreditatem æternam. Librorum veteris Testamenti, alij sunt legales, vt Genesis, Exodi, Leuitici, Numerorum, & Deuteronomij, qui sunt quinque libri Moyſis. Alij sunt Historiales; vt Iosue, Iudicum, Ruth, Regum quatuor, Paralipomenon duo, Esdræ tres, cum quarto qui inter apocrypha scribitur, Tobias, Iudith, Esther, Iob, Machabæorum duo, & Psalmorum qui sunt diuersi generis. Alij sunt Sapientiales, vt Prouerbia, Ecclesiastes, Canticum Canticorum, Sapientia, Ecclesiasticus. Alij denique libri sunt Prophetales, quatuor scilicet Maiorum Prophetarum, qui sunt Isaïas, Ieremias, Ezechiel, & Daniel; & duodecim Minorum, qui sunt Oſeas, Ioel, Amos, Michæas, Abdias, Ionas, Nahum, Abacuc, Sophonias, Aggæus, Zacharias & Malachias. Et sic in Veteri Testam. sunt quadraginta duo libri. Ad libros autem Noui Testamenti, spectant quatuor Euangelia, nimirum Matthæi cum viginti octo capitibus, Marci cum sexdecim, Lucæ cum viginti quatuor, & Ioannis cum viginti vno; Acta Apostolorum; quatuordecim Epistolæ D. Pauli, vna D. Iacobi, duæ D. Petri, tres D. Ioannis, vna Iudæ, & denique Apocalypſis. Euangelia Noui Testam. correspondent libris Legalibus Moyſis, Acta Apostolorum Historialibus, Epistolæ Pauli & aliorum, Sapientialibus, & Apocalypſis Prophetalibus. Porro omnes illi libri Canonici sunt, quia sunt scripti ex speciali instinctu Spiritus S. vt testatur Ecclesia, quæ continua successione ab initio natiuitatis suæ vsque ad tempora nostra pro canonicis semper habuit hos libros.

Libri isti dicuntur Canonici, quia relati sunt in Canone, seu in Catalogo Librorum sacrorum à Deo inspiratorum Scriptoribus. Hic Canon habetur in Conc. Trident. Sess. 4. Patres huius Concilij illum acceperunt ab Eugenio Papa in Concil. Florent. ex

Bar-



Bartholomæo Carranza in Summa Conciliorum ; Eugenius illum accepit à Gelasio Papa in Concil. Romano, Gelasius ab August. lib. 2. de doctrina Christ. cap. 8. Augustinus à Concil. Carthaginensi 3. quod alij quintum aut sextum vocant, & Patres huius Concilij ab Innocentio primo Epist. 3. ad Exuperium cap. 7. Innocentius autem vixit Ann. 401. Vnde per continuam traditionem à primitiua Ecclesia ad nos usque peruenit ille canon, Quòd si Calvinistæ expugnant Tobiam, Iudith, Sapientiam, Ecclesiasticum & Machabæos, & præter hos libros reiiciunt Epistolam ad Hebræos, B. Iacobi, B. Iudæ, & Apocalypsim ; nil mirum est, quia imitantur in hoc Manichæos, de quibus August. lib. de bono Perseuerantiæ scripsit, *Scripturas sic accipiunt, ut suo quodam privilegio, imò sacrilegio, quod volunt, sumant ; quod nolunt, reiiciant* ; Quòd si Tobias, Iudith, Sapientia, Ecclesiasticus, & Machab. non fuerint in Canone Iudæorum ; hoc non necessarium est, quòd soli libri habeantur Canonici apud Christianos, qui tales erant apud Iudæos, *Ecclesia enim, non Iudæi, pro canonicis habet illos*, ex August. lib. 18. de Ciuit. Dei cap. 36. Sic & Isidorus in procemio de libris Veteris & Noui Testamenti. Si Denique aliqui Patres, qui scripserunt ante Innocen. IV. & August. excluderint hos libros à Canone ; hoc est, quia licet extarent multi codices, in quibus hi omnes libri pro canonicis habebantur, attamen ille numerus, quem tenet Ecclesia, nondum ab ea determinatè definitus fuerat ; sed primus qui illum determinauit, fuit Innocentius, cuius definitionem secutus est Augustinus cum alijs Episcopis Africæ in Concil. Carthag. Exuperius cum Episcopis Galliæ, Gelasius in Concil. Rom. totus denique orbis, exceptis Luthero & Caluino. Porro, quoad Machabæos, nil mirum, si non reperiantur in Can. Iudæorum ; quia cum consignatus fuerit ab Esdra, vel eius tempore, nondum erant scripti libri Machabæorum.

Quantum ad versionem Scripturæ quæ est multiplex, nempe Hebraica, Chaldaica, Syriaca, Græca, & Vulgata, quam Italiam vocat Augustinus ; hanc ultimam esse retinendam cum suis partibus, decreuit Concilium Tridentinum ; quia scilicet textus originales puri non remanserunt, sed corrupti sunt, partim

per malitiam Iudæorum & Hæreticorum, partim per errores aliorum: Vulgata autem ex his textibus nondum corruptis, & deprauatis deprompta fuit, & sic remansit purior. Quantum ad sensum Scripturæ, duplex est, nempe litteralis seu Historicus, & Moralis seu Mysticus: Litteralis est ille qui immediatè significatur per verba, vt cùm dicit Paulus, 1. Corinth. 10. *Patres nostri sub nube fuerunt, & omnes mare transierunt, & omnes eandem escam spirituales manducauerunt, & omnes eundem spirituales potum biberunt*: hæc verba litteraliter explicata significant id, quod immediatè denotatur per verba, nempe filios Israel transisse mare rubrum, ambulasse sub nube, comedisse Manna in deserto, & bibisse aquam de Petra. Sensus Moralis seu Mysticus ille est, qui non significatur immediatè per verba, sed per res significatas verbis, vt in textu allegato, vbi per exitum Israelitarum ex captiuitate significatur exitus à seruitute peccati per Christum; per mare rubrum baptismus; per manna corpus Christi, & per aquam sanguis eius.

Sensus Mysticus seu moralis triplex est, nempe Allegoricus, Anagogicus & Tropologicus; quorum Allegoricus respondet Fidei, Anagogicus Spei, & Tropologicus seu Moralis, Charitati, iuxta hos duos versus:

*Littera gesta docet, quid credas Allegoria,*

*Moralis quid agas, quo tendas Anagogia.*

Hoc est, sensus Allegoricus est quando verba præter sensum litteralem, quem habent, significant aliquid quod spectat ad Fidem; vt quando dicitur Abraham habuisse duos filios, vnum de ancilla, alium de libera; hæc verba præter ea quæ significant litteraliter, significant Allegoricè Deum, qui habet duos populos, Iudaicum ex ancilla, quia remansit sub captiuitate peccati; & Christianum ex libera, quia fuit sub libertate legis gratiæ. Sensus Moralis est cùm verba Scripturæ, præter sensum litteralem, significant aliquid quod pertinet ad Charitatem, vt cùm dicitur Deuter. 25. *Non alligabis os boui trituranti*, hoc interpretatur moraliter de sustentatione Prædicatorum. Sensus denique Anagogicus, est quando præter sensum Litteralem, significatur aliquid concernens gloriam Dei, Ps. 94. *Quibus iuravi in ira mea, si insurrexerint*

*bunt in requiem meam*. Litteraliter hoc intelligitur de terra promissionis, & Anagogicè de vita æterna. Porro vnus & idem Scripturæ textus multiplicem habet sensum; omnia enim v.g. dicta & facta à Christo sunt intelligenda litteraliter, sed præ se ferunt sensum spirituales; ita quòd, si cæcos illuminet, claudos erigat, &c. hoc denotet spiritualiter mirabiles operationes, quas circa peccatores habet.

Nouum Testamentum, quòd sic denominatur, quia novos affectus novosque ardores circa Deum excitat, pro nobiliori parte habet quatuor Euangelia, qui vitam Christi continent, & sunt veluti quadrigæ quibus Filius Dei Incarnatus per orbem vestrus subegit populos. Illi quatuor Euangelistæ inter se concordant, ita quòd ab vno non negetur quod affirmatur ab alio, vt probat August. libris de consensu Euangelist. licèt aliquid dicatur ab vno breuius, ab alio prolixius, vel diuerso ordine, vel ab vno omittatur quod alius scribit, Factum est ex suggestu Spiritus S. quòd plures sint Euangelij scriptores, vt magis confirmaretur eius veritas. Matthæus, qui Hebraicè scripsit, exorditur ab humanitate Christi, cuius generationem nariat; ideo repræsentatur sub forma Hominis: Marcus, quasi abbreviator Matthæi, incipit à prædicatione Ioannis, quem vt Leonem rugientem ac peccatores voce sua terrentem exhibet; vnde insignitur figura Leonis: Lucas initium sumpsit à sacrificio Zachariæ Sacerdotis, vnde figuratur Boue, quod est animal sacrificio destinatum: Ioannes denique super alios se efferens, à diuinitate Christi incipit, & ob hoc per Aquilam designatur, Quantum ad librum Actuum Apostolorum, author ipsius est Lucas, qui in illo describit gesta Apostolorum in infantia Ecclesiæ & promulgatione Euangelij.

*De Verbo Dei scripto, seu de Traditionibus.*

**S**acra Scriptura pro sua altitudine multis & diuersis sensibus accipitur, vnde aliter illam interpretatur Arius, aliter Nestorius, aliter Eunomius, Photinus, Eutyches, Donatus, Macedonius, Pelagius, & alij hæretici, idèò multum necesse est, propter tot & tantos errorum anfractus, Apostolicum & Ecclesiasticum sensum exquirere, qui haberi potest

partim in Traditionibus, quæ in Patrum scriptis continentur; partim verò in definitionibus Ecclesiæ, à Papa, vel à Concilio generali procedentibus: Vnde, postquam diximus aliquid de Scriptura, de Traditionibus aliqua addenda sunt, ut postea ex professo agamus de Concilijs.

Traditio in se est doctrina viua voce accepta, continua successione ab authoribus in posteros deriuata, firmata consuetudine, licet in libris canonicis non reperta, sed consignata in sanctorum Patrum codicibus. De Patribus August. loquitur lib.2. contra Iulianum, *Quod inuenerunt in Ecclesia, tenuerunt; quod didicerunt, docuerunt; quod à Patribus acceperunt, hoc filijs tradiderunt, &c. Talibus post Apostolos Plantatoribus, Rigatoribus, & Pastoribus creuit Ecclesia* Traditionum alia Veteris Testamenti, alia Noui, Veteris Testamenti alia Mosaicæ & ad salutem necessariæ: Alia Pharisaicæ, quas Christus arguit; non quod omnes essent malæ, sed aliquæ erant bonæ, & aliquæ indifferentes; sed ideo illas Christus reprehendit, quia ex illarum obseruatione intumescabant, affectabant opinionem sanctitatis, & eas obseruando, quæ non erant necessariæ, præcepta legis negligebant. Traditiones Mosaicæ erant v.g. quod omnes & singuli libri, qui in Canone Iudæorum consignabantur, erant Canonici; quod femellæ habebant remedium contra Peccatum Originale qualecumque fuerit; quod cruenta eorum Sacrificia significauerint mortem Christi. Saltem Doctores & Legis Periti, qui tenebantur alios docere, hoc scire debebant. Traditiones Phariseorum erant; quod ante sumptionem cibi lauandæ essent manus, & multoties in refectione repetenda hæc lotio Matth. 23. *Quod venientes de foro loci esse debeant ante sumptionem tibi*, Marc. 7. *Quod cum peccantibus non esset sumendus cibus*, Matth. 9. *Quod non permitterent ab illis tangi*, Luc. 7. *Quod rerum minutissimarum decime essent offerendæ*, Matth. 23. &c.

Traditiones Noui Testamenti, alia sunt diuinæ, quæ doctrinam exhibent ab ipso ore Christi manantem, nec in Scriptura, nec in Apostolis expressam, vt doctrina spectans ad Materiam & Formam Sacramentorum: Alia sunt Apostolicæ, quæ ex instinctu Spiritus sancti traditæ sunt & institutæ ab Apostolis voce tantum, vt ieiunium Quadragesimæ, & 4. Temp. vt scri-

scribit D. Leo Serm. de Quadragesima: *Alia sunt Ecclesiastica, quæ sunt consuetudines quædam introductæ à Concilijs vel Patribus, aut viris sanctis, quæ paulatim tacito populorum consensu vim legis obtinuerunt. Alia sunt vniuersales, pro tota Ecclesia; Alia particulares pro particularibus Ecclesijs. Alia sunt Perpetuæ: alia ad tempus, vt abſtinentia à ſuffocato & ſanguine & Apoſt. decreta in Concil. Hieroſolymit. Act. 15. Alia ſunt neceſſariæ, quæ dantur in forma præcepti, vt obſeruatio diei Dominicæ & ieiunium Quadrageſimæ. Alia ſunt de conſilio, vt quædam conſuetudines in Eccleſia inductæ ſine alia lege. Porro, Traditiones diuinæ, quas Apoſtoli acceperunt ab ore Chriſti, parem habent authoritatem ac Scriptura; non verò illæ, quas ipſi inſtituerunt ex propria authoritate Paſtorali. Quoad iuſtificationem Traditionum & ſolutionem argumentorum quæ proponunt aduerſarij aduerſus illas, hæc habentur in Diſp. de Fide.*

## DISPUTATIO TERTIA.

*De Concilijs.*

**Q**Uod ſunt comitia in Regno, hoc ſunt Concilia in Eccleſia; nam & ſicut, cùm oriuntur controverſiæ in Repub. in vnum conueniunt Rex & triplex ſtatus regni, ſcilicet Clericorum, Nobilium, & Plebeiorum: ſic, quando in Eccleſia reperitur aliqua difficultas circa Fidem, vel circa Mores, vel circa aliam rem, conuocantur à Summo Pontifice Eccleſ. Præſules, qui examinatis ad amuſſim rebus propoſitis, determinant quid factò opus ſit; & hoc vocatur Concilium, cuius determinationes dicuntur Verbum Dei definitum, ſicut Scriptura nuncupatur Verbum Dei Scriptum, & Traditiones Verbum Traditum. Quid dicendum ſit de Concilijs videbitur in quadruplici Capite; in primo quorum agetur de Concilijs in genere; In ſecundo de Concilijs generalibus cuiuslibet ſæculi; In tertio, de Concilijs particularibus, ſaltem Illuſtrioribus, quæ celebrata fuere; In quarto denique habebitur quædam accurata & brevis Summorum Pontificum Chronologia.



## CAPVT PRIMVM.

*De Concilijs in genere.*

**V**T cuncta cum ordine dispensentur, videndum est primò, quæ spectant ad Concilia in comuni, vt postea facilius cognoscatur quid de Concilijs in particulari sentiat Ecclesia.

## QVÆSTIO PRIMÆ.

*Quanam sit Origo Conciliorum.*

**C**oncilium in genere nihil est aliud quàm Congregatio & Conuentus hominum prudentum, publica auctoritate conuocatorum ad tractandum de commodis siue necessarijs Reipublicæ. Aliud est sæculare, pro temporalibus congregatum: Aliud Ecclesiasticum, pro spiritualibus concernentibus Ecclesiam.

## CONCLUSIO.

**L**icet hæretici contendant Concilia esse humanæ inuentionis, probabilius tamen est Conciliorum originem esse diuinam, ex traditione scilicet: nam de illis legitur in Veteri Testamento Num. 16. *Viri proceres Synagoga, qui tempore Concilij per nomina vocabantur.* Et in Nouo Testamento probabile est Apostolos, non nisi afflante Spiritu sancto primum Concilium congregasse; quoniam in determinatione sua ipsi dixerunt Act. 15. *Visum est Spiritui sancto & nobis.* Vnde Concilium Chalcedonense in Epist. ad Leonem, Celestinus Papa in Epist. ad Concilium Ephesium, & Concilium Tolet. 3. docent, Concilia esse demonstrata verbis Matth. 18. *Vbi fuerint duo vel tres congregati in nomine meo, in medio eorum sum.*

Primum Conciliorum legis nouæ, fuit Concilium Hierosolym. sub Petro an. Christi 44. fuerunt tamen anteriora absolutè, in Synagoga scilicet, vbi multæ Synodi sunt congregatæ, prout necessitas temporum postulabat. Primum celebratum est an. mundi 2709. in Sichem sub Elcazaro Pontifice, Iosue & Senioribus

rioribus assidentibus, ad prohibendum societatem cum Gentilibus, auferendum Deos alienos, & sepeliendum ossa Ioseph. Iosue 24. Secundum fuit Hierosolymis, sub Summis Pontif. Sadoch & Abiathar, regnante Dauide, anno 3020. pro distribuendis Leuitis in varias classes ad ministerium templi, & reperti sunt numero 38000. 2. Paralip. 29. Tertium fuit etiam Hierosol. sub Azaria Sum. Pontif. & Ezechia Rege, pro restituenda religione, templo, ceremonijs, & re diuina iuxta dispositionem & canones Dauid. Habitum est anno 3309. Mentio fit de illo 2. Paralip. 29. Quartum fuit Hierosolymis anno 3412. sub Rege Iosia & Pontif. Helcia pro restituenda religione sub impijs Regibus pessumdata, pro repurgando Templo, Paschate celebrando iuxta maiorum ritus, & Ariolis expellendis, 4. Reg. 23. & 2. Paralip. 34. Quintum fuit Hierosol. sub Eliazibo Pontif. & Nehemia duce anno 3609. pro restituendo codice & canone sacrarum scripturarum: maior enim pars librorum Veteris Testamenti perierat in captiuitate Babylonica, quando ciuitas & templum euersa sunt; ita vt Esdras, Spiritu sancto dictante, libros deperditos ex memoria depromptos conscripserit, & alios collegerit ex personis priuatis, quæ aliquos eorum seruauerant. Sic Suidas & Chrysost. Homil. 8. in Epist. ad Hebræos. Sextum adhuc Hierosol. an. 3793. sub Elezaro Pontif. pro mittendis in Ægyptum 72. interpretibus. Voluit enim Rex Ægyptis Ptolomæus Philadelphus, vt Eleazarus Pontifex ad se mitteret libros, quos diuinos esse audierat, & homines doctos, qui ex Hebræis illos redderent Græcos: Vnde Pontifex Concilium coegit, in quo conclusum est, nominandos esse septuaginta duos seniores, sex ex qualibet Tribu, qui in Ægyptum se conferrent, sacrumque codicem ex Arca sanctuarij extractum illi offerrent. Re sic acta, Ptolomeus sapientes illos in insulam Pharos & in singulas cellas reclusit, vt versioni horum librorum operam darent; & tam admirabilis inter illos visus est consensus, vt nec in verbis, nec in verborum ordine, nec in sensu vlla reperta fuerit diuersitas, inquit Augustinus, lib. 19. de Ciuit. Dei, cap. 42. Septimum fuit Alexandrinum sub Ionatha Pontifice, & Ptolomæo Philadelpho Rege Ægypti: Vel potius dispu-

tatio fuit inter Iudæos & Samaritanos pro sua religione; Iudæi enim contendebant pro Templo Hierosolymitano, quod solum dicebant legitimum, & Samaritani pro templo Garisitano. Causa audita est coram Rege & iudicatum Templum Hierosolym. esse legitimum. An. 3859. & hoc tantum propter continuam successionem Pontificum, quam non habebant Samaritani, qui erant hæretici, & nostris in hoc similes. Vide Iosephum lib. 13. c. 6. exemplaris Græci. Octauum fuit sub Iuda Machab. contra Saducæos hæreticos, non admittentes Resurrectionem, neque Angelum, neque Spiritum ex Matth. 22. Nonum fuit Hierosolymitan. sub Herode Rege & Matathia Sum. Sacerdote. Anno 4051. de quæstione, vbi Christus nasceretur. Matth. 2. Decimum est Hierosolymitanum sub Caipha Pontif. & Tiberio Imperat. quod fuit celebratum propter miracula Christi an. eius 33. vbi respondit Caiphas, *Expedi, ut vnus homo moriatur pro populo, & non tota gens pereat; hoc autem à semetipso non dixit, sed cum esset Pontifex anni illius, ex Ioan. 11.* Ex his vltimis verbis patet, Caipham non loquutum fuisse ex instinctu Spiritus maligni ipsum obfidentis; sed ex instinctu Spiritus sancti, qui etiam malos in dignitate constitutos mouet ad vera dicenda, maxime dum agitur de vtilitate subditorum. Vltimum fuit Hierosol. sub eodem Caipha & Tiberio Imper. dum captus esset Iesus ex Matth. 26. in quo Concilio Caiphas cupidus mortis Iesu, memorque prioris sententiæ, Iesum captiosè alloquitur, dicens, *Adiuro te per Deum viuum, ut dicas nobis si tu es Christus filius Dei.* Quod si hoc Concilium errauit & Pontifex, dicendo, Christum esse reum mortis, nil mirum, quia cum Christus incipiebat mori, Synagoga incipiebat deficere & carere assistentiâ Spiritus sancti, quæ Pontifices reddebat infallibiles.

Porro apud Iudæos duplex erat Tribunal, seu Concilium ad dirimendas controuersias; horum vnum erat minus, quod constituit Moyses in singulis ciuitatibus ex consilio soceri sui Ietro, vt habetur Exodi 18. Aliud erat maius, institutum ex mandato Dei ex Numer. 11. Inter illa fuit hoc discrimen: Primò, maius erat tantum in Hierusalem, minus erat in ciuitatibus singulis. 2. in maiori iudicabantur maiores con-

controuerſiæ, in minori faciliores. 3. in maiori præſidebat Pontifex, in minori non item. 4. à minori licebat appellare ad maius, non è contra. 5. in maiori erant ſeptuaginta perſonæ præter Pontificem, in minori erant tantum viginti tres. 6. maius vocabatur *Sanedrim*, vel *Sinedrim*, de minori non item.

## QVÆSTIO II.

*Verum Concilium generale neceſſarium ſit.*

**V**igorius ſuſtinet, Concilia generalia eſſe abſolutè neceſſaria, quia nulla ab antiquis reperta eſt expeditior ratio ad confirmandam pacem in tota Eccleſia, quàm ea quæ à Chriſto tradita eſt, ſiue ad hæreſes extirpandas, ſiue ad ſchiſmata tollenda, ſiue ad Eccleſiam reformandam in capite & in membris. Nos verò dicimus quidem, Concilia eſſe neceſſaria ſecundum quid, id eſt, maximè vtilia; quia reuerà hæretici faciliùs ab errore reſipiſcunt, & ſchiſmate faciliùs rolluntur, dum vident ſe ab vniuerſali conſeſſu Prælatorum condemnari, quàm ſi ſolus Pontifex illos condemnaret, licet ex cathedra.

## CONCLVSIO PRIMA.

**C**oncilia Generalia non ſunt abſolutè neceſſaria. Quia non ſunt primò neceſſaria ad extirpandas hæreſes, quoniam primis trecentis Eccleſiæ annis, in quibus non fuit vllum Concilium generale, multæ & variæ hæreſes extinctæ ſunt, vel à Romanis Pontificibus, quibus ex Cypriano lib. 1. Epift. 3. *obedire debet fraternitas vniuerſa*; vel à Concilijs Pro- uincialibus, vel denique ab Episcopis particularibus: Imò paucæ ſunt hæreſes damnatæ à Concilijs, ex Auguſtino citato in Diſp. præcedenti. Secundò, non ſunt congreganda Concilia ad Schiſmata tollenda; nam ſi Schiſma ortum tempore Sigismundi Imp. & Caroli VI. Regis Francorum extinctum fuerit per Concilium Conſtantiènſe, vbi loco Benedic- ti XIII. Gregorij XII. & Ioannis XXIII. qui ſe prætendebant Pontifices, ſubſtitutus eſt Martinus quintus, pluſquam viginti quinque Schiſmata ſopita ſunt.

ne Concilijs generalibus, vt Nouati cum Cornelio, Vrsini cum Damaso, Laurentij cum Simmacho, Anacleti cum Innocentio II. Caroli cum Alexandro, Gregorij cum Urbano IV. &c. & hoc per Cardinales ad quos iure vel consuetudine deuoluitur iudicium Pontificiæ potestatis. Quare ergo non potuisset sic terminari Schisma istud; nempe vel per Cardinales, vel per Clerum Romanum, vel per Episcopos Comprovinciales, maxime cum sit summa difficultas in Congregatione Concilij generalis? Tertiò, non sunt congreganda Concilia generalia, vt resistatur communi hosti Ecclesiæ, nimirum Turcæ; quia posset bellum indici sine Concilio; & Deus qui Ecclesiam conseruauit contra Neronem, Diocletianum, Domitianum & alios tyrannos crudeles, poterit illam conseruare contra Turcas. Quartò, concilia generalia non sunt absolutè necessaria ad reformandos abusos Ecclesiæ; hoc enim fieri potest in membris per leges Summi Pontificis, & Conciliorum Prouincialium decreta; in capite verò per admonitionem charitatiuam proborum virorum, & etiam per increpationem reuerentialem Prælatorum.

Obijcies posse dubitari de electione Pontificis, vel oriri suspicio aliqua de hæresi in illo. Resp. in hoc consulendos esse Cardinales, qui cum Pontificem elegerint, nouerunt an electio sit legitima, nec ne; vnde ob hoc nulla Concilia conuocata fuisse; sicut nec ob aliud inconueniens: quandiu enim verè est Pontifex, non potest iudicari, nisi suam Concilio cedat authoritatem, quam potest etiam Concilio Prouinciali cedere; & sic, si Hæreticus censetur, nouum creabunt Cardinales; si Fidelis, remanebit.

## CONCLUSIO SECUNDA.

**L**icet Concilia generalia non sint absolutè necessaria, sunt tamen summè utilia, & proinde necessaria secundum quid. Augustinus enim Epist. ad Ianuatium ait, saluberrimam esse in Ecclesia Conciliorum authoritatem; & Gregorius Cap. *sicut San- Si*, quatuor prima Concilia tanquam Euangelia veneratus. Deinde Apostoli qui omnium charismatum dona, & proinde infallibilitatem in die Pentecostes

rece-



receperant, & poterant singuli seorsim definire controuersiam de cessatione Legalium, maluerunt eligere medium ordinarium, nempe congregationem Concilij, ad relinquendum exemplum posteris, vt in dubijs de fide recurrerent ad Concilia. Tertiò, maxima commoda in Ecclesiam redeunt ex Concilijs, quia conseruatur per hoc melius vnitas Fidei, dum subscribunt Episcopi articulis, quos in suis subditis se declaraturos promittunt; & magis confunduntur Hæretici, cum omnium Prælatorum iudicium illis opponitur. Adde quòd non omnes Catholici conueniunt de infallibilitate Pontificis, vbi nullus dubitat de Concilij infallibilitate: ergo Concilia sunt maximè vtilia.

Non minus tamen immeritò dicit Vigorius, nullam expeditiorem viam reliquisse Ecclesiæ, ad extirpandas hæreses, &c. Cum enim Concilia generalia sine maximis laboribus, & expensis, magnis difficultatibus, & longo tempore non possint conuocari, pessimè consulisset Ecclesiæ, si medium facilius non illi reliquisset; nimirum Summum Pontificem ex Cathedra loquentem; maximè quando vrget necessitas Ecclesiæ.

### Q V Æ S T I O III.

*Quotuplex sit Concilium?*

**Q**uoniam loqui nobis tantum conuenit de Concilijs, quæ congregantur in Ecclesia, nolumus diuidere Concilium in genere, quatenus conuenit seculari & Ecclesiastico; sed de hoc ultimo tantum loquemur, de quo erit

### CONCLVSIO PRIMA.

**Q**uadruplex est Conciliorum genus; alia enim sunt Concilia generalia, alia Nationalia, quædam Prouincialia, & quædam Diocesana, seu Synodalia. Concilium generale est congregatio maiorum Prælatorum Ecclesiæ de toto orbe Christiano, nullo excluso, authoritate Pontificis conuocata, ad aliquod negotium Ecclesiam concernens tractandum communi intentione, ipso Summo Pontifice.

Pontifice præfidente, vel aliquo Legato gerente suas vices. Concilium Nationale est illud quod componitur ex Patriarcha, vel Primatu & Archiepiscopis & Episcopis alicuius nationis. Modò dicitur Generale per comparisonem ad Prouinciale & Diocesenum; & modò Particulare per respectum ad Generale. Prouinciale est illud, quod celebratur ab Archiepiscopo, & coalescit ex congregatione Episcoporum suffraganeorum. Tandem, Diocesenum seu Synodale est illud, in quo conueniunt tantum Pastores vnius Diocesis cum suo Episcopo.

## CONCLUSIO SECVNDA.

**A**liam diuisionem affert Bellarminus omnino notatu dignam, & ad cognitionem Conciliorum conducentem, quod in causa fuit, vt illam tradere conueniens omnino iudicauerim. Conciliorum ergo, ait Bellarminus, lib. 1. de Concilijs cap. 5. alia sunt omnino approbata recepta ab Ecclesia; alia sunt omnino reprobata; alia tandem partim approbata & partim reprobata.

Concilia generalia totaliter approbata, sunt decem & octo, nimirum, Nicænum primum, Constantinopolitanum. 1. Ephesinum. 1. Chalcædonense. Constantinop. 2. Constantinopol. 3. Nicænum 2. Constantinop. 4. Lateranense 1. Lateran. 2. Lateran. 3. Lateran. 4. Lugdunense primum, Lugdunense 2. Viennense. Florentinum. Lateranense 5. & Tridentinum. De singulis horum Concilijs agemus postea.

Concilia generalia totaliter reprobata, sunt Concilium Antiochenū an. 354. sub Constantio, in quo damnatus est Athanasius, & via aperta ad destructionem Concilij Nicæni. Mediolanense Anno 354. tempore adhuc Constantij, qui Arianis faucebat. Ariminense ann. 363. in quo ablatum est de Symbolo nomen *ὁμολογίας*, & in quo Patres subsignauerunt confessionem, quæ Orthodoxa videbatur, tamen erat Ariana; vnde Hieronymus dicebat, quod miraretur vniuersus Orbis, se Arianum videre. Initio tamen Concilij condemnauerunt Arianos, sed tandem corrupti sunt ab Arianis. Ephesinum quartum sub Theodosio iuniore an. 449. reprobatum est; in eo occisus fuit S. Flavianus Episcopus Constantinop.

Le.

Legati Papæ fugati sunt, & Hæresis Eutychiana confirmata fuit. Quintum est Constantinop. sub Leone Isauro an. 730. contra sacras Imagines; in illo nullus Patriarcharum convenit, præter S. Germanum, qui eiectus est è sede Constantinop. quia Concilio restitit. Sextum est Constantinop. an. 755. sub Constantino Copronymo, in quo abolitæ sunt Imagines; nullus Patriarcharum adfuit, excepto Pseudo Episcopo Constantinop. Septimum fuit Pisanum an. 1511. sub Imp. & Rege Galliarum, & aliquot Cardinalibus contra Iulium II. cui opponitur Concilium Lateranense.

Concilia generalia partim approbata, partim reprobata sunt primo Concilium Sardicense, ubi Orientalem Fidem Arianam subscripserunt, & Occidentales & retinuerunt Catholicam, an. 311. Secundo, Concilium Sirmienfe an. 356. initio Patres fecerunt confessionem Orthodoxam, & idem partim approbatum est; & postea aliam omnino Arianam, & ideo reprobatur. Osius Cordubensis Episcopus illustrissimus Fidei defensor subscripsit Arianæ confessione ætate centum annorum; multum tamen postea ipsum pœnituit. In hoc Concil. damnata est Hæresis Photini. Tertio, Quinisextum, sic dictum, quia non est Synodus quinta nec sexta, sed addidit Canones quintæ & sextæ, qui nulli erant in illis; & quia tempore Iustiniani illi Canones fuerunt facti Constantinop. in Palatio, quod dicitur Trullum, dicti sunt illi Canones num. 102. Trullani, & Concilium in Trullo. Quia non interfuit Papa, nec Legati illi Concilio, partim reprobatur à Sergio Papa, & quia aliqui Canones approbati sunt, ut 28. de imaginibus pingendis, partim approbatum dicitur. Quarto, Concilium Francofordiense est partim approbatum; in hoc scilicet quod definierit, Christum non esse Filium Dei adoptivum; & partim reprobatur, quia damnauit sextam Synodum. Quinto, Constantiense fuit tale etiam; primæ enim Sessiones, ubi definitum est, Papam subdi Concilio, reprobatae sunt ex Bellarmino in Conc. Florent. & Lateran. ult. Aliæ verò quas Martinus V. approbavit, ab omnibus recipiuntur. Ann. 1414. inchoatum est sub Ioanne XXIII. & finitum sub Martino V. an. 1418. Basileense tandem nihil habet ratum, & sic potius est inter absolute reprobata.

Q V Æ.

## QVÆSTIO IV.

*Ad quem spectet conuocatio Conciliorum.*

**L**utherus, Brentius, Magdeburgenses, Caluinus & Vigorius hoc spectare ad Imperatorem sentiunt; Iurifconsultus Parisiensis Molianus, asserit Concilium Trident. non esse recipiendum, quia à Papa, non ab Imperatore indictum est. Et est ratio quam allegant Protestantes in suo libello, propter quam non comparuerint in illo Concilio. Contrarium tenent Catholici, Imperatorem scilicet non posse conuocare Concilium, nisi per viam exhortationis; hortando scilicet pro bono pacis in Ecclesia, vt Prælati conueniant simul pro Concilio celebrando; aut nisi per modum authoritatis executoriæ, cogendo scilicet tanquam legum, Ecclesiasticarum executor esset, omnes Prælatos, vt ad Concilium veniant; præceptiuè tamen, & ex authoritate propria Concilium indicere non posset.

## CONCLUSIO.

**A** Solo Romano Pontif. Concilium conuocari potest, Primò quia ille solus indicere potest Concilium, qui habet ius cogendi omnes Prælatos vniuersi orbis; at Imperator non habet talem potestatem, nequidem civilem, super omnes Episcopos, cum non dominetur orbi Christiano, sed tantùm Pontifex: ergo hoc non spectat ad Imp. sed ad Pontif. Rom. Secundò, quia Caluinus lib. 4. Instit. cap. 7. ff. 8. & alij, fatentur Concilia Nationalia, Prouincialia & Synodalia conuocari à Patriarcha, vel Primate, ab Archiepiscopo, & ab Episcopo: ergo etiam Summus Pontifex potest congregare generalia, quia non minorem habent authoritatem Rex aut Dux Prouinciæ super suos subditos, quàm Imperator circa suos; unde si Imperator ius habeat conuocandi Concilium generale, Reges & Principes congregare poterunt Notionalia. Tertiò, quia Valentinianus Imperator requisitus à quibusdam Episcopis, vt illis permetteret Concilium celebrare, respondit, inquit Sozomenus, lib. 9. cap. 7. *Sum quisquam in sorte plebis, fas non est talia*

*lia curiosius perscrutari; Sacerdotes, quibus ista cura sunt; quocumque voluerint loco conueniant. Quartò, quia Imperator est ouis, Papa est Pastor; nonnè ergo potius competit Pastori congregare oues, quàm oui congregare Pastores.*

Confirmatur hæc conclusio autoritate. Marcellus enim primus Epist. ad Episcopos Prouinciæ Antiochenæ, an 296. vel 297. de Apostolis loquens ait, *Idem inspirante Domino constituerunt, ut nulla Synodus fieret præter auctoritatem Summi Pontificis.* Hoc determinauit Concilium Nicænum postea, ut patet ex Epist. Iulij ad Episcopos Antiochenos, & ex Sozomeno lib. 3. cap. 9. & ex Innocentio I. arguente Episcopos Orientales, quòd celebrauerint Synodum Antiochiæ, inconsulto Pontifice, contra prohibitionem Concilij Nicæni; *Sancti Patres unanimiter in Nicæna Synodo statuerunt, ut Synodus suo tempore Apostolica auctoritate conuocetur.* In Synodo Chalcedonensi, quæ est 4. generalis, Dioscorus Patriarcha Alexandrinus priuatus fuit loco, quem in Concilio tenebat, & coactus in medio Concilij respondere coram Legatis, de temeritate qua conuocauerit Concilium Ephesi sine licentia Papæ S. Leonis, ex Conc. Chalced. act. 1. versu. *Petro religiosissimo. Athanasius apud Gregorium 7. in Apolegetico super decreta Concilij Romani contra Simoniacos, Scimus in Nicæna magna Synodo 318. Episc. ab omnibus concorditer esse roboratum, non debere absque Pontif. Rom. sententia, Concilia celebrari:* Porro, quòd hoc ius pertineat ad Sum. Pont. ex Traditione Apostol. patet ex Greg. 7. Epist. *Gaudeamus, dilectissimi! tit. Distatus Papa in Concil. Roman. præcitato pronuntiat, Ipsi Apostoli & eorum successores, Domino inspirante, constituerunt, ut nulla fieret Synodus præter Romanæ Sedis auctoritatem,* Leo decimus in Conc. Lateran. vlt. sess. vltim. Constit. *Pastor æternus.* definiuit Concilia absque auctoritate Pontif. congregata, nulla esse, quia ex Socrate prohibent Canones, Leges fieri pro tota Ecclesia, sine licentia Pontif. lib. 2. cap. 5. & 13.

Obijcies. Constantinus Imperator conuocauit Nicænam Synodum: Theodosius Constantinopolitanam; Constantius Sardicensem; Theodosius iunior Ephesinam; Martianus Chalcedonensem; & sic de multis alijs. Resp. solam Papæ auctoritatem reddere

Con-



Concilium legitimum in foro interiori: Principū tamen autoritas necessaria est in foro exteriori, ut scilicet decisiones eius executioni mandentur per brachium sæculare. Sic Eminentiss. Cardinal. Perzonius in replicat. ad Angliæ Regem lib. 1. cap. 42. propterea Patres curabant, ut in fronte Concilij apponerentur hæc verba, *Sacrosanctum & Oecumenicum Concilium auctoritate Imperatoris congregatum*. Ob hoc Constantinus ad Patres Synodi Nicænæ dicebat, *Vos intra Ecclesiam, ego extra Ecclesiam à Deo Episcopus constitutus sum*; Eusebius in vita Constant. lib. 4. cap. 24. Quod si aliqua conuocata fuerint ab Imperat. contradicente Pontifice, nulla fuerunt: ut Ephesium 2. à Theodosio iuniore, quod propterea dictum est *Latrocinium*; Constantinopolitanum, congregatum à Constantio Copronymo contra imagines, &c. Quod si Siquessanus, inuito Marcellino, congregatum fuerit, tamen pro legitimo habitum, congregatum fuit à Clero Romano, eo tempore quo Marcellinus, qui thus adoleuerat idolis, exciderat à Summo Pontificatu; & pro tunc ipsi Clero habenti auctoritatem Cardinalium, ius Concilia conuocandi deuoluebatur. Quantum denique ad Concilium Pisanum; nil mirum si conuocatum fuerit Gregorio XII. & Benedicto XIII. dissentientibus; nam tunc erat Schisma, & incertum erat, vter eorum esset Pontifex; & cum incertus, ex regula iuris, habeatur pro nullo, Cardinales vtriusque partis Concilium coegerunt.

## Q V Æ S T I O V.

*Quinam sint ad Concilium conuocandi.*

**E**cclēsia Vniuersalis diuersa hominum genera continet, alij enim sunt Clerici, alij Laici: Clericorum alij sunt Prælati, alij non Prælati: Prælati verò, vel sunt Summus Pontifex, vel Patriarchæ, aut Primates, aut Archiepiscopi, aut Episcopi, aut Abbates: nam quoad Cardinales, non sunt Prælati, ut sic, sed tantum quatenus aliqui eorum sunt Episcopi.

Quantum ad Patriarchas; hinc trāscurfu dicam, Ecclesias Patriarchales esse illas, quas D. Petrus fundauit;

dauit; & sic initio Ecclesiæ fuerunt tantum tres Ecclesiæ Patriarchales, nimirum Romana, Alexandrina & Antiochena. Sic Concil. Nicæn. ex Concil. Chalced. Act. 16. Ecclesia Hierosolymitana annis ferè quingentis titulo solo Patriarchalis gaudebat; nullis enim præerat Archiepiscopis, aut Episcopis, sicut aliæ, imò illius Patriarcha subiectus erat Archiepiscopo Cæsariensi quoad iurisdictionem; sedebat tamen quarto loco, sicut Romanus primo, Alexandrinus II. & Antiochenus III.

Causa sola numeri Ecclesiarum Patriarchaliū fuit dignitas Petri; nam illæ solæ habitæ sunt Patriarchales, in quibus tanquam Episcopus sedit, vel per se, vt in Romana & Antiochena; vel per aliū, quem ad eam misit suo nomine, vt in Alexandrina, vbi suum discipulum Marcum delegauit Episcopum. Sic D. Gregor. lib. 6. Epist. 17. ad Eulogium, vbi hæc omnia declarat. Sed dices, cur Ecclesia Alexandrina præfertur Antiochenæ, cum hæc sit antiquior & in illa per se sederit Petrus, in alia verò per discipulum? Resp. quia Alexandrinam rexit B. Marcus Euangelista, & Antiochenam Euodius, qui Marco cedere debet. Anacletus Epif. 3. hunc ordinem assignat inter Ecclesias Patriarchales. Instabis, cur ergo Ephesina, quam fundauit Paulus, & Ioannes vsque ad mortem rexit, non est Patriarchalis? D. Gregorius præcitatus hoc attribuit priuilegio, quod habuit Petrus sublimandi sedes suas, ratione sui Principatus super vniuersam Ecclesiam & omnes Apostolos.

Quantum ad Ecclesiam Hierosolymitanam, titulo & honore Patriarchalis gaussa est per annos penè quingentos, sub iurisdictione sui Metropolitanæ Cæsariensis, sic Concil. Nicænum can. 7. *Quoniam mos antiquus obtinuit & vetusta traditio, vt ~~Alia~~, id est Hierosolyma, Episcopo honor deferatur, habeat consequenter honorem suum, manente tamen Metropolitana ciuitati dignitate propria.* In Concilio autem Chalcedon. ann. 451. Ecclesia illa euecta est ad dignitatem Patriarchalem, illique fuerunt assignatæ post multas contestationes tres Palestina, quæ antea erant sub Patriarcha Antiocheno.

His denique accessit Patriarcha Constantinopolitanus, cuius Ecclesia ab initio erat tantum Parochialis in Diocesi Heracleæ, deinde facta est  
Epi-

Episcopalis & denique Patriarchalis, vt in honore illa vrbs haberetur, in qua sedebant Imperatores. In primo Conc. Constantinop. coepit Episcopus huiusce vrbs usurpare nomen Patriarchæ & secundum locum inter Patriarchas; hoc est, primum locum post Patriarcham antiquæ Romæ, & de hoc fecit Canon. 3. *Constantinopolitana*, qui fabricatus fuit in absentia Legatorum: Sed hæc præminetia fuit semper illi contestata vsque post annum quingentesimum, quo tempore hanc dignitatem concessit Pontifex, nullo reclamante, Episcopo Constant. ad supplicationem Iustini Imperatoris.

His suppositis, quærimus quinam sint conuocandi ad Concilia; aliter enim Heretici, & aliter Catholici sentiunt; nam illi volunt ex omni genere hominum debere adesse eruditos, etiam vt iudices, & habere suffragium decisuum, etiam si Laici sint: Vnde Protestantes, inter causas cur non affuerunt Concilio Tridentino, hanc afferunt, quòd scilicet viri docti etiam Laici suffragium in illo non habuerint. Contraria est Catholicorum.

## CONCLUSIO.

**P**Rælati Maiores conuocandi sunt ad Concilia ex iure, nimirum Patriarchæ, Fratres, Archiepiscopi, Episcopi, Cardinales, verò, Abbates, Generales Ordinum ex priuilegio & consuetudine vocandi sunt. Ex viris doctis aliqui etiam appellari solent; sed tantum ad consultationem & examen eorum quæ in Concilio pertractantur; non autem ad ferendam sententiam decisuam; non sunt enim Principes Ecclesiæ. Principes denique ibi vocantur, vt protegant Patres Concilij & Decisiones eius faciant obseruare. Hæc omnia patent ex communi vsu Ecclesiæ; ideo superest tantum, vt respondeamus Hæreticis, qui volunt admittere Laicos ad Concilium cum voce decisua, & Vigorio, qui prætendit Præsbyteros curam animarum habentes æquali potestate gaudere cum Episcopis.

Obijciunt ergo Hæretici, in Concilio Apostolorum adfuisse Apostolos, Presbyteros & Laicos Act. 15. *Conuenerunt Apostoli & Seniores videre de verbo hoc*: Et infra, *Tunc placuit Senioribus cum*  
*omni*

*omni Ecclesia.* Resp. Apostolos interfuisse; ut iudices; Seniores seu Presbyteros ut Consultores, & Populos ut audientes & consentientes: Quod patet ex hoc, quod Lucas 15. Act. introducat tantum Petrum, Paulum, Barnabam & Iacobum loquentes, ut ostendatur solos Apostolos habuisse vocem decisivam; *Tacuit autem omnis multitudo*, post Petri sententiam, *Et audiebat Paulum & Barnabam*; subditur, & postquam tacuerunt, *Respondit Iacobus dicens, &c.* Et mox finita Iacobi Oratione, subditur, *tunc placuit Apostolis.* Dicunt Concilium generale repræsentare Ecclesiam: Ergo illi adesse debent homines ex omni genere. Resp. quemlibet Episcopum repræsentare Ecclesiam suam, & sic omnes Episcopi totam Ecclesiam repræsentant. Dicunt, Nicolaum dixisse Imperatorem debere adesse; Concilijs in ijs, quæ sunt de fide, quia est causa cõmunis Clericos & laicos cõcernens. Dicit quidem Papa requiri præsentiam Imperatoris, non ut Iudicis, sed Protectoris & executoris Legum Ecclesiasticarum. Nefas ergo est dicere, Laicos habere ius decisivum in Concilijs; hoc enim spectat ad Pastores, quorum officium est pascere; pascere autem est docere, Ieremiæ 3. *Dabo vobis Pastores secundum cor meum, & pascunt vos scientia & doctrina.* Ob hoc Theodosius Iunior in Epist. ad Ephes. Synodum, ait: *Illicitum est, eum qui non sit ex Ordine sanctissimorum Episcoporum, Ecclesiasticis immisceri tractatibus.*

Obijcit Vigorius, multos Chorepiscopos subscripsisse Concilio Nicæno; hi autem erant duntaxat Præsbyteri, quos mittebant Episcopi in Pagos & Urbes, tanquam suos Vicarios, post manuum impositionem. Respon. fuisse aliquos Chorepiscopos, qui Episcopalem consecrationem acceperunt; hi subscripserunt ut Iudices: alij fuerunt simplices Presbyteri, de quibus antea; & hi subscripserunt ut testes. Instat ex Euseb. libr. 6. 3. de Vita Constantini cap. 9. Conc. Nicæn. interfuisse Episcopos, Presbyteros, Diaconos & Acolythos; & tunc Athanasium, qui Diaconus erat, maximam partem Concilij contra Arium sustinuisse, ex Gregor. orat. funebr. eiusdem Athanasij & ex Sozomeno libr. 1. cap. 16. Respond: ut supra, illos adfuisse ut consultores, vel testes; non verò ut definientes, nisi ex privilegio Summi Pon-

Pontificis, quod concessit Siluefter suis Legatis, qui erant Sacerdotes simplices. Hoc idem dicendum est de Philippo Presbytero Ecclesiæ Romanæ, qui fuit Legatus in Concil. Ephes. sicut Bonifacius in Chalcodonensi; hi enim referunt personam Pontificis, qui si adesset Concilio, ipsi subscriberet. Si in Conc. Lateranen. sub Ianocentio III. Abbates XII. & quàm plurimi Priores Conuentuales subscripserint; hoc semper ex indulto Præsidentum, vel tanquam testes; nunquam verò hoc fecerunt (neque etiam Parochi) ut ius ex se habentes ad Conc. nec enim ad eos spectat definire de rebus Fidei, quippe quæ sunt maioris momenti, & sic spectant ad Principes Ecclesiæ, non ad Curatos, quibus ex officio non incumbit Euangelium prædicare, nec Fidem contra Hæreticos propagare, nisi autoritate Prælatorum accepta; sed sufficit, quòd subditos suos doceant rudimenta Fidei. Ad eos etiam non pertinet morum regulas facere in Concilijs; imò potius tenentur obseruare quas Episcopi statunt. Nec tertio possunt esse in Concilijs, Episcoporum iudices; alias superior ab inferiori damnaretur: Ergo non habent ius ad Concilia in quibus præsertim illa tria pertractantur.

## Q V Æ S T I O VI.

*Cuius sit præsidere in Concilio Generali.*

**A**Liter ratiocinantur Catholici de requisitis ad Concilium, & aliter Hæretici. Illi asserunt sufficere, quòd conuocatio sit generalis, ita ut perueniat ad maiores Orbis Christiani Prouincias; deinde, quòd nullus Episcopus excludatur, modò non sit excommunicatus: Tertio, ut adsint, saltem per Legatos Patriarchæ, hoc tamen est tantum ad melius esse: Quarto denique si Concilium celebretur in Oriente, requiritur ut maior pars Orientalium adsit, & saltem aliqui ex Occidentalibus, & vice versa. Lutherani alias conditiones exigunt. 1. Ut ante Concilium nouum, irritetur Tridentinum. 2. Ut fiat in Germania, vbi lites exortæ sunt. 3. Ut Papa nec Concilium indicet, nec ei præsit, cum sit pars aduersa Hæreticis. 4. Ut ex sola Scriptura iudicium feratur, non ex Canonibus, aut Traditione. 5. Ut  
Papa



Papa absoluat omnes Prælatos à iuramento fidelitatis, quo ei astringuntur, 6. Vt non attendatur ad pluralitatem suffragiorum, sed ad Scripturam quæ allegatur. 7. Vt Theologi Principum, & præsertim illorum qui sequuntur confessionem Augustanam, gaudeant suffragijs, sicut Episcopi. 8. Vt ab Imperatore detur saluus conductus, nedum personis, sed & causæ principali, ita vt non possit condemnari opinio v.g. Lutheranorum, si illam non possint tueri.

### CONCLUSIO.

**S**ummi Pontificis est, tanquam supremum in Ecclesia Monarchæ, præsidere Concilio generali, vel per se, vel per Legatos; sicut Rex Galliarum summus Imperij sui Princeps suis comitijs civilibus præest, siue per se, siue per Commissarios. Contra Lutherum, Caluinum & Vigorium, volentes, Imperatorem Concilio generali præesse, & ipsum sua auctoritate confirmare.

Probatur primò Conclusio ex summa auctoritate, quam dedit Petro Christus, & successoribus, qui eandem possident, vt probauimus disp. de Summ. Pontif. non dixit enim Imperatori, *Pasce oues meas*, sed Petro; per quæ verba auctoritati Pontificiæ Christus subiecit, nedum Patriarchas, Archiepiscopos & Episcopos, sed etiam Reges & Imperatores. Idem enim est ac si dixisset: Christus Petro ex Chrysost. in hunc locum, *Esto prapositus loco mei, & caput fratrum tuorum*. Vnde, sicut Christus in medio sedet eorum, qui congregantur in nomine suo, quibus obscura legis explicat, sic etiam sedere debet Summus Pontifex in medio Episcoporum tanquam iudex supremus: Christus enim plenissimam potestatem Petro & successoribus eius plenissime commisit. S. Cyrillus Alex. apud S. Thom. contra errores Græcorum, Opuscul. 1. cap. 32. tit. de Roman. Pontif. Si ergo habeat plenissimam potestatem, non tantum conuocare potest Prælatos ad Concilium, sed insuper illis præsidere debet, tanquam supremus Princeps, siue per se, siue per Legatos: Imperator autem dicitur præsidere Concilijs, vt sua auctoritate pacem teneant, omniaque felicem exitum sortiantur.

Probatur 2. ex eo quod in primis Concilijs celebratis

magis dicimus, semper Papæ miserunt suos Le-  
gatos, ut eosdem facerent: ubi si ipsimet in propria  
personâ non essent præfisse, hoc fuit, ne oriretur dis-  
sentimentum inter Legatos & Imperatorem, qui licet non  
presideret Concilio, ut indet, tamen præfidebat mate-  
riæ, ut, utramque causam tenendo. In primo ergo  
Concilio, Nicæno scilicet, ann. 325. Omnes Episco-  
pi Constantinensis Regni missi est à S. Sylvestro, si-  
cut in Britanniam cum Arcadio & Philoxene à  
2. Iulio Cæsar. In Concil. Constantinop. nec Papa,  
nec Legatus præfuerunt, quia eodem tempore  
commoratus fuit Roma Concilio, ad quod evoca-  
vit Orientales, qui cum non possent huc accedere  
multa excusationibus, ut excusarentur & eorum  
excusationem accepit S. Damasus; & sic Conci-  
lium Constantinop. fuit octiduum sub Nestorio  
archiepiscopo. Illi qui non poterant viri  
magis excusantur, uti iure merito, In Concilio  
Ephesino, quoque Romæ Celestinus præfuerunt  
2. Synodus Patriarcha Alexand. Arcadius & Proie-  
dus Episcopi. cum Miliano Presbyter. Eccles. Rom.  
In Concilio Chalcedonensi Legati Vire Leonis Papæ  
fuerunt Damasius & Laurentius Episcopi, cum  
Romano Presb. Huius Concilij Patres numero  
400. ut dicitur sumunt, Romæ f. Nihil amicus, sicut  
memoria præfuit, ut præfuit dicitur et fuit,  
Episcopi, Episcopi & præfuit est præfuit, & habetur 3.  
part. Episcopi Constantinop. Episcopi fuit Lega-  
tus Papa Vigili in Concil. Constantinop. 2. sed a-  
gnoscit antiquitatis & ante Antiochiam ubi præfide  
in antiquitate. Præfuit nobis vestra beatitudine.  
Episcopi. Scimus quantum bonum, quæ est penul-  
tima in Concil. 2. Pro Concil. Constantinop. 3. au-  
dientius est Eusebius Imperator. Agathos san-  
ctus, super Theodosius Papa, noster pios suspiciens  
apertus, decessitibus præfuit (Concilio) propriam  
aut iudice personam Theodorum & Gregorium  
Dionysios Presbyteros, & Iohannem Deo amabilem  
Dionysium. Sic scilicet Imperator Georgio Patriar-  
cha Constantinop. Episcopi. Quoniam sollicitudi-  
nis. in ferendo Concil. Nicæno: Petrus Archi-  
episcopus Ecclesie Romanæ & Petrus sancti Sabæ Ab-  
bas Legati fuerunt Adriani Papæ primi. In octavo  
denique Concil. Constantinopoli, 4. præfuerunt ve

Le.

## DE CONCILIIS.

307

Legati Adriani II. Donatus & Stephanus Episcopi, cum Marino Diacono. Istorum primus in fine Concilij ita subscripsit; *Ego Donatus Dei gratia Episcopus Hostiensis, locum obtinens Domini mei Adriani, vniuersalis Papa, huic sanctæ & vniuersali Synodo præsidens, omnia quæ superius leguntur, promulgauit & manu propria subscripsi.* Ex hoc sequitur, quòd si ius præsidendi Concilijs non pertineret ad Pontif. Roman. Patriarchæ Constantinopol. nunquam cedere voluissent suam authoritatem, vt ea induerent Legatos Papæ, qui sæpius erant tantum Episcopi, aliquando simplices Presbyteri, & aliquando solus Diaconi.

Obijciunt Hæretici, multos Imperatores in Concilijs præfuisse, vt Constantium in Concil. Nicænâ Marcianum in Chalcedonensi, Theodosium 2. in Ephesino. saltem per comitem Candidianum, & sic de multis alijs. Resp. Imperatores dici quodammodo Concilijs præfuisse; sed hoc factum est tantum ad multitudinem Episcoporum in pace conseruandâ, & vt omnia recto ordine & sine tumultu peragerentur; non verò præfuerunt ad merè Ecclesiastica negotia, qualia sunt fidei & morum decreta: Vnde Ambrosius Epistol. 32. dicit, Constantinum non se fecisse iudicem, sed liberum dedisse iudicium Sacerdotibus, & Athanasius in Epist. ad solitariam vitam agentes, arguit Constantium, qui volebat primas tenere in Concilijs, dicens; *Si iudicium Episcoporum est quid cum eo commune habet Imperator* i Hoc est conforme Scripturæ, nam 2. Paralip. 19. *Amarias Sacerdos & Pontifex, in omnibus quæ ad Deum pertinent, præsidebit* Porro, *Zabadias qui est Dux in domo Iuda, super opera erit, quæ ad Regis officium pertinent.*

Porro, Pontifex præest Concilio, non tantum, vt primus iudicium ferat; sed vt supremum proferat iudicium; sicque reiecta opinione maiori, cum minori sententiam proferre potest, non tanquam præses Concilij, sed vt supremus Ecclesiæ princeps, quæ iudicat tanquam ex Cathedra, ex impulsu scilicet Spiritus sancti. Hoc fecit Damasus, qui irritauit acta Concilij Ariminensis, quibus maior pars Episcoporum consenserat, & Leo, qui irritauit quoddam decretum Chalcedonensis, cui etiam maior pars consenserat, vt ipse testatur Epist. 53. 54. & 55.

Nun-

Bartholomæo Carranza in Summa Conciliorum, Eugenius illum accepit à Gelasio Papa in Concil. Romano, Gelasius ab August. lib. 2. de doctrina Christi, cap. 8. Augustinus à Concil. Carthaginensi 3. quod alij quintum aut sextum vocant, & Patres huius Concilij ab Innocentio primo Epist. 3. ad Exuperium, cap. 7. Innocentius autem vixit Ann. 401. Vnde per continuam traditionem à primitiua Ecclesia ad nos usque peruenit ille canon, Quòd si Calvinistæ expugnant Tobiam, Iudith, Sapientiam, Ecclesiasticum, & Machabæos, & præter hos libros reiiciunt Epistolam ad Hebræos, B. Iacobi, B. Iudæ, & Apocalypsim; nil mirum est, quia imitantur in hoc Manichæos, de quibus August. lib. de bono Perseuerantiæ scripsit, *Scripturas sic accipiunt, ut suo quodam privilegio, imò sacrilegio, quod volunt, sumant; quod nolunt, reiiciant.* Quòd si Tobias, Iudith, Sapientia, Ecclesiasticus, & Machab. non fuerint in Canone Iudæorum; hoc non necessarium est, quòd soli libri habeantur Canonici apud Christianos, qui tales erant apud Iudæos, Ecclesia enim, non Iudæi, pro canonicis habet illos, ex August. lib. 18. de Ciuit. Dei cap. 36. Sic & Isidorus in procemio de libris Veteris & Noui Testamenti, Si Denique aliqui Patres, qui scripserunt ante Innocentium IV. & August. excluderint hos libros à Canone; hoc est, quia licet extarent multi codices, in quibus hi omnes libri pro canonicis habebantur, attamen ille numerus, quem tenet Ecclesia, nondum ab ea determinatè definitus fuerat; sed primus qui illum determinauit, fuit Innocentius, cuius definitionem secutus est Augustinus cum alijs Episcopis Africæ in Concil. Carthag. Exuperius cum Episcopis Gallicæ, Gelasius in Concil. Rom. totus denique orbis, exceptis Luthero & Caluino. Porro, quoad Machabæos, nil mirum, si non reperiantur in Can. Iudæorum; quia cum consignatus fuerit ab Esdra, vel eius tempore, nondum erant scripti libri Machabæorum.

Quantum ad versionem Scripturæ quæ est multiplex, nempe Hebraica, Chaldaica, Syriaca, Græca, & Vulgata, quam Italiam vocat Augustinus; hanc ultimam esse retinendam cum suis partibus, decreuit Concilium Tridentinum; quia scilicet textus originales puri non remanserunt, sed corrupti sunt, partim

Baynin Theolog. Pars IV.

N

per

*bunt in requiem meam*. Litteraliter hoc intelligitur de terra promissionis, & Anagogicè de vita æterna. Porro vnus & idem Scripturæ textus multiplicem habet sensum; omnia enim v. g. dicta & facta à Christo sunt intelligenda litteraliter, sed præ se ferunt sensum spirituales; ita quòd, si cæcos illuminet, claudos erigat, &c. hoc denotet spiritualiter mirabiles operationes, quas circa peccatores habet.

Nouum Testamentum, quod sic denominatur, quia novos affectus novosque ardores circa Deum excitat, pro nobiliori parte habet quatuor Euangelia, qui vitam Christi continent, & sunt veluti quadrigæ quibus Filius Dei Incarnatus per orbem vinctus subegit populos. Illi quatuor Euangelistæ inter se concordant, ita quòd ab vno non negetur quòd affirmatur ab alio, vt probat August. libris de consensu Euangelist. licet aliquid dicatur ab vno breuius, ab alio prolixius, vel diuerso ordine, vel ab vno omittatur quòd alius scribit, Factum est ex suggestu Spiritus S. quòd plures sint Euangelij scriptores, vt magis confirmaretur eius veritas. Matthæus, qui Hebraicè scripsit, exorditur ab humanitate Christi, cuius generationem narrat; ideo repræsentatur sub forma Hominis: Marcus, quasi abbreviator Matthæi, incipit à prædicatione Ioannis, quem vt Leonem rugientem ac peccatores voce sua terrentem exhibet; vnde insignitur figura Leonis: Lucas initium sumpsit à sacrificio Zachariæ Sacerdotis, vnde figuratur Boue, quod est animal sacrificio destinatum: Ioannes denique super alios se efferens, à diuinitate Christi incipit, & ob hoc per Aquilam designatur, Quantum ad librum Actuum Apostolorum, author ipsius est Lucas, qui in illo describit gesta Apostolorum in infantia Ecclesiæ & promulgatione Euangelij.

*De Verbo Dei scripto, seu de Traditionibus.*

**S**acra Scriptura pro sua altitudine multis & diuersis sensibus accipitur, vnde aliter illam interpretatur Arius, aliter Nestorius, aliter Eunomius, Photinus, Eutyches, Donatus, Macedonius, Pelagius, & alij hæretici, idèò multum necesse est, propter tot & tantos errorum anfractus, Apostolicum & Ecclesiasticum sensum exquisere, qui haberi potest



partim in Traditionibus, quæ in Patrum scriptis continentur; partim verò in definitionibus Ecclesiæ, à Papa, vel à Concilio generali procedentibus: Vnde, postquam diximus aliquid de Scriptura, de Traditionibus aliqua addenda sunt, ut postea ex professo agamus de Concilijs.

Traditio in se est doctrina viua voce accepta, continua successione ab authoribus in posteros deriuata, firmata consuetudine, licet in libris canonicis non reperta, sed consignata in sanctorum Patrum codicibus. De Patribus August. loquitur lib. 2. contra Iulianum, *Quod inuenerunt in Ecclesia, tenuerunt; quod didicerunt, docuerunt; quod à Patribus acceperunt, hoc filijs tradiderunt, &c.* Talibus post Apostolos Plantatoribus, Rigatoribus, & Pastoribus creuit Ecclesia. Traditionum alia Veteris Testamenti, alia Noui. Veteris Testamenti alia Mosaica & ad salutem necessariæ: Alia Pharisaica, quas Christus arguit; non quod omnes essent malæ, sed aliqua erant bonæ, & aliqua indifferentes; sed ideo illas Christus reprehendit, quia ex illarum obseruatione intumescabant, affectabant opinionem sanctitatis, & eas obseruando, quæ non erant necessariae, præcepta legis negligebant. Traditiones Mosaicae erant v.g. quod omnes & singuli libri, qui in Canone Iudæorum consignabantur, erant Canonici; quod femellæ habebant remedium contra Peccatum Originale qualecumque fuerit; quod cruenta eorum Sacrificia significauerint mortem Christi. Saltem Doctores & Legis Periti, qui tenebantur alios docere, hoc scire debebant. Traditiones Phariseorum erant; quod ante sumptionem cibi lauandæ essent manus, & multoties in refectione repetenda hæc lotio Matth. 15. *Quod venientes e foro loci esse debebant ante sumptionem tibi*, Marc. 7. *Quod cum peccantibus non esset sumendus cibus*, Matth. 9. *Quod non permitterent ab illis tangi*, Luc. 7. *Quod rerum minutissimarum decima essent offerenda*, Matth. 23. &c.

Traditiones Noui Testamenti, alia sunt diuinæ, quæ doctrinam exhibent ab ipso ore Christi manantem, nec in Scriptura, nec in Apostolis expressam, ut doctrina spectans ad Materiam & Formam Sacramentorum: Alia sunt Apostolica, quæ ex instinctu Spiritus sancti traditæ sunt & institutæ ab Apostolis voce tantum, ut ieiunium Quadragesimæ, & 4. Temp. ut scri-

scribit D. Leo Serm. de Quadragesima: Aliæ sunt Ecclesiasticæ, quæ sunt consuetudines quædam introductæ à Concilijs vel Patribus, aut viris sanctis, quæ paulatim tacito populorum consensu vim legis obtinuerunt. Aliæ sunt vniuersales, pro tota Ecclesia; Aliæ particulares pro particularibus Ecclesijs. Aliæ sunt Perpetuæ: aliæ ad tempus, vt abstinentia à suffocato & sanguine & Apost. decreta in Concil. Hierosolymit. Act. 15. Aliæ sunt necessariae, quæ dantur in forma præcepti, vt obseruatio diei Dominicæ & ieiunium Quadragesimæ; Aliæ sunt de consilio, vt quædam consuetudines in Ecclesia inductæ sine alia lege. Porro, Traditiones diuinæ, quas Apostoli acceperunt ab ore Christi, parem habent authoritatem ac Scriptura; non verò illæ, quas ipsi instituerunt ex propria authoritate Pastoralī. Quoad iustificationem Traditionum & solutionem argumentorum quæ proponunt aduersarij aduersus illas, hæc habentur in Disp. de Fide.

## DISPUTATIO TERTIA.

*De Concilijs;*

**Q**uod sunt comitia in Regno, hoc sunt Concilia in Ecclesia; nam & sicut, cum oriuntur controuersiæ in Repub. in vnum conueniunt Rex & triplex status regni, scilicet Clericorum, Nobilium, & Plebeiorum: sic, quando in Ecclesia reperitur aliqua difficultas circa Fidem, vel circa Mores, vel circa aliam rem, conuocantur à Summo Pontifice Eccles. Præsules, qui examinatis ad amussim rebus propositis, determinant quid factu opus sit; & hoc vocatur Concilium, cuius determinationes dicuntur Verbum Dei definitum, sicut Scriptura nuncupatur Verbum Dei Scriptum, & Traditiones Verbum Traditum. Quid dicendum sit de Concilijs videbitur in quadruplici Capite; in primo quorum agetur de Concilijs in genere; In secundo de Concilijs generalibus cuiuslibet sæculi; In tertio, de Concilijs particularibus, saltem Illustrioribus, quæ celebrata fuere; In quarto denique habebitur quædam accurata & breuis Summorum Pontificum Chronologia.

## CAPVT PRIMVM.

*De Concilijs in genere.*

**V**T cuncta cum ordine dispensentur, videndum est primò, quæ spectant ad Concilia in comuni, vt postea facilius cognoscatur quid de Concilijs in particulari sentiat Ecclesia.

## QVÆSTIO PRIMÆ.

*Quanam sit Origo Conciliorum.*

**C**oncilium in genere nihil est aliud quàm Congregatio & Conuentus hominum prudentum, publica autoritate conuocatorum ad tractandum de commodis siue necessarijs Reipublicæ. Aliud est sæculare, pro temporalibus congregatum: Aliud Ecclesiasticum, pro spiritualibus concernentibus Ecclesiam.

## CONCLUSIO.

**L**icet hæretici contendant Concilia esse humanæ inuentionis, probabilius tamen est Conciliorum originem esse diuinam, ex traditione scilicet: nam de illis legitur in Veteri Testamento Num. 16. *Viri proceres Synagoga, qui tempore Concilij per nomina vocabantur.* Et in Nouo Testamento probabile est Apostolos, non nisi afflante Spiritu sancto primum Concilium congregasse; quoniam in determinatione sua ipsi dixerunt Act. 15. *Visum est Spiritui sancto & nobis.* Vnde Concilium Chalcedonense in Epist. ad Leonem, Celestinus Papa in Epist. ad Concilium Ephesium, & Concilium Tolet. 3. docent, Concilia esse demonstrata verbis Matth. 18. *Vbi fuerint duo vel tres congregati in nomine meo, in medio eorum sum.*

Primum Conciliorum legis nouæ, fuit Concilium Hierosolym. sub Petro an. Christi 44. fuerunt tamen anteriora absolutè, in Synagoga scilicet, vbi multæ Synodi sunt congregatæ, prout necessitas temporum postulabat. Primum celebratum est an. mundi 2709, an Sicheu sub Eleazaro Pontifice, Iosue & Senioribus

rioribus assidentibus, ad prohibendum societatem cum Gentilibus, auferendum Deos alienos, & sepeliendum ossa Ioseph. Iosue 24. Secundum fuit Hierosolymis, sub Summis Pontif. Sadoch & Abiathar, regnante Dauide, anno 3020. pro distribuendis Leuitis in varias classes ad ministerium templi, & reperiuntur numero 38000. 2. Paralip. 29. Tertium fuit etiam Hierosol. sub Azaria Sum. Pontif. & Ezechia Rege, pro restituenda religione, templo, ceremonijs, & re diuina iuxta dispositionem & canones Dauid. Habitum est anno 3309. Mentio fit de illo 2. Paralip. 29. Quartum fuit Hierosolymis an. 3412. sub Rege Iosia & Pontif. Helcia pro restituenda religione sub impijs Regibus pessumdata, pro repurgando Templo, Paschate celebrando iuxta maiorum ritus, & Ariolis expellendis, 4. Reg. 23. & 2. Paralip. 34. Quintum fuit Hierosol. sub Eliazibo Pontif. & Nehemia duce anno 3609. pro restituendo codice & canone sacrarum scripturarum: maior enim pars librorum Veteris Testamenti perierat in captiuitate Babylonica, quando ciuitas & templum euerfa sunt; ita vt Esdras, Spiritu sancto distante, libros deperditos ex memoria depromptos conscripserit, & alios collegerit ex personis priuatis, quæ aliquos eorum seruauerant. Sic Suidas & Chrysost. Homil. 8. in Epist. ad Hebræos. Sextum adhuc Hierosol. an. 3793. sub Elezaro Pontif. pro mittendis in Ægyptum 72. interpretibus. Voluit enim Rex Ægyptis Ptolomæus Philadelphus, vt Eleazarus Pontifex ad se mitteret libros, quos diuinos esse audierat, & homines doctos, qui ex Hebræis illos redderent Græcos: Vnde Pontifex Concilium coegit, in quo conclusum est, nominandos esse septuaginta duos seniores, sex ex qualibet Tribu, qui in Ægyptum se conferrent, sacrumque codicem ex Arca sanctuarij extractum illi offerrent. Re sic acta, Ptolomeus sapientes illos in insulam Pharos & in singulas cellas reclusit, vt versioni horum librorum operam darent; & tam admirabilis inter illos visus est consensus, vt nec in verbis, nec in verborum ordine, nec in sensu vlla reperta fuerit diuersitas, inquit Augustinus, lib. 19. de Ciuit. Dei, cap. 42. Septimum fuit Alexandrinum sub Ionatha Pontifice, & Ptolomæo Philadelpho Rege Ægypti: Vel potius dispu-

ratio fuit inter Iudæos & Samaritanos pro sua religione; Iudæi enim contendebant pro Templo Hierosolymitano, quod solum dicebant legitimum, & Samaritani pro templo Garisitano. Causa audita est coram Rege & iudicatum Templum Hierosolym. esse legitimum, An. 3859. & hoc tantum propter continuam successionem Pontificum, quam non habebant Samaritani, qui erant hæretici, & nostris in hoc similes. Vide Iosephum lib. 13. c. 6. exemplaris Græci. Octavum fuit sub Iuda Machab. contra Saducæos hæreticos, non admittentes Resurrectionem, neque Angelum, neque Spiritum ex Matth. 22. Nonum fuit Hierosolymitan. sub Herode Rege & Matathia Sum. Sacerdote. Anno 4051. de quæstione, ubi Christus nasceretur. Matth. 2. Decimum est Hierosolymitanum sub Caipha Pontif. & Tiberio Imperat. quod fuit celebratum propter miracula Christi an. eius 33. ubi respondit Caiphas, *Expedi, ut unus homo moriatur pro populo, & non tota gens pereat; hoc autem à semetipso non dixit, sed cum esset Pontifex anni illius, ex Ioan. 11.* Ex his ultimis verbis patet, Caipham non loquutum fuisse ex instinctu Spiritus maligni ipsum obsidentis; sed ex instinctu Spiritus sancti, qui etiam malos in dignitate constitutos mouet ad vera dicenda, maxime dum agitur de utilitate subditorum. Ultimum fuit Hierosol. sub eodem Caipha & Tiberio Imper. dum captus esset Iesus ex Matth. 26. in quo Concilio Caiphas cupidus mortis Iesu, memorque prioris sententiæ, Iesum captiosè alloquitur, dicens, *Adiuro te per Deum vivum, ut dicas nobis si tu es Christus filius Dei.* Quod si hoc Concilium errauit & Pontifex, dicendo, Christum esse reum mortis, nil mirum, quia cum Christus incipiebat mori, Synagoga incipiebat deficere & carcere assistentia Spiritus sancti, quæ Pontifices reddebat infallibiles.

Porro apud Iudæos duplex erat Tribunal, seu Concilium ad dirimendas controuersias; horum vnum erat minus, quod constituit Moyses in singulis ciuitatibus ex consilio soceri sui Ietro, ut habetur Exodi 18. Aliud erat maius, institutum ex mandato Dei ex Numer. 11. Inter illa fuit hoc discrimen: Primum, maius erat tantum in Hierusalem, minus erat in ciuitatibus singulis. 2. in maiori iudicabantur maiores con-



controuerſiæ, in minori faciliores. 3. in maiori præſidebat Pontifex, in minori non item. 4. à minori licebat appellare ad maius, non è contra. 5. in maiori erant ſeptuaginta perſonæ præter Pontificem, in minori erant tantum viginti tres. 6. maius vocabatur *Sanedrim*, vel *Sinedrim*, de minori non item.

## QVÆSTIO II.

*Verum Concilium generale neceſſarium ſit.*

**V**igorius ſuſtinet, Concilia generalia eſſe abſolutè neceſſaria, quia nulla ab antiquis reperta eſt expeditior ratio ad confirmandam pacem in tota Eccleſia, quàm ea quæ à Chriſto tradita eſt, ſiue ad hæreſes extirpandas, ſiue ad ſchiſmata tollenda, ſiue ad Eccleſiam reformandam in capite & in membris. Nos verò dicimus quidem, Concilia eſſe neceſſaria ſecundum quid, id eſt, maximè vtilia; quia reuerà hæretici facilius ab errore reſipiscunt, & ſchiſmate facilius tolluntur, dum vident ſe ab vniuerſali conſeſſu Prælatorum condemnari, quàm ſi ſolus Pontifex illos condemnaret, licet ex cathedra.

## CONCLUSIO PRIMÆ

**C**oncilia Generalia non ſunt abſolutè neceſſaria. Quia non ſunt primò neceſſaria ad extirpandas hæreſes, quoniam primis trecentis Eccleſiæ annis, in quibus non fuit vllum Concilium generale, multæ & variæ hæreſes extinctæ ſunt, vel à Romanis Pontificibus, quibus ex Cypriano lib. 1. Epist. 3. *obedi-  
re debet fraternitas vniuerſa*; vel à Concilijs Pro-  
uincialibus, vel denique ab Episcopis particularibus: Imò paucæ ſunt hæreſes damnatæ à Concilijs, ex Auguſtino citato in Diſp. præcedenti. Secundò, non ſunt congreganda Concilia ad ſchiſmata tollenda; nam ſi ſchiſma ortum tempore Sigismundi Imp. & Caroli VI. Regis Francorum extinctum fuerit per Concilium Conſtantiènſe, vbi loco Benedic-  
ti XIII. Gregorij XII. & Ioannis XXIII. qui ſe prætendebant Pontifices, ſubſtitutus eſt Martinus quintus, pluſquam viginti quinque ſchiſmata ſopita ſunt.

N 5. de

ne Concilijs generalibus, vt Nouari cum Cornelio, Vrsini cum Damaso, Laurentij cum Simmacho, Anacleti cum Innocentio II. Caroli cum Alexandro, Gregorij cum Vrbanò IV. &c. & hoc per Cardinales ad quos iure vel consuetudine deuoluitur iudicium Pontificiæ potestatis. Quare ergo non potuisset sic terminari Schisma istud; nempe vel per Cardinales, vel per Clerum Romanum, vel per Episcopos Comprovinciales, maximè cum sit summa difficultas in Congregatione Concilij generalis? Tertiò, non sunt congreganda Concilia generalia, vt resistatur communi hosti Ecclesiæ, nimirum Turcæ; quia posset bellum indici sine Concilio; & Deus qui Ecclesiam conseruauit contra Neronem, Diocletianum, Domitianum & alios tyrannos crudeles, poterit illam conseruare contra Turcas. Quartò, concilia generalia non sunt absolutè necessaria ad reformandos abusos Ecclesiæ; hoc enim fieri potest in membris per leges Summi Pontificis, & Conciliorum Prouincialium decreta; in capite verò per admonitionem charitatiuam proborum virorum, & etiam per increpationem reuerentialem Prælatorum.

Obijcies posse dubitari de electione Pontificis, vel oriri suspicio aliqua de hæresi in illo. Resp. in hoc consulendos esse Cardinales, qui cum Pontificem elegerint, nouerunt an electio sit legitima, nec ne; vnde ob hoc nulla Concilia conuocata fuisse; sicut nec ob aliud inconueniens: quandiu enim verè est Pontifex, non potest iudicari, nisi suam Concilio cedat auctoritatem, quam potest etiam Concilio Prouinciali cedere; & sic, si Hæreticus censetur, nouum creabunt Cardinales; si Fidelis, remanebit.

## CONCLUSIO SECVNDA.

**L**icet Concilia generalia non sint absolutè necessaria, sunt tamen summè vtilia, & proinde necessaria secundum quid. Augustinus enim Epist. ad Ianuarium ait, saluberrimam esse in Ecclesia Conciliorum auctoritatem; & Gregorius Cap. *sicut Sancti*, quatuor prima Concilia tanquam Euangelia veneratur. Deinde, Apostoli qui omnium charismatum dona, & proinde infallibilitatem in die Pentecostes

rece-

receperant, & poterant singuli seorsim definire controuersiam de cessatione Legalium, maluerunt eligere medium ordinarium, nempe congregationem Concilij, ad relinquendum exemplum posteris, vt in dubijs de fide recurrerent ad Concilia. Tertiò, maxima commoda in Ecclesiam redeunt ex Concilijs, quia conseruatur per hoc melius vnitas Fidei, dum subscribunt Episcopi articulis, quos in suis subditis se declaraturos promittunt; & magis confunduntur Hæretici, cum omnium Prælatorum iudicium illis opponitur. Adde quòd non omnes Catholici conueniunt de infallibilitate Pontificis, vbi nullus dubitat de Concilij infallibilitate: ergo Concilia sunt maximè vtilia.

Non minustamen immeritò dicit Vigorius, nullam expeditiorem viam reliquisse Ecclesiæ, ad extirpandas hæreses, &c. Cum enim Concilia generalia sine maximis laboribus, & expensis, magnis difficultatibus, & longo tempore non possint conuocari, pessimè consulisset Ecclesiæ, si medium facilius non illi reliquisset; nimirum Summum Pontificem, ex Cathedra loquentem; maximè quando vrget necessitas Ecclesiæ.

### Q V Æ S T I O III.

*Quotuplex sit Concilium?*

**Q**uoniam loqui nobis tantum conuenit de Concilijs, quæ congregantur in Ecclesiâ, nolumus diuidere Concilium in genere, quatenus conuenit saculari & Ecclesiastico; sed de hoc vltimo tantum loquemur, de quo erit

### C O N C L V S I O P R I M A.

**Q**uadruplex est Conciliorum genus; alia enim sunt Concilia generalia, alia Nationalia, quædam Pronincialia, & quædam Diocesana, seu Synodalia. Concilium generale est congregatio maiorum Prælatorum Ecclesiæ de toto orbe Christiano, nullo excluso, autoritate Pontificis conuocata, ad aliquod negotium Ecclesiæ concernens tractandum communi intentione, ipso Summo Pontifici

Pontifice presidente, vel aliquo Legato gerente suas vices. Concilium Nationale est illud quod componitur ex Patriarcha, vel Primate & Archiepiscopis & Episcopis alicuius nationis. Modò dicitur Generale per comparisonem ad Prouinciale & Dioecesanum; & modò Particulare per respectum ad Generale. Prouinciale est illud, quod celebratur ab Archiepiscopo, & coalescit ex congregatione Episcoporum suffraganeorum. Tandem, Dioecesanum seu Synodale est illud, in quo conueniunt tantum Pastores vnius Dioecesis cum suo Episcopo.

## CONCLUSIO SECVNDA.

**A**liam diuisionem affert Bellarminus omnino notatu dignam, & ad cognitionem Conciliorum conducentem, quod in causa fuit, vt illam tradere conueniens omnino iudicauerim. Conciliorum ergo, ait Bellarminus, lib. 1. de Concilijs cap. 5. alia sunt omnino approbata recepta ab Ecclesia; alia sunt omnino reprobata; alia tandem partim approbata & partim reprobata.

Concilia generalia totaliter approbata, sunt decem & octo, nimirum, Nicænum primum, Constantinopolitanum 1. Ephesinum, 1. Chalcædonense, Constantinop. 2. Constantinopol. 3. Nicænum 2. Constantinop. 4. Lateranense 1. Lateran. 2. Lateran. 3. Lateran. 4. Lugdunense primum, Lugdunense 2. Viennense. Florentinum. Lateranense 5. & Tridentinum. De singulis horum Concilijs agemus postea.

Concilia generalia totaliter reprobata, sunt Concilium Antiochenū an. 354. sub Constatio, in quo damnatus est Athanasius, & via aperta ad destructionem Concilij Nicæni. Mediolanense Anno 354. tempore adhuc Constantij, qui Arianis fauebat. Ariminense ann. 363. in quo ablatum est de Symbolo nomen *ὁμολογίας*, & in quo Patres subsignauerunt confessionem, quæ Orthodoxa videbatur, attamen erat Ariana; vnde Hieronymus dicebat, quod miraretur vniuersus Orbis, se Arianum videre. Initio tamen Concilij condemnauerunt Arianos, sed tandem corrupti sunt ab Arianis. Ephesinum quartum sub Theodosio iuniore an. 449. reprobatum est; in eo occisus fuit S. Flavianus Episcopus Constantinop.

Le-

Legati Papæ fugati sunt, & Hæresis Eutychiana confirmata fuit. Quintum est Constantinop. sub Leone Isauro an. 730. contra sacras Imagines; in illo nullus Patriarcharum conuenit, præter S. Germanum, qui eiectus est è sede Constantinop. quia Concilio restitit. Sextum est Constantinop. an. 755. sub Constantino Copronymo, in quo abolitæ sunt Imagines; nullus Patriarcharum adfuit, excepto Pseudo Episcopo Constantinop. Septimum fuit Pisanum an. 1511. sub Imp. & Rege Galliarum, & aliquot Cardinalibus contra Iulium II. cui opponitur Concilium Lateranense.

Concilia generalia partim approbata, partim reprobata sunt primo Concilium Sardicense, ubi Orientalem Fidem Arianam subscripserunt, & Occidentales & retinuerunt Catholicam, an. 311. Secundo, Concilium Sirmienfe an. 356. initio Patres fecerunt confessionem Orthodoxam, & ideò partim approbatum est; & postea aliam omnino Arianam, & ideò reprobata. Osus Cordubensis Episcopus illustrissimus Fidei defensor subscripsit Arianæ confessione ætate centum annorum; multum tamen postea ipsum poenituit. In hoc Concil. damnata est Hæresis Photini. Tertiò, Quinisextum, sic dictum, quia non est Synodus quinta nec sexta, sed addidit Canones quintæ & sextæ, qui nulli erant in illis; & quia tempore Iustiniani illi Canones fuerunt facti Constantinop. in Palatio, quod dicitur Trullum, dicti sunt illi Canones num. 102. Trullani, & Concilium in Trullo. Quia non interfuit Papa, nec Legati illi Concilio, partim reprobata est à Sergio Papa, & quia aliqui Canones approbati sunt, ut 28. de imaginibus pingendis, partim approbatum dicitur. Quartò, Concilium Francofordiense est partim approbatum; in hoc scilicet quòd definierit, Christum non esse Filium Dei adoptiuum; & partim reprobata, quia damnauit sextam Synodum. Quintò, Constantiense fuit tale etiam; primæ enim Sessiones, ubi definitum est, Papam subdi Concilio, reprobata sunt ex Bellarmino in Conc. Florent. & Lateran. ult. Aliæ verò quas Martinus V. approbavit, ab omnibus recipiuntur. Anno 1414. inchoatum est sub Ioanne XXIII. & finitum sub Martino V. an. 1418. Basileense tandem nihil habet ratum, & sic potius est inter absolute reprobata.



## QVÆSTIO IV.

*Ad quem spectet conuocatio Conciliorum.*

**L**utherus, Brentius, Magdeburgenses, Calvinus & Vigorius hoc spectare ad Imperatorem sentiunt; Iurisconsultus Parisiensis Moliznus, asserit Concilium Trident. non esse recipiendum, quia à Papa, non ab Imperatore indictum est. Et est ratio quam allegant Protestantes in suo libello, propter quam non comparuerint in illo Concilio. Contrarium tenent Catholici, Imperatorem scilicet non posse conuocare Concilium, nisi per viam exhortationis; hortando scilicet pro bono pacis in Ecclesia, vt Prælati conueniant simul pro Concilio celebrando; aut nisi per modum authoritatis executoriæ, cogendo scilicet tanquam legum Ecclesiasticarum executor esset, omnes Prælatos, vt ad Concilium veniant; præceptiue tamen, & ex authoritate propria Concilium indicare non posset.

## CONCLUSIO.

**A** Solo Romano Pontif. Concilium conuocari potest. Primò quia ille solus indicare potest Concilium, qui habet ius cogendi omnes Prælatos vniuersi orbis; at Imperator non habet talem potestatem, nequidem ciuilem, super omnes Episcopos, cum non dominetur orbi Christiano, sed tantum Pontifex: ergo hoc non spectat ad Imp. sed ad Pontif. Rom. Secundò, quia Calvinus lib. 4. Instit. cap. 7. ff. 8. & alij, fatentur Concilia Nationalia, Prouincialia & Synodalia conuocari à Patriarcha, vel Primate, ab Archiepiscopo, & ab Episcopo: ergo etiam Summus Pontifex potest congregare generalia, quia non minorem habent authoritatem Rex aut Dux Prouinciæ super suos subditos, quam Imperator circa suos; unde si Imperator ius habeat conuocandi Concilium generale, Reges & Principes congregare poterunt Notionalia. Tertiò, quia Valentinianus Imperator requisitus à quibusdam Episcopis, vt illis permitteret Concilium celebrare, respondit, inquit Sozomenus, lib. 9. cap. 7. *Sum quis stem in sorte plebis, fas non est ta-*  
lia

*lia curiosius perferuari; Sacerdotes, quibus ista cura sunt; quocumque voluerint loco conueniant. Quartò, quia Imperator est ouis, Papa est Pastor; nonne ergo potius comperit Pastori congregare oues, quam oui congregare Pastores.*

Confirmatur hæc conclusio autoritate. Marcellus enim primus Epist. ad Episcopos Prouinciæ Antiochenæ, an. 296. vel 297. de Apostolis loquens ait, *Idem inspirante Domino constituerunt, ut nulla Synodus fieret præter auctoritatem Summi Pontificis.* Hoc determinauit Concilium Nicænum postea, ut patet ex Epist. Iulij ad Episcopos Antiochenos, & ex Sozomeno lib. 3. cap. 9. & ex Innocentio I. arguente Episcopos Orientales, quòd celebrauerint Synodum Antiochiæ, inconsulto Pontifice, contra prohibitionem Concilij Nicæni; *Sancti Patres unanimiter in Nicana Synodo statuerunt, ut Synodus suo tempore Apostolica auctoritate conuocetur.* In Synodo Chalcedonensi, quæ est 4. generalis, Dioscorus Patriarcha Alexandrinus priuatus fuit loco, quem in Concilio tenebat, & coactus in medio Concilij respondere coram Legatis, de temeritate qua conuocauerit Concilium Ephesi sine licentia Papæ S. Leonis, ex Conc. Chalced. act. 1. versu. *Petro religiosissimo.* Athanasius apud Gregorium 7. in Apolegetico super decreta Concilij Romani contra Simoniacos, *Scimus in Nicana magna Synodo 318. Episc. ab omnibus concorditer esse roboratum, non debere absque Pontif. Rom. sententia, Concilia celebrari:* Porro, quòd hoc ius pertineat ad Sum. Pont. ex Traditione Apostol. patet ex Greg. 7. Epist. *Gaudemus, dilectissimi! tit. Dictatus Papa in Concil. Roman. præcitato pronuntiat, Ipsi Apostoli & eorum successores, Domino inspirante, constituerunt, ut nulla fieret Synodus præter Romanæ Sedis auctoritatem.* Leo decimus in Conc. Lateran. ult. sess. vltim. Constit. *Pastor æternus.* definiuit Concilia absque auctoritate Pontif. congregata, nulla esse, quia ex Socrate prohibent Canones, Leges fieri pro tota Ecclesia, sine licentia Pontif. lib. 2. cap. 5. & 13.

Obijcies. Constantinus Imperator conuocauit Nicænam Synodum: Theodósus Constantinopolitanam; Constantius Sardicensem; Theodosius iunior Ephesinam; Martianus Chalcedonensem; & sic de multis alijs. Resp. solam Papæ auctoritatem reddere

Con-

Concilium legitimum in foro interiori: Principū tamen autoritas necessaria est in foro exteriori, ut scilicet decisiones eius executioni mandentur per brachium sæculare. Sic Eminentiss. Cardinal. Perzonius in replicat. ad Angliæ Regem lib. 1. cap. 42. propterea Patres curabant, ut in fronte Concilij apponerentur hæc verba, *Sacrosanctum & Oecumenicum Concilium auctoritate Imperatoris congregatum*. Ob hoc Constantinus ad Patres Synodi Nicænæ dicebat, *Vos intra Ecclesiam, ego extra Ecclesiam à Deo Episcopus constitutus sum*; Eusebius in vita Constant. lib. 4. cap. 24. Quod si aliqua conuocata fuerint ab Imperat. contradicente Pontifice, nulla fuerunt: ut Ephesium 1. à Theodosio iuniore, quod propterea dictum est *Latrocinium*; Constantinopolitanum, congregatum à Constantio Copronymo contra imagines, & cæc. Quod si Siquessanus, inuito Marcellino, congregatum fuerit, tamen pro legitimo habitum, congregatum fuit à Clero Romano, eo tempore quo Marcellinus, qui thus adoleuerat idolis, exciderat à Summo Pontificatu; & pro tunc ipsi Clero habenti auctoritatem Cardinalium, ius Concilia conuocandi deuolvebatur. Quantum denique ad Concilium Eisanum; nil mirum si conuocatum fuerit Gregorio XII. & Benedicto XIII. dissentientibus; nam tunc erat Schisma, & incertum erat, vter eorum esset Pontifex; & cum incertus, ex regula iuris, haberetur pro nullo, Cardinales vtriusque partis Concilium coegerunt.

## Q V Æ S T I O V.

*Quinam sint ad Concilium conuocandi.*

**E**cclēsia Vniuersalis diuersa hominum genera continet, alij enim sunt Clerici, alij Laici: Clericorum alij sunt Prælati, alij non Prælati: Prælati verò, vel sunt Summus Pontifex, vel Patriarchæ, aut Primates, aut Archiepiscopi, aut Episcopi, aut Abbates: nam quoad Cardinales, non sunt Prælati, ut sic, sed tantum quatenus aliqui eorum sunt Episcopi.

Quantum ad Patriarchas; hinc trāscurſu dicam, Ecclesias Patriarchales esse illas, quas D. Petrus fundauit;

dauit; & sic initio Ecclesiæ fuerunt tantum tres Ecclesiæ Patriarchales, nimirum Romana, Alexandrina & Antiochena. Sic Concil. Nicæn. ex Concil. Chalced. Act. 16. Ecclesia Hierosolymitana annis ferè quingentis titulo solo Patriarchalis gaudebat; nullis enim præerat Archiepiscopis, aut Episcopis, sicut aliæ, imò illius Patriarcha subiectus erat Archiepiscopo Cæsariensi quoad iurisdictionem; sedebat tamen quarto loco, sicut Romanus primo, Alexandrinus II. & Antiochenus III.

Causa sola numeri Ecclesiarum Patriarchaliū fuit dignitas Petri; nam illæ solæ habitæ sunt Patriarchales, in quibus tanquam Episcopus sedit, vel per se, vt in Romana & Antiochena; vel per aliū, quem ad eam misit suo nomine, vt in Alexandrina, vbi suum discipulum Marcum delegauit Episcopum. Sic D. Gregor. lib. 6. Epist. 17. ad Eulogium, vbi hæc omnia declarat. Sed dices, cur Ecclesia Alexandrina præfertur Antiochenæ, cum hæc sit antiquior & in illa per se sederit Petrus, in alia verò per discipulum? Resp. quia Alexandrinam rexit B. Marcus Euangelista, & Antiochenam Euodius, qui Marco cedere debet. Anacletus Episc. 3. hunc ordinem assignat inter Ecclesias Patriarchales. Instabis, cur ergo Ephesina, quam fundauit Paulus, & Ioannes vsque ad mortem rexit, non est Patriarchalis? D. Gregorius præcitatus hoc attribuit priuilegio, quod habuit Petrus sublimandi sedes suas, ratione sui Principatus super vniuersam Ecclesiam & omnes Apostolos.

Quantum ad Ecclesiam Hierosolymitanam, titulo & honore Patriarchalis gauisa est per annos penè quingentos, sub iurisdictione sui Metropolitanæ Cæsariensis, sic Concil. Nicænum can. 7. *Quoniam mos antiquus obtinuit & vetusta traditio, vt Alexandria, id est Hierosolyma, Episcopo honor deferatur, habeat consequenter honorem suum, manente tamen Metropolitana ciuitati dignitate propria.* In Concilio autem Chalcedon. ann. 451. Ecclesia illa euecta est ad dignitatem Patriarchalem, illique fuerunt assignatæ post multas contestationes tres Palestinæ, quæ antea erant sub Patriarcha Antiocheno.

His denique accessit Patriarcha Constantinopolitanus, cuius Ecclesia ab initio erat tantum Paroehialis in Diocesi Heracleæ, deinde facta est Epi-

Episcopalis & denique Patriarchalis, ut in honore illa urbs haberetur, in qua sedebant Imperatores. In primo Conc. Constantinop. coepit Episcopus huius urbis usurpare nomen Patriarchæ & secundum locum inter Patriarchas; hoc est, primum locum post Patriarcham antiquæ Romæ, & de hoc fecit Canon. 3. *Constantinopolitana*, qui fabricatus fuit in absentia Legatorum: Sed hæc præ eminentia fuit semper illi contestata usque post annum quingentesimum, quo tempore hanc dignitatem concessit Pontifex, nullo reclamante, Episcopo Constant. ad supplicationem Iustiniani Imperatoris.

His suppositis, quaerimus quinam sint conuocandi ad Concilia; aliter enim Hæretici, & aliter Catholici sentiunt; nam illi volunt ex omni genere hominum debere adesse eruditos, etiam ut iudices, & habere suffragium decisivum, etiam si Laici sint: Unde Protestantes, inter causas cur non affuerunt Concilio Tridentino, hanc afferunt, quod scilicet viri docti etiam Laici suffragium in illo non habuerint. Contraria est Catholicorum.

### C O N C L U S I O.

**P**Rælati Maiores conuocandi sunt ad Concilia ex iure, nimirum Patriarchæ, Fratres, Archiepiscopi; Episcopi, Cardinales verò, Abbates, Generales Ordinū ex privilegio & consuetudine vocandi sunt. Ex viris doctis aliqui etiam appellari solent; sed tantum ad consultationem & examen eorum quæ in Concilio pertractantur; non autem ad ferendam sententiam decisivam; non sunt enim Principes Ecclesie. Principes denique ibi vocantur, ut protegant Patres Concilij & Decisiones eius faciant observare. Hæc omnia patent ex communi usu Ecclesie; ideo superest tantum, ut respondeamus Hæreticis, qui volunt admittere Laicos ad Concilium cum voce decisiva, & Vigorio, qui præ tendit Præbyteros curam animarum habentes æquali potestate gaudere cum Episcopis.

Obijciunt ergo Hæretici, in Concilio Apostolorum adfuisse Apostolos, Presbyteros & Laicos Act. 15. *Conuenerunt Apostoli & Seniores videre de verba hoc*; Et infra, *Tunc placuit Senioribus cum*  
omni



*omni Ecclesia.* Resp. Apostolos interfuisse, vt iudices; Seniores seu Presbyteros vt Consultores, & Populos vt audientes & consentientes: Quod patet ex hoc, quòd Lucas 15. Act. introducat tantum Petrum, Paulum, Barnabam & Iacobum loquentes, vt ostendatur solos Apostolos habuisse vocem decisivam; *Tacuit autem omnis multitudo*, post Petri sententiam, *Et audiebat Paulum & Barnabam*; subditur, & postquam tacuerunt, *Respondit Iacobus dicens, &c.* Et mox finita Iacobi Oratione, subditur, *tunc placuit Apostolis.* Dicunt Concilium generale repræsentare Ecclesiam: Ergo illi adesse debent homines ex omni genere. Resp. quemlibet Episcopum repræsentare Ecclesiam suam, & sic omnes Episcopi totam Ecclesiam repræsentant. Dicunt, Nicolaum dixisse Imperatorem debere adesse Concilijs in ijs, quæ sunt de fide, quia est causa cõmunis Clericos & laicos cõcernens. Dicit quidem Papa requiri præsentiam Imperatoris, non vt Iudicis, sed Protectoris & executoris Legum Ecclesiasticarum. Nefas ergo est dicere, Laicos habere ius decisivum in Concilijs; hoc enim spectat ad Pastores, quorum officium est pascere; pascere autem est docere, Ieremiæ 3. *Dabo vobis Pastores secundum cor meum, & pascunt vos scientia & doctrina.* Ob hoc Theodosius Iunior in Epist. ad Ephes. Synodum, ait: *Illicitum est, eum qui non sit ex Ordine sanctissimorum Episcoporum, Ecclesiasticis immisceri tractatibus.*

Obijcit Vigorius, multos Chorepiscopos subscripsisse Concilio Nicæno; hi autem erant duntaxat Præbyteri, quos mittebant Episcopi in Pagos & Urbes, tanquam suos Vicarios, post manuum impositionem. Respon. fuisse aliquos Chorepiscopos, qui Episcopalem consecrationem acceperunt; hi subscripserunt vt Iudices: alij fuerunt simplices Presbyteri, de quibus antea; & hi subscripserunt vt testes. Instat ex Euseb. libr. 6. 3. de Vita Constantini cap. 9. Conc. Nicæn. interfuisse Episcopos, Præbyteros, Diaconos & Acolythos; & tunc Athanasium, qui Diaconus erat, maximam partem Concilij contra Arium sustinuisse, ex Gregor. orat. funebr. eiusdem Athanasij & ex Sozomeno libr. 1. cap. 16. Respond: vt supra, illos adfuisse vt consultores, vel testes; non verò vt definientes, nisi ex priuilegio Summi Pon-

Pontificis, quod concessit Siluester suis Legatis, qui erant Sacerdotes simplices. Hoc idem dicendum est de Philippo Presbytero Ecclesiæ Romanæ, qui fuit Legatus in Concil. Ephes. sicut Bonifacius in Chalcedonensi; hi enim referunt personam Pontificis, qui si adesset Concilio, ipsi subscriberet. Si in Conc. Lateranen. sub Innocentio III. Abbates XII. & quàm plurimi Priores Conuentuales subscripserint; hoc semper ex indulto Præsidium, vel tanquam testes; nunquam verò hoc fecerunt (neque etiam Parochi) ut ius ex se habentes ad Conc. nec enim ad eos spectat definire de rebus Fidei, quippe quæ sunt maioris momenti, & sic spectant ad Principes Ecclesiæ, non ad Curatos, quibus ex officio non incumbit Euangelium prædicare, nec Fidem contra Hæreticos propugnare, nisi autoritate Prælatorum accepta; sed sufficit, quòd subditos suos doceant rudimenta Fidei. Ad eos etiam non pertinet morum regulas facere in Concilijs; imò potius tenentur obseruare quas Episcopi statuunt. Nec tertio possunt esse in Concilijs, Episcoporum iudices; aliàs superior ab inferiori damneretur: Ergo non habent ius ad Concilia in quibus præsertim illa tria pertractantur.

## Q V Æ S T I O VI.

*Cuius sit præsidere in Concilio Generali.*

**A**liter ratiocinantur Catholici de requisitis ad Concilium, & aliter Hæretici. Illi asserunt sufficere, quòd conuocatio sit generalis, ita ut perueniat ad maiores Orbis Christiani Prouincias; deinde, quòd nullus Episcopus excludatur, modò non sit excommunicatus: Tertio, ut adsint, saltem per Legatos Patriarchæ, hoc tamen est tantum ad melius esse: Quarto denique si Concilium celebretur in Oriente, requiritur ut maior pars Orientalium adsit, & saltem aliqui ex Occidentalibus, & vice versa. Lutherani alias condiciones exigunt. 1. Ut ante Concilium nouum, irritetur Tridentinum. 2. Ut fiat in Germania, vbi lites exortæ sunt. 3. Ut Papa nec Concilium indicet, nec ei præsit, cum sit pars aduersa Hæreticis. 4. Ut ex sola Scriptura iudicium feratur, non ex Canonibus, aut Traditione. 5. Ut  
Papa

Papa absoluat omnes Prælatos à iuramento fidelitatis, quo ei astringuntur. 6. Vt non attendatur ad pluralitatem suffragiorum, sed ad Scripturam quæ allegatur. 7. Vt Theologi Principum, & præsertim illorum qui sequuntur confessionem Augustanam, gaudeant suffragijs, sicut Episcopi. 8. Vt ab Imperatore detur saluus conductus, nedum personis, sed & causæ principali, ita vt non possit condemnari opinio v.g. Lutheranorum, si illam non possint tueri.

## CONCLUSIO.

**S**ummi Pontificis est, tanquam supremum in Ecclesia Monarchæ, præsidere Concilio generali, vel per se, vel per Legatos; sicut Rex Galliarum summus Imperij sui Princeps suis comitijs civilibus præest, siue per se, siue per Commissarios. Contra Lutherum, Calvinum & Vigorium, volentes, Imperatorem Concilio generali præesse, & ipsum sua auctoritate confirmare.

Probatur primò Conclusio ex summa auctoritate, quam dedit Petro Christus, & successoribus, qui eandem possident, vt probauimus disp. de Summ. Pontif. non dixit enim Imperatori, *Pasce oues meas*, sed Petro; per quæ verba auctoritati Pontificiæ Christus subijecit, nedum Patriarchas, Archiepiscopos & Episcopos, sed etiam Reges & Imperatores. Idem enim est ac si dixisset Christus Petro ex Chrysost. in hunc locum, *Esto præpositus loco mei, & caput fratrum tuorum*. Vnde, sicut Christus in medio sedet eorum, qui congregantur in nomine suo, quibus obsecra legis explicat, sic etiam sedere debet Summus Pontifex in medio Episcoporum tanquam iudex supremus: *Christus enim plenissimam potestatem Petro, & successoribus eius plenissime commisit*. S. Cyrillus Alex. apud S. Thom. contra errores Græcorum, Opuscul. 1. cap. 32. tit. de Roman. Pontif. Si ergo habeat plenissimam potestatem, non tantum conuocare potest Prælatos ad Concilium, sed insuper illis præsidere debet, tanquam supremus Princeps, siue per se, siue per Legatos: Imperator autem dicitur præsidere Concilijs, vt sua auctoritate pacem teneant, omniaque felicem exitum sortiantur.

Probatur 2. ex eo quòd in primis Concilijs celebratis

is apud Orientales, semper Papæ miserunt suos Legatos tanquam Præsides; vbi si ipsimet in propria persona noluerint præesse, hoc fuit, ne orietur difficultas inter Papam & Imperatorem, qui licet non præset Concilio vt iudex, tamen præsidebat materialiter, primum locum tenendo. In primo ergo Concilio, Niceno scilicet, ann. 325. Osius Episcopus Cordubensis Legatus missus est à S. Syluestro, sicut in Sardicensi cum Archidamo & Philoxene à Iulio primo. In Concil. Constantinop. nec Papa, nec Legati eius præfuerunt, quia eodem tempore conuocauit Papa Romæ Concilium, ad quod euocauit Orientales, qui cum non possent huc accedere intra tempus præfixum, se excusauerunt & eorum excusationem accepit S. Damasus; & sic Concilium Constantinop. fuit celebratum sub Nestorio ibidem Patriarcha, & illi qui non potuerunt vñiri præsentia corporali, vñiti sunt mente. In Concilio Ephesino, tanquam Vicarij Celestini præfederunt D. Cyrillus Patriarcha Alexandr. Arcadius & Proiectus Episcopi, cum Philippo Presbyt. Eccles. Rom. In Concil. Chalcedonensi Legati Vice Leonis Papæ fuerunt Paschasinus & Lucentius Episcopi, cum Bonifacio Presb. Huius Concilij Patres numero 500. sic scribunt Summ. Pontif. *Nobis omnibus, sicut membris præerat in ijs qui tuum tenebant ordinem, Epistol. Repletum os gaudio est nostrum, & habetur 3. part. Eutychius Constantinop. Episcopus fuit Legatus Papæ Vigilij in Concil. Constantinop. 2. sed agnoscit antiquioris Romæ Antistitem ibi præsidere sua autoritate, Præsidente nobis vestra beatitudine. Epistol. Scientes quantum bonorum, quæ est penultima in Collat. 1. Pro Concil. Constantinop. 3. audiendus est Longobardus Imperator, Agatha sanctus, nuper Ordinatus Papa, nostros pios suspiciens apices, destinavit in præfenti (Concilio) propriam eius induens personam Theodorum & Gregorium, Deo amabiles Presbyteros, & Ioannem Deo amabilem Diaconum, Sic scribit Imperator Georgio Patriarchæ Constantinop. Epistol. Quamquam sollicitudinibus, in Præemb. Concil. Nicæno 2. Petrus Archiepresbyter Ecclesie Romanæ & Petrus sancti Sabæ Abbas Legati fuerunt Adriani Papæ primi. In octauo denique Concil. Constantinopol. 4. præfederunt vt*  
*Le.*

Legati Adriani II. Donatus & Stephanus Episcopi, cum Marino Diacono. Istorum primus in fine Concilij ita subscripsit; *Ego Donatus Dei gratia Episcopus Hostiensis locum obtinent Domini mei Adriani, vniuersalis Papa, huic sanctæ & vniuersali Synodo præsidens. omnia quæ superius leguntur, promulgauit & manu propria subscripsi.* Ex hoc sequitur, quod si ius præsidendi Concilijs non pertineret ad Pontif. Roman. Patriarchæ Constantinopol. nunquam cedere voluissent suam authoritatem, vt ea induerent Legatos Papæ, qui sæpius erant tantum Episcopi, aliquando simplices Presbyteri, & aliquando solum Diaconi.

Obijciunt Hæretici, multos Imperatores in Concilijs præfuisse, vt Constantium in Concil. Nicænâ Marcianum in Chalcedonensi, Theodosium 2. in Ephesino. saltem per comitem Candidianum, & sic de multis alijs. Resp. Imperatores dici quodammodo Concilijs præfuisse; sed hoc factum est tantum ad multitudinem Episcoporum in pace conseruandâ, & vt omnia recto ordine & sine tumultu peragerentur; non verò præfuerunt ad merè Ecclesiastica negotia, qualia sunt fidei & morum decreta: Vnde Ambrosius Epistol. 32. dicit, Constantium non se fecisse iudicem, sed liberum dedisse iudicium Sacerdotibus; & Athanasius in Epist. ad solitariam vitam agentes, arguit Constantium, qui volebat primas tenere in Concilijs, dicens; *Si iudicium Episcoporum est quid cum eo commune habet Imperator?* Hoc est conforme Scripturæ, nam 2. Paralip. 19. *Amarias Sacerdos & Pontifex, in omnibus quæ ad Deum pertinent, præsidebit? Porro, Zabadias qui est Dux in domo Iuda, super ea pera erit, quæ ad Regis officium pertinent.*

Porro, Pontifex præest Concilio, non tantum, vt primus iudicium ferat; sed vt supremum proferat iudicium; sicque reiecta opinione maiori, cum minori sententiam proferre potest, non tanquam præses Concilij, sed vt supremus Ecclesiæ princeps, qui iudicat tanquam ex Cathedra, ex impulsu scilicet Spiritus sancti. Hoc fecit Damasus, qui irritauit acta Concilij Ariminensis, quibus maior pars Episcoporum consererat, & Leo, qui irritauit quoddam decretum Chalcedonensis, cui etiam maior pars consererat, vt ipse testatur Epist. 53. 54. & 55.

Nun-



Nunquam tamen, vel rarissimè eueniet, vt minorem partem sequatur Pontifex, exclusa fraude, quæ aduenit in illis duobus Concilijs.

### Q V Æ S T I O VII.

*Vtrum necessaria sit Conciliorum confirmatio à Summo Pontifice.*

**V**T intelligatur quæstio, Notandum est Pontificem aliquando mittere suos Legatos cum instructione de his quæ sunt in Concilio facienda, vt misit ad prima Concilia; vbi cum tantum esset vnicum negotium tractandum, poterant de facili instrui de mente Pontificis Legati ipsius: aliquando etiam mittuntur sine instructione, quâdo maximè de multis rebus agendum est in Concilio, vt v.g. in Tridentino. Constat quidē decreta Conciliorū generalium facta ex voce vnanimi Patrum sequentium ad (amissim) intentionem Pontificis, non indigere confirmatione ipsius; tunc enim Ecclesia cum suo capite in vnum & idem consentit, Sed difficultas est, etiam inter Catholicos, vtrum Decisiones Conciliorum generalium factæ à Patribus vnanimiter cum Legatis non informatis particulariter de intentione Pontificis, sint de se infallibiles ante confirmationem Pontificis. Bellarminus opinatiuè respondet, tale Concilium non esse infallibile ante confirmationem Pontificis. Alii cum Antonio Cordubensi, Soto & D. Andrea Duval contrarium sentiunt.

### C O N C L V S I O.

**P**Robabilius est decreta Conciliorum generalium de se esse infallibilia & nulla indigere confirmatione, si vnanimi Prælatorum & Legatorum consensu prodierint, quamuis Legati nullam habeant instructionem à Papa, modò nullus Patrum refragetur, nec contraueniant Legati instructioni Pontificis, nec Papa præceperit Legatis, vt ipsum consulant ante definitionem. Si enim maior pars Decretis consentiat, & minor repugnet, pro maiori parte confirmatio Pontificis necessaria est. Probatur  
con-

conclusio primò. quia tale Concilium perfectè Ecclesiam repræsentat; Legati caput, & Prælati Ecclesiis particulares diffusas per totum orbem; Ergo pro tunc est infallibilis, cùm portæ inferi non possint præualere aduersus eam. Secundò, quia tale Concilium non potest dici Acephalum, quoniam caput essentiale adest & præest per Legatos. Tertiò, quia Papa mittit Legatos cum potestate definiendi & sine restrictione; frustra autem est illa potestas quæ non reducitur ad actum.

Obijcies, multa Concilia recepta non esse, quia non fuerunt confirmata à Sum. Pontif. vt Ariminense, Ephesinum. 2. Trullanum, seu in Trullo, & alia quædam. Respon. non fuisse illegitima ob defectum confirmationis, sed quia Ariminense à Constantio conuocatum fuit, & ablata libertas Patrum minis & terroribus, in Ephesino 2. Eutyches & Dioscorus in Ecclesiæ communionem recepti sunt opera Theodosij Imp. Flauianus Patriarcha damnatus & vulneratus fuit, reclamantque publicè Legati. Trullanum celebratum fuit in Palatio Iustiniani 2. Imper. vocatum Trullum, sub auctoritate Patriarchæ huius urbis Callinico, inconsulto Pontifice; & huius Concilij confirmationem multoties petiit Imperator, tum à Sergio, tum à Ioanne VII. Sergii successore, quam tamen obtinere non potuit. Dices, ergo sunt duæ Cathedræ infallibiles, Pontifex & Concilium. Resp. non esse duas, sed vnã tantum, quæ constat ex Pontifice per Legatos & ex Prælatis Ecclesiarum particularium. Deinde, quid repugnat admittere duas infallibilitates, vnã in Summo Pontifice personaliter sumpto, aliam in Concilio, vbi Legati præsunt? Dices, ergo Papa debet obedire Concilio. Non, sed veritati per Spiritum sanctum reuelatæ.

Obijcies, multa Concilia petiisse confirmationem à Pontificibus, vt Nicænum à S. Syluestro; Chalcedonense à D. Leone, & alia ab aliis. Resp. hoc ideo factum fuisse, quia Concilium Oecumenicum ante confirmationem Papæ habet solum vim directiuam, non verò coactiuam; hoc est, ostendit veritatem infallibiliter amplectendam; sed non potest statuere pœnas, nec impellere censuris Fideles, vt illam amplectantur: Sicque, qui post definitionem Concilij, ante confirmationem Papæ, non vellent

credere eius decretis, non esset Hæreticus, nec Ecclesiæ rebellis, nisi Papa dedisset Legatis facultatem publicandi Concilium ante suam confirmationem. Ratio est, quia Ecclesia est status Monarchicus; & Fidelium obligatio positiua credendi non potest oriri nisi à Monarcha; sicut nec in Regno possunt statui poenæ contra infractores Legum, nisi leges à Rege confirmentur. Et hæc est ratio, cur Concilia generalia expetierint confirmationem Papæ, prævidentes Decreta sua, quamuis aliàs infallibilia, non posse aliter promulgari, nec Fideles cogi ad illa credenda sub Censuris. Vnde si Patres, in Concilio generali poenam Anathematis soleant decernere contra non credentes, hoc est semper sub conditione confirmationis futuræ.

Quæres, vtrum Concilia generalia à Pontifice approbata possint errare. Resp. negatiuè, & hoc ex fide est. Matth. 28. *Vbi sunt duo, vel tres congregati, &c.* Id est, ex Conc. Chalced. in Epist. ad Leonem post finem Act. *Si duo vel tres congregati in nomine meo, meam assistentiam accipiant; quanto magis congregatio tota Prælatorum cum Capite suo?* Vnde August. in Epist. 162. dicit, *ultimum iudicium esse Concilium generale.* Ratio est, quia si de hoc posset dubitari, in dubium reuocaretur Hæresum condemnatio; at Arius diceret errasse Concilium Nicænum, Macedonius Constantin. Nestorius Ephesinum, &c.

Quæres 2. vtrum Concilia generalia ante approbationem Papæ errare possint. Respon. si Patres illorum definierint contra consensum Legatorum, pro tunc errare possunt Concilia. Resp. 2. si Patres consentiant cum Legatis, & ipsi Legati agant contra instructionem Pontificis, errare adhuc possunt; & talia Concilia censentur reprobata. Resp. 3. si Prælati cum Legatis consentiant; & nullam isti habeant instructionem à Pontifice in particulari; tunc infallibile est Concilium, vt mox probauimus. Resp. 4. quod à fortiori, infallibilitate gaudebit Concilium, in quo Legati conueniunt cum Patribus, & sequuntur instructionem à Pontifice acceptam.

Quæres 3. vtrum Concilia particularis errare possint. Resp. 1. probabilius esse, ipsa non posse errare, si sint à Pontif. confirmata, licet hoc aliqui Catholicorum negent, quia si Pontifex est infallibilis.

ut verisimile est, non poterit errare in confirmatione Concilij particularis: Deinde dubium adhuc esset, an Concilia particularia errassent in condemnatione Priscillianistarum, Pelagianorum, Ioviniani, & aliorum. Resp. 2. Concilia particularia non confirmata posse errare, licet temerarium sit eis non acquiescere: Patres enim 7. Synodi & 8. dicunt se venerari & recipere etiam Conciliorum localium decreta. Assertio nostra sumitur ex 5. Synodo Roman. sub Symmacho, ubi habetur Concilia particularia, quia presentiam Papæ non habent, perdidisse validitatem. Deinde, Concilium nationale Carthaginense sub Cypriano erravit, dum definiuit Hæreticos esse rebaptizandos. Tertiò denique, Cur Concilium generale sit infallibile, est quia Deus promissit infallibilitatem Ecclesiæ, contra quam portæ inferi non præualebunt; quæ Ecclesia non repræsentatur perfectè in Concil. particulari: Adde quòd in generali præsidet Papa qui est infallibilis. Quòd si Concilia particularia possint damnare Hæreses, quod fecit Concilium Antiochenum contra Paulum Samosatenum; hoc verum est, quando hoc est facile; tunc enim citiùs currendum est ad lûpum grassantem.

## Q V Æ S T I O VIII.

*Utrum Papa sit supra Concilium.*

**H**æretici sustinentes Papam non esse caput totius Ecclesiæ, sed tantùm Episcopum suæ Ecclesiæ particularis, vel ad summum Occidentis Patriarcham, tenent ipsum non posse esse supra Concilium generale, quod vniuersalem Ecclesiam repræsentat. Cardinales verò Cameracensis, Gersonius, Almainus & aliqui alij, contra Hæreticos sentiunt Papam esse quidem supremum caput singulorum Fidelium, Ecclesiarum, & Præsulum, seorsim sumptorum, non autem totius Ecclesiæ congregatæ in Concilio, ubi Ecclesia formam corporis induit, & tota potestas simul vnitur, quæ antea erat diuisa; ita quòd si comparetur Papa cum quolibet Christiano; ipse sit maior, cum hoc sit comparare membrum nobilissimum cum minùs nobili: Si verò comparetur cum tota Ecclesia vnita in Concilio, tunc Papa est

O 2      quid

quid minus; quia comparatur totum corpus cum vno membro; & sic statuunt illi auctores cum Richerio & Vigorio Concilium esse supra Papam, cum totum sit maius sua parte. Alij tandem, & in maiori certè numero, volunt Papam ita esse supra Concilium, vt non possit subijci sententiæ ipsius coactiæ; imò potest Concilium non indicare, ipsum reuocare, illiusque Decisiones irritare; quia, est absolutum caput totius Ecclesiæ, etiam simul collectæ in Concilio. Sic Albertus, D. Thomas, D. Bonauentura, Richardus, Paludanus, Cardinalis de Turrecremata, Maucerus cum suis approbatoribus, D. Andreas Duval, D. de Raconis, D. Bail, & alij plurimi.

Occasio huius controuersię desumpta fuit præcipuè ex Concilio Constantiensi tempore Schismatis, in quo erant tres Pontifices; Benedictus XIII. nimirum, sedens Auenioni; Gregorius XII. Arimini; & Ioannes XXIII. Bononiæ: Solus Ioannes XXIII. ad Concilium accesserat, à quo cum discessisset clam postea, & remansisset Concilium sine capite proponere cœperunt Patres, an Concilium posset iudicare, & deponere inuitum Pontificem; & reuera statuerunt Patres, Ecclesiam à Christo immediatè habere potestatem, cui omnes, cuiuscumque Status & Dignitatis sint, etiam Papalis, tenentur obedire in his quæ pertinent ad fidem & extirpationem dicti Schismatis, Sess. 4. & 5. Sed hæc controuersia quæ inceperat anno 1409. in Concil. Pisano, nec approbato manifestè, nec reprobato, quod deposuerat Benedictum XIII. & Gregorium XII. & continuauerat tempore Concil. Constant. an. 1414. maximè creuit in Concil. Basileensi anno 1431. vbi cum Eugenius IV. Concilium inchoatum dissoluere vellet, & eius progressum impedire, quærere cœperunt Patres, an tenerentur obedire Pontifici, qui eos conuocauerat, an potius teneretur Pontifex obedire generali Concilio? quod vltimum plurimi Patrum determinauerunt, & proinde Concilium esse supra Papam. Propter has, inquam, occasiones controuersia inter Doctores citatos nata est tam acriter, vt illi dixerint de fide esse, Concilium esse supra Papam, & hoc propter determinationem Concil. Constant. & Basileensis; isti verò è contra sustinuerint  
de



de esse, quòd Papa sit supra Concilium, & hoc propter definitionem Concilii Florentini, vbi statuitur Summum Pontificem esse totius Ecclesiæ caput, & ipsi in beato Petro regendi, pascendi, & gubernandi vniuersam Ecclesiam à D. Iesu Christo plenam potestatem traditam esse: Vbi quando determinatur, quòd sit *totius Ecclesiæ caput*, & quod *regat vniuersam Ecclesiam*; hoc non potest intelligi de Ecclesia dispersa, sed etiam congregata in Concilio. Hoc adhuc clariùs habetur Sess. II. Concilij Lateranensis in qua statuitur Papam esse supra omnia Concilia, illumque habere plenum ius ad illa indicenda, transferenda, & dissoluenda. Hæc diuersa Conciliorum decreta in causa fuerunt, vt quælibet pars Doctorum prætendat suam sententiam esse de fide; quod facilliter non crediderim, quia Gersonius, & Almainus non fuerunt hætenus de Hæresi notati, sicut nec Doctores alterius partis; quandoquidem decreta Conciliorum Constant. & Basileens. intelliguntur tantum de potestate, quam habet Concilium depoenendi Papam, durante schismate; pro tunc enim reuera fatemur quòd, cum nesciatur quis sit verus Pontif. vbi & *dubius*, ibi *nullus*, tunc Concilium habet immediatam à Christo potestatem iudicium ferendi super illos, qui se Pontifices dixerint. Illa verò Concilia non determinarunt Papam, qui est verè & notoriè Papa, subijci absolutè eorum authoritati, vt videre est in illorum Decreto, *Quicumque cuiuscunque Status vel Dignitatis, etiamsi Papa's existat, qui præcepti huius Synodi & cuiuscunque alterius Concilij generalis legitime congregati super præmissis, vel ad ea pertinentibus obedire pertinaciter contempserit, debite puniatur*: Vbi quando Concilium loquitur de *præmissis*, intendit loqui de Schismate, vt videtur ex verbis quæ præcedunt; Ex quibus patet, nullam harum opinionem esse de fide: Sed videndum est quænam sit probabilior, relinquendo cuilibet libertatem alterutram eligendi, donec accesserit Ecclesiæ determinatio.

## CONCLUSIO.

**P**robabilius est Papam esse supra Concilium, licet oppositum probabilitate non careat, cum eruditissimi Doctores illud sustineant; & sic contra illos decisivam conclusionem asserre non intendimus, nè de temeritate maxima damnemur. Probabilitas nostræ assertionis

Probatur primò ex hoc, quòd Papa sit supremus Monarcha Ecclesiæ, & caput eiusdem: Supremus autem regni Monarcha eminet super omnes regni Duces, non solum diuisos, sed etiam in vnum congregatos: Quis enim dicere auderet quòd in Gallia Imperator noster Christianissimus non sit supra Comititia generalia Regni sui? sicque, nonnè dici potest quòd Sum. Pontifex, qui est regni spiritualis Ecclesiæ supremus Monarcha, ut sat probauimus in iur. Disput. præced sit supra Concilium generale, quod Comitibus generalibus Regnorum æquipollet? Cum etiam Papa sit caput vniuersalis Ecclesiæ, quis dicet caput dependere à corpore, & Pastorem à Grege? Imò, nonnè contrarium probabilissimum videtur? Ad hoc respondent, Papam esse caput Ecclesiæ, ut diuisa est; quia maior est quolibet Prælato; non velò quatenus est congregata in Concilio. Sed nonne verum est, quòd qui loquitur de Ecclesia, loquitur de Ecclesia congregata; cum Ecclesia non sit ille Fidelis aut illes, ille Episcopus, aut ille, sed congregatio omnium Fidelium? Cum ergo Christus dixit Petro, Matth. 16, *Tu es Petrus & super hanc Petram edificabo Ecclesiam meam*, intelligitur quòd debeat esse fundamentum totius Ecclesiæ, & cum à fundamento pendeat tota domus, sic & à Pontifice, in quo potestas Petri relucet, dependet vniuersa Ecclesia, quæ semper est congregata formaliter, cum sit vnum Regnum & vnum Ouile, licet sit dispersa quoad locum. Confirmatur nostra responsio ratione, quia Papa est caput corporis Ecclesiæ; at Ecclesiæ particulares non sunt vnum corpus, sed membra vnius corporis: Ergo est caput non Ecclesiarum diuisarum, sed Ecclesiæ etiam vnitz. Deinde, Papa est caput maius qualibet Ecclesia seorsim sumpta, & quolibet Episcopo in particulari: ergo est maior omnibus Ecclesijs

clesijs & omnibus Prælatiſ congregatiſ in vnum; cum pro tunc maior non ſit in illiſ poteſtaſ, Vnde Conciliũ Chalcedonenſe in Epiſtol. ad Leonem expreſſe teſtatur, D. Leonem fuiſſe caput totiuſ Conciliij, vbi tota Eccleſia congregabatur, *Quibuſ, inquit, tu quidem vt Caput præraſ.*

Probatur 2. Papam eſſe ſupra Conciliũ, quia à Chriſto nulla eſt data authoritaſ Eccleſiæ, nec proinde Concilio Eccleſiam repræſentanti, niſi Epiſcopaliſ, Archiepiſc. aut Patriarch. prout ſunt perſonæ quæ Concilio conueniunt. Sic Cardinaliſ Panormitanuſ in cap. *Super quibuſdam*, de verborum ſignificatione. *Concilium generale habet iura Principiſ; & inferiuſ, nam etſi Concilium generale habet hanc poteſtaſtem: ergo & à Papa; quia Concilia accipiunt poteſtaſtem & robur à Papa.* Cardinaliſ etiam à Turrecremata in Summa de Eccleſia. libro 3. cap. 28. *Si quiſ ſuperiuſ diſſa de Romani Pontificiſ primatu, &c. conſideret, lucẽ clariuſ percipiet, quod vniuerſaliſ Conciliorum authoritaſ à Romano Pontif. emanet.* Multaſ inſuper huiuſ veritatiſ adducit probationeſ D. Andræa Duual part. 4. quæſt. 9. de comparatione Conciliij cum Papa. *Supponendum eſt quod prima parte demonſtraui muſ, Eccleſia vniuerſali, aut ſi maiuſ, communitati, nullam à Chriſto poteſtaſtem eſſe traditam.* Maucle-ruſ cum ſuiſ octo Adprobatoriſ Doctoriſ Pariſienſibuſ quos nominaui muſ Diſp. præcedenti, docet ob hoc authoritaſtem Papæ, cum ſit immediatè à Deo, nulliſ Oecumenicorum Conciliorum legibuſ coarctari, part. 2, libro 3. cap. 16. vnde habet cap. 10. & infra, *Prouocanteſ à Pontificij Monarcha iudicio ad futurum Concilium excommunicantur.* Poſtea reſert edictum Papæ in Epiſtol. ad Epiſcopoſ Bæticæ & Toletanæ Prouinciæ, *Facta ſubdiſtorum iudicantur à nobiſ, noſtra verò iudicat Deus.* Idem ſentit D. Duual cum Maclero Tract. de Roman. Pontifice part. 4. quæſt. poſtrema, *Sit ergo prima conſuſio. Qui à ſententia Summ. Pontif. ad futurum Concilium prouocant, excommunicationem incurrunt.* Ratio non deeſt ad probandum poteſtaſtem non eſſe in Concilio, ſed in Summò Pontif. vt probauim uſ Diſput. præced. Quia Eccleſiæ non habet illam authoritaſtem à ſe, nec ab alio. Non à ſe, quia licèt in regno terreno poteſtaſ ſit in populo ſuppletiuè, quia ipſe inſtituit

Reges, cum populi sint ex se naturaliter liberi, & proinde in ipsis remaneat radicaliter talis potestas; non tamen sic in Ecclesia, vbi potestas Papæ collata fuit à Christo, non ab Ecclesia. Non etiam Ecclesia aut Concilium habet potestatem ab alio, quia Christus illam dedit, non Ecclesiæ, sed suppositis Ecclesiæ, cum dederit clauēs Ecclesiæ Petro, Matth. 16. & potestatem prædicandi, baptizandi & absoluendi singulis Apostolis, qui ea vti possunt sine congregatione aliorum. Cum ergo Ecclesia seu Concilium non habeat potestatem à se nec ab alio, nullam propterea habet; & cum nullam habeat, imò tota resideat formaliter & subiectiuè in Pontif, à quo illam accipit Concilium, iuxta Cardinalem à Turrecremata in Summa de Ecclesia lib. 5. cap. 28. Probat. 2. vbi concludit: *Ergo tota potestas vniuersalis Concilij pendet à Romano Pontif. sicut à Capite & Pastore totius Ecclesiæ*, & iuxta ea quæ diximus in Disp. præced. proinde probabile est, Papam esse supra Concilium. Quod si Concilium Constantiense Sess. 4. contrarium definierit, dicens Concilium habere immediatam à Deo potestatem: loquitur Concilium de tempore Schismatis, vt diximus in huius Quæstionis Prælu dio Deinde verba Concilij Canonem non redolent aut definitionem, cum non adsit verbum pronuntians Anathema, nec verbum, *definimus aut mandamus ab omnibus teneri*.

Probat. 3. ex hoc quòd Papa confirmet Concilia, antequam publicentur, de illorum decisionibus dispenset; & quòd Concilia non dispensent de Censuris à Papà inflictis. Primum patet ex Conc. Nycæno cuius Patres Epist. *Quoniam omnia*, precantur S. Siluestrum, vt confirmet proprio ore quod constituerant: Quod reuera fecit ipse Pontifex Epistol. *Gaudes promptam*, & adhuc firmitus in Concil. Roman. Deinde Concilium Constantinop. fuit confirmatum à S. Damaso Pontif, Concilium Chalcedonense suorum decretorum confirmationem postulat & obtinet à D. Leone, &c. inde in Concil. Lateranens. 5. sub Leone 10. sess. 11. Constit. 4. *Pastor aternus*, habetur, *Consueuerunt antiquorum Patres Conciliorum precorū qua in suis Concilijs gesta fuerunt corroboratione, à Roman. Pontif. subscriptionem, approbationemque humiliter petere & obtinere, prout ex Nicæna, Ephesina,*  
&c.

*Sec. manifestè colligitur.* Si autem Concilia essent supra Papam, ab illo non peteretur confirmatio; maior enim non dependet à minori, imò è contra; unde Concil. Basileense: *Quidquid in sacris statuitur Concilijs, Papa auctoritate statuitur*: Et infra, *Dum enim ipse præsens est, ipse concludit, ipse statuit, & sub nomine suo ac persona omnia decernuntur: Dum absit, sui Præsidentes qui eius vice funguntur, locumque Apostolicum tenent, per sacrum Concilium deliberata concludunt.* Quæ verba Concilij omninò aduersantis Papæ denotant ipsum esse supra Concilium in responsione Synodali data à Præsidentibus, *Hodie in nostra Generali Congregatione.* Secundum probatur, quòd possit Pontifex de Conciliorum Decretis dispensare, ex Concil. Basileensi. citato, *Statuta per Concilium in nullo derogant sua potestati* (loquitur de Eugenio Pontifice, cui Concilium opponebatur, & qui ab eo fugerat Ferrariam cum quibusdam Cardin. ubi congregauit aliud Concilium generale, postea translatum & perfectum Florentiæ) *quin pro tempore, loco, causis & personis, utilitate vel necessitate suadente: moderari dispensarique possit, atque uti Summi Principis epikeia, quæ ab eo auferri nequit.* Hoc praxis confirmat, in Concilijs enim Nic. Can. 15. Antioch. 1. Can. 21. & Sardicensi Cap. 1. statuitur, *Nè cui liceat Episcopo de Ciuitate sua ad aliam transire*: Sixtus tamen III. in hoc dispensauit cum Probo, qui de Cifigua Ciuit. transiuit ad Constantin. Socrates lib. 3. cap. 39. & Baron. an. 434. Concilium Constantinopolit. Act. 10. Can. 25. statuit, nè qui Photio adhærescunt; restituantur in Sedibus suis: Imperator tamen Basilius & Ignatius Patriarcha rogauere Adrianum Papam, ut cum aliquibus dispensaret. Alii supplicauerunt Stephanum VI, ut dispensatum faceret Fratrem Imperatoris Basilium, qui ordinem Diaconatus à Photio receperat. Stephanus, Iuuenis nominatus, ad Sedem Antiochenam eleuatus contra Canones Concilij Nicæni, dispensatus fuit à Simplicio ex Epist. sua ad Zenonem Imper. *De Ecclesia Christiana.* Ex quibus omnibus patet, semper creditum fuisse, Papam posse dispensare de Canonibus Conciliorum. Tertium denique constat, quòd scilicet Concilia non possunt dispensare de Pontificum Decretis, quoniam Synodus 8. vniuersalis Constantin. rogat Pontificè, ut dispen-



set cum illis, qui Phorio communicauerunt, quod denotat ipsos non potuisse dispensare. Ex quibus omnibus liquet Papam esse supra Concilium.

Probatur 4. ex collectione multarum rationum. Primò, Concilium vel est Pastor, vel Ouile; non Pastor, soli enim Petro dictum est, *Pasce oues meas*. Ergo est Ouile; & cum Ouile agnoscat supra se Pastorem, Concilium debet agnoscere Papam supra se. 2. Papa est supra omnes Prælatos dispersos: ergo etiam est supra illos collectos in vnum; illa enim vnio non auget ius Prælatorum, maximè cum potestas Ecclesiastica immediatè sit à Deo, & communicetur Papæ immediatè; & mediante Papa Ecclesiæ & Prælati, vt probauimus in Disput. præcedenti. 3. Quilibet Episcopus est caput nedum singulorum Dioecesanorum, sed etiam collectionis eorum: ergo Papa est caput nedum omnium Christianorum in particulari, sed etiam Ecclesiæ totius: Et cum caput emineat supra corpus, vt diximus in prima Probat. ideo Papa eminet super Ecclesiam; & sic est supra Concilium, quod est Ecclesia vnita. 4. Si Concilium esset supra Papam, Papa esset Vicarius Concilij, quod est falsum, quoniam est Vicarius Christi, quem solum agnoscit supra se, vnde Can. *Nemo 9. quæst. 3. Nemo iudicabit primam Sedem*: neque enim ab Augusto, nec ab omni Clero, nec à Regibus, neque à Populo Iudex iudicabitur. Per omnem autem Clerum, Glossa intelligit Concilium. 5. In fine Concilij Sinuessani sub Marcellino, *Suprema Sedes à nemine iudicatur*. In Rom. sub Siluestro Can. vlt. *Nemo iudicabit primam Sedem*. 6. Ex appellationibus Concilij ad Papam, sequitur Papam esse maiorem; cum appellatio semper fiat à minori ad maiorem. Gelasius autem Papa in Epistola ad Episcopos Dardaniz ait, *Ad Sedem Apostolicam de qualibet mundi parte appellandum est; ab illa autem nemo est appellare permissus*. Quod intelligitur etiam de appellatione à Concilio, ipse enim subdit Romanos Pontifices sæpè absoluisse; quos ligauerant Concilia.

Obijcit Vigorius, Papam esse filium Ecclesiæ; ergo non est supra illam. Resp. esse Patrem & Filium diuerso respectu; vt baptizatus enim, est filius, & vt Papa est pater. Deinde nil repugnat, si in moralibus & spiritualibus filius superet patrem ratione auctorita-

ritatis, sicut Salomon superauit Bethsabée. Dicitur non esse verisimile, ut Christus suam sponsam Ecclesiam alteri subiecerit; cur non ut eius pudicitiam & castitatem conseruet contra Hæreses, Schismata & prauos mores; sicut amicus certus de sui amici probitate, sponsam conseruandam tradit illi, dum peregrè proficisci cogitur? Instat, dicendo Papam Schismaticum & Hæreticum posse deponi à Concilio. Hoc fateamur, quia eo ipso, quod est Hæreticus aut Schismaticus, indignus est qui Ecclesiam gubernet; hoc enim tantum scandalum adduceret, ut hinc sequeretur ruina animarum. Addit quòd ex appellationibus à Papa ad Concilium, appareat Concilium esse supra Papam. Resp. hoc esse illicitum, ut habetur in 2. probat. Ratio nostra est, quia in causa appellationis appellans, à potestate & iurisdictione eius à quo appellat, eximitur; & sic non esset amplius in ouili Papæ & proinde esset extra Ecclesiam, & non Christianus. Deinde, sicut non licet à Rege appellare, quia est Monarcha, & Monarchico modo idest extremo iudicio iudicat; sic, cum Papa sit supremus in Ecclesia Monarcha, igitur extremo iudicio sic terminabit causas, ut fas amplius non sit ad aliud prouocare. Vnde Augustinus Serm. 2. de verbis Apostoli contra Pelagianos, ait, *Iam de hac causa duo Concilia missa sunt ad Sedem Apostolicam, inde etiam rescripta venerunt; causa finita est, utinam error finiatur.* Si causa finita sit post iudicium Papæ, non est amplius locus appellationi ad futurum Concilium, quod postulabant Pelagiani. Sic etiam Optatus Mileuitanus contra Donatistas, *iudicium Melchiadis Papæ sententia clausum est.* Lib. 1. contra Parmen.

Obijcies 2. causam Donatistarum; quam damnauerat Melchiades Papa, iterum iudicauit Episcopus Arelatensis in Concilio, teste Aug. Epist. 162. Ad Glorium & Eleusium, ubi addit, *Ecce putemus, illos Episcopos, qui Romæ iudicauerunt, non bonos fuisse iudices; restabat adhuc vniuersa Ecclesia Concilium, &c.* Ergo Concilium generale est supra definitionem Papæ. Resp. ex Aug. ideo Episc. Arelat. iudicasse, non quidem, quia necessarium erat, sed sic voluit Imperator, ut acquiesceret Donatistis hoculantibus, & videret, si post duplex iudicium sanarentur. Resp. 2. ad verba Augustini, quòd non compareret

Papam sine Concilio cum Concilio sine Papa, quod nos ipsi facimus; sed Concilium particulare, cui præest Papa, cum Concilio vniuersali, cui etiam præest; & tunc dicit, quod ea quæ gesta sunt in particulari, possint adhuc iudicari in generali; maxime in quæstionibus facti particularis, vbi & Papa, & Concilium particulare & generale errare possunt; cum definitio dependeat ex informationibus, vt in quæstione Donatistarum, qui credebant miracula facta in sua secta, esse vera miracula. Dices, ex Matth. 18. *Si peccauerit in te frater tuus, dic Ecclesie*. Resp. idest, dic Pastori Ecclesiæ: si est persona priuata v. g. quæ peccauit, dic Episcopo; si est Episcopus, dic Archiepiscopo; si est Archiepiscopus, dic Papæ; si est Papa, dic ipsimet charitatiuè; si non se corrigat, iudicium Deo reseruandum est; summa enim sedes à nemine iudicatur. Si hoc dictum fueris Petro; nondum erat caput Ecclesiæ.

Obijcies 3. In Conc. Constantiensi sess. 4. definitur Concilium esse suprà Papam, nemine reclamante. Resp. 1. hoc intelligi tempore Schismatis, quo scilicet quilibet Papa dubius est, vt in tempore huius Concilij, quo erant tres Papæ, Ioannes XXIII. Gregorius XII. & Benedictus XIII. non verò loquutum est Concilium de illo tempore, quo Papa est indubitatus, de quo tamen non est nostra quæstio. Resp. 2. Hoc Concilium non fuisse absolutè generale, quia aderat tantum tertia pars Ecclesiæ, nimirum Prælati qui obediunt Ioanni; aberant verò Gregorius & Benedictus, & eorum Prælati. Quòd si dicatur Martinum V. hoc decretum confirmasse: hoc falsum est, quia ipse dixit, se confirmare tantum ea decreta quæ conciliariter, idest, præuio maturo examine, facta fuerant; istud verò factum est sine vilo examine, & nullo reclamante reuera, quia cum Ecclesia laboret horrendo Schismate, & nullum tunc posset afferri remedium contra malum tam graue, nisi determinando Concilium esse supra Papam, omnes illic sine reflectione hoc statuerunt. Dices, Concilium Basileense hoc approbasse Decretum. Resp. hoc Concilium fuisse legitime inchoatum, sed illegitimè terminatum, ob violentias factas contra fautores Eugenii IV. de quibus in Disp. præced. Deinde, quæ decreuit hoc Concilium contra Pontif, nullus approbavit.

bauit. Adde quod, vt diximus, hæc reuocata sunt in Conc. Florent. & Lateran: vt diximus in præludio quæstionis.

Quæres, an sit maior authoritas Concilij, quàm Scripturæ. Hæretici nobis imponunt, quòd subijciamus Scripturam Concilij & Traditioni; sed hoc esset blasphemiam proferre; Scriptura enim est verbum immediatè reuelatum à Deo, in quantum Euangelistæ scribebant quæ sibi reuelabantur, vel saltem impellebantur à Spiritu S. ad scribendum ea, quæ audierant & viderant; vnde non laborabant in suis libris edendis: Concilia verò non scribunt immediatè à Deo reuelata, sed tantum declarant, quodnam sit verbum Dei scriptum vel traditum; & Patres in Concilij tenentur conelusiones scrutari cogitando, legendo, & disputando; Act. 15. legitur in Conc. 1. magnam controuersiam fuisse factam.

Quæres, an sit maior authoritas Concilij vel Papæ, Resp. si Concilium sit legitimum, vt v.g. Concilium Constantinop. 1. quod permisit Papa celebrari, licet non fuerit in illo, nec per se, nec per Legatos, quia tunc celebrabat aliud Concilium Romæ; in eo casu decreta esse æqualis authoritatis, cum sint æquè infallibilia; & sic Pontifex non potest determinare vnum, & Concilium oppositum eius. Resp. 2. Quòd si Concilium celebretur sine consensu Papæ, tunc hæc quæstio non est proponenda, quia Concilium nullum est; Si verò ad illud miserit Legatos, quibus dissentientibus Patres determinarunt; alij respondent talia decreta esse nulla ante confirmationem Pontificis; alij dicunt, hoc nunquam visum fuisse, quando absuit fraus & dolus, vt in Concilio Ephesino 2. vbi reclamantibus Legatis, approbata est Dioscori sententia pro Eutychianis, sed vi & metu. Alij dicunt, quòd si hoc fieret, & Legati habuissent instructionem à Papa, tunc Concilio adhærendum esset, ex Hieronymo, August. &c. si verò non habuissent instructionem, standum esset adhuc cum Concilio, donec Papa ex cathedra pronuntiaret. Resp. 3. Quòd si in Concil. Legati cum minori parte Patrum determinarent aliquid, à parte illorum esset standum; cum constet vi orationis Christi, Papam & eius Legatos esse infallibiles, non ita de maiori parte Concilij sine Legatis. Vnde Canus lib. 5.

de

de Locis cap. 5. *Vbi de fide quaestio est, non ita oportet plurimorum sequi iudicium, nec in Concilijs sententiam ex numero suffragiorum metiri, sed potius ex gravitate & pondere eorumdem; usu enim frequenter evenit, ut maior pars vincat meliorem.*

## CAPUT II.

*De Concilijs in particulari.*

**E**A quæ spectant ad naturam, diuisionem, & conditiones Concilij legitimi, explicuimus in præcedenti Disput. Aliquid nobis superest dicendum de Concilijs in particulari; non quidem de omnibus, quia hoc prolixius extenderetur; de sed solis Generalibus, & hoc fiet in præsentī Cap. si prius prælibauerimus aliqua de Concilijs Apostolorum.

*De Concilijs Apostolorum.*

**A**postolos post Ascensionem Christi multas habuisse congregationes pro necessitatibus Ecclesie nascentis, certum est ex Actibus Apost. quatuor tamen præcipuæ numerantur 1. 6. 15. & 21. cap. Harum prima fuit post Ascensionem Dom. Hierosolymis celebrata ad eligendum aliquem loco Iudæ Proditoris, cui suffectus est Mathias, ut habetur Act. 1. Secunda habita est etiam Hierosolymis, an. primo post Ascensionem Christi, ante Pauli conuersionem, quæ contigit eodem anno, ad eligendum septem Diaconos, & satisfaciendum postulationi Gentilium aduersus Iudæos, quod viduæ eorum non honorarentur in ministerio, dum eleemosynæ distribuerentur, sicut viduæ Iudæorum, Act. 6. Tertia fuit habita Hierosolymis an. 14. post Christi Resurrectionem, in qua agitata fuit quaestio, an Gentiles conuersi deberent recipere Circumcisionem cum Baptismo, Act. 15. in qua conuenerunt quatuor Apostoli, Petrus, Paulus, Iacobus & Barnabas, qui vocati sunt in Hierusalem speciali reuelatione, ad dirimendam hanc litem. In hoc Concilio Petrus, ut primus Apostolorum, definiuit controuersiam, dicens, *Viri fratres, quid tentatis Deum imponere iugum super ceruices Discipulorum?* &c. postea Paulus & Barnabas narrauerunt quanta Deus



Deus fecisset signa & prodigia per eos in Gentibus , denique Iacobus , vt Pastor Urbis Hierosol. narrauit iterum populo eadem , quæ ante loquutus fuerat Petrus , dicens , Visum est Spiritui sancto & nobis , nihil imponere vobis oneris , quàm hæc necessaria , *Vt abstineatis vos ab immolatis simulachrorum , & sanguine , & suffocato & fornicatione .* Quantum ad qualitatem huius Concilii ; aliqui tenent fuisse generale , alii particulare ; ego verò dicerem esse generale ratione materiæ , quia agebatur causa fidei toti Ecclesiæ proponenda ; ratione verò Congregationis esse particulare , quia aderant tantum quatuor Apostolici cum Senioribus ; nisi dicere velimus , quòd illi quatuor Apostoli æquiualebant omnibus , propter abundantiam Charismatum ; & erant ita infallibiles , ac si omnes conuenissent . Quarta Congregatio desumitur ex Act. 21. propter contentionem de legis obseruatione Iudæis ad tempus permessa ; vt cum honore Synagoga sepeliretur , in qua solus Iacobus conuenit cum Paulo , & hoc in Hierusalem , vbi Paulus se purificauit cum aliis .

Præter has Apostolorum Congregationes ex Scrip. desumptas , aliæ habentur ex Historiis authenticis , vt pote illa quæ fuit in obitu B. Mariæ Virginis , in qua conuenerunt omnes Apostoli , ex Nicephoro & pluribus aliis ; sicut & illa in qua omnes Apostoli conuenientes , Symbolum composuerunt : Dispergendi enim Apostoli ad fidem vbique prædicandam , prius in Concilium conueniunt ; & nè vlla diuersitas vera aut apparens inter eos videretur , composuerunt duodecim Canones , seu Articulos , quos Ecclesia vocat Symbolum Apostolorum , de quo loquuti fuimus cap. de Fide . Hoc denique Concilium pro generali haberi potest , cum omnis Ecclesia congregata fuerit ; & sic Concilium Nicænum non debet dici absolute primum Concilium Generale ; sed Primum inter ea quæ post tempora Apostolorum congregata sunt .

*De Concilio Nicæno primo .*

**O**mnium Generalium Conciliorum primum fuit Nicænum in Bithynia , quod incœpit an. D. 327. & completum est an. 330. an. 15 , Pontificatus S. Siluestri

ſtri Papæ, & 20. Constantini Imp. in quo 318. Patres conuenerunt, tum vt determinaretur quo tempore deberet celebrari Paſcha; tum vt procederetur contra Arium negantem diuinitatem Chriſti.

Arius erat Præbyter Alexandrinus elati animi, qui cum non poſſet ad dignitatem, quam ambiebat, peruenire, more Hæreticorum, inſolens introducere dogma conatus eſt contra diuinitatem Chriſti, negans ipſius ſubſtantialitatem cum Patre. De hoc certior factus Alexander Alexandria Epicoſopus, cum pluries admonuit, vt à praua opinione reſiſceret; ſed ex hoc impudentior factus, coepit apertè ſuo Epicoſopo aduerſari; quòd audiens Imperator Conſtantineſis, de conſenſu Pontificis conuocauit Concilium Niceæ in Bithynia, in quo ſtatutum eſt tempus Paſchatis celebrandi, & damnatus eſt Arius ab vniuerſo cœtu, exceptis ptemdecim Epicoſopis, qui ab Imperat. in exilium deiecti ſunt; ſed ex illis, vndecim voce tenus ſuam ſententiam reuocarunt; vnde Arius cum ſolis ſex relegatus eſt. Multi Canones huius Concilij ſuppreſſi ſunt ab Arianis, de quibus fidem faciunt Concilium Alexandrinum & Lateranenſe. Ad hoc Concilium Papa pro Legatis miſit Oſium Epicoſ. Cordub. quem iam Alexandriam miſerat D. Silueſter ad pacificandam controuerſiam, & cum illo miſſi ſunt duo Præbyteri Romani, Victor & Vincentius, qui tres primò ſubſcripſerunt condemnationi Arianorum, & poſteà S. Silueſter conuocauit Concilium Romæ, vbi Nicænum confirmatum eſt.

Ariani Epicoſopi ſimulantes ſe ſubijci Conc. Nicæno, maximas perſecutiones D. Athanaſio Catholicæ Fidei Propugnatori intrepido intulerunt; & mortuo Conſtantino, eò deuenerunt inſolentiæ, vt poſſidentes fauorem Conſtantii filii & ſucceſſoris eius, nihil omiſerint, vt eluderent decreta Concilii Nicæni; Ideò Concilium fecerunt Antiochiæ, vbi damnatus fuit Athanaſius ſuper falſas accuſationes, à quibus tamen abſolutus fuit in Conc. Sardic. Sed poſteà, cum ſolus Imperii moderator manſiſſet Conſtantineſis per mortem fratrum ſuorum Conſtantini & Cōſtantis, ita ipſius mentem perturbarunt Ariani, vt Concilium Generale Mediolani indixerit, ſub prætextu pacificationis; in quo ſe adeò fautorem Arianorum

rum demonstravit, quòd in durissimum plures ex Episcopis sibi contradicentibus miserit exilium; imò & Liberium Papam, qui acriter sustinebat doctrinam Con. Nic. cuius loco institutus est Felix, inuito populo & Clero Romano. Interea, dum esset Constantius Sirmij, ibi Concilium coegit, ad quod euocatus Osius per violentiam Imperatoris subscripsit, non primæ Patrum confessioni, quæ Catholica erat, sed secundæ, quam corruperant, & quæ erat Heretica: ex quo facto maximam egit pœnitentiam senex ille centum annorum, qui semper pro fide pugnaverat.

Papa Liberius postea tædio exilij fatigatus, condemnationi Athanasij subscripsit; redijtque Romam, vbi cum Clerus Romanus noluit recipere, sed agnouit pro Papa legitimo Felicem, qui se verè Catholicum ostendit, ob quod paulo post martyrio coronatus est, & eius loco Liberius de nouo constituitur, postquam detestatus est crimen suum. Quo posito, Constantius videns res suas non multum proficere, Concilium congregauit, & diuisit Prælatos, ita quod quadringenti conuenerunt in vrbem Ariminensi, & ducenti Seleuciæ; isti pro Arianis steterunt, illi verò quæ acta erant in Concilio Sirmien- si, condemnarunt; & ideò multas illis intulit persecutiones Constantius, quibus durantibus, illos corruperunt Arianæ, & induxerunt ad subscriptionem Confessionis, quæ Catholica videbatur, & reuerà Ariana erat; & ob hoc dicit Hieronymus, quòd mirabatur Vniuersus Orbis, se planè Arianum videre:

Sub Liberio Pontif. Ursacius & Valens hæretici Concilium fecere in Nicæa Ciuitate Thraciæ, vbi statuentes sua dogmata, insinuare voluerunt hanc esse fidem in Concil. Generali Nicæno congregatam; sed nihil profuit illis tale commentum; derisi sunt enim ab omnibus.

*De Concilio Constantinopolitano primo, quod est Concilium 2. Generale.*

**I**NTER Concilium Nicænum & Constantinopolitanum, aliud generale celebratum est, nempe Sardicense: Iulius enim primus videns Arianos non acquiescere Symbolo Nicæno, imò grauissimā persecutionem

tionem commouere in Catholicos, & nolle ad Concilia Romana conuenire, aliam viam tentat Concilij Oecumenici ad res componendas; ideo misit Episcopos ad Constantem Occidentis Imperat. tunc Mediolani agentem, vt scribat ad Constantium fratrem suum in Oriente, ad conuocandum Episcopos Orientales; quod vtrumque factum est, & trecenti circiter Episcopi Occidentales in Vrbe Sardicensi conuenerunt cum solis 76. Orientalibus, qui adhuc continuo discesserunt à Concilio; nec quicquam dicere voluerunt, donec fautores D. Athanasij excluderentur à Concilio, quod Occidentales passi non sunt: Vnde quia in hoc Concil. Orientales suam fidem Arianam retinere, & Occidentales Catholicam: hoc Concilium censetur communiter partim approbatum, partim reprobatum; & sic non numeratur inter Concilia generalia. In eo non potuerunt impedire Ariani, quin D. Athanasius Sedi suæ Alexandrinæ restitueretur. Celebratum est sub Constantio & Iulio I. Osio Cordubensi Episcopo, & Philoxeno, & Archidamo præsidibus. Cum ergo hoc Concilium non sit omnimodè probatum, loquendum est de a. generali, quod fuit.

Constantinopolitanum primum, an. 383. sub Theodosio Iuniore & Damaso Pontif. contra Macedonium Constantinopolitanum Episcopum, qui negabat diuinitatem Spiritus sancti, in quo conuenerunt ex diuersis. Orientis partibus 150. Patres, & nullus ex Occidente; quia eodem tempore Damasus celebrabat Concilium Romæ, ad quod vocauerat Orientales, qui se excusauerant ob diuersa obstacula; vnde celebrarunt suum Concilium Constant. ad quod Legatos non misit Damasus, se vniens illis tantummente, cum non posset corpore: Vnde semper hoc Concilium, vt legitimum habitum est in Ecclesia; tum quia confirmauit illud Damasus; tum quia propter vnionem mentalem Orientalium & Occidentalium, duplex illud Concilium, vt vnum acceptum est. In eo quatuor Patriarchæ adfuerunt, nimirum Nestarius Constantin. Timotheus Alexandrinus, Meleuitus Antiochenus & Cyrillus Hierosolymitanus.

Error Macedonij profluxit ex errore Arianorum; opinio enim Arij fuit, quod Spiritus S. esset creatura,

ra.

ra, scilicet Filij, licet totum certamen Concilij Nicæ esset de diuinitate Verbi, quam Arius negabat, quia hæc controuersia diluenda erat, antequam de diuinitate Spiritus S. moueretur quæstio: Vnde dicendum est quod Hæresis Ariana in tres partes diuisa fuerit; nam illi qui relegati sunt in Ægyptum, & qui suum errorem non simularunt, noluerunt postea communicare cum Arianis; imo sustinebant Filium per omnia esse dissimilem Patri; Ariani tenebant Filium non esse consubstantiallem Patri, sed ipsi similem, non proprietate naturæ, sed largitate gratiæ. Macedoniani denique dicunt Spiritum sanctum nihil habere commune cum Patre & Filio, sed esse purè creaturam; Verbi scilicet, quoniam *Omnia per ipsum facta sunt*, & proinde Spiritus sanctus. Contra hos congregatum est Concilium istud, quod confirmauit ea quæ statuta sunt in Concilio Nicæno, & Symbolum composuit omnino simile, nisi quod, ubi Concilium Nicænum habebat simpliciter; *Credo in Spiritum Sanctum*, istud addidit, *Dominum, & Viuificantem, qui ex Patre procedit*, non expressa persona Filij. Porro, triginta annis, vel circiter, post hoc Concilium, celebrata sunt Concilia particularia, Mileuitanum & Carthaginense contra Pelagianos, ubi se acerrimum Gratiz Protectorem ostendit Augustinus.

*De Concilio Ephesino primo, Generalium tertio.*

**I**stud Concilium tertium inter generalia, fuit celebratum Ephesi sub Theodosio Iuniore Imperat. & Celestino I. Pontifice an. 439. contra Nestorium, qui admittebat duas in Christo personas, vnâ Diuinam, aliam Humanam; & ob hoc dicebat D. Virginem esse quidem matrem Christi, non verò matrem Dei; Vnde condemnatus fuit cum suis consortibus à confessu ducentorum Patrum Ephesi congregatorum, inter quos erant tres Patriarchæ, Cyrillus Alexandrinus, qui erat Papæ Legatus, Ioannes Antiochenus, qui inito Concilio, cum Cyrillo aliquam difficultatem habuit, eo quod decretum fuerit factum, antequam aduentasset; & Iuuenalis Hierosolymitanus.

Nestorius ille, Presbyter Antiochiæ, Ecclesiastes,



res, & postea Præsul Constantinopolit., omnium Hæreticorum se ostendit inimicum, ut suam Hæresim introduceret. Primò fecit, ut quidam Presbyter Constantinop. existens, qui Nestorio charus erat, prædicaret publicè contra Maternitatem B. Mariæ. Secundò introduxit quemdam Episcopum, Dorotheum nomine, qui in concione proclamavit coram Nestorio spe lucri sordidi: Anathema omnibus qui Deiparæ vocem usurpabant. Attollitur clamor populi, ex quo magis furit Nestorius, qui publica voce dicit, *Eum, qui spatij mensuris adoleuit, Deum non appellavero*; negabat enim etiam diuinitatem filij; *Ne gloriaris, o Iudas! Deum non crucifixisti quomodo Maria antiquiorem se peperit?* &c. Cyrillus Alexandrinus, cuius fama & autoritas tunc erat celebris, scribit ad Nestorium, qui inde fit insolentior. De his certior factus Pontifex, numerum Episcoporum colligit, qui Nestorium condemnant. Imperator pacem Ecclesiæ reddere peroptans, Concilium Ephesi indicat, accersitque istuc Augustinum; sed paulò antea discesserat è vivis. Congregatis ergo Patribus ducentis, condemnatur Nestorius, confirmatur Concilium Nicænum pro diuinitate Filij, & pro Maternitate Virginis. Composita est oratio à Patribus Concilij, quæ adiungitur salutationi Angelicæ, *Sancta Maria Mater Dei*, &c.

*De Concilio Chalcedonensi, quod est quartum generale.*

**D**Amnata Hæresi Nestorij in Concil. Ephes., alia omnino illi opposita nata est, nempe Eutychetis Archimandritæ, i. præcipui Pastoris Monachorum, qui Constantinopoli & in adiacentibus locis magis contra Nestorium efferbuerant, Videntis ergo Eutyches, quòd Nestorius diuississet Christum, duas personas in illo admittens, ipse ex aduerso volebant tantum vnā in Christo naturam: Nicephorus enim lib. 18. cap. 25. ait, *Duas quidem ante unionem naturas dixit, deinde unitas fuisse; & post unionem, eas in vnā naturam abisse.* Antequam Concilium Chalcedonense esset coactum ad illam Hæresim extirpandam, duo Con-

ci-

cilia facta fuerant in Oriente, vnum Constantinopoli, quod fuit legitimum, sub Flauiano eiusdem-  
 vrbis Episcopo; in quo post multas tergiuersatio-  
 nes comparuit Eutyches & damnatus fuit. Aliud  
 fuit congregatum Ephesi, autoritate Theodosij  
 Iunioris Imperat. quem Eunuchus Chrisaphius in  
 fauorem Eutychetis adduxerat. In hoc Concil.  
 præsidebat Dioscorus Patriarcha Alexandrinus; qui  
 vt faueret Eutycheti, locum Romani Pontif. usur-  
 pauit ex nominatione Imperatoris, & absoluit Eu-  
 tichetem. Ad illud Concilium deputauit Pontifex  
 Leo I. Legatos, vt resisterent Dioscoro, inter  
 quos erat Flauianus Patriarcha Constantinopol. qui  
 tulit Concilio Epistolam Leonis, cuius lecturam  
 non permisit Dioscorus, imò introducta armorum  
 multitudo cum catenis, coegit Episcopos ad  
 subscribendum, tantummodò Legatis resistenti-  
 bus; inter quos Flauianus Romam appellans, tor-  
 plagis afficitur, vniuersis Monachis clamantibus,  
*Occide*; vt ipse moreretur infra tres dies, & an-  
 no sequenti Imperator priuatus est vita & Impe-  
 rio, in punitionem criminis commissi ab eo,  
 cum ausus fuerit conuocare Concilium inuito  
 Pontifice, & in eo Legatum Hæreticum Eutychia-  
 num constituere. Hoc Concilium Ephesium  
 II. vocatum fuit Synodus Prædatoria; quia  
 Dioscorus & ei fauentes. Prædonum instar, Im-  
 peratoris armis fulti, nullo iure seruato, omnia  
 egerunt.

Mortuo autem Theodosio, Pulcheria Impera-  
 trix ex votis omnium, Marcianum elegit Imperato-  
 rem, quem litteris excitauit Leo Pontifex, vt pacem  
 redderet Ecclesiæ, cogendo Concilium Occumeni-  
 cum; quod reuerà indixit Chalcedone, in Ecclesia  
 sanctæ Martyris Euphemie, ad quod conuenerunt  
 630. Patres ex Oriente & Occidente; & inter illos  
 quatuor Patriarchæ, Dioscorus Alexandrinus, Maxi-  
 mus Antiochenus, Anatholus Constantinop. & Iuue-  
 nalis Hierosolymitanus; præsidentibus Pontificis Le-  
 gatis Paschasiano & Lucensio Episcopis, & Bonifa-  
 cio Presbytero, qui in prima actione Synodi petie-  
 runt, vt Dioscorus non sederet in Concilio, eo quòd  
 auctoritatem iudicandi surrepserit, Synodum iusse-  
 rit fieri sine auctoritate Sedis Apostolicæ, & Fla-  
 uia-

nianum Legatum Pontificis trucidandum consenserit, quod iustum iudicauerunt Patres; Vnde eiectus est ex sententia Prælatorum. Synodus Nicæna, iudicata fuit Acephala, Eutyches condemnatus, & Theodoretus Episcopus Cyrensis Act. 8. coactus anathematizare, nedum doctrinam, sed & personam Nestorij. Et hæc sunt quatuor prima Concilia, quibus censuit Gregorius lib. 1. Epist. 24. tantam adhiberi debere reuerentiam, quanta defertur Evangelio.

*De Concilio Constantinopolitano 2. quinta  
Generali*

**H**oc Concilium celebratum est sub Imperatore Iustiniano & Vigilio Pontifice ann. 553. vel 556. ut alij dicunt, & in eo conuenerunt 288. Episcopi. Vigilius nec per se, nec per Legatos voluit illi Concilio adesse, licet ibidem versaretur, timens ne aliquid definiretur contra Decreta Concilij Chalcedonensis; fuit tamen pro legitimo habitum, quia ex eius consensu fuerat congregatum, & confirmatum postea. In eo condemnatus est Origenes, cum Petro, Anthimo, Seuero, & Zoara Hæreticis. Renouata sunt Anathema fulminata in Conc. Ephesino contra Nestorianos. Theodorus Mopsuestanus Episc. Ybas Episc. Edessenus & Theodoretus Episcopus Cyrensis, qui Nestorio fauerant, postea in Sedibus suis restaurati fuerunt, pronuntiato Anathemate contra Nestorium: Sed quia remanserant eorum scripta, quibus multi inficiebantur, ideo in parte congregatum est hoc Concilium ad condemnationem illorum scriptorum, quæ dicta fuerunt tria Capitula.

Origenes Maneti, Sabellio, Ario, Eunomio, Nestorio ac reliquo Hæreticorum choro se coniunxit. Tenebat 1. inter alia, Deum habere vim certis finibus terminatam. 2. Filium minorem Patre asseribat, Spiritum sanctum Filio inferiorem, Filium creaturam ac germen Patris, eundemque purè hominem & creaturam. 3. Asseribat animas fuisse ante corpora creatas in cælo, ubi peccata committere. 4. Volebat Solem, Lunam, Stellæ, & Aquas quæ super cælos sunt, esse animatas & rationales Vir.

Virtutes 5. Quòd in resurrectione corpora hominum rotunda excitabuntur . 6. Quòd impiorum hominum & etiam dæmonum tormenta finem accipitura sint . 7. Post hoc sæculum pro dæmonibus crucifixum iri Christum , &c.

Licet Origenes in hoc Concilio damnatus fuerit tanquam Hæreticus , quod Concilium dicit se venerari Gregorius Magnus lib. 1. Registri , Epistol. 34. ad Ioannem Constantinopolit. non defuerunt tamen plurimi ipsum iustificantes , inter quos Pius Mirandula , in thesibus suis posuit , Rationalius est credere Origenem esse saluum , quam damnatum . Vnde in Apologia discutit primò , an Origenes Hæreticum aliquid scripserit , vel crediderit ? Hieronymus affirmat , negat Ruffinus ; vnde maxima contentio orta est inter illos , ex August. Ratio Ruffini est , quia Origenes lib. 4. habet Epistolam , vbi queritur quòd corrupti fuerint sui libri ab Hæreticis ; si hoc autem factum est ipso viuento , quantò magis ipso mortuo ? 2. quærit , vtrum posito quòd aliquid hæreticum scripserit , scripserit dogmaticè & adhæsiuè ; an verò tantum inquisitiuè ? quod magis probat Pius . 3. quærit an supposito quòd scripserit aliquid hæreticum adhæsiuè , in hoc peccauerit ; quia potuit scribere aliquid erroneum de rebus non determinatis , & illud submittere Ecclesiæ . 4. quærit , posito quòd peccauerit , vtrum nunquam poenituerit ; quod affirmat Hieronym. in Epist. ad Fabianum Rom. vrbis Episcop. ipsum poenituisse . 5. quærit , an dubio manente de eius poenitentia , credendum sit , ipsum esse damnatum , quod negat ; quia Aduersariorum esset probare eius impoenitentiam . 6. concludit Mirandulanus , quòd , in sua opinio sit vera , Patres huius Concilij nihil aliud voluerint , nisi quòd damnatus fuerit Origenes in sua doctrina , quidquid sit de persona . Præclara addit Vincentius Lirinensis de Origene ,

*De Concilio Constantinopolitano 3. quod est sextum generale.*

**H**Oc Concilium celebratum est an. 681. tempore Constantini IV. dicti Pogonati, inchoatum sub Agathone, & finitum sub Leone II. ubi adfuerunt 289. Patres, qui condemnauerunt errorem Monothelitarū, in Christo vnam tantū voluntatem admittē-  
cium; cuius Concilij Legati horum Pontificū Præsides fuerunt. Vt cognoscatur huius Concilij historia,

Sciendum est, Cyrum Patriarcham Alexandrinum, volentem renouare Hæresim Eutichetis, damnatam in Concil. Chalcedonensi, docuisse palam, in Christo vnam esse tantū voluntatem & vnicam operationem voluntatis: quod acriter refutauit Sophronius Episcop. Hierosol. Sergius autem Episcopus Constant. qui mente Monothelita erat, res Ecclesiæ pacificare simulans, aiebat non vtendum esse vocē vnus, aut duarum voluntatum, & fidem sufficere de vna tantū in Christo persona. Hoc rescripsit Honorio Summo Pontifici, illi persuadens totam difficultatem in hoc consistere, quod aliqui tenerent esse in Christo duas voluntates contrarias, ex quo concludi poterat, Christum posse peccare. Mentem Sergij, quam sinceram credebat, aporobauit Honorius, & replicans illi cum expressa mentione duarum voluntatum in Christo (vt notatur in Epistola eius, de qua fuimus loquuti, cū egimus de erroribus quos Hæretici attribuunt Summis Pontificibus) & perfecta conformitate vnus ad alteram, statuit congruum esse, vt iuxta sententiam Sergij, nulla fieret mentio vnus aut plurium voluntatum. Mortuo autem Honorio, perfidus ille Sergius, litteras Pontificis omnibus manifestans, persuadere voluit, Honorium stare pro Monothelitis, quorum partes ipse publicè tenere cœpit. Cum hæc ergo omnia multum rumorem in populo, & scandalum in Ecclesia excitarent, hoc celebratum est Concilium aduersos Monothelitas, quin in illo condemnati sunt; sed in eo multa addita fuerunt, quæ concernunt condemnationem Honorij, quæ non sunt Catholica; vnde cautè legendum est hoc Concilium, sicut & præcedens, quod iam annotauimus loco superius citato.

*De*



*De Concilio Nicano 2. Generalium septimo.*

**Q**uod celebratum est contra Iconomachos ann. 787. sub Adriano primo Pont. Constantino IV. Imperat. & Irene eius Matre, in quo conuenerunt 377. Episcopi, Petro Archiepiscopo Romanæ Ecclesiæ, & Petro Monacho Legatis. In tanto pretio habita est hæc Synodus apud Græcos, vt festum diem singulis annis, in die quo absolutum est, agant, scripserintque in Menologio, *Die 12. Octob. Sanctæ septimæ Synodi trecentorum sexaginta septem Patrum commemoratio.*

Orientales præcipuè maximam reuerà de felici exitu huius Concil. lætitiâ concipere debuerunt; quippe qui grauem persecutionem passi fuerint à suis Imperatoribus, Imaginum cultui & picturæ aduersantibus. Inter quos fuerunt Leo Isaurus, Leo Armenius, & Copronymus, qui in prognosticum futuræ vitæ, dum baptizaretur; fœdauit puros Ecclesiæ fontes. Huic successit Leo IV. etiam Imaginum insectator, qui breui mortuus est. Irene eius vxor pietate clarissima cum filio suo minori ætate Constantino regnare cœpit, religionemque restaurare percipiens, Tarasium excellentissimum Præfulem in Patriarcham Constantinopolitanum restituit, quæ Sede priuatus fuerat ab Iconoclastis. Illic Tarasius ille cum Imperat. scribit ad Adrianum, vt Concilium indicat & mittat Legatos; quo nuntio lætius nunquam receperat Pontifex: Vnde celebratum est hoc Concilium Nicæ Bithyniæ, ob maiestatem primi Concilij contra Hæreticos celebrati.

Hoc tempore Carolus Magnus in eundem finem petijt ab Adriano Pontif. vt in Occidente conuocaret Concilium contra Elipandum & Felicem Iconomachos: Consensit Pontifex, Legatosque misit ad Ciuitatem Francofordiensem, vbi congregati erant Episcopi Franciæ, Italiæ, Germaniæ, & Angliæ: Sed quia Patres huius Concilij crediderunt Concilium Nicænum non fuisse approbatum à Papa, & non explicasse qui cultus imaginibus deberetur, an absolutus, vel relatiuus, ipsum improbarunt aliquo modo; ideo istius Concilij decreta non fuerunt à Pontifice confirmata.

*De Concilio Constantinopolit. 4. Generalium  
officio.*

**I**stud celebratum est sub Adriano II. & Basilio Imper. an. 869 aut. 870. in quo adfuerunt 383 Episcopi, Præsidentibus ex Pontif. Donato & Stephano Episcopis, & Marino Apostolicæ Sedis Diacono. Hoc Concilium totum consistit in depositione Photij falso Antistite Constantin. & restitutione Ignatii eiusdem Patriarchatus Præsulis.

Ignatius, abdicato Ioanne Patriarcha Constantin. ob Hæresim Iconomachorum, è Monasterio ad illum Patriarchatum euectus est omnium votis, exceptis paucis Episcopis, quorum Ordinationi in Presbyteros restiterat ob crimina illorum. Illis fauebat Photius Secretarius Michaelis Imperat. qui Patriarchatum affectabat; unde suavit cum alio, nomine Barda, Imperatori quod in eius vitam conspiraret; quibus Imperator nimium credulus, Ignatium è Sede expulit, & relegauit in exilium; tantisque à Barda affectus est plagis, ut post dentium confractiōnem se à Patriarchatu demittere coactus fuerit, eiusque loco suffectus est Photius contra Canones, prohibentes ne quis ex sæculari statu ad Prælaturam eleuetur.

Clamare cœperunt pro Ignatio populus, Clerici & Antistites; quæ sit ut Imperatoris iussu congregati fuerint aliquot Episcopi, qui ex sententia Ignatium deposuerunt; ardentius tamen exquisitus est Photius à Clero & Laicis; unde ad Nicolaum Prædecessorem Adriani requirit Photius, ut confirmetur: sed Pontifex agnoscens illius malitiam, mittit Constantinopolim litteras pro Ignatio restituendo, quæ corruptæ sunt à Græcis, & in fauorem Photij versæ; unde Conciliabula fecerunt, & de nouo indignum Sede declararunt Ignatium. Hoc discens Nicolaus in punitionem tantæ temeritatis, Photium excommunicat, Sede priuat, Anathema in confortes pronuntiat, & Censuræ non obediens Photius ab omnibus deseritur; ex quo furens ille contumax, fauore Michaelis Imper. tuguria Eremitarum in Monte Olimpo degentium incendit, congregatque Conciliabulum sub Imperatoris præsidio,

in

in quo Nicolaum Pontificem excommunicat, per subornationem Orientalium, quod dedit initium diuisioni Græcorum à Romanis.

Moritur interea Imperator, cui succedit Basilius; & iste inuestigans quid fecerit Photius, & quid Pontifex decreuerit contra illum, Photium throno decedere iubet, & Ignatium restitui; quod iste facere renuit, nisi accedat iudicium Pontificis: Vnde Imperator ad Adrianum II. successorem Nicolai mittit, vt definiat causam inter Photium & Ignatium, moxque aliquos conuocat Prælatos Pontifex, qui illicò Photium condemnant, & ipse, Missis Legatis eum autoritate Apostolica, iussit Constantinopoli congregari hoc Concilium, in quo & Photius & Iconomachi, qui rumorem de nouo excitabant, condemnati sunt.

*De Concilio Lateranensi primo, & nono inter  
Oecumenica.*

**H**Oc Concilium fuit primum inter illa, quæ celebrata sunt in Occidente, propter defectionem Græcorum à fide, & peruersitatem Schismatis eorum. Celebratum fuit istud Concilium An. D. 1122. aut 1123. contra Saracenos, pro recuperanda Terra sancta, & pro concordia inter Sedem Romanā & Henricum V. Imperatorem, qui iura Ecclesiæ vsurpabat, sub ipso Henrico Imperatore & Calixto II. Pontif. Locus illius fuit vrbis Roma in Palatio S. Ioannis Lateranensis, & ob hoc dicitur Concilium Lateranense, in quo conuenerunt ad minus trecenti Episcopi, plusquam quadringenti Abbates, plurimi Conuentuales Priores, Legati Græci & Romani Imperij, Regum Hierusalem, Franciæ, Hispaniæ, Angliæ & Cypri Oratores, Summique Pontificis Legati, Causa huius Concilij fuit hæc.

Cùm beneficia Ecclesiæ pinguiora essent, maxime in Germania, Imperatorum auiditas in illis conferendis inhiauit, renitentibus Pontificibus Romanis, præsertim Gregorio libertatis Ecclesiæ propugnatore acerrimo, qui Henricum IV. sacris priuauit, quia inuestituras seu ius eligendi Episcopos vsurpabat cum traditione Annuli & Baculi Pastoralis. Alij Pontificum in hoc efferbuerunt, alij vi & me-

tu tolerauerunt, vt Paschalis II. qui ab Henrico V. in carcerē coniectus est, donec idem ius illi concederet. Calixtus tandem II. confirmata in Henricum V. excommunicatione, Adalbertum Moguntinum Archiepiscopum suum Legatum in Germania constituit, qui Episcopos, Abbates, Principes & Populum commouens, pro libertate Ecclesiæ tuenda, ingentem exercitum comparauit: Ex alia verò parte celerius accedebat Imperator, non cum minoribus militum copijs, ita quòd, cruento certamine lis videretur dirimenda; sed Abbas Vspurgensis pacem reddere Ecclesiæ tentans, à Pontifice & Imperatore obtinuit, vt contentio deferretur duodecim Principibus ex vtraque parte electis; tandemque res est composita, Imperator Pontifici obedientiam reddidit, & Pontifex, iure electionum sibi reservato, contulit Imperatori regalia, 1. ius conferendi Episcopis & Abbatibus bona temporalia; & vt hæc conuentio rata haberetur, habitum est Concilium Lateranense primum, in quo remisit Imperator Pontifici ius, quod prætendebat in inuestituris Prælatorum per Baculū & Annulum, & Pontifex concessit illi regalia, quod vtrumque factum est an. 1122, nono Calendas Octob.

In hoc Concilio, præter initum foedus inter Imperat. & Pontif. multa adhuc facta sunt; condemnatus enim fuit Abbas Ioachim, qui scripserat in Petrum Lombardum, quem vocabat Hæreticum, quòd diceret Patrem, Filium, & Spiritum S. esse vnā summam rem, quæ nec generaret, nec generaretur, dicens in hoc Abbas Ioachim, Magistrum Sentent. admittere quantitatem in diuinis. Conuenerunt insuper Imperator & Pontifex de bello inferendo contra Saracenos. Determinarunt denique Patres de Sede Patriarcharum, vt scilicet post Romanum Pontif. primus esset Constantin., 2. Alexandr., 3. Antioch. & 4. Hierosolimitanus. Canonem vigesimum fecerunt de confessione facienda saltem in anno proprio Sacerdoti, vel alteri ex eius licentia; quinquagesimum quo prohibetur Matrimonium intra quartum gradum inter affines & consanguineos, & sexagesimum tertium, quo declaratur, simoniam committere Moniales, dum aliquid recipiunt (paupertatis prætextu) pro ingredientibus Monasterium; & iubetur excludi tam recipiens, quàm recepta de suo Monasterio in-

locum arctioris Regulæ, ad agendam ibi perpetuam poenitentiam, sine spe reuersionis.

*De Concilio Lateranensi 2. & decimo Generali.*

**I**llud celebratum fuit an. 1139. sub Innocentio II. & Conrado III. Huius Synodi conuocata hæc fuit causa. Mortuo Honorio II. à maiori parte Card. electus est Innocentius II. aliqui tamen Petrum Leonis filium potentissimi Cuius Romani, pseudo-Pontificem sub Anacleti II. nomine creauerunt, qui propinquorum viribus innixus omnes Basilicas inuasit, coegitque Innocentium cum Cardinalibus Galliam accedere; vbi à Rege Galliarum, Imperatore, Rege Angliarum, & multis alijs Principibus & omnibus Eiscopis horum Regnorum agnitus est in legitimum Pontificem; *Illum enim meritò recipit Ecclesia, cuius electio sanior inuenta est, eligentium numero vincens & merito*, inquit D. Bernardus Epist. 125. Cum autem noster Innocentius in Italiam reuersus esset, Pseudo-Pontifice mortuo, alium sub Victoris nomine suffecerunt Schismatici, qui libero motu se contulit ad Pontificem, Pontificalibus vestibus depositis.

Ipse verò legitimus Papa mox vt Romam rediit, Concilium congregauit vniuersale in Ecclesia Lateranensi, vbi mille circiter Patres accessere. In eo rescinduntur acta Schismaticorum; pristina disciplina in Ecclesia restituitur; inhibetur sub excommunicationis poena, nè manus violentæ iniiciantur in Clericum; condemnaruntque Petrum de Bruis, qui tenebat infantes non debere baptizari ante rationis vsum, nec alienam fidem prodesse illis qui non possunt vti propria. Afferebat 2. non debere extrui Tempia, & constructa demolienda esse. Negabat 3. Crucem esse pingendam, quia fuerat Christo in dedecus; vnde ipsius species dehonestandæ erant, non venerandæ. Negabat 4. Sacrificium Missæ, & nullum Deo offerendum volebat. Tandem eleemosynas, oblationes & reliqua bona, quæ fiebant pro mortuis irridentia. In quibus apparet ipsum Petrum de Bruis esse omnium parentem Hæreticorum, qui post ipsum vixerunt.



*De Concilio Lateranensi tertio , & generalium  
undecimo.*

**A**Nno Domini 1179. hoc Concilium indixit Alexander II. sub Imperio Fiderici I. contra Albigenſes & Vualdenſus, nomine Catharos. Albigenſes in Aquitania renouare volentes errores Manichæorum, negando liberum Arbitrium, compoſuerunt exercitum ex centum millibus Militum, qui miraculoſè in fugam & deſtructionem poſitus eſt per Montisfortij ducem, qui mille quingentos habebat tantum Milites; ipſi verò Hæretici in hoc Concilio damnati ſunt. Vualdenſes autem, aliàs Pauperes de Lugduno, quia omnia dabant pauperibus ad exemplum cuiuſdam Ciuis Lugdunenſis inter alios prædiuitis, contra Papam, Indulgentias, Purgatorium, & alias Catholicas veritates inſurgentes, illicò damnati fuerunt in Concilio Lateranenſi.

Non ſolùm hæ extirpandæ Hæreſes dederunt locum huic Synodo, ſed etiam Antipapæ, quibus fauebat Fridericus Imperat. Cum enim Adrianus Pontifex diſceſſiſſet è viuis, duo Pontifices creati ſunt, Rolandus Senenſis ſcilicet, dictus Alexander III. viginti & vno ſuffragijs Cardinalium; & Octavianus Romanus, qui ſub nomine Victoris IV. tantum à tribus electus eſt. Ex hoc graue ortum eſt Schiſma; Imperatoris enim opera, Germania & vna pars Italiæ non tantum Victorem Papam coluerunt, ſed ipſo etiam mortuo, Guidonem Cremenſem & Ioannem Victoris ſucceſſores in legitimos Pontifices agnouerunt. Ex alia tamen parte, Gallia, Anglia, Hiſpania, pars Italiæ, cæteræque Prouinciæ, Alexandri partes ſemper ſuſceperunt. Cum autem bellum graue ſuſcitatum fuiſſet Friderico, in quo & debellatur eſt, cepit reſipiſcere, ad pedes Alexandri ſe ſubiecit, firmam cum illo ſtabiliuit pacem, & Schiſma quod duodeuiginti annis durauerat, ceſſare fecit. Ipſe verò Alexander ſe pacificum vident, Concilium generale conuocauit in Lateranenſi Baſilica, in quo ſtauit, ad euitanda Schiſmata futura, nè deinceps quis in legitimum Pontificem haberi poſſet, niſi à duabus partibus Cardinalium eligeretur.

*De Concilio Lateranensi quarto , inter generalia  
duodecimo .*

**A**D hoc Concilium conuenerunt Romam plusquam quadringenti Episcopi , & plusquam octingenti Abbates , & viri in Ecclesia illustrissimi , & hoc sub Innocentio III. & Friderico II. Imperat. ann. 1215. Hoc Concilium celebratum est pro Hæresibus extirpandis , moribus Ecclesiæ reformandis , & bello ineundo contra Turcas , qui Terram Sanctam inuaserant . In hoc Concil. adfuerunt Patriarchæ Constantinop. & Hierosolym. Antiochenus morbo correptus adesse non potuit , nisi per Legatum , nec Alexandrinus , nisi per Diaconum suum Germanium , quia ipse erat sub dominio Saracenorum . Legatorum denique fuit ingens multitudo , ut potè Romani & Constantinopolitani Imperatorum , Regum Franciæ , Angliæ , Hungariæ , Hierosolymorum , Cypri , Arragoniæ , aliorumque Principum & Magnatum , sicut & Ciuitatum ; sic Abbas Vîpergensis , qui hoc tempore floruit . Ibi etiam de reuisione Græcorum & Latinorum actum est . Post orationem Papæ habitam in Concilio , ad omnes Prælatos & Legatos Principum , citissimè trecenta millia vndique militum congregata sunt , sub diuersorum ductu ; & hi omnes cruce accincti sunt , ut pateret ipsos bellum inire pro Christo . Primò Antiochiam , deinde finitimas regiones inuaserunt , & postremo Hierusalem ceperunt obsidione , in qua vrbe omnium Principum consensu , electus est in Regem Hierosolymorum strenuissimus Dux Gothofredus Bullionius , qui in Urbem primùm irruperat . Regnauerunt ibi Fideles per nonaginta circiter annos , quo tempore elapso , sub Pontificatu Urbani III. & Guidone Rege , capta à Saracenis Hierosolyma occupata fuit .

*De Concilio Lugdunensi primo , tertio-decimo  
Generalium .*

**D**E hoc Concilio à solo Pontifice Innocentio IV. congregato , propter litigium inter ipsum & Imperatorem Fridericum II. nihil ex medicam .

sed audiendus est Matthæus Paris fufius fcribens acta huius Concilij.

Anno Dom. 1245. cum Dominus Papa Innocentius IV. propter multa pericula, quæ imminebant Ecclesiæ, in Galliam se transtulisset, Concilium conuocauit apud Lugdunum, ad Vigiliam D. Petri, in maiori scilicet Ecclesia. Locum ascendit eminentiorem, habens Imperatorem Constantinopol. à dextris, & alios Principes à sinistris. Ex opposito tres Patriarchæ Ordinati fuerunt, Constantinop. Antiochenus, & Aquileiensis; cuius sessioni sese opposuerunt alij, dicentes eius Sedem esse destructam; hoc tamen composuit Papa. In Naui Ecclesiæ ad dexteram & in eminentioribus locis sederunt Episcopi Cardinales, ex altera Cardinales Presbyteri, Archiepiscopi & Episcopi post eos, & deinde Abbates, Procuratores Capitulorum, Nuntij Regum, & Legati Imperatoris Friderici. Post preces de solito factas orationem habuit Pontifex super verba Prophetæ, *Secundum multitudinem dolorum meorum, in corde meo consolationes tuæ*; ubi ostendit dolorem suum esse multiplicem, propter difformitatem Prælatorum, insolentiam Saracenorum, scruitiam Tartarorum, Schisma Græcorum, & persecutionem Ecclesiæ à Friderico Imperat. Postea ostendit concordatum factum ab Imperat. munitum Aurea, Bulla, concessum prædecessori suo Honorio, in quo per iuramentum promiserat fidelitatem Pontif. tanquam vassallus domino; fatetur Regnum Siciliæ & Apuliæ esse Patrimonium D. Petri & ab eo teneri in feudum Ecclesiæ, agnoscit Marchiam Anconitanam, Ducatum Spoleti, Exarchatum Rauennæ & alias terras esse de temporali dominio Ecclesiæ, Quibus dictis, Iudex Thadæus Imperatoris nuntius respondit ad omnia allegata cum eloquentia tali, vt grata fuerit omnibus ipsius responsio; ad quam Papa replicans, conuicit omnes de vera persecutione Imper. in Ecclesiam. Prælati postea insurrexerunt contra Imperatorem, probantes ipsū velle Ecclesiā reducere ad paupertatem primitiæ Ecclesiæ, vt ipse gauderet bonis illius; Vnde Pontifex, post institutionem Octauæ Natiuitatis B. Mariæ, post quædam decreta pro Terra sancta recuperanda, post condemnationem Hæresis Albigensum & Valdensem, primò ore tenus pronuntiauit ex-

com-

cōmunicationem in Imperat. quam confirmauit scripto, quod legerunt Patres in Synodo, non obstante appellatione Thadæi ad futurum Papam & Concil. Post excommunicationem illam, priuauit papa Imperatorem suo dominio, & Henricus Lantgrauius accepit Imperium precibus Papæ, inquit Albertus Stadenfis. Porro lecta sententia excommunicationis, surrexit Pontifex, incepit, *Te Deum laudamus*, dissolutumque est Concilium. In Concil. determinatum est, quòd Cardinales Pileo Rubro vterentur ad designandam eorum constantiam in Fide sustinenda.

*De Concilio Lugdunensi secundo, quarto decimo Generalium.*

**G**regorius Decimus, sub Imperio Rodulphi conuocauit hoc Concilium, anno Domini 1274. in quo plusquam mille Patres, & inter eos, plusquam septingenti ad minus conuenerunt Episcopi, inter quos fuit D. Bonauentura, qui multum contulit cum aliis Minoritis ad vnionem Græcorum cum Latinis. D. Thomas autem in itinere morbo correptus, Imortuus est. Huius Concilii Historia habetur ex Luca Vualdingo.

Iniuncto primùm ieiunio trium dierum à Pontif. tum Episcopis, tum Capellanis suis, primo die post Kalendas Maii 1274. sedibus præparatis in maiori Ecclesia S. Ioannis, & omnibus suum locum tenentibus, Pontifex in prima sess. triplicem causam huius Concilii declarauit; nimirum subsidium Terræ sanctæ, vnionem Græcorum, & morum reformationem. Pro Græcorum vnione misit Pontifex quatuor Minoritas ad Michaellem Imperator Constantinopolitanum & Andronicum filium eius, vt testatur ipsemet Imperator in Epistola, quam scripsit ad Gregorium X. sub Sigillo Aureo, in qua se Fidem Romanam profiteri testatur, mediatione horum Fratrum Minoritarum.

Ante tertiam Sessionem huius Concilii, litteras accepit Pontifex à Minoritis de suo aduentu cum Legatis Græcorum, ad quas summè gauisus est Papa; vnde fecit conuocari omnes Prælatos, & coram ipsis sermonem habuit Cardinalis Bonauentura.

Assumpto pro themate, *Exurge Hierusalem, sta in excelsis, & circumspice ad Orientem; & inde collige filios tuos ab Oriente usque ad Occidentem.* Baruch. 5. & concione habita, lectæ sunt prædictæ litteræ Minoritarum, asserentium se prope esse. Et reuera paulò post aduenerunt illi Fratres cum Nuntijs Imperatoris Michaelis Paleologi & filij eius Andronici, nec non & Prælatorum vniuersæ Græciæ, quibus obuiam fuerunt omnes Prælati Concilij, Vice-Cancellarius Papæ, & tota Cardinalium familia, qui omnes conduxerunt Græcos ad Palatium Pontificis: Papa veò stans in aula Palatij cum suo comitatu, illos benignè ad osculum pacis recepit, & Græci significauerunt in omnium conspectu, se venisse ad omnimodam obedientiam suæ sanctitati præstandam, profitendum Ecclesiæ Romanæ Primatum, & porrigendum Imperatoris Diploma, in quo Fidem Catholicam se profiteri testatur, iuxta instructionem, quam illi dederant Pontificis Legati, Minoritæ scilicet.

Misit cum sua Epistola Imperator confessionem suæ Fidei ad Concilium, iuxta instructionem, quam ad illum misit Summus Pontifex, & cum litteris Imperatoris alias præsentauerunt Legati, à Prælatibus Græciæ, inter quos viginti sex Metropolitani Fidei Rom. Ecclesiæ subscripserunt & vnioui cum illa. Non potuit tamen induci Iosephus Patriarcha Constantinop. vt alijs consentiret, contendens suam Sedem esse primam; sed Prælati Græciæ promiserunt in suis litteris, quòd si immobiliter se haberet, tunc ipsam à Sede eijcerent. Post quædam colloquia, proposita est Nuncijs Græcorum norma Fidei Romanæ, quam profiteri debebant suo & illorum nomine, quorum gerebant vices, quod libenter acceptarunt; vnde inde die Apostol. Petri & Pauli solemne sacrum fecit Pontifex, & D. Bonauentura egregium habuit sermonem de pace iucunda & puritate Romanæ Fidei; & statim cantatum est Symbolum Fidei Constantinopolitan. & dum ventum est ad articulum de Spiritu S. Græci cum Latinis lento cantu pronuntiauerunt, *qui ex Patre Filioque procedit.* Quo facto Germanus olim Patriarcha Constantin. Nuntius & consanguineus Imperatoris, Archiepiscopi, & alij Græci, gratias egerunt D. Papæ, qui statim Missam prosecutus est.

Fratres



Fratres Minoritæ prædicti, scilicet F. Hieronymus de Asculo, Frat. Remundus Berengar. F. Bonagratia & F. Bonauentura de Mugello, induxerunt Tartaros ad idem fœdus iucundum cum Ecclesia Romana; vnde ad Concilium adduxerunt eorum Legatos, quibus obuiam fuerunt Cardinales, deductique ad Aulam Pontificiam, vbi agebant Prælati de rebus Concilij; summo cum honore recepti sunt. Interim cum dolore omnium moritur D. Bonauentura, quem Sixtus IV. & V. Pont. dicunt fuisse Præsidentem in Concilio isto; quod tamen verum esse non potest, cum semper adfuerit Gregorius; sed in priuatis colloquijs, quæ fieri solebant tanquam præparatoria, nè res indiscussæ proponerentur in Concilio, semper primas tenuit. Tanta autem in hac Synodo præstitit Ecclesiæ, vt omnium sibi conciliauerit animos; præsertim Græcorum, qui ipsi dederunt nomen Eutichij, quod est eruditionis & sapientiæ elogium; ipsi enim profecto debetur pacificatio inter Græcos & Latinos; vnde in Concilio præsentis Pontifex creauerat illum Cardinalem Episcopum Albanensem, quod nunquam contigerat, vt quis fieret Cardinalis Episcopus antequam esset Cardinalis Presbyter. Omnes Prælati cum Papa illius funus decorarunt præsentia sua, sicut & Imperator Constantinopolitanus, quod vix vnquam compertum est. In hoc Concilio multum agitata fuit quæstio inter Græcos & Latinos de processione Spiritus S. vbi mira egit & dixit D. Bonauentura; tandemque determinatum est, vt diximus, ipsum esse à Patre, & Filio, tanquam vnico principio.

*De Concilio Viennensi, generalium  
quintodecimo.*

**A**NNO 1311. celebratum est hoc Concilium Viennæ in Delphinatu, sub Papa Clemente V. Philippo Pulchro Francorum Rege, & Henrico VII. Imper. De hoc Concil. loquens S. Antonius 3. part. Histor. Tit. 12. cap. 3. dicit, *Clementem, qui promotus fuerat ad instantiam Regis Gallie, promississe illi in sua promotione, quod deleteret Bonifacium VIII. ex Pontificum numero, qui illum Regem excommunicauerat, & Regnum dederat primo occupanti;* vbi Rex præ-

*tendebat ostendere Papam esse Hæreticum*. His numquam assentiri voluit Concilium, imò declarauit. Bonifacium fuisse semper legitimum Pontificem; vnde Papa, cum non posset sua promissa adimplere, declarauit decreto Concilii, omnes processus, quos fecerat Bonifacius in Regem, fore nullos, nec intuitu illorum ullam vnquam poenam aut detrimentum futurum, nec Regno, nec Regi, nec eius filiis. In hoc Concil. plusquam trecenti Episcopi vndeque ad fuerunt.

Templariorum Ordo penitus destructus fuit in hac Synoda; constitutio facta pro celebrando festo Corporis Christi Feria 5. post Octauam Pentecostes; & condemnati Fraticellorum, seu Begardorum & Beguinarum errores, Virorum & Mulierum Germaniæ, qui contumaciter asseuerabant, 1. Quòd homo posset tantam perfectionem acquirere, vt fieret impeccabilis. 2. quòd post talem perfectionem, non oporteret amplius homini orare, nec ieiunare, 3. Quòd tales non sint amplius subiecti obedientiæ, nec Ecclesiæ præceptis. 4. Quòd homo totalem beatitudinem possit sibi in hac vita comparare, 5. Quòd anima non indigeat lumine gloriæ ad Deum videndum. 6. Quòd exercere actus virtutum, sit hominis imperfecti. 7. Quòd osculum mulieris sit peccatum, dum ad illum non inclinatur natura; & quòd actus carnalis, seu simplex fornicatio non sit peccatum, dum tentatur exercens. 8. Quòd in elevatione Corporis Christi non debeat homo perfectus reuerentiam exhibere, quia perfectioni suæ detraheretur, si ob hoc ab altitudine contemplationis suæ descenderet.

Begardi & Beguinae multis nominibus insigniti sunt, vt potè Fratricelli, Fratres de paupere vita, Bioschi, Fratres Ordinis Apostolorum, & Dulcinistæ, à quodam Dulcino Nouariensi, quem sex millia hominum secuti sunt. Anno 1305. Brouius pauperulæ S. Francisci Familiæ semper infensissimus eos dixit fuisse Fratres & sorores Ordinis Tertiæ D. Francisci, sed de errore & mendacio arguitur ab omnibus. Quantum ad ipsum Clementem V. qui hos Hæreticos condemnauit, agebat in Gallia, & iam inde ab hoc tempore, hoc est, Anno 1305. translata est Sedes Pontificia ab vrbe Roma. Auinionem Gallia: yrbem, quam à Rege emit Clemens VI. & ip-

sa Sedes mansit Avinionensi ad septuaginta & quatuor annos. Clementinæ Constitutiones Apostolicæ in iure Canonico insertæ, ortum habuerunt ab illa Synodo.

*De Concilijs Constantiensi & Basileensi partim approbatis, & partim reprobatis.*

**Q**uoniam in hac Disput. mens fuit tantum agere de legitimis Concilijs totaliter approbatis, quæ sunt octodecim numero, ideo potuissimus abstinere à sermone horum, quæ partim approbarunt & partim reprobant Pontifices; sed quia in illis aliquid consideratione dignum est, concernens superioritatem Concilij, vel eius inferioritatem, respectu Papæ, idè de illis mentionem aliquam facere debuimus, non obstantibus dictis nostris in quæst. 9. de Summi Pontif. infallibilitate & quæst. 7. disp. præced. Concilium Constantiense, ubi trecenti Episcopi conuenerunt, & plusquam septingenti Patres, inchoatum fuit anno 1414. sub Ioanne XXIII. & finitum anno 1418. sub Martino V. Hoc Concilium fuit generale, quia congregatum fuit ad tollendum Schisma; divisio enim Cardinalium tres instituit Pontifices, nimirum Ioannem XXIII. Benedictum XII. & Gregorium XII. Fuit partim approbatum, in condemnatione nimirum Vicleffi, Ioannis Hassi, & Hieronymi Pragensis; & partim reprobaturum, in hoc scilicet, quod in primis Sessionibus Papam inferiorem Concilium declararunt. Unde, cum dicitur Martinum V. legitimum Pontificem, eiectionis tribus illis Pontificibus, approbasse acta huius Concilij; responderetur, approbasse quidem ea quæ sunt conciliariter acta; id est, prauo & maturo examine, quod factum non fuit in hac determinatione, ad quam omnes sine ulla perquisitione conuenerunt, videntes nullum reperti modum expeditiorem ad impedienda Schismata, nisi declarando Concilium esse supra Pontificem. Videantur quæ diximus quæst. 9. de Summo Pontif. & quæst. 7. disput. præcedentis. Porro quæ facta sunt contra Pontif. in hoc Concilio & in Basileensi, reuocata sunt in Concilijs Florentinis & Lateranensi.

Concil. Basileense sub Martino V. & Eugenio IV. cele-

celebratum est, anno D. 1431. Inchoatum fuit Senis sub Iuliano Cardinale S. Angeli, præside, & iustis de causis Basileam translatus. Hoc Concilium fuit Occumenicum. ut potè indictum à Sum. Pontif. qui ad illud delegauit. Talem Legationem approbavit Eugenius IV. post obitum Martini V. sicque inchoatum est Concilium Basileæ iussu Eugenij, ad quod ex omni parte quamplurimi conuenerant Episcopi. Cum autem ipse videret, Patres suscitatos ab aliquibus Principibus, sub prætextu reformatæ Ecclesiæ, plurima Romanæ Ecclesiæ tollere priuilegia, statim suum Legatum reuocauit, Concilium dissolui iussit, & Ferrariam transtulit. Interim licet Episcoporum plurimi abierint cum Legato, proinde Concilium fuerit dissolutum; alij remanentes sub præsidio Cardinalis Arelatensis, qui sibi præsidendi munus assumpsit, deposuerunt Eugenium, loco ipsius substituētes Amedeum Eremitam, dudum Sabaudia Ducem, sub nomine Felicis IV. qui postea, mortuo Eugenio, suum Pontificatum, ad quem euectus fuerat inuitus, cessit Nicolao V. successori Eugenij; ipse verò ad pristinum Ereum se contulit. Hoc Concilium nihil habet ratum, nec probatum, nisi quasdam constitutiones pro Beneficijs, quas, pacis causa, approbavit Nicolans V. Reliqua verò quæ in alijs Concilijs non sunt definita, reprobauit, iuxta Prædecessoris sui sententiam; & sic quæ in hac Synodo sancita sunt contra Pontificem, nullum pondus habent.

*De Concilio Florentino, quod fuit sextumdecimum inter Generalia.*

**D**Um videret Eugenius IV. peruersam intentionem aliquorum Concilij Basileensis, Episcopos ab illa Synodo & Legatum auocauit, præcipiendo ut Concilium dissolueretur. Videns autem ipsum continuari, anno 1439. congregauit aliud Concilium Ferrariæ oppositum Basileensi, quod Concilium postea translatus est Florentiæ, & in illis actum est de vnione Græcorum cum Latinis; ipsi enim suum Schisma renouarant ob Processionem Spiritus sancti à Filio, ob additionem factam huius particulæ, *Filioque*; ob ignem Purgatorium ob Principatum Papæ; ob azymum vel fermentatum panem; ob

ob transubstantiationem panis, &c. In omnibus controuersijs conuenerunt Græci cum Latinis in Concilio isto, in quo decantatum est Symbolum ab utraque Gente, cum hac additione, *Filiusque procedit*, quæ ter Græcè, ter Latinè repetita est. Quantum ad azymum aut fermentatum panem, determinatum est in utroque consecrationem posse fieri, & sic seruandum vniuscuiusque Ecclesiæ vsum.

In vltima Sess. Ioseph Patriarcha Constantinopolitanus morte subita obiit; sed ante mortem scripsit se agnoscere Pontificem Veteris Romæ habere iure merito Primatum Ecclesiæ totius, seque totaliter esse in Fide conformem Ecclesiæ Romanæ, quod scripsit 8. Iunij anno 1439. in vrbe Florentiæ. Interea aduenerunt paulò ante finem Concilii, Legati Patriarchæ Armeniorum, petentes suam Ecclesiam vniri cum Romana, fidem ipsius & Decreta Concilij Florentiæ piè & sincerè amplecti volentes. Paulo post finem huius Concilij ann. 1453. post diuinam obsidionem cepit Mahometes urbem Constantinopolim; vbi tantam exercuit crudelitatem, vt nulla oratione explicari valeat. In hoc Concilio actum est specialiter de materia & forma Sacramentorum. Sessiones sexdecim huius Concilij, primæ scilicet, celebratæ sunt Ferrariæ, cæteræ verò Florentiæ vsque ad vigesimam quintam, quæ fuit vltima. His omnibus expletis, litteræ Vnionis factæ sunt, quibus Ioannes Paleologus Imperator, Patriarchæ, & alij Ecclesiarum Orientalium Prælati subscripserunt, sicut & Occidentales.

*De Concilio Lateranensi quinto, decimo septimo  
Generalium.*

**I**nitium duxit hoc Concilium ann. 3512. sub Iulio II. & Leone X. imperante Maximiliano: finitum est autem ann. 1517. Iulius II. in sua electione promiserat se Concilium celebraturum pro reformatanda Ecclesia & pace componenda inter Principes Christ. iuxta Concil. Constantinop. in quo determinatum fuerat, vt quolibet decennio conuocaretur. Requisitus autem de hoc multoties, vel  
non



non potuit, vel non voluit illud conuocare; vnde quidam Cardinales Conciliū celebrarunt apud Pisas, conuocatis omnibus Episcopis, tanquam ad generale Concilium. Hoc videns Pontifex, indixit Conciliū Romæ apud Lateranum contra Conciliabulum Pisanum, sicut Concilium Florentiæ fuit contra Basileense indictum. Primò rationem reddidit Pontifex de Concilij dilatione, propter exercitum Iulij II. & Imperatoris, & exercitum Ludouici Regis Francorum, qui prope Ciuitatem Rauennatem conflictum habuerunt. 2. Legitur Bulla, in qua Concilium Pisanum & Acta eius irritata fuerunt. 3. Moritur Iulius II. post Sess. 5. 25. Febr. ann. 1513. & eodem anno Martij 11. electus est Cardinalis de Medicis sub Leonis decimi nomine. Sub eo in Sess. 6. fit electio 24. Prælatorum, qui adsint Papæ cum Cardinalibus in negotijs pertractandis. 4. Leguntur litteræ subscriptæ à Cardinalibus, qui Concilium Pisanum congregauerant, in quibus abiurant Schisma quod fecerunt, fatentur se malè egisse, veniam de hoc expetunt, & pristinæ dignitati restituantur in Consistorio secreto, venientes ad Papam, tanquam simplices Clerici. 5. In sess. 10. die 4. Maij anno 1515. præfidente Leone X. approbantur Montes pietatis.

*De Concilio Tridentino generalium ultimo.*

**H**Oc Concilium, quod multas & longas habuit interruptiones, inchoatum est ann. 1545. & finitum an. 1563. temporibus Caroli V. & Ferdinandi primi, sub Pontificatu Pauli III. cuius Legati erant Ioannes Maria Cardinalis Episcopus Præuestinus, Marcellus Ceruinus Præbyter Cardinalis Tit. S. Crucis in Ierusalem. & Reginaldus S. Mariæ in Cosmedin Diaconus Cardinalis. Continuatum est Concilium sub Iulio III. Pontif. cuius vices tenuerunt Marcellus Crescentius Presb. Cardin. Sebastianus Pighinus Archiepiscopus Sipontinus, & Aloysius Lipomanus Episcopus Veronensis. Denique consummatum est Concil. sub Pio IV. cuius nomine præfederunt Hercules Gonzaga Præbyr. Card. Hieronymus Seripandus Præbyr. Cardin. Ioannes Moronus Cardin. Episcopus Ludouicus Simoneta Presbyr. Cardin.

Cardin. Marcus Sitiens Diaconus Cardin. & Bernardus Nauagerius Præbyr. Cardin.

Post quam multoties desiderata fuit hæc Synodus, ad extirpandam Lutheranam Hæresim in Germania, maximè grassantem, anno 1537. indicta tandem fuit Mantuæ à Paulo III. sed quia Dux hiniæ poscebat pecuniam pro militari præsidio, ad tuendam urbem contra externos, indictum est anno sequenti Vincentiæ, quod acceptare noluerunt Veneri, quia nuper pace inita cum Solimano, timuerunt nè Solimanus præsumeret, Venetos omnes Christianos Principes in hoc Concilio excitaturos contra ipsum. Tandem an. 1542. celebrari iussum est Tridenti, vbi reuerà initium duxit anno 1545. sed an. 1547. translatum est Bononiam ob intemperiem aeris & morbos graves; vbi interruptum fuit post septimam Sessionem, per quadriennium, & deinde celebratæ sunt postea adhuc tres aliæ Sessiones sub Paulo III. in illa urbe Bononia. Mortuo autem hoc Pontifice, resumptum est Concilium Tridenti sub Iulio III. vbi celebratæ sunt sex Sessiones, à decima scilicet vsque ad 16. inclusiue, & postea suspensum est Concilium ad an. 1561. quo tempore sub Pio IV. Iulii III. successore celebrari cœpit, ac denique sequenti anno consummatum est, & sub hoc Pontif. factæ fuerunt nouem Sessiones; in toto enim Concilio viginti quinque celebratæ sunt; decem sub Paulo III. sex sub Iulio III. & nouem sub Pio IV. De Luthero, Caluino, & aliis Hæresiarchois iam dictum est.

### C A P V T III.

#### *De Concilijs particularibus.*

**Æ** Quum est vt à generalibus Concilijs ad particularia descendamus; non quòd de omnibus loqui mens nostra sit, sed vt saltem de principalioribus dicamus aliqua. Per particularia Concilia illa intelligimus, quæ non sunt Oecumenica seu Generalia, sed vel Nationalia aut Prouincialia dicuntur. Porro, vt iam insinuauimus, Concilia Nationalia sunt illa, quæ indicantur à Patriarchis seu Primatibus, & in quibus conueniunt Prælati illius Patriarchatus vel Primatiæ. Prouincia-

cialia verò, ea sunt quæ ab Archiepiscopis congregantur & ex Episcopis componuntur Suffraganeis.

*De Concilijs particularibus primi sæculi.*

**I**N primo sæculo multoties conuenerunt Apostoli, vt diximus initio capitis; sed conuentio quæ facta est sub D. Petro an. Christi nati 31. contra Cerinthum, solemnior est inter alias: vnde ab aliquibus vocatur Concilium generale; ab alijs saltem Nationale, aut Prouinciale. Videantur quæ iam dicta sunt de illo Concilio.

Ideò celebratum est Concilium hoc Ierosolymit. ob dissensionem ortam inter Christianos Antiochiæ, quorum aliqui nouiter de Iudaismo conuersi credebant obseruandam esse legem Mosaicam cum Christiana, & huius dissensionis Author fuit Cerinthus ex Epiphanio. Testatus in 17. Matth. quæst. 13. putat Iacobum protulisse definitiuam sententiam, in quantum erat Ierosolymorum Episcopus, quod falsum est; fuit enim Petrus qui pronunciauit, vt probauimus in fronte cap. præced. Nam in quacumque Diocesi reperiatur Pontifex, præsidet, & subditos habet Episcopos. Porro vt executioni demandaretur Concilij huius definitio, missi sunt qui eam deferrent ac promulgarent Antiochiæ.

Fuit aliud Concilium in hoc sæculo Antiochiæ celebratum sub D. Petro anno 57. in quo præ cæteris determinatum est, vt homines credentes in Iesum Christum, qui antea vocabantur Discipuli, Christiani deinceps appellarentur. Multiplici autem ratione vocati sunt Christiani, à Christi nomine, non Iesuitæ à nomine Iesu; quia scilicet nomen Iesu est Hebraicum, & nomen Christi est Græcum; vnde quia mutatio nominis Discipulorum in nomen Christianorum facta est in Græcia & non in Iudæa, nempe Antiochiæ, ideò potius dicti sunt Christiani, quàm Iesuitæ. Deindè, nomen Iesu respicit diuinitatem, idem est enim Iesus ac Saluator, & saluare ad Deum pertinet; nomen autem Christi est nomen humanitatis, nam Christus idem est ac vnctus (diuinitate scilicet) vnde cum Christiani sint vncti vnctione Baptismi & Confirmationis tanquam milites, ideò iurè hoc nomine vocantur Christiani.

*De Concilijs secundi seculi.*

**T**Ria prima fuerunt, *Romanum* sub Victore Papa an. 198. *Palestinum* eodem anno, & *Ponticum* pariter. In illis determinatum fuit Pascha celebrandum esse, non quarta-decima Luna Martij more Iudæorum, sed die Dominica post illā quartam-decimā d.ē Lunæ, prout tradiderunt Apostoli. Ann. eodē Asiatici celebrarunt Concilium, vocatum *Asiaticum*, in quo determinarunt celebrandum esse Pascha quarta decima die primi Mensis, etiamsi in Dominicam non incideret: sed per Victorem Papam hoc Concilium reprobaturum est, & per Concilium Nicænum. Concilium *Gallicum* celebratum est sub Irenæo Lugdunensi Episcopo tempore Victoris Papæ, in quo statuerunt Prælati die Dominica sequenti quartam decimam Lunæ Martij celebrari debere Pascha.

*De Concilijs Tertij seculi.*

**C**oncilium *Africanum* sub Zephirino celebratum est an. 217. Tertullianus enim, dum adhuc verus esset Catholicus, volens omnia quæ sunt hæreticorum, deijci ab Ecclesia, persuasit Agrippino Carthaginensis Ecclesiæ Episcopo, Baptismum ab hæreticis collatum esse inualidum & reiterandum consequenter; vnde Agrippinus Numidiæ & Africæ Episcopos in Africam conuocans, de consensu Patrum affirmavit iterandum esse Baptismum hæreticorum, sed hoc Concilium reprobaturum est à Summo Pontifice Stephano I. Concilium *Africanum* seu Carthaginense, conuocatum fuit anno 258. à D. Cypriano, qui sicut Agrippinus, sentiebat rebaptizandos esse conuersos ab hæreticis, & sic pleniorum conuentum Episcoporum conuocauit, nimirum 70. ubi statutum est tale Baptisma esse iterandum; sed denuò hoc Concilium reprobauit Stephanus, quod audiens Cyprianus incunctanter maiorem numerum Episcoporum congregauit ex Mauritania, Africa & Numidia vsque ad 85. qui recenter pronuntiauerunt nec verum Baptisma, nec veram remissionem peccatorum posse ab hæreticis conferri. Quod rursus in Concilio Romano reprobauit Pontifex Stephanus,

nus. Ab hac opinione resilierunt postea, tum Cyprianus, tum alii Episcopi. Et in Concilio Nicæno generali primo determinatum est Baptizatos ab hæreticis rebaptizandos non esse. Concilium *Arabicum* celebratum fuit sub Fabiano Papa, anno 249. contra hæreticos, animas hominum mortales esse affirmantes, cum corporibus extingui, & in nouissimo die resuscitari cum illis: Doctissime hos hæreticos expugnauit Origenes. Concilium aliud celebratum fuit Carthagine, anno 254. sub Cypriano Episcopo tempore Cornelii Papæ ob hæresim Nouati Romanæ Ecclesiæ Presbyteri, qui docebat non recipiendos esse ad abolutionem Fideles, qui in persecutione fidem negauerant quantumuis essent poenitentes. In hoc Concilio determinatum est ut lapsi ad Pœnitentiam admitterentur, non verò ad Communionem, nisi post tempus poenitentiae peractum. Concilium *Romanum* primum celebratum, anno 254. tempore Cornelii Papæ præcedens Decretum confirmauit, addendo quod Sacerdotes lapsi, præuisa poenitentia & satisfactione, in Ecclesia recipiantur, sed ad Communionem reducantur laicam. Concilium Romanum secundum, anno 255. sub Cornelio Papa condemnauit Nouatianum. Concilium Africanum an. 257. sub Stephano Papa excommunicauit Geminium post mortem; quia ex hac vita discedens Fortunatum Presbyterum testamento suo filiorum tutorem nominasset; sed potius dicendum est, quòd Concilium eum excommunicatum declarauerit, quia in hoc excommunicationem incurrerat latam à præcedenti quodam Concilio Africano. Aliud Concilium *Africanum* celebratum est, anno 258. sub eodem Papa contra Basilidem & Martialem Episcopos, qui deiectioni fuerant à suis sedibus propter abnegationem fidei, & in illis restitui prætendebant. Concilium aliud fuit celebratum *Roma*, anno 293. sub Dionysio Papa, in quo alius Dionysius Alexandrinus Episcopus iustificatus fuit de Sabellianismo, quod illi imputabant Pentapolitani. Concilium *Antiochenum* bis celebratum est contra Paulum Samosatenum, qui Christum purum hominem dicebat, anno scilicet 266. & 272. Concilium *Narbonense* celebratum fuit, an. 230. in quo per miracula Paulus Episcopus Narbonensis probauit suam innocentiam contra duos ex Diaconis suis, qui

clan-



clanculū calceamenta muliebria proiecerant in eius cubiculum. Concilium *Lugdunense* fuit celebratum anno 258. contrā Martianum Arelatensem Archiepiscopum, qui infectus erat errore Donatiani; unde Faustinus Archiepiscopus Lugdunensis metuens nē tale venenum inficeret suas oues, Concilium hoc indicauit; in quo scripserunt Prælati ad Summum Pontificem, vt Martianum eijceret è throno.

*De Concilijs quarti seculi.*

**C**oncilium *Romanum* sub Melchiade conuocatum est contrā Conatistas, an. 313. ferre non valentes ordinationem Cæciliani ad Episcopatum Carthaginensem, cui præficere volebant Schismaticos. Concilium *Arelatense* celebratum est tempore Constantini & Siluestri Papæ primi in causa Donatistarum, qui à Papa Melchiade ad hoc Concilium appellauerant; sed talis permissio illis data est, non ex rigore iuris, sed ex indulgentia, volentibus per hoc Pontifice & Imperatore videre an se conuerterent Donatistæ post tale iudicium. Concilium *Ancyranum* celebratum tempore Siluestri Papæ I. anno Christi 314. determinauit idem ac præcedentia, quod scilicet non reciperentur ad Ecclesiæ communionem illi, qui in persecutione defecerant à fide, nisi præuia pœnitentia. Concilium *Neocæsareense* sub Siluestro, anno 314. determinauit Presbyterum conuiuio secundarum nuptiarum interesse non debere, eum secundis nuptiis imponatur pœnitentia; non quòd sint illicitæ, sed quòd incontinentiam manifestent. Concilium *Romanum* sub Syluestro, an. 315. in quo præente Constantino Imperatore, ac matre illius Helena, disputauerunt doctissimi Episcopi contrā doctissimos Iudæos, Scribas & pharisæos, in qua disputatione victoria declarata est pro Christianis per Cratonem & Zenophilū Philosophos ad id delegatos. Ob hoc in Christianos & Imperatorem seditionē mouerunt Iudæi. Concilium *Alexandrinum* primū contrā Arium celebratum est, an. 315. sub Syluestro, in quo damnatur ipse hæreticus, à communione eijcitur, & spoliatur Præsbyteratus Ordine. Ob eundem finem celebratum est aliud Concilium *Alexandria* an. 319. ad quod Syluester Osium Episcopum misit Legatum.

tum. Concilium *Laodicenum* in Phrygia celebratum est sub Syluestro, an. 320. pro reparanda disciplina. Concilium *Romanum* celebratum est sub Syluestro, an. 324. coram Constantino & eius matre. In eo ordinati sunt gradus Ecclesiæ, determinando quot deberent esse Presbyteri Romæ, Diaconi, Subdiaconi, Acholythi, Exorcistæ, Notarii, &c. Concilium *Romanum* aliud celebratum est, an. 325. pro confirmatione Concilii Nicæni sub Syluestro. Concilium *Gangrense* in minori Asia, Paphlagoniæ scilicet, congregatum est anno 324. sub eodem Syluestro contra errores Eustatii Episcopi Sebastienfis in Armenia, qui inter alios errores nuptias improbabat. Concilium *Alexandrinum*, an. 339. celebratum est; & in hoc Ariani videntes Constantium Imperatorem Athanasium exulem restituisse suæ Ecclesiæ, novas calumnias excogitarunt, quibus non obstantibus, in sede confirmatur à Catholicis in hoc Concilio. In Concilio *Antiocheno* denuò Ariani Athanasium deposuerunt, & Gregorium Cappadocem substituerunt, anno 340. Plura alia celebrata sunt, tum contra Arianos, tum pro Arianis, quæ prolixius esset retexere.

*De Concilijs quinti sæculi.*

**C**oncilium *Africanum* celebratum est sub Anastasio, anno 401. ut inuenirentur media, quibus Donatistæ à Schismate suo possent redire ad Ecclesiam. Consilium *Mileuitanum* primum sub Innocentio celebratum est, anno 402. contra Pelagium. Mileum, seu Mileum est ciuitas Numidiæ in Africa. *Conciliabulum* quod dicitur ad *Quercum* celebratum fuit anno 403. In quo Theophilus Alexandrinus Patriarcha accusauit Chrysostomum, quod faueret Origenistis, ipsamque Eudoxiam Imperatricem excitauit contra illum. Hæc Synodus habitæ est in loco ad *Quercum* dicto, qui fuit suburbium Chalcedonis. Aliud Concilium *Africanum* sub Innocentio pro Donatistis reconciliandis, celebratum est Carthagine, anno 403. In alio Concilio *Africano* habito Carthagine, anno 404. decreta fuit legatio ad Honorium Imperatorem contra Donatistas, qui non tantum communionem Catholicorum contemnebant

bant, sed ipsos exagitabant armata manu. In *Toletano* Concilio decretum est, nè caufidici, aulici, vel seculari militiæ dediti ad Clerum reciperentur. In Concilio *Africano*, Innocentius maxime commotus est aduersus accusatores D. Chrysostomi, prohibuitque nè cum Theophilo & Episcopis Orientalibus haberetur communicatio, anno 407. Collatio, quam alij vocant Concilium, Carthagine habita est inter Donatistas & Catholicos per tres dies iussu Honorij Imperatoris, anno 411. In illa affuit D. Augustinus & plures Episcopi cum Siluano Numidiæ Primæte, ut remedium afferrent mendacijs Donatistarum, qui cum victi essent, calumniabantur Catholicos, quod corripuissent iudicem; vnde dignos exilio declarat illos Honorius. Synodus *Diospolitana* in Palestina sub præside Eulogio Cæsariensi, declarauit anno 415. Pelagium Monachum esse Catholicum. Ipsa reprobara fuit ab Innocentio I. Concilium Carthaginense Pelagium & Celestium tanquam hæreticos damnauit, anno 416. Sicut & Concilium *Mileuitanum* 2. & alia sequentia. Concilium *Romanum* celebratum est an. 430. sub Celestino contra Nestorium, qui fauebat Pelagianis, & dicebat B. Mariam non esse Matrem Dei. Concilium *Arausicanum* 1. celebratum est sub Leone I. anno 441. Concilium *Constantinopolitanum* generale Eutichem condemnauit sub Leone anno 448. Concilium *Ephesinum* reprobaturum Eutichem absoluit. Concilium *Viennense*, an. 474. habitum est; in quo sub Simplicio Papa B. Mamertus Viennensis Episcopus decreuit ieiunium in triduo præcedenti Ascensionem Comini propter plura prodigia, quæ in hac ciuitate visa sunt. Concilium *Arelatense* condemnauit Prædestinianos, anno 475. Omitto cætera.

*De Concilijs sexti sæculi.*

**C**oncilium *Agathense*, an. 505. collapsam disciplinam in vigorem restituit. In Concilio *Gerundensi* decretum est an. 517. Catechumenos esse baptizandos solam in Paschate & Pentecostæ. In Concilio *Arelateni*, anno 524. decretum est ut Diaconus non Ordinetur ante 25. annos, & Sacerdos ante 30.

Con-

Concilium *Arausicanum* 2. Cesario Arelatensi tempore Felicis 4. congregatum est an. 529. contrà Pelagianos, Massilienses ac Prædestinianos de gratia & libero arbitrio. In Concilio Romano Bonifacius II. Vigilium Diaconum sibi successorem delegit, quod ipsemet reprobauit in Concilio Romano 2. an. 530. Concilium Constantinop. an. 536. celebratum est contrà Antimum & complices, qui adhærebant errori Eutychiano. Concilia plura habita sunt in hoc sæculo in ciuitate Aurelianensi & Parisiensi, & aliis in locis.

*De Concilijs septimi sæculi.*

**I**N hoc sæculo, multa celebrata sunt Concilia Romana, quorum primum fuit sub Gregorio I. an. 601. In quo Pontifex consulere volens quieti Monachorum, quos persequiebantur Episcopi, multa pro illis constituit. Septemdecim fuerunt congregata *Toleti*. Ad hæc adiicienda sunt Concilia, *Byzacenum* an. 602. *Numidia* 604. *Taracense* 614. *Matiscense* 618. *Hispalense*, *Rhemense* 630. *Alexandrinum*, coactum sub Honorio à Cyro Monotelita, 633. *Aurelianense* 650. *Clipiacense* in territorio Parisiensi, Gallicè *Clichy* 662. *Cabilonense* 650. *Emeritense* in Lusitania, 666. *Anglicanum* 672. *Bracarense* 675. *Mediolanense* 679. *Rothomagense* 682. *Casaraugustanum* 691. *Traictense* 697. *Aquileiense*. 698. & plura in Galia.

*De Concilijs octauæ sæculi.*

**P**RÆTER Concilia Romana, quæ multa fuerunt in hoc sæculo, & in quorum Primo, prohibetur sub Anathemate, vt nullus audeat presbyteram, aut Diaconam in coniugium ducere, fuerunt indistincta plurima alia; sed antea sciendum est quòd per Presbyteram & Diaconam intelligantur illæ fœminæ, quæ ex mutuo consensu à viris ad sacros Ordines promouendis relinquebantur, & castitatem tenebantur seruare. Celebrata inquam, fuerunt, Concilium *Anglicanum* anno 705. Conciliabulum *Constantinopolitanum* à Ioanne Monotelita 712. *Suessionense* 744. *Gentiliacense* 766. *Vormatiense* 770. Aliud ibidem 772. *Bauaricum* 772. *Paderbornense* 777. *Lipienense* 780. *Coloniense* 782.

782. *Ferozuliense* 791, *Ratisbonense* 792, *Francofordien-*  
*se* 794. &c.

*De Concilijs noni sæculi.*

**H**OC sæculum vidit Concilia, *Altinense* an. 802. *Constantinopolitanum* an. 805. & Conuentum optimatum Galliarum in quo Carolus Magnus Regnum in tres filios diuifit 806. iubens præcipuè vt tres illi Fratres defefionem Papæ fufciperent Fuerunt infuper Concilia *Aquisgranense* 800. *Arelatenfe* 813. *Turonense* 813. *Cabilonense* 813. *Moguntinum* 813. *Rhemense* 813. *Noniomenfe* 814. *Aquisgranense* 816. *Attiniacense* 822. *Romanum* 826. *Parifenfe* 829. *Compendianum* 833. *Metense* 835. *Lugdunense* 836. *Constantinopolitanum* in quo damnatis Iconoclaftis, eieftoque Ioannes Patriarcha hæretico, Methodius defenfor fidei Catholicæ fubrogatus fuit, anno 842. *Bellouacense* in quo deposito Ebbone, *Hincmarus* datus eft Ecclefiæ Rhemenfi 845. *Meldense* contra Laicos bona Ecclefiastica detinentes 845. *Turonense* 849. *Moguntinum* fub Rabano Archiepifcopo contra *Godefcalcum* hæreticum Presbyterum 848. *Sueffionense* 853. fed poftèa reprobatum. *Romanum* quod depofuit 853. *Anaftafium* Presbyterum Cardinalem. *Carifiacum* 856. *Tulense* 859. *Constantinopolitana* plura Conciliabula feu Photiana, *Confluentium* 860. in quo concordia fancita eft inter quinque Reges Galliarum *Siluanetense* 863. Plura Concilia Romana, *Sueffionense*, *Treçenfe*, *Vuormatiense*, *Metense*, *Coloniense*, &c.

*De Concilijs decimi fæculi.*

**I**N fine fæculi præcedentis Stephanus VII. ex humiliter fecerat Formofum Pontificem, & initio huius fæculi fub Ioanne IX. celebratum eft Concilium *Romanum* anno 904. in quo improbantur facta à Stephano contra Formofum, Eodem anno ob eandem caufam Concilium *Rauennate* celebratum eft. Concilium *Sueffionense* celebratum fuit pro correctione morum & difciplina reftituenda anno 909. In Concilio *Duisbergensi* 927. excommunicantur Metenfes, qui Epifcopum fuum Bennonem excæcarant. *Sueffionense* 941. celebratum fuit in caufa Hugonis & Arraldi,  
*Boyuin Theolog. Pars IV.* Q qui



qui se Rhemenſes Archiepiſcopos profitebantur . Aliud ob eandem cauſam celebratum fuit *Viroduni* 947. Tandem in Concilio *Engilenheimenſi* Arnaldus iudicatur legitimus Epifcopus , & damnatur Hugo tanquam inuaſor 948. *Treuirenſe* 948. in quo excommunicatur Hugo Comes aduerſarius Ludouici Regis Gallorum . In Concilio *Meldenſi* , anno 962. mortuo Arnaldo , Hugo ſe in Eccleſiam intrudere volens , ad hoc indignus iudicatur . Plura Concilia celebrata ſunt Romæ , inter quæ celebratum eſt vnum 996. in quo conſtitutum fuit vt Imperator à ſeptem electoribus inſtitueretur . Alia etiam plura habita ſunt in totius orbis Chriſtiani partibus .

*De Concilijs vndecimi ſæculi .*

**C**oncilium *Francofordienſe* celebratum eſt , an. 1006. in quo Eccleſia Bambergensis in Epifcopalem erecta eſt . *Bambergense* 1011. compoſuit controuerſias ortas inter Epifcopos , qui conuenerant ad conſecrationem Eccleſiæ Bambergensis . *Salęſtadienſe* 1021. propè Moguntium habitum eſt . *Aquiſgranenſe* 1022. *Moguntinum* 1023. *Lemonicenſe* 1031. *Pampilonenſe* 1032. *Triburienſe* 1035. *Sutrinum* 1046. in quo ſe Pontificatu abdicauit Gregorius VI. Duo *Romana* contra Simoniacos 1047. & 1049. *Romanum* aliud 1050. in quo damnatur Berengarius . *Verſellenſe* pro Lanfranco contra Berengarium celebratum eſt 1050. *Lugdunenſe* 1055. in quo per Hildebrandum Cardinalem Subdiaconum Legatum Victoris Papæ , miſſum in Galliam vt Simonia extirparetur , quæ vulgariter in Gallia & Italia committebatur ; damnatus eſt Archiepiſcopus quidam de hoc crimine accuſatus , & hoc miraculoſè , non obſtante correptione quam fecerat circa illos qui eum accuſauerant : cùm enim illi præciperet Cardinalis , vt diceret , *Gloria Patri , & Filio , & Spiritui ſancto* , vltima verbum numquam pronuntiare potuit : Videns autem hoc Archiepiſcopus accuſatus , procidit ad pedes Cardinalis , & ſe confessus eſt Simoniacum ; vnde poſtea deſcriptus à Sacerdotali & Epifcopali officio , libera voce decantauit . *Gloria Patri , & Filio , & Spiritui ſancto* . Quod ita perterritum Simoniacos , vt plures Epifcopi illico confessi fuerint , ſe hoc crimine eſſe maculatos ;

qui

qui ideò sine alia accusatione, suis sedibus renuntiaverunt. Concilium *Romanum* 1059. in quo Berengarius post abiurata tertio suam hæresim, Fidem Romanam confessus est. Multa alia omittimus in hoc sæculo celebrata, quæ prolixius esset retexere.

*De Concilijs duodecimi sæculi.*

**C**oncilium *Londinense* celebratum est, anno 1102. in quo incontinentes Clerici depositi sunt. *Trecense* 1104. in quo iustificatur Episcopus Silvanectensis de Simonia per calumniam accusatus. *Maguntinum* 1105. quo Henricus IV. Rex Germaniæ, & tertius Imperator à Clemente III. Pseudo-Papa coronatus Imperio priuatur. *Londinense* 1108. pro investitura non accipienda à Laicis. *Pictaviense* 1109. *Rhemense* 1109. *Lateranense* 1112. in quo revocatur privilegium vi extortum ab Henrico V. à Pascale Papa, pro concedendis beneficiorum investituris; & ipse Imperator excommunicatus est, sicut in Viennensi, anno 1112. Multa in hoc sæculo celebrata sunt Concilia ob eandem rem. Concilium *Trecense* 1127. Templarijs militibus habitum album assignavit. In Concilio *Claramontensi* Anacletus Antipapa & inuasor Sedis Apostolicæ condemnatur 1130. autoritate Innocentij Papæ, sicut in Stampensi, Rhemensi & Placentino sequentibus. *Suessionense* 1139. damnavit Abailardum malè de SS. Trinitate sentientem, sicut & *Senonense* 1140. *Hierosolymitanum* 1143. damnavit errores Armeniorum. *Veselinum* in Burgundia 1145. Cruciatam assignavit contra Turcas. *Parisiense* contra Gilbertum Porretanum Pictaviensem Episcopum 1147. sicut & *Rhemense* 1148. *Baviacense* ob causam diuortij inter Ludouicum Regem Galliæ & Eleonoram Filiam Ducis Aquitaniæ 1151. *Turonense*, quo Victor Antipapa eiusque fautores iudicio octodecim Cardinalium & 124. Episcoporum excommunicati fuerunt. 1163. *Abrincense*, quo Henricus Rex Angliæ à sacrilega nece S. Thomæ Cantuariensis secundo absoluitur, anno 1172. &c.

*De Concilijs duo-decimi seculi.*

**C**oncilium *Romanum* celebratum fuit in hoc seculo anno 1213. in quo per Papam Innocentium III. Otho Imperator IV. priuatus est Imperio. *Melodunense* in Gallia 1216. propter excommunicationem ab Innocentio IV. contra Philippum Augustum latam. In Concilio apud *Montem-Pessulanum*, Simoni Monfortiano Tolosanus Comitatus ex quo eiecerat Albigenſes, datus fuit 1215. *Tolosanum* contra Albigenſes tempore S. Ludouici 1228. Multa fuerunt celebrata *Sanquintini* pro libertatibus Ecclesiarum. *Parisiense* sub D. Ludouico contra blasphematores. *Oxonienſe* in Anglia pro reformatione morum 1222. *Tarraconenſe* ob Valdenſes Hæreticos 1242. *Salisburgense* pro Hospitaliorum, Templariorum & Teutonicorum Ordinibus coniungendis, 1291. *Londinense* pro eiectione Iudæorum, anno 1291. *Lugdunense* 1297. quo inhibetur Principibus, nè Sacerdotibus imponant vectigalia. Multa alia celebrata sunt, præſertim in Gallia.

*De Concilijs quarti-decimi seculi.*

**C**oncilium *Romanum* An. 1302. tempore Bonifacii VIII. excommunicauit Philippum Regem Francorum. *Moguntinum* in quo tractata est causa Templariorum 1310. tempore Clementis V. *Compendienſe* 1301. pro immunitate Ecclesiastica tempore Bonifacii VIII. & Philippi Pulchri. Nationale apud *Parisiſ* propter diſſidia inter hunc Regem & Pontificem 1302. Tria Concilia *Rauennatenſia*. *Toletanum* 1514. tempore Ioannis XX. vulgò XXII. *Auenionense* contra Nicolaum V. Antipapam eodem tempore. *Parisiense* 1329. pro tuenda Ecclesiarum Iurisdictione. *Lauaurenſe* 1368. *Parisiense* tempore Schismatis inter Bonifacium IX. & Benedictum XIII. Plura alia omittere cogit breuitas nostra.

*De Concilijs quinti-decimi seculi.*

**A**quileiense fuit celebratum in Austria à Gregorio duodecimo, an. 1409. ad tollendum Schisma. *Pisanum* celebratum in est ob eundem finem; Cardinales enim Gregorij XII. & Benedicti XIII. videntes vtrumque Pontificem contra præcedens iusurandum nolle se à Papatu abdicare, Pisas petiere; & cum maximo Prælatorum conuentu damnarunt hos Pontifices tanquam periuros, Schismaticos, & pacis Ecclesiæ inimicos, an. 1409 eorumque loco profecerunt Presbyterum Cardinalem Basilicæ sanctorum Apostolorum Petri & Pauli Ordinis Minorum qui Alexander V. vocatus est. Aliqui hoc Concilium illegitimum reputant, quia fuit sine autoritate Rom. Pont. indictum; sed alij dicunt, fuisse canonicum, quia Gregorius XII. illud non recusabat, sed tantum nolebat congregari Pisis. Deinde, congregatum est, non ad res fidei definiendas, sed ad tollendum schisma, dum illi Pontifices erant dubij & incerti; & ideo iure poterant Cardinales indicare & celebrare hoc Concilium cum nulla alia via pateret ad reddendam Ecclesiæ pacem. Porro inter generalia reponitur hoc Concilium. *Salisburgense* aliud celebratum est, An. 1420. *Turonense* An. 1448. pro reformandis moribus Ecclesiæ. *Lugdunense* pro schismate tollendo inter Nicolaum & Felicem; & illi cessit iste, An. 1449. *Tolosanum* 1472. ad Clerum & populum reformandos.

*De Concilijs sexti-decimi seculi.*

**P**arisiense indictum sub Antonio à Prato Senonensi Archiepiscopos contra insurgentes Lutheranos, Anno 1528. *Coloniense* sub Hermano Archipresule, qui factus est postea Hæreticus, Anno 1536. *Moguntinum* Anno 1549. *Mediolanense* sub S. Carolo Borromæo sanctæ Prædis Cardinali, An. 1565. quinque alia postea sub eodem Præsulæ ibidem celebrata sunt. *Aquileiense* celebratum est, An. 1596. Concilium *Tolosanum* sub Francisco de Ioyosa Cardinali, Archiepiscopo Tolosano, tempore Henrici III. & Sixti V. celebratum est Anno 1590.

*De Concilijs decimi-septimi-seculi.*

**M**ulta Concilia in nostro presenti saeculo celebrata sunt ; sed de illis tantum pauca referemus quæ habita sunt in Gallia. Primas tenet Collatio *Fontanobliandensis*. Anno 1600. inter Cardinalem Perronium & Philippum Plessium Mornæum, Normanum nobilem & Calvinistam, in amplissimo Regis Christianissimi Henrici IV. Episcoporum Principumque consensu. Prædictus Mornæus, Salmuri præfectus, librum ediderat Gallico idiomate. *De Missa abusibus, & antiquo sacra historia usus*: qui cum pervenisset ad manus Episcopi Ebroicensis Jacobi Dauis, iste plusquam quingenta Patrum & Scholasticorum loca truncata, vel falsa, se demonstraturum pollicebatur in præfato libro: Quod cum audiisset Plessius, petijt à Rege, ut à sua maiestate delegati designarentur, quibus præsentibus suæ doctrinæ comprobaretur veritas: Rex consensit sicut & Nuntius Pontificis ; conditionemque accepit Perronius ; & in illa alteratione, quæ fiebat coram Rege, Episcopis, Ministris & deputatis, tanta confusione percussus est Philippus, ut post prandium, insalutato Rege, abire voluerit, nunquam in arenam descensurus, agnoscens suos Ministros illi falsò suggestisse tot loca, quæ vel corrupta, vel falsa, vel male interpretata comprobata fuerant. Habitum fuit postea Concilium *Narbonense*, præside Archiepiscopo & Primate. Anno 1609. Concilium *Senonense* sub Iacobo Dauio Perronio Archiepiscopo Senonensi celebratum est Parisijs sub Ludouico XIII. propter librum anonymum de Ecclesiastica & politica potestate An 1612. Concilium *Aquense* eodem anno indictum est, & propter eandem rationem. Concilium *Burdigalense* sub suo Archiepiscopo Francisco de Sourdis Cardinali & Primate Aquitanix celebratum est 1624. Multoties denique factus est totius Regni Gallix Prælatorum conuentus, quorum vltimus actualiter celebratur Pontifare in conuentu nostro strictioris Observantiæ, hoc Anno scilicet 1670.

Qui plura de Concilijs generalibus & particularibus habere voluerit, videat Franciscum Iouerium, Baronium, Galterum, Binium, Carranzam, Corroliam.

lianum , & Dominum Bail , & alios qui fusè hanc doctrinam tractarunt.

## CAPVT QVARTVM.

*Breuit Summarum Pontificum Chronologiam continens.*

**T**Andem aliquando ad vltimum Caput quartæ partis deuenimus, in quo mens nostra est. breuiter successionem Pontificum texere, tempusque annotare, quo in cathedra D. Petri sederunt. Quod vt clariùs & distinctiùs fiat, hanc Chronologiam distinguemus per sæcula, exordium sumpturi à tempore quo Christus cœlum conscendens D. Petrum successorem suum vniuersæ Ecclesiæ, tanquam suum Vicarium, præfecit.

*De Pontificibus primi sæculi.*

**S**anctus Petrus Apostolorum Princeps ex vico Bethsaida apud Galilæam, filius Ioannis, frater Andreæ, Antiochiæ fuit primò Episcopus septem annis; postea Romæ sedit annis 25. mensibus 2. diebus 3. deinde Martyrio coronatus est cum D. Paulo anno post Passionem Domini 38. & hoc sub Nerone Imperatore.

S. Linus, Italus natione, è regione Tusciæ, sedit ann. 11. mensibus 3. diebus 12. Martyrio coronatus est temporibus Neronis à Saturnino consule. Ordinavit, nè sine velo mulieres Ecclesiam ingrederentur. Eius tempore Iosephus vixit, qui edidit multa de Iudæorum antiquitatibus, bello & captiuitate; ipsum Romam adduxerunt Titus. & Vespasianus ex Iudæorum debellatione redeuntes.

S. Cletus Romanus, sedit an. 12. mense vno, diebus 12. & Martyrium subiit sub Domitiano, temporibus Titi & Vespasiani. Suasione D. Clementis Pontificatum accepit, tantum onus antea recusans. Eius tempore D. Lucas professione Medicus, Antiochenus natione, sociusque Pauli in multiplici peregrinatione Euangeliam scripsit cum Actibus Apostolorum.

S. Clemens Romanus è regione cœlij montis,

Q. 4. quem



quem D. Petrus destinauerat in successorem suum, vt patet ex Epistola quam ipse Clemens ad Iacobum scripsit, sedit an. 9. mens. 2. & 10. diebus. Ipsius modestia & humilitas fecerunt, vt ante eum Pontificatum tenerent Linus & Cletus. In mare Clementem cum anchora iussit proijci Traianus; sed ad litus proiectum est corpus ipsius, quo loco fons miraculosus scaturire cœpit.

*De Pontificibus secundi sæculi,*

**S**anctus Anacletus, anno Christi 104. Græcus natione, Atheniensis scilicet, sedit annis 9. mensibus 2. diebus 10. Multa edidit decreta; præsertim, ne barbam & capillos longiores haberent Clerici; ne consecrarentur Episcopi sine tribus Coepiscopis; & nè Clerici accusarentur, præterquàm ab idoneis & probatissimis viris.

S. Euaristius natione Græcus, ex patre Iudæo, nomine Iuda de ciuitate Bethleem, sedit annis 9. mensibus 10. diebus 2. Titulos Romæ diuisit Præsbyteris: ordinauit vt septem Diaconi adessent prædicanti Episcopo, statuitque nè populus in accusatione Episcoporum admitteretur.

S. Alexander Romanus sedit an. 10. mens. 7. diebus 2. ordinauit, vt in Missa ante consecrationem diceretur, *Qui pridie quam pateretur, &c.* Modum faciendi aquam benedictam docuit, voluitque illam in domibus priuatis reseruari ad expellendos dæmones, & malas cogitationes repellendas. Mixtionem aquæ cum vino in sacrificio Missæ instituit, panemque azymum admitti tantum debere.

S. Sixtus Romanus sedit an. 10. mens. 3. diebus 2. Prohibuit laicis & foeminis ne vasa sacra tangerent; decreuitque vt in Missa diceretur, *Sanctus, Sanctus, Sanctus, &c.*

S. Telesphorus Græcus Anachoreta factus Pontifex, sedit an. 11. mens. 3. diebus 22. Renouauit observationem Quadragesimæ temporibus Apostolorum institutæ, quæ penè extincta fuerat causa persecutionum in Ecclesiam grassantium, Permisit celebrationem Missæ media nocte Natiuitatis Domini; alijs verò temporibus celebrationem Missarum prohibuit ante nonam, qua hora Christus mor-

tuus

tuus est, & Spiritus sanctus descendit super Apostolos.

S. Hyginus Græcus ciuis Atheniensibus filius, sedit annis 4. mensibus 3. diebus 4. patrum & matrem voluit adesse, dum baptismus fieret.

S. Pius Italus ex Aquileia, sedit annis 9. ex Eusebio & alijs, 10. mens. & diebus 4. Familiariter conuersabatur cum Hermete, qui illi libellum Pastorale nominatum dedicauit; in quo refert, quod Angelus Domini illi præceperit, cum veniret ad eum in habitu Pastoris, vt Pascha Die Dominica post Lunam Martij celebraretur.

S. Anicetus Syrus, sedit annis 4. iuxta Platinam, mensibus 4. dieb. 3. Confirmavit quòd Clerici barbam & capillos non nutrent; sed caput desuper in modum sphaeræ raderent, vt Laicis essent exemplo pudicitiae & honestatis.

S. Soter natione Campanus ex Fundis, sedit an. 9. mensibus 3. diebus 11. Statuit vt foeminae etiam Deo sacratae vasa sacra non tangerent; vt sacrificans secum saltem vnum Sacerdotem sibi coadiutorem haberet; vt nullus post cibum aut potum etiam minimum sacrificaret; vt nullus se abstinere ab Eucharistiae susceptione die Iouis in Coena Domini.

S. Eleutherius natione Græcus, sedit annis 15. mensis 3. diebus 2. Epistolam ad Prouincias Galliciae scripsit, in qua edocet nullas escas esse vitandas; quia vniuersa tribuit Dominus in cibos Fidelium.

S. Victor ex Africa, sedit an. 10. mens. 3. diebus 10. Sub eo multa Concilia de tempore Paschatis celebrandi congregata sunt, in quibus fuit definitum, huc festum celebrari debere Dominica sequente quartam decimam lunam Martij.

*De Pontificibus tertij saeculi.*

**S**anctus Zephrinus, Romanus, mortuo Victore, qui Pontificatum inchoauit anno 194. & decessit an. 204. sedit an. 18. mens. 7. diebus 10. Sanguinem Christi in vaso vitreo consecrandum voluit, quod postea abrogatum fuit, & determinatum sola vasa aurea, argentea, vel stannea ad hoc esse apta.

S. Calixtus Romanus sedit ann. 5. vel 6. mens. 10. & totidem diebus . Præcipit ieiunior quatuor temporum , quod ex traditione Apostolica ieiunabatur ; voluitque in illis fieri Ordinationes , quæ fiebant semel tantum in anno , mense Decembri scilicet .

S. Urbanus Romanus sedit an. 4. aut 6. mens. 10. diebus 12. ex Platina. Multos hic conuertit ad fidem. inter quos illustriores fuerunt Tiburtius & Valerianus sponsus S. Cecilie .

S. Pontianus Romanus sedit an. 9. mens. 5. diebus 2. In Sardiniam insulam relegatus à Maximino , ibi postea martirizatus est .

S. Antherus ex Græcia Pontificatum tenuit ; sed quot annis sederit , planè incertum est : Platina asserente ipsum sedisse ann. 11. mense vno , diebus 12. & Galtero dicente , intra mensem primum sui Pontificatus martyrio coronatum fuisse ; eo quòd Notarios instituerit , qui gesta Martyrum describerent . Declarauit Episcopum de Diocesi in Diocesim transire posse , sed sola necessitatis , non vtilitatis propriæ causa .

S. Fabianus Romanus sedit an. 14. mens. 11. diebus 11. Dum ageretur de Pontificis electione , columba super illum apparuit , quæ suæ electionis fuit causa . Priuatum hæreticum excommunicauit , & sanctum Chrisma singulis annis confici voluit die Iouis sancta .

S. Cornelius sedit an. 2. mens. 2. dieb. 3. sub eo primum schisma aduenit ; cùm enim Nouatianus Romanus vidisset Cornelium ad sedem Petri promotum esse , ex ea ipsum deicere voluit , & clandestina trium Episcoporum electione se intrusit in Pontificatum , opera Nouatiani , qui Romam accesserat , vt Ecclesiam perturbaret ; vnde multa crimina contra Cornelium adinuenit , vt ab eo Episcopi alienarentur . Hoc tempore duæ contrariæ hæreses obortæ sunt ; Nouatianus nullum admitti volebat in Ecclesiam , qui antea à fide defecisset , quacumque pœnitentia præmissa : Felicissimus verò prætendebat , etiam ante pœnitentiam factam , omnes illicò admitti debere .

S. Lucius Romanus sedit annis 3. mens. 3. dieb. 3. Pia-

3. Præcepit vt duo Presbyteri, & tres Diaconi in omni loco & tempore Episcopum comitarentur, propter testimonium probatæ vitæ, & ad vitandas hæreticorum imposturas.

S. Stephanus I. Romanus sedit an. 5. mens. 5. dieb. 2. Decreuit hæreticos non esse rebaptizandos: ad templum Martis ductus, templum oratione subuerti fecit fulgure & tempestate; postea verò sacrificans inuentus decollatus est.

S. Sixtus II. Græcus sedit an. 2. mens. 10. dieb. 23. Ex Athenis in Græcia erat oriundus. Martyrij palma coronatus est, & tertia die post ipsius mortem eius Diaconus Laurentius martyrium subiit.

S. Dionysius ex Monacho Papa factus regnavit annis. 6. mens. 2. dieb. Presbyteris Ecclesias diuisit, Parochiasque constituit & Diœceses.

S. Felix Romanus sedit annis 4. mens. 3. dieb. 5. Ordinavit, vt in sacro loco semper sacrificaretur, nisi graui instanti necessitate.

S. Eutichianus Tuscus, sedit annis 8. & iuxta alios vno tantum, vno die, & vno mense. Propria manu 312. Martyres sepeliuit, ordinavitque benedictionem fructum, & specialiter racemorum, in condemnationem Manichæorum, qui eos ex malo principio ortos prædicabant.

S. Caius Dalmata sedit annis 11. mens. 4. dieb. 12. Hic distinxit Ordines per gradus, incipiendo ab Ostiariatu vsque ad Episcopatum; prohibuitque ne quis ad Episcopatum ascenderet, nisi antea his omnibus insigniretur.

S. Marcellinus Romanus, sedit an. 6. mens. 2. dieb. 16. à Diocletiano coactus idolis sacrificare, tanto commotus postea dolore, vt fuit in Concilio Sinuessano, cinere conspersus, & cilicio circumuolutus, condignam à Patribus pœnitentiam petierit; ipsum tamen renuit Concilium condemnare. Ipse postea ad Diocletianum audacter accessit, obijciens illi sua crimina; vnde ab illo ad mortem damnatus fuit.

*De Summi Pontificibus quarti sæculi.*

**S**ANCTUS Marcellus Romanus sedit annis 5. mens. 6. 21. anno scilicet Christi 304. Huius suasione Lucina sancta mulier Romana viginti quinque titulares erexit Ecclesias; quod audiens Maxentius Imperat. Lucinam relegauit in exilium, Marcellum verò ad mortem damnauit.

S. Eusebius Græcus sedit annis 6. vno mense, & 13. diebus. Sub eo Crux Christi inuenta est, & festum de eius Inuentione institutum.

S. Melchiades Afer sedit an. 4. mens. 7. diebus 9. iussu Maximiani martyrio additus fuit.

Hic notandum est, omnes præcedentes Pontifices cum isto qui fuit vigesimus tertius subiisse martyrium; postea verò Ecclesiæ persecutio cessauit post mortem Diocletiani & Maximiani, quibus successit Constantinus, primus Imperator Christianus.

S. Syluester Romanus sedit an. 23. mens. 10. dieb. 11. Fugit aliquo tempore in montem Soractem Imperatoris adhuc Pagani persecutionem fugiens; ex quo rediens postea baptizauit Constantinum, & eius autoritate Concilium indixit Nicæ Bithyniæ; in quo Arius, Photinus, & Sabellius damnati fuerunt.

S. Marcus Romanus, quem alij dicunt sedisse, vno tantum anno, & alijs duobus, mens. 8. diebus 20. Ordinauit, non quòd Episcopus Ostiensis consecraret Pontifices, hoc enim multò antiquius erat; sed vt pallio insigniretur; pallium verò maximæ autoritatis signum erat soli Summo Pontifici proprium, sed ipsum pro libito confert, maximè Archiepiscopis. Statuit etiam Symbolum Concilij Nicæni post Euangelium decantandum esse in Missis solemnioribus.

S. Iulius Romanus sedit an. 15. mens. 2. dieb. 6. aut 10. Celebrari fecit Romæ Concilium 116. Episcoporum contra Arium & eius discipulos, qui non obstante Concilij Nicæni damnationem, Athanasium relegauerant; fulti autoritate Constantij Imper. Ariani.

S. Liberius Romanus sedit an. 6. mens. 3. dieb. 4. ex Platina, sub Constantio Constantini filio, à quo  
eig.

iectus est in exilium, eo quòd hæresi Arianae subscribere nollet; quo durante exilio, Sacerdotes elegerunt Felicem, qui damnauit Ursacium & Valentem Arianos Presbyteros: sed de hoc alibi sufficienter dictum est.

S. Felix II. Romanus sedit viuentē Liberio an. 1. mens. 3. dieb. 3. Postquam infregit omne commercium cum Arianis, ab illis occisus est. Videantur quæ diximus agendo de Summo Pontifice.

S. Damasus Lusitanus sedit an. 19. mens. 3. dieb. 11. Ordinauit vt decantarentur Psalmi in Ecclesia cum *Gloria Patri* in singulorum fine. Huius tempore aliqua Schismatis species oborta est; nam Ursinus seu Ursicinus voluit fieri Pontifex, collecta seditioforum turba: vnde alterutrum defendentibus populis, humano sanguine multa loca, etiam sacra, repleta fuerunt, nihilominus tamen iectus est Ursinus, & Damasus remansit, qui primus versioni Hieronymi dedit authoritatem, cum antea sola Septuaginta interpretum versio in pretio esset.

S. Syricius Romanus sedit an. 15. mens. 11. diebus 25. Huius tempore extitit D. Hilarius Pictauiensis Episcopus, qui 12. libros aduersus Arianos conscripsit. Statuit Syricius, vt baptismus nos celebraretur, nisi in Paschate & Pentecoste.

S. Anastasius Romanus sedit an. 3. dieb. 10. Condemnauit errores Origenis; Statuit quòd assistentes Missæ starent, dum legeretur Euangelium; prohibuitque nè extranei admitterentur ad Ordines propter Manichæos, qui suos ad Ordinationes Christianorum admittebant, vt fidem eorum corrumpere.

*De Pontificibus qui in quinto saculo regnauerunt;*

**S**anctus Innocentius Albanus sedem tenuit an. 15. mens. 2. dieb. 15. Arcadium & sponsam suam Eudoxiam D. Chrysostomum persequentes excommunicauit, poenitentes verò postea absoluit. Arsacium Chrysostomo succedum damnauit cum sibi adherentibus Episcopis, Pelagiumque Monachum & Cælestium qui in detrimentum gratiæ libero arbitrio fauebant.

S. Zozyms Græcus sedit an. 1. mens. 3. diebus 12. Sub eo Alaricus Gothorum Rex Romam inuasit.



fit. Prohibuit nè ex illegitimo concubitu procreati Ordinarentur, Cereum Paschalem sacrauit, & tabernas prohibuit Sacerdotibus.

S. Bonifacius Romanus sedit an. 3. mens. 8. dieb. 7. Huius tempore moritur D. Hieronymus in Bethleem ætat. 91. insurrexitque in Ecclesiam Iulianus Pelagianus, qui duas epistolas conscripsit, quas ad Augustinum misit Bonifacius, vt illis responderet; quod fecit illicò. Augustinus per libros contra Iulianum Bonifacio dedicatos.

S. Cælestinus Romanus sedit an. 8. mens. 10. dieb. 18. Huius tempore celebratum est Concilium Ephesinum contra Nestorium, etiamque contra Pelagium. A pueritia educatus fuit in Monasterio, inuitusque Ordinatus fuit in Episcopum. Dum esset autem Pontifex, in Angliam, vbi se receperat Pelagius, misit D. Germanum Altisiodorenses, D. Lupum Trecentensem, & D. Seuerum Treuirenses, vt huic hæretico resisterent.

S. Sixtus III. Romanus sedit an. 8. dieb. 19. Accusatus fuit ab Anicio Basso, cuius accusationis iudicium deuoluit spontè ad Concilium, à quo mox iustificatus fuit, & Bassus condemnatus.

S. Leo Tuscus sedit an. 21. vno mense & dieb. 13. Doctrina & Virtute eximius fuit, & ob hoc Magnus cognominatus. Eius tempore contra Eutychetem congregatum est Concilium Calcedonense, in quo duæ in Christo naturæ proclamatae sunt, & Manichæorum libri combusti. Ecclesiam ab hæreticis penè discerptam restituit; reuerentiam Sanctorum imaginibus decreuit sub Anathemate; secretæque Missæ addidit hæc verba, *sanctum sacrificium, immaculatam hostiam.*

8. Hilarius Sardus sedit an. 6. mens. 3. dieb. 10. Tres vniuersales Synodos, Nicænam, Ephesinam & Calcedonensem confirmavit, Eutychem damnauit & Nestorium; Principatum sanctæ Ecclesiæ Romanæ approbavit; coegitque Anthemium Imperatorem, vt impeditet conuenticula, quæ Romæ Manichæi congregare prætendebant.

S. Simplicius Tiburtinus sedit an. 15. mense vno, dieb. 7. Romam in quinque Ecclesias distribuit, scilicet D. Petri, D. Pauli, D. Laurentij, D. Ioannis Lateran, & S. Mariæ Maioris. Primatum

tum Ecclesiæ Romanæ confirmauit.

S. Felix III. sedit annis 8. mens. 11. dieb. 17. Audiens Acatium Constantin. fraude ab exilio reuocasse Petrum Eutyechianum, vtrumque damnauit.

S. Gelasius Afer, sedit an. 4. mens. 8. diebus 17. Romam à fame imminente præseruauit; Hymnos composuit; Anastasium Imperatorem Constantinopol. Hæreticis fauentem excommunicauit, sicut & Vuandalorum Regem, qui partes Arianorum tenebat. Multa insuper fecit decreta, præsertim super sacram Scripturam, Scriptores Ecclesiasticos & Concilia, quorum aliqua approbauit, reprobauit alia.

Anastasius II. Romanus, sedit an. 1. mens. 10. dieb. 24. Hic misit Legatos ad Anastasium Imperatorem, vt nomen Acatij aboleret; cui semper fauens Imperator, & cum Photino complice communicans, excommunicatus est. Cum denique Pontifici semper resisteret, punitione diuina viscerum effusione mortuus est.

S. Symmachus Sardo qui sedit an. Christi 498. Pontificatum tenuit, annis 15. mensibus 6. diebus 22. Cum contentione magna fuit ordinatus; alij enim Symmachum elegerunt in Lateranensi Ecclesia, alij alium, nomine Laurentium, in Basilica B. Mariæ. Ob hoc apud Rauennates congregatum fuit Concilium, in quo Symmachi electio confirmatur, Theodorico Rege præsentem. Fertur Symmachum, Eugenium Episcopum Carthaginensem cum 220. Episcopis sustentasse in Sardinia proscriptos à Trasamundo Vandalorum Rege.

*De Pontificibus sexti sæculi.*

**S** Sanctus Hormisdas Campanus an. Christ. 514. sedit an. 9. dieb. 18. Regibus fuit charus, hæreticis exosus & in Ecclesiam magnificus. Præcepit Ioanni Episcopo Constantinop. vt ab heresi Eutyechianorum desisteret; quod facere recusauit Ioannes, quia ipsi prorsus fauebat Anastasius Imperator, qui ob hoc fulmine percussus interiit.

S. Ioannes Tuscus sedit an. 2. mens. 8. dieb. 8. Ex omni parte expellebat Arianos, quorum Ecclesias veris

veris Christianis restituebat; quod ægrè ferens Theodoricus Rex Italarum, coegit Ioannem adire Imperatorem Iustinum Constantinopoli sedentem; misitque cum eo duos oratores, quia suaderent Imperatori restitutionem Ecclesiarum quæ ablatae fuerant Arianis, quod iacere recusavit Imperator; unde rediens Pontifex, in carcerem conijcitur apud Rauennam iussu Theodorici, vbi fame & foetore interijt.

S. Felix IV. Samnius sedit an. 4. mens. 2. diebus 13. Per spatium 58. dierum dilata fuit eius confirmatio, quia tyrannicè illius nominationem vsurpauerat Rex Theodoricus.

Bonifacius II. Romanus sedit annis 2. diebus 2. Ordinatus est cum Dioscoro; unde ex diuisione Clerici, schisma fuit inter vtrumque per spatium 29. dierum, quo tempore mortuus est Dioscorus, & quieuit seditio.

Ioannes II. sedit ann. 2. mens. 4. dieb. 6. Excommunicauit Contumeliosum Episcopum in Gallia, & eius diocesim D. Casario Arelatensi Episcopo commendauit. Anathemate etiam percussit Antonium Constantinopolitanum Episcopum, hæresim Arij profitentem.

S. Agapetus sedit mens. 11. & 20. diebus. Ipsum misit Theodatus Gothorum Rex ad Imperatorem Iustinianum, vt cum illo reconciliaretur Rex, qui iusserat in exilium mitti Amalasunthem Atalantis Regis matrem; iussissetque illam occidi: Hoc facile impetrauit ab Imperatore Pontifex, sicut & resipiscientiam suam ab hæresi Eutychetis.

S. Siluerius Campanus sedit vno an. mens. 5. & diebus 12. Legitimo matrimonio ex Hormisda ante Ordinationem procreatus, in sedem intrusus fuit autoritate Theodati Regis; & ob hoc à Clero Romano reprobatus, demum tamen approbatus fuit ad vitandum schisma.

Vigilius Romanus sedit an. 17. mens. 6. diebus 26. Factione Theodoræ Imperatricis hæreticæ ad sedem euectus est, viuente Siluerio à quo excommunicatus fuit; sed post mortem Vigilij, à Clero Romano legitimè creatus est Pontifex, cum vitam omnino immutasset; & postquam ad Pontificatum peruenit, fortiter se opposuit hæreticis, non ob-

stan-

stantibus comminationibus Belisarij & Theodorici.

Pelagius Roman. sedit an. 11. mens. 10. diebus 18. ordinauit quòd hæretici & Schismatici à sæcularibus iudicibus condemnari possent.

Ioannes III. Romanus sedit an. 12. mens. 11. dieb. 26. Sanctorum cæmeteria reparauit: Ædem Apostolorum Iacobi & Philippi à Vigilio inchoatam absoluit.

Benedictus Rom. sedit an. 4. mens. 1. dieb. 16. Post decem menses sedis vacantis bellorum causa promotus est, & deinde dolore moritur, videns Longobardos Italiam cum Roma inuasisse.

Pelagius II. Roman sedit an. 18. mens. 2. dieb. 10. Sine approbatione Imperatoris, quæ necessaria prout habebatur, creatus fuit; vnde postea misit Constantinopolim S. Gregorium, quasi vt veniam peteret, & ipsius electionem illicò ratam habuit Imperator.

S. Gregorius Magnus Roman. Ex sæculari factus Monachus, ex Cardinali fit Pontifex cum gaudio populi & Cleri eligentis; consecratus tamen non fuit, nisi post sex menses, dum aduenit confirmatio Imperat. Hæreticos fortiter expugnauit honorem voluit deferri quatuor primis Concilijs vt Euangelio; & superbiam repressit Ioannis Constantinop. qui se Oecumenicum Episcopum seu Vniuersalem vocabat; vbi ipse Gregorius nominari voluit Seruus seruorum Dei, Regnavit ann. 13. mens. 6. diebus 10.

*De Pontificibus septimi sæculi.*

**P**ost D. Gregorium, qui promotus fuit ann. 594. creatus fuit Pontifex Sabinianus Tuscus an. 604. Iste sedit ann. 1. mens. 11. diebus 26. Tantam inuidiam conceperat in D. Gregorium, vt libros ipsius incendio voluerit destinare.

Bonifacius III. Rom. post vacantiam vnus fere anni, ascendit Sedem Apostol. quanto verò tempore sederit, controuertuntur Doctores, Platina tenente, ipsum regnasse mens. 9. alijs aliter sustinentibus. A Phoca Imperat. obtinuit, quod sedes Romana prima omnium diceretur, quem titulum vsurpauit.

pauperat Constantinop. malis Imperatoribus sustinentibus, eo loco primam sedem esse debere ubi caput erat Imperij.

S. Bonifacius IV. ex vrbe Valeria apud Mansos natus, sedit annis 6. mens. 8. dieb. 13. Obtinuit à Phoca templum, Pantheon antea vocatum, quòd mutauit in Ecclesiam B. Mariæ, & omnium Martyrum.

S. Deusdedit seu Theodatus Rom. sedit an. 3. dieb. 23. Fuit vir tantæ virtutis, vt leprosum deosculando, ipsum sanauerit.

Bonifacius V. Neapolitanus, qui anno quinto sui Pontificatus mortuus est, ad Ecclesias confugientes immunitate donauit. Sub illius Pontificatu Mahometus Arabs ex parte pagano, & matre Iudæa magnum incendium excitauit in Christianos.

Honorius Campanus sedit an. 12. mens. 11. dieb. 17. Fortunatum Patriarcham hæreticum expulit, cui Primogenitum substituit, Basilicam D. Petri reparauit, eamque ex ære cooperire fecit.

Seuerinus Rom. sedit mens. 13. & dieb. aliquot. Ab Exarcha Italiæ confirmatus fuit; populi enim & Cleri electio rata non habebatur, nisi accederet confirmatio Imper. aut Exarcharum.

Ioannes IV. Dalmata sedit an. 1. mens. 9. dieb. 11. Romæ Concilium coegit, in quo damnata fuit Expositio, quam Sergius hæreticus Episc. Constantin. publicare faciebat sub Imperatoris nomine.

Theodorus Græcus sedit an. 6. mens. 5. dieb. 18. Ad eum inter fluctus Ecclesiæ, Orientales Epistolæ Synodales miserunt, quibus ipsum Patrem Patrum & Papam vniuersalem nominabant.

S. Martinus Tuscus sedit an. 6. mens. 1. dieb. 26. A Constantio Imperat. requisitus vt subscriberet edicto cuidam fauenti Monothelitis, hoc fortiter recusauit; imò congregauit Romæ 120. Episcopos, & cum illis damnauit Theodorum, Tyrum, Sergium, Pyrrhum, & Paulum Monothelitas. Hoc audiens Imperator Romam misit ducem Olympium, vt ex parte Imperatoris cogeret Papam ad subscriptionem edicti, vel illum carceri manciparet, ad hoc vt, durante eius captiuitate, alij prælati reciperent iussa principis. Cum autem non potuisset Olympius separare caput à membris, iussit alteri, vt vi Martinum

tru-

trucidaret, ab illo S. Eucharistiam recipiendo in templo B. Mariæ ad præsepe; quod exequi non valuit ob subitam excacationem. Postea tamen ductus est Constantinopolim, vbi exilio, fame, & ærumnis consummatus martyrium finiuit.

S. Eugenius I. Rom. sedit ann. 2. mens. 9. dieb. 24. Hic fuit benignitate illustris, sed pietate illustrior.

S. Vitalianus Signiensis in Campania sedit an. 14. mens. 6. Sub eo Constantinopolim accessit, in scio marito, Cæsarea Persarum regina cum aliquo numero Christianorum, vbi baptizata fuit, & ad maritum redire recusauit, nisi antea Christianus fieret; vnde vxorem imitando, ad eundem locum accessit cum ingenti Primatum copia, vbi omnes baptizati sunt; sicque Persarum regnum fidem recepit.

Adeodatus Roman. sedit An. 4. mens. 1. dieb. 5. ex monacho Papa factus. Multum ampliauit Monasterium D. Hieronymi, in quo educatus fuerat. Omnibus propter mansuetudinem charus erat.

Donus seu Domnus vel Domnion Rom. sedit vno An. 5. mens. 10. dieb. 20 Sub illo conuocata fuit Synodus Constantinopolitana sub Agathone cœpta, finita verò sub Leone II. Doctrina & sanctitate Ecclesiam Rauennatensem à longo tempore segregatam à Romana, ad vñionem reduxit.

S. Agatho monachus ex Sicilia, sedit 2. Ann. 6. mens. 15. Inchoauit, vt diximus, Concilium diebus Constantinopolitanum contra Monothelitas. Viri- tute tanta donatus fuit, vt Leprosum sanauerit osculo.

S. Leo iunior, seu secundus, Sículus, mensibus decem sedit. Condemnauit in Concilio Constantinop. quod absoluit, cum Cyro, Sergio Pyrrho, Paulo, & alijs. Macharium, Stephanum, Polichronium, &c. qui ab hæresi recedere nolentes in diuersa Monasteria retrusi sunt.

S. Benedictus II. Roman. sedit mens. 10. dieb. 12. Illi Constantinus Imperat. decretum misit, vt quem Clerus & Populus elegissent, illicò haberetur in Pontificem, nulla expectata auctoritate Imperatoris aut Exarchæ, quæ requirebatur antea.

Ioannes V. Antiochenus in Syria, sedit Ann. vno, tempore quo mortuus est Constantinus.

Conon ex Thracia, sedit Ann. 11. mens. 3. Illo mortuo



mortuo Paschalis Archipresbyter & Papæ Thesaurarius copiosam pecuniæ summam dedit. Platina Exarchæ, vt eligeretur in Pontificem; quod tamen non fecit Platina, licet argentum receperit.

S. Sergius Antioch. sedit An. 13. mens. 8. diebus 24. Hic cum esset de aliqua turpitudine accusatus, miraculosè iustificatus fuit voce infantuli ipsum innocentem dicentis. Cum ante ipsius electionem Populus & Clerus maximè diuisi essent, vna parte postulante Paschalem & alia Theodorum, omnes conueniunt, vt vtroque excluso, eligeretur Sergius ad vitandum schisma.

*De Pontificibus octauæ sæculi.*

**I**oannes VI. Græcus, Anno 701. successit S. Sergio, qui electus fuerat Ann. 687. Hic sedit An. 3. mens. 3. Eius tempore vixit Beda, ob sanctitatem & modestiam dictus Venerabilis.

Ioannes VII. Græcus, sedit An. 2. mens. 7. dieb. 17. Hic creatus est eo tempore, quo Iustinianus recuperavit imperium, ex quo expulsus fuerat à Tiberio & Leontio.

Sisinnius Syrus, viginti tantum vixit diebus; ita podagra & chiragra laborauit, vt neque pedibus, neque manibus vteretur; ipsi tamen semper adfuit patientia incredibilis.

Constantinus Syrus sedit ann. 7. diebus 20. Statuit quòd sanctorum Patrum imagines, quæ antea ablatae fuerant è templo S. Sophiæ, collocarentur in porticu D. Petri; & quòd nomina Imperatorum hæreticorum in instrumentis publicis non inscriberentur.

S. Gregorius II. Rom. sedit an. 16. mens. 9. diebus 9. Hic misit ad Germanos Bonifacium Episcopum qui illos ad fidem conuertit: restitit fortiter Imperat. Leoni Isaurico, qui Iconomachus nominatus fuit; & sub eius Pontificatu Carolus Martellus Palatii Magister in Gallia dimicauit contra Saracenos prope urbem Turones, quorum trecenta septuaginta quinque millia occisa sunt, vbi ex parte Francorum vix mille & centum remanserunt in prælio.

S. Gregorius III. Syrus natione, sed ann. 10. mens. 3. dieb. 24. Hic præcepit in quadam Synodo, ne inter Synodo.

Synodo, ne inter consanguineos contraherentur matrimonia, qualiter nunc in iure cautum est.

S. Zacharias Græcus, sedit ann. 10. mens. 3. dieb. 14. Totam Italiam, quam bellorum commotione turbatam inuenerat, pacauit. Longobardos Ducem Spoleti persequentes sua modestia & humilitate sedauit, regnumque Galliæ deuoluit Pipino propter auxilia quæ præbuerat Martellus Ecclesiæ.

Stephanus II. Rom. tertio vel quarto die sui Pontificatus è viuis discessit; vnde ab aliquibus à Pontificum Rom. serie dimittitur.

Stephanus III. Rom. sedit annos 5. mense vno, vel circiter. Occasione Longobardorum Italiam persequentium Galliam accessit, vbi Pipini duos baptizauit filios, Carolum & Carolomanum.

S. Paulus Rom. frater Stephani II. sedem tenuit annis 10. mense vno. Nocte qualibet cum familiaribus suis cubicula ægrotantium & pauperum visitabat, sicut & carceres, cohortans vnumquemque verbis & eleemosynis, vt paupertatem, morbos & captiuitatem patienter sustinerent.

Stephanus IV. Siculus, quem alij vocant Tertium ratione prædicta loquendo de Stephano II. sedit ann. 4. mens. 5. diebus 24. Mortuo Paulo, Constantinus creatus fuit Papa illegitimè, & consecratus ab Episcopo Prænestino, cuius manus aridæ manserunt illicò, quod indignum consecrauisset, Ipso Constantino Pontificatu spoliato, electus est Stephanus IV.

Adrianus Rom. sedit an. 23. mens. 10. dieb. 17. Desiderio rege Longobardorum Italiam inuadente, & territorium Ecclesiasticum ac Romam vi & armis occupare tentante, Carolus Magnus in fauorem Adriani, exercitum parauit, accessit Italiam, Desideriumque fugauit omnino. Huius Pontificis tempore celebratum est Concilium 11. Nicænum contra Iconomachos.

Leo III. Romanus sedit ann. 20. mens. 5. dieb. 17. Maximè vexatus fuit à Romanis. qui ipsum, licèt verè pium & sanctum, Pontificatu spoliauerunt & coniecerunt in carcerem catenis ferreis oneratum: Cùm exisset autem è carcere, industria Albini cubicularij sui Carolum Magnum adiuit, qui ipsi restituit Papatum; postea verò Papa Carolum Magnum coronauit

372 DE PONTIFICIBVS.  
renauit Imperatorem, à quo tempore deuolutum est  
imperium ad Germanos.

*De Pontificibus in noni seculi.*

**S**tephanus V. Roman. successit Leoni III. an. 816.  
& sedit mens. 7. dieb. 3. Hic Galliam accedens,  
benignissimè ab Imperat. Ludouico I. acceptus fuit;  
quippe qui ter se coram illo, toto corpore prostra-  
uit, dicens, *Benedictus qui venit in nomine Domini, cui*  
*respondit Pontifex, Benedictus Dominus, qui oculis no-*  
*stris altarium Davidem concessit*: Postea ipsum corona-  
uit Pontifex Imperatorem.

Paschalis Romanus Monachus, virtute plenus  
& scientia, sedit ann. 7. mens. 3. dieb. 17. summa  
populi acclamatione, sed cum resistentia propria  
creatus est.

Eugenius I. Romanus sedit an. 8. mens. 2. diebus  
23. Cum ad Ludouicum Galliz Regem & Imperato-  
rem Germaniz misisset legatos Michael Imper. Con-  
stantinop. Concilium petens vt examinaretur, an re-  
stituendæ essent imagines, nec-nè, prædictos Lega-  
tos misit Romam Ludouicus ad Eugenium, cuius in-  
tererat.

Valentinus Romanus vir sanctitate plenus, vixit  
tantum per 40. dies. Post ipsum electus est.

Gregorius IV. Rom. qui sedit per annos 16. Sedem  
occupare noluit, nisi antea ab Imperatore Ludouico  
confirmatus esset. Festum omnium Sanctorum in-  
stante Imper. Ludouico instituit.

Sergius II. Roman. annis 3. sedit, Sergius iste fuit  
primus, cuius nomen mutatum fuit in Pontificali  
consecratione.

S. Leo IV. Roman. sedit ann. 8. mens. 3. dieb. 6. Ip-  
sius tempore Basiliscus veneno territorium Roma-  
num inficiebat, qui subito mortuus est, accedente  
cum processione solemni Pontifice imaginem  
B. Mariæ Virginis deferente. Hoc accidit secun-  
dum Galterum Assumptionis die, & iuxta Plati-  
nam die 8. post hoc festum; vnde octauam Assum-  
ptionis instituit Leo. Hic dicunt hæretici Ioannam  
Papissam, natam in insula Moguntina apud An-  
glos sedisse, quod purum esse commentum alibi pro-  
bauimus.

Be-

Benedictus III. Roman. sedit ann. 2. mens. 6. dieb. 9. Hic Pontificalibus ornamentis spoliatus fuit, & grauitèr verberatus Antipapæ Anastasij imperio.

Nicolaus cognomento Magnus, natione Romanus, sedit ann. 7. mens. 9. dieb. 13. Hic in cauernis & antris absconditus delituit, nè in Pontificem eligeretur.

Adrianus II. Romanus sedit 5. an. mens. 9. dieb. 12. Sub ipsius Pontificatu Synodus Constantinopolitana decreuit Photinum esse è sede expellendum & Ignatium restituendum.

Ioannes VIII. Rom. sedit an. 10. dieb. 2. Tres Reges Galliz, Imperatores consecrauit. Carolum Caluum, Ludouicum II. & Carolum III.

Martinus I. Gallus, quem alii vocant II. sedit ann. 1. mens. 3.

Adrianus III. Romanus sedit anno 1. 2. vel 3. mens. Hic prohibuit nè in electione Pontificum expectaretur Imperatorum confirmatio, vt tota eligendi libertas apud Populum & Clerum maneret.

Stephanus VI. ab alijs V. vocatus, Roman. sedit 6. annis 11. diebus. Huius tempore Carolus Grossus nominatus, Imperator & Rex Galliz, è throno expulsus fuit à Primatibus ob nimiam stupiditatem mentis & corporis.

Formosus Roman. sedit 5. ann. 9. mens. Hic aliàs suum Episcopatum Portuensensem reliquerat, vt in Galliam fugeret metu Ioannis Papæ, qui eum Romæ redire renuentem excommunicauit, postea verò à Martino reuocatus, absolutus est, in pristina dignitate restitutus, & tandem Summus Pontifex creatus.

Stephanus VII. aut VI. Roman. sedit an. 1. mens. 3. Multi inter hunc & Formosum interponunt Bonifacium Antipapam. sub nomine Bonifacij V.

Romanus ex Tuscia natus 3. vel 4. mensibus tantum sedit.

*De Summis Pontificibus decimi seculi.*

**T**heodorus II. Romanus, diebus tantum 20. sedit, & decreta seu statuta Formosi restituit.

Ioannes IX. Monachus Rom. sedit 2. ann. dieb. 5. Concilium Rauennæ coegit, vbi abrogatum fuit quicquid à Stephano statutum fuerat.

Benedictus IV. Romanus sedit 3. ann. & 4. mens. Huius tempore morum corruptio vbique communis erat, attamen hic Pontifex omni pollebat virtutum genere.

Leo V. Ardeatinus sedit diebus 40. Hoc electo, familiaris eius nomine Christophorus, vi & factionibus Papam detrusit in carcerem, ipsiusque sedem vsurpauit, quam & occupauit 40. dierum spatio & totidem diebus.

Christophorus Romanus mens. 7. sedit; sed quia prauis medijs Pontificatum obtinuerat, similibus deiectus, & in Monasterium relegatus.

Sergius III. similiter Rom. sedit 7. an. mens. 4. diebus 16. Hic è Monasterio Christophorum egredi iussit, non causa libertatis illi dandæ; sed vt illicò in carcerem conijceretur.

Anastasius III. Rom. sedit 2. an. & 2. mens. Ipsi successit:

Laudo Sabinus qui sedit 6. mensibus & diebus 21. Huius tempore Itali, Germani & Galli multa inter se bella inierunt, quia formosus Pontifex Imperium à Gallis ad alios transtulerat.

Ioannes X. Rauennas, sedit an. 13. mens. 2. 3. diebus. Hic maximè in bellum propendebat, in quo à militibus Guidonis Comitis comprehensus & in carcerem detrusus suffocatur. Vsurpauit pro tunc sedem Ioannes quidam, ex qua illicò eiectus est; vnde Ioanni X. canonicè successit.

Leo VI. Rom. qui regnauit tantum 7. mens. 7. & diebus 15. Semper pacificare conatus est Populum Romanum multis factionibus agitatum per ignorantiam & prauam gubernationem præcedentium Pontificum.

Stephanas VIII. Roman. sedit ann. 2. mens. 1. diebus 12.

Ioannes XI. sedit ann. 2. mens. 10. dieb. 15. Huius  
tem.

tempore erupit fons sanguineus prope Genuam, quod signum fuit futuræ calamitatis.

Leo VII. Rom. sedit an. 3. mens. 6. dieb. 10. cuius successor fuit.

Stephanus IX. Germanus. Hic sedit. 3. an. mens. 4. dieb. 12. Ab initio Pontificatus tantam persecutionem sustulit propter seditiones Romanorum, quod ipsius memoria ære digna sit.

Martinus III. Rom. sedit 3. annis mens. 6. dieb. 10. Vbi Pontificatum tenuit, illicò deseruit bellum, ut se totum Orationi daret.

Agapetus II. Rom. sedit 9. an. 7. mens. 10. dieb. Huius tempore mortuus est Odo Abbas Cluniacensis.

Ioannes XII. Rom. sedit an. 9. 3. mens. dieb. 5. Corruptæ & prauæ vitæ fuit, de quo admonitus ab Imperatore Othone, fugit, in nemoribus delituit, & cū non compareret, Clerus & Imperator in Pontificem elegerunt Leonem, qui dictus fuit VIII. licet Antipapa, vnde, absente Imperatore, Ioannes restituitur.

Benedictus V. Rom. sedit 6. annis & 5. diebus. Hic creatus fuit ab amicis Ioannis, & summè vexatus à Leone VIII. Imò Imperator Otho, qui præferebat Leonem Ioanni, totam Romæ viciniam vastauit, Benedictus eiecit & Leonem restituit.

Ioannes XIII. Rom. sedit 6. an. mens. 11. dieb. 5. Dominus, vel Donus II. Rom. sedit tribus tantum mensibus; ipsique successit.

Benedictus VI. etiam Rom. qui sedit an. 1. mens. 3. In carcere strangulatus fuit iussu Bonifacii, qui tyrannicè sedem inuadens nominari voluit Bonifacius VII.

Benedictus VII. Rom. sedit an. 10. mens. 6. Hunc grauitè persecutus est Bonifacius, & ipsi successit.

Ioannes XIV. Patauiensis Episcopus sedit 3. mens. qui iussu Bonifacii VII. in carcerem detrusus moritur. Hoc tempore idem Bonifacius sedem adhuc tenuit 4. mens. & ipso è viuis sublato, successit.

Ioannes XV. Rom. qui sedit 8. tantum mens. & postea mortuus est permissione diuina, cò quod Ecclesiam negligens, & Prælatos condemnans, Thesauris Ecclesiasticis proximos suos carnales ditaret.

Ioannes XVI. Rom. sedit 10. an. 6. mens. & 10. dieb. Hic à Baronio omittitur; sed hoc loco annumeratur ob conformitatem cum alijs Annalistis.

Gregorius V. è Saxonia, sedit 2. ann. 6. mens. & 8. dieb.

*Bayn Theolog. Pars IV.*

R

dieb.



dieb. aliquot. Fuit creatus autoritate Imperatoris Othonis, cuius erat affinis.

Syluester II. ex Aquitania in Gallia natus, sedem tenuit 4. an. mens. 1. dieb. 10. Monachus erat ex Monasterio S. Benedicti Floridi, prope ciuitatem Aurelianensem. Inter hunc Pontificem & Gregorium V. aliqui numerant Ioannem XVII. Græcum, qui per 10. menses sedem vsurpauerat, à qua fuit expulsus per Imperatorem Othonem, qui illi oculos effodi iussit.

*De Summis Pontificibus vndecimi saculi.*

**M**ortuo Syluestro II. an. 1103. eodem anno successit illi Ioannes XVII. quem alij vocant XVIII. Hic sedit spatio quatuor mensium & dierum viginti.

Ioannes XVIII. sepè nominatus XIX. etiam Rom. sedit 4. an. & 4. mens. nec fecit aliquid memoria dignum.

Sergius IV. Rom. sedit an. 2. dieb. 15. Hic ante Pontificatum, & in Pontificatu sanctissimæ vitæ fuit.

Benedictus VIII. Tusculanus, sedit an. 11. mens. 1. dieb. 14. Huius tempore inuaserunt Turcæ urbem Ierusalem mortuo Imperatore Henrico, qui multum Benedicto fauebat: alium in Pontificatu admiserunt Romani, nomine Gregorium, qui paulo post electus est, & Benedictus est restitutus.

Ioannes XIX. Tusculanus, quem alij vocant XX. sedit an. 11. mens. 1. dieb. 9. Aliqui dicunt hunc fuisse Episcopum Portuensensem, dum creatus fuit Pontifex; alij verò nullo Ordine sacro initiatum asserunt.

Benedictus IX. etiam Tusculanus sedem occupauit per diuersa interualla 10. an. mens. 4. & 9. dieb. Hunc eiecerunt Romani tanquàm omnibus ingratum & nullius æstimationis, eiusque loco substituerunt Ioannem Sabinæ Episcopum, sub nomine Syluestri III. ille postea restitutus est & Syluester eiectus. Benedictus autem prouidens, quòd iterum posset deijci, Pontificatus cessit, qui deuolutus est Gregorio VI.

Gregorius VI. Rom. sedit 2. an. 9. aut 8. mens. Hic ab aliquibus dicitur Pontificatum emisse è Benedicto IX. vnde Henricus II. Synodum celebrare fecit, in qua Benedictus qui vendiderat, Gregorius qui emerat, & Syluester qui se intruserat, condemnati sunt, & sedi renuntiare coacti.

Cle-

Clemens II. Germanus è Saxonia, sedit tantum 1. an. vel circiter, & summè vexatus fuit à Benedicto IX. sedem recuperare prætendente,

Damasus II. ex-Bavaria, sedem tenuit tantum diebus 23, quam vi & sine consensu Cleri & populi Romani occupauerat.

S. Leo VIII. ex Germania sedit an. 5. mens. 1. dieb. 6. Primus condemnauit hæresim Berengarij. Qui hunc vocant Leonè IX. non attendunt, quod Leo VIII. què collocant in præcedenti sæculo, erat verè Antipapa.

Victor II. ex Sueuia sedit 2. an. mens. 3. dieb. 14. Synodum coegit Florentiæ, in qua multos Episcopos dignitate sua priuauit, causa fornicationis & simoniæ.

Stephanus X. Lotharingius sedit 7. mens. dieb. 8. Hunc aliqui vocant Stephanum IX. illi successit non Benedictus X. Antipapa, vt volunt aliqui, sed

Nicolaus II. Sabaudus, qui sedit an. 2. mens. 6. Hic habito Concilio apud Lateranum, statuit vt si quis pecunia aut gratia humana, aut populari vel militari tumultu sine canonica electione Cardinalium fuerit in sede collocatus, is non Apostolicus, sed Apostaticus dicatur.

Alexander II. Mediolanensis sedit an. 11. mens. 6. dieb. 22. Aliqui cum Imperatore in Pontificem habere volebant Gilbertum Parmensem, virum potentissimum: at Agnes Imperatoris vxor non alium voluit quàm Alexandrū antea electum.

S. Gregorius VII. Tuscus sedit an. 12. mens. 1. dieb. 3. Hic Henricum IV. Imperatorem qui multis iniurijs Ecclesiam affecerat, omni regia administratione priuauit, anathematizauit, nec eum absolui permisit, donec deposito ornatu regio in aspera hyeme nudis pedibus ad Pontificem accedens, veniam peteret.

Victor III. Beneuentanus sedit an. 1. Antea erat Abbas Montis Cassini; hunc dicunt aliqui fuisse necatum veneno in Calicem iniecto opera Henrici, cui non permittebat Pontifex vt Beneficia venderet argento.

Urbanus II. Gallus ex Diocesi Rhemenfi, sedit an. 12. Hic Cisterciensium Ordinem sua autoritate confirmauit: Eius etiam tempore ortum duxerunt Carthusiani.

Paschalis II. Tuscus, sedit 18. an. 6. mens. 7. dieb. Hic latitans & nolens eligitur à Clero: Sub eius tempore floruerunt D. Anselmus & D. Berpardus.

*De Summis Pontificibus duodecimi sæculi.*

**G**elasius II. Capuanus sedit anno 1. dieb. 4. Roma fugit, se in Galliam subducens, vbi moritur in Monasterio Cluniacensi.

Calixtus II. Burgundus sedit annis 5. mens. 10. dieb. 12. Hic electus est in Monasterio Cluniacensi, in quo obierat Gelasius, & vbi multi Cardinales congregati erant; statimque audiuit se confirmari ab illis qui erant Romæ.

Honorius II. Bononiensis, Cluniacensis Monachus, sedit an. 2. mens. 1. dieb. 17. Sub eo floruit Hugo à S. Victore.

Innocentius II. Romanus sedit an. 14. mens. 7. dieb. 13. Competitorem habuit, nempe Petrum Romanum, ciuem Romanum, Anacletum vocatum, quem Romani, absente Innocentio, crearunt; & quem post dies aliquot Lotharius Imperator expulit, vt Innocentium restitueret. Sub hoc Pontifice congregatum est primum Concilium Lateranense ex mille Patribus compositum contra Antipapas, pro recuperanda Terra-Sancta, & propter alias rationes.

Cælestinus II. Tuscus sedit mens 5. dieb. 13. Hic omnium consensu creatus est Pontifex sub Conrado Sueuo Imperatore Germanorum.

Lucius II. Bononiensis, sedit mens 11. dieb. 14.

Eugenius II. Pisanus, sedit 8. an. 4. mens. 20. dieb. Hunc induerat Monachū Clareuallensem D. Bernardus, qui ad illum scripsit libros de Consideratione.

Anastasius IV. Rom. sedit an. 1. mens. 4. dieb. 24. Huius tempore florebat Richardus à S. Victore.

Adrianus IV. Anglus, sedit an. 4. mens. 10. Ipsum fecit Cardinalem Albanensem Eugenius, & Legatum misit in Noruegiam; vbi tam efficaciter huius regni populos admonuit, vt fidem Christi susceperint,

Alexander III. Senensis, sedit an. 21. dieb. 9. Sub hoc facta est seditio inter Guelphis & Gibelinos, quæ totam penè Italiam subuertit. Guelpho auctoritatem Papæ tuebantur; Gibelini partes tenebant Imperatoris contra Papam. Sub eo factum est Concilium Lateranense pro reformatione Ecclesiæ. Contra hunc tres Cardinales Octauium ciuem Romanum Papam fecerunt, & incepit Schisma quod per viginti annos durauit.

Lu-

Lucius III. vel Lucgus, sedit an. 4. mens. 2. dieb. 27. Ex vrbe eiectus fuit, quia Consul nomen abolere nitebatur; Multa suæ vrbi natiuæ contulit priuilegia. Eius tempore vixit Petrus Comesstor.

Urbanus III. Mediolanensis, sedit an. 1. mens. 10. dieb. 25. quo tempore occupata à Saladiño vrbs Hierusalem, Crux sancta ablata, & plurimi Christiani occisi an. 1187.

Gregorius VIII. Beneuentanus, sedit mens. 1. dieb. 27. qui amplissimam Epistolam ad omnes Principes Christianos scripsit, vt ad recuperationem vrbs Hierosolymitanæ excitarentur; sed interea moritur Pisis.

Clemens III. Rom. sedit annis 3. mens. 5. Hic omnes Principes vrget, vt contra Sarracenos insurgant; & ad hoc conueniant Imperator Fridericus, Philippus Rex Galliarum, Richardus Rex Angliarum, Odo Dux Burgundiarum, Veneti, & alij cum multis Prælati, hæcque omnia sub Guillelmo Rege Siciliæ.

Cælestinus III. Rom. sedit an. 6. mens. 7. dieb. 11. qui nihil in sua vita prætermisit, quod terra Sancta recuperaretur.

Innocentius III. ex Anagnia, sedit an. 18. mens. 7. dieb. 13. Huius tempore mota est hæresis Albigenfium apud Tholosam, quam, procurante Pontifice, B. Dominicus, adiuuante Comite Montisfortis, mira celeritate compesceuit. Sub eo celebratum est Concilium generale Lateranense IV. initio sequentis sæculi an. sc. 1215.

*De Summis Pontificibus tertij-decimi sæculi.*

**H**onorius III. Roman. qui sedit 10. an. 8. mens. primum locum tenuit inter huius sæculi Pontifices an. 1216. Hic Ordines BB. Dominici & Francisci confirmavit, Fridericum 2. anathemate notatum priuauit Imperij dignitate.

Gregorius IX. ex Anagnia, sedit an. 14. mens. 4. dieb. 26. Hic retulit inter Sanctos B. Dominicum, & B. Franciscum.

Cælestinus IV. Mediolanensis, sedit tantum dieb. 18. & sedes vacauit postea vno & viginti mens. quia plures Cardinales in carcere detinebat Fridericus Imperator.

Innocentius IV. Geneuensis sedit an. 21. mens. 6. dieb. 21. Hic statuit vt Cardinales Galero rubeo vto-

rentur ad honestandam eorum dignitatem; veste eiusdem coloris, vt monerentur se semper debere esse paratos ad effusionem sanguinis pro Religione Christiana. Sub eo volumen Decretalium editū est, & Concilium generale habitū Lugduni contra Fridericū; qui personaliter cōparere renuens, auctoritate totius Concilij Imperio & Regno Siciliae priuatus fuit.

Alexander IV. ex Anagnia sedit an. 6. mens. 5. dieb. 13. Hic retulit in numerum SS. B. Claram virginem, librosque Guillelmi à S. Amore contra paupertatem conscriptos condemnauit.

Urbanus IV. Trecentis in Gallia, sedit an. 3. dieb. 34. Festum Corporis Christi instituit.

Clemens IV. Narbonensis, sedit an. 3. dieb. 21. Hic erat in iuribus famosissimus. Mortua vxore factus est Episcopus, deinde Cardinalis, & tandem absens electus est in Papam. Cum haberet duas filias ex vxore mortua, vni in Monasterio collocatae triginta tantum libras dedit; alteri pro dote maritali, trecentas libras numerauit, sub ea conditione vt nihil vnquam peterent; Voluit vt suus nepos Clericus tres Præbendas habens ex illis vnā tantum retineret.

Gregorius II. Placentinus, sedit 4. an. 2. mens. dieb. 10. Hic creatus est Pontifex dum esset in Asia, exercitum Christianorum ducens contra Infideles. Sub eo celebratum est Concilium 11. vniuersale Lugduni, cui adfuerunt mille Patres pro recuperatione Terrarum sanctarum, & contra hæresim Græcorum. In eo definitum est, Spiritum sanctum procedere æternaliter ex Patre & Filio, non tanquam ex duobus principiis, sed tanquam ex vno; nec duabus spirationibus, sed vnica.

Innocentius V. Tarantianus sedit mens. 6. dieb. 2. Hic ex ordine Prædicatorum assumptus est in Pontificem.

Adrianus V. Genuensis sedit diebus 40.

Ioannes XX. Lusitanus, quem alij vocant XXI. sedit mens. 8. Definiuit contra eos, qui dicunt Christum & eius Discipulos nihil habuisse, & in his quæ habuit, nullum illi fuisse ius: declarauit, inquam, contra eos, hoc esse hæreticum. Dammati sunt sub eo errores Ioannis de Poliaco Doct. Paris. qui tenebat confessos Fratribus habentibus licentiam generalem, teneri adhuc proprio Sacerdoti confiteri, & quòd Papa, posito canone *utriusque sexus*, non possit dare talem generalem potestatem; imò nec Deus, quin confessus teneatur

tur adhuc confiteri peccata sua proprio Sacerdoti , quem dicebat esse proprium Curatum .

Nicolaus III. Rom. sedit an. 3. mens. 8. dieb. 15. Hic ex ordine S. Francisci assumptus fuit, cuius regulæ explicuit ambiguitates .

Martinus IV. Turonensis sedit an. 4. mens. 1. dieb. 7. Cùm electus fuesit in vrbe Viterbiensi. noluit in ea coronari, nec consecrari; timens nè hæc ciuitas interdicta esset propter excessus & atroces iniurias Cardinalibus in illa factas , vnde urbem Orvietensem eo fine petijt .

Honorius IV. Rom. sedit an. 21. die 1. & postea vacauit sedes mens. 10. Cùm enim plures Cardinales in conclauì congregati essent in Ecclesia S. Sabinæ, multi subito morbo correpti, mortui sunt ; vnde electio ad aliud tempus dilata fuit .

Nicolaus IV. Tusculanus, sedit an. 4. mens. 1. dieb. 8. Assumptus est ex Ordine Minorum ; Romam propter seditiones deseruit , & urbem Reatinam petijt ; vbi Cardinales creauit ex omnibus Religiosis Ordinibus , quos æqualiter diligebat .

Cælestinus V. Italus, sedit ferè mens. 6. Erat Abbas ex Ordine S. Benedicti, Petrus Moronus dictus . Ante illum sedes vacauerat per biennium & tres menses propter discordiam Cardinalium . Cum ab eremitica vita, quam prius ducebat, non declinaret , visus est parum idoneus ad regendam Ecclesiam ; quod agnoscens ipse Cælestinus ad priuatam vitam remeauit , potestatemque dedit Cardinalibus , vt alium eligerent Pontificem .

Bonifacius VIII. ex Anagnia sedit an. 8. mens. 9. dieb. 7. Hunc dicunt aliqui astutijs decepisse Cælestinum vt Pontificatui renunciaret . Excommunicauit Gallorum Regem Philippum Pulchrum, & titulum Regni Gallici dedit Alberto primo Imperatori domus Austriacæ , vt hac occasione semper inter se conflictarentur hi principes . Anagniz captus est Pontifex per Nogaretum , & in carcerem detrusus , vbi miserè perijt ; vnde de eo dictum est , *Intrauit vt vulpes , regnauit vt leo , mortuus est vt canis .*

*De Summis Pontificibus quarti-decimi sæculi.*

**B**enedictus XI. Taruisinus, sedit mens. 8. dieb. 17. Ab alijs dicitur IX. ab alijs XI. Ex ordine Dominica-



nicanorum assumptus fuit ; absoluitque Philippum Pulchrū Regē Galliz ab excomunicatione fulminata à Bonifacio VIII. Inter Beatos meritò numeratur .

Clémens V. Burdigalensis, sedit an.8. mens.10. dieb.1. Transtulit sedem, ex vrbe Roma Auenionem, vbi ipse & successores manserunt annis 70. Sub eo Concilium Oecumenicum Viennense celebratum est contrà Saracenos, Templarios, & mores corruptos Ecclesiasticorum.

Ioannes XXI. Gallus ab alijs XXII. ab alijs XXIII. dictus, sedit an.19. mens.4. Ex Cancellario Galliz factus Papa, Constitutiones Extrauagantes edidit, sicut præcedens Pontifex Clementinas.

Benedictus XI. Tolosanus Monachus Cisterciensis, sedit an.7. mens.3. dieb.17. Hic Censuras Ecclesiasticas confirmauit, quas antea Ioannes fulminauerat contrà Ducem Baariæ Imperium Romanum inuadere conantem.

Clémens VI. Lemouicensis, sedit an.10. mens. dieb. 18. Hic, emisse fertur Auenionem à Rege Franciæ, quam urbem transtulit in ius Pontificium.

Innocentius VI. etiam Lemouicensis, sedit an.9. mens.10. dieb.6. Præbendas Ecclesiasticas non nisi probatissimis Sacerdotibus vita & doctrina dedit; iussitque vt omnes Prælati ad Ecclesias suas proficerentur.

Urbanus V. adhuc Lemouicensis, sedit an.8. mens. 4. Absens electus est dum esset in Italia; legatione fungens versus Vicecomites, Abbas erat S. Victoris Massiliæ.

Gregorius XI. adhuc Lemouicensis, sedit an.7. 2. mens. dieb.27. Hic sedem Pontificiam Romam retulit, quæ antea erat Auenione, & ab hoc tempore Gallorum nullus factus est Pontifex, ne iterum sedes mutaretur.

Urbanus VI. Neapolitanus, sedit an.21. mens.8. Sub hoc ingens Schisma in Ecclesia obortum est: Urbanum enim hunc crearunt Itali, mansitque Romæ, Galli verò elegerunt Pontificem in Italia sub nomine Clementis VII. qui se Auenionem recepit. Alter, in alterum censuris scribebat, durauitque Schisma vsque ad Concilium Constantiense.

Bonifacius IX. Neapolitanus, sedit an.14. mens.9. Triginta tantū annorum erat, dū eleuatus fuit ad Pontificatū, Hic Annatarum creatio attribuitur. Mortuo

Cle-

Clemente VII. illegitimo Pontifice Petrus de Luna  
Benedictus XII. dictus, Auenione sufficitur.

*De Summis Pontificibus quinti-decimi seculi:*

**I**nnocentius VII. Sulmonensis, sedit 2. ann. dieb.  
23. Sub eo Tamerlanes cum ingentibus copijs Ba-  
iazetum deuicit: iram Dei se dicebat.

Gregorius XII. Venetus, sedit 2. an. 7. mens. dieb.  
5. Promisit se dimissurum Pontificatum, si Benedi-  
ctus idem faceret; sed Benedicto fugiente in Catalo-  
niam, reuocauit promissum Gregorius; vnde vter-  
que in Concilio Pisis habito à Cardinalibus deponi-  
tur, & tertius sufficitur, nimirum

Alexander V. Cretenfis, qui sedit mens. 10. die-  
bus 8. Hic ex Ordine Minorum assumptus fuit.

Ioannes XXIII. ab alijs XXIV. Neapolitanus, sedit  
2. an. 15. diebus. Sub eo incēpit Concilium Constan-  
tienze, & tunc erant tres Pontifices; Ioannes qui de-  
gebat Bononiæ, Gregorius Arimini, & Benedictus  
in Hispania. Hi tres sede priuati sunt à Concilio; &  
illis sufficitur

Martinus V. Rom. qui sedit an. 14. mens. 3. Ab alijs  
vocatur Martinus III. Sanctissime vitę erat & doctis-  
simus. Ipsius pedes deosculatus est Sigismundus Im-  
perator.

Eugenius IV. Venetus, sedit an. 15. mens. 11. 21  
diebus. Sub eo congregatum est Concilium Basileen-  
se, in quo factionibus depositus fuit, & eius loco  
intrusus est Dux Sabaudię. Hic postea cessit Ponti-  
ficatui, & eo deposito, Eugenius Concilium Ferra-  
rię congregauit, quod causa pestis, Florentiam  
translatum est, in quo Ecclesia Gręca vnita est Ro-  
manę. Pragmatica-Sanctio instituitur.

Nicolaus V. ex vrbe Luna in Italia natus, sedit an.  
8. dieb. 19. Sub eo Mahumetus II. urbem Constanti-  
nopolitanam inuasit, in qua crudelitates exercuit in-  
credibiles: Tunc cessarunt Schismata Ecclesię.

Calixtus II. ex Valentia apud Iberos, sedit 3. an. 3.  
mens. diebus 17. Hic B. Vincentium Ordinis Prędi-  
catorum inter Sanctos retulit.

Pius II. Senensis, sedit an. 6. demptis aliquot die-  
bus. Antea vocabatur Aneas Silvius, & hic B. Ca-  
tharinam Senensem annumerauit inter Sanctas.

Paulus II. Venetus, sedit an. 6. mens. 10. dieb. 26. Il-  
lius

Ius tempore omnia beneficia Romæ venalia erant.

Sixtus IV. Sauonensis, sedit an. 13. dieb. 5. Hic Bonauenturam Sanctum pronuntiauit, Eius commissione speciali Alphonsus Carillus Archiepiscopus Toleranus multos Cōpluti aggregauit Doctores Theologiae, qui condemnauerunt Petrum Oxoniensem Sacrae Theologiae Professore Salmantinum, qui tenebat peccata mortalia deleri per solam contritionem sine ordine ad Clauēs: Confessionem de peccatis in specie, non esse de iure diuino, sed ex statuto vniuersalis Ecclesiae: Præuās cogitationes sola displicentia sine confessione deleri: Confessionem debere esse secretam, id est, de peccatis secretis, non de manifestis: Papam non posse dispensare in statutis vniuersalis Ecclesiae. Has & similes propositiones, postquam accepit opiniones Doctorum, qui eas sigillatim examinauerant, Reuerendus Archiepiscopus sedens pro tribunali damnauit vt hæreticas, librumque ex quo depromptæ fuerant, comburendum iudicauit; quod illicò factum.

Ignocentius VIII. Genuensis sedit an. 7. mens. 10. dieb. 27. Hic cū esset summè pacis, amator, multum doluit, dum se vidit coactum ad bellū faciendū contra Regem Ferdinandum, qui tributum nolebat reddere Ecclesiae Rom. debitum; ratione Regni Siciliae.

Alexander VI. Hispanus sedit an. 11. mens. 8. ex genere Borgia oriundus erat.

*De Summis Pontificibus septi-decimi saeculi.*

**P**ius III. Senensis mens. 1. sedit: Sobrius, castus, & humilis erat; sed exemplum sequens sui auunculi Pij II. intentionē habebat expellendi Gallos ex Italia; de quo multum irati sunt Romani & affines ipsius Pontificis.

Julius II. Genuensis sedit an. 10. Sub eo incepit Cōciliū Lateranense, sub sequēti Pontifice perfectū.

Leo X. Florentinus sedit an. 8. mens. 8. dieb. 21. Erat ex illustri familia de Medicis. Pragmaticam Sanctionem aboleuit, & Concordatum iniit cum Francisco I. Rege, Cruciatam publicauit per totum orbem Christianum. Huius tempore Martinus Lutherus suas hæreses insinuare coepit.

Adrianus V. ex Flandria, sedit anno 1. mens. 8. dieb. 6. vir tanta dignitate planè dignus.

Clemens VII. Florentinus ex familia de Medicis, sedit.

sedit annis 10. dieb. 8. Hic excommunicauit Henricum VIII. Angliæ Regem, quod causa fuit cur ipse Princeps se in Ecclesiæ Anglicanæ caput crederet, Pontificem agnoscere renuens.

Paulus III. Rom. ex Farneseorum familia, sedit an. 15. diebus 19. Hic contra hæreses Lutheri Concilium generale indixit, Primò Mantuæ; Secundò Vincentiæ; Tertiò Tridenti; sed in his locis nihil factum est; vnde quatuor rursus Tridenti inchoatum fuit an. 1545.

Julius III. Aretinus, sedit an. 5. mens. 1. diebus 27. Sub eo continuatum est Concilium Tridentinum.

Marcellus II. Etruscus Pontificatum tantum tenuit 21. vel 22. diebus.

Paulus IV. Neapolitanus, sedit an. 4. mens. 2. dieb. 27. Post eum sedes vacauit 4. mens. Erat ex illustrissima Caraffarum familia.

Pius IV. Mediolanensis, sedit 5. an. mens. 11. 8. diebus. Sub eo finitum est Concilium Tridentinum.

S. Pius V. Insaber, sedit an. 6. mens. 3. dieb. 19. Ex Prædicatorum Ordine fuit assumptus. Vir erat sanctissimus, qui omnes Christianos, tum Persas, tum Moscouitas, tum Abyssinos armauit contra Turcas. Sub eo initum est prælium quod vocatur Lepantium, in quo Infideles à Christianis deuicti sunt.

Gregorius XIII. Bononiensis, sedit an. 12. mens. 11. Hic Kalendarium reformauit per detractionem 10. dierum in mense Octobri an. 1582. & transferens Equinoctium vernale ab 11. ad 21. diem Martij.

Sixtus V. antea vocatus Felix Perettus, ex Marcha Anconitana oriundus, & ex Minorum Ordine assumptus, sedit 5. an. 4. mens. 12. diebus. Hic purgauit Italiam Bannitis, qui infinitas exercebant immanitates. Admiranda Romæ construi fecit ædificia. Laureto nomen ciuitatis, & Sedem Episcopalem contulit, retulitque D. Didacum inter Sanctos.

Urbanus VII. Romanus, sedit tantum 15. diebus vel circiter. In Iuribus Ciuili & Canonico versatissimus erat. Cum summo omnium dolore mortuus est.

Gregorius XIV. Mediolanensis, sedit 10. mens. 10. diebus. Erat antea Episcopus Cremonensis, & ex Sfondrati familia.

Innocentius IX. Bononiensis, sedit tantum 2. mensibus, & mortuus est veneno, vt dicunt; eo quòd non tam faueret Hispanis, vt prætendebant in ipsius electione.

Cle-

Clemens VII. Florentinus ex Aldobrandinorum familia, sedit an. 1523. mens. 5. dieb. Virtuosiſſimus fuit, omnes qualitates Pontifici debitas perfectiſſimè poſſidens.

*De Summis Pontificibus decimi-septimi ſæculi.*

**L**EO XI. à Baronio pro decimo tantùm habitus, Florentinus, sedit tantùm 27. diebus; vocabatur antea Alexander *de Medicis* Archiepiſcopus Florentinus Cardinalis, qui Legationem fungens in Gallia, Franciæ & Hiſpaniæ pacem dedit apud Verximum an. 1598.

Paulus V. Rom. ex Burghesiorum familia, sedit ani 15. mens. 8. diebus 13. Semper piè vixit, ſummamque adhibuit diligentiam vt commotiones hæreticorum Germaniæ & Bohemiæ pacificaret. Nomen dedit Chriſtianiſſimo Regi Ludouico XIII.


Gregorius XV. Bononiensis, ſedit an. 2. mens. 5. Quieſci Eccleſiæ & totius orbis Chriſtiani maxime inuigilauit. Admirabili prudentia reuocauit Antonium *de Dominis* Archiepiſcopum Spalatensem in Dalmatia ab hæreſibus, quos euomuerat contra ſacram Hierarchiam & Monarchiam Eccleſiæ.

Vrbanus VIII. Florentinus, antea Cardinalis Barberinus, ſedit an. 21. De tota Chriſtianitate ſemper benè meritus fuit. Apud Henricum Magnum Legatione functus eſt, totaſque vires adhibuit, vt litigia Principum componerentur, vel pax conſeruarietur inter illos.

His nuperrimis annis in Pontifices habuimus Innocentium X. Alexandrum VII. Clementem IX. & Clementem X. feliciter hodiè regnantem; cuius conſeruatiōi inuigilare debet totus orbis Chriſtianus pro admirabili ipſius virtute & ardentiffimo zelo, quem quotidie in gubernanda Eccleſia adhibet.

Hic animaduertendum eſt, quòd alij plures Pontifices, alij pauciores admittant; cuius cauſa eſt, quòd aliqui aliquos recenſent illegitimos; alij pro canonicis illos habent; vel aliqui non adſcribunt numero Pontificum illos, qui parum in Pontificatu vixerè.

F I N I S ;









1001



